

*Буюк шоир ва мутафаккир, атоқли давлат ва жамоат арбоби Алишер Навоийнинг бебаҳо ижодий-илмий мероси нафақат ҳалқимиз, балки жаҳон адабиёти тарихида, миллий маданиятимиз ва адабий-эстетик тафаккуримиз ривожида алоҳида ўрин тутади. Улуғ шоир ўзининг шеърий ва насрый асарларида юксак умуминсоний ғояларни, она тилимизнинг беқиёс сўз бойлиги ва чексиз ифода имкониятларини бутун жозибаси ва латофати билан намоён этиб, ер юзидағи миллионлаб китобхонлар қалбидан муносиб ва мустаҳкам ўрин эгаллади.*


Жонажон Ватанимиз «Миллий тикланишдан – миллий юксалиш сари» деган бош тамойил асосида тараққиётнинг бутунлай янги босқичига қадам қўйиб, янги Уйғониш даври – Учинчи Ренессанс пойдеворини яратоётган бугунги кунда Алишер Навоийнинг безавол адабий мероси мисолида ўзбек адабиёти ва маданиятини чуқур ўрганиш ва оммалаштириш ҳар қачонгидан ҳам муҳим аҳамият касб этмоқда.

**Шавкат МИРЗИЁЕВ**

АЛИШЕР НАВОЙ НОМИДАГИ ХАЛҚАРО ЖАМОАТ ФОНДИ

# ИСТИҚЛОЛ ДАВРИ НАВОЙШУНОСЛИГИ

ЎТТИЗ ЖИЛДЛИК



“TAMADDUN”  
ТОШКЕНТ – 2021

АЛИШЕР НАВОЙ НОМИДАГИ ХАЛҚАРО ЖАМОАТ ФОНДИ

# ИСТИҚЛОЛ ДАВРИ НАВОЙШУНОСЛИГИ

ЙИГИРМА ОЛТИНЧИ ЖИЛД

\*\*\* \* \*\*\* \*\*\*

*Нодир Рамазонов*

АЛИШЕР НАВОЙ ИЖОДИДА ФАҚР: ТАЛҚИН ВА ОБРАЗ

\*\*\* \* \*\*\* \*\*\*

*Маърифат РАЖАБОВА*

АЛИШЕР НАВОЙНИНГ ШЕЪРИЙ ДУРДОНАСИ

\*\*\* \* \*\*\* \*\*\*

*Назора БЕКОВА*

АЛИШЕР НАВОЙ ШЕЪРИЯТИДА ҲАМД ПОЭТИКАСИ

*Mir Алишер Навоий таваллудининг  
580 йиллиги ҳамда Ўзбекистон Республикаси  
давлат мустақиллигининг 30 йиллигига бағишиланади*

### **ВАСИЙЛИК КЕНГАШИ**

Бекзод Мусаев, Абдурашид Жўрабоев, Абдуғафур Қирғизбоев, Беҳзод Йўлдошев,  
Озодбек Назарбеков, Абдуқодир Тошқулов, Шерзод Шерматов, Абдулазиз Комилов,  
Иброҳим Абдураҳмонов, Минҳожиддин Ҳожиматов, Низомиддин Маҳмудов,  
Иномжон Мажидов, Шуҳрат Сирожиддинов, Гулчехра Рихсиева,  
Сирожиддин Саййид, Олимжон Ўсаров

### **ТАҲРИР ҲАЙЪАТИ**

Баҳром Абдуҳалимов, Муҳаммаджон Имомназаров, Ваҳоб Раҳмонов, Муслиҳиддин  
Муҳиддинов, Иброҳим Ҳаққул, Боқижон Тўхлиев, Нусратулло Жумахўжа, Қосимжон  
Содиқов, Султонмурод Олим, Шуҳрат Ризаев, Дилором Салоҳий, Афтондил Эркинов,  
Нурбой Жабборов, Жаббор Эшонқул, Каромат Муллаҳўжаева

### **ИЖОДИЙ ГУРУХ**

Олимжон Давлатов, Дилнавоз Юсупова, Феруза Тўраҳўжаева, Акмал Фармонов,  
Диёра Абдужалирова, Ирода Эшонхонова, Орифжон Олимжанов

**Н. Н. РАМАЗОНОВ**

**АЛИШЕР НАВОЙ ИЖОДИДА  
ФАҚР: ТАЛҚИН ВА ОБРАЗ**



## КИРИШ

Жаҳон адабиётшунослигига диний-фалсафий, ижтимоий-фалсафий таълимотлар ва бадиий адабиёт ўртасидаги ўзаро ички алоқа ва муносабатларни бирламчи манбалар асосида ўрганиш, бадиий адабиётнинг ғоя, мавзу, рамз ва символлар билан бойишида диний-фалсафий таълимотлар ўрнини белгилаш муҳим илмий-назарий ва амалий аҳамият касб этади. Бу ижтимоий-фалсафий таълимотларни бадиий адабиёт билан яхлит бир бутунликда олиб қараш, сўз санъати имкониятларидан фойдаланган ҳолда умуминсоний муаммо ва мавзуларни чуқур ва ҳар томонлама англаш ва кенг жамоатчиликка етказиш имконини беради.

Дунё адабиётшунослигига тасаввувуф ва Шарқ мумтоз адабиёти муаммоларини фундаментал тадқиқ қилиш бир неча асрлик тарихга эга бўлиб, чет эл шарқшунослигининг марказида бўлиб келган масалалардан бири ҳисобланади. Бу эса Шарқ, ўзбек мумтоз адабиётини янги маълумотлар билан кенгайтириш, янгича қараш ва таҳлиллар билан бойитишига хизмат қилиши шубҳасиз. Жумладан, Алишер Навоий ҳаёти, ижтимоий фаолияти ва ижодий меросини қадимий манбалар ёрдамида тадқиқ этиш, шоир ижодининг ўзбек адабиёти тарихида тутган ўрни борасида бир қатор илмий ишлар олиб борилмоқда.

Ўзбекистон Республикаси Президенти Шавкат Мирзиёевнинг 2020 йил 19 октябрдаги “Буюк шоир ва мутафаккир Алишер Навоий таваллудининг 580 йиллигини кенг нишонлаш тўғрисида тўғрисида”ги ПҚ-4865-сон Қарори ва ундан жой олган кенг чора-тадбирлар дастури навоийшуносликни янги босқичга олиб чиқди десак муболаға бўлмас.

Навоий яшаган даврда тасаввувуф ва у билан боғлиқ қарашлар ижтимоий ҳаётнинг муҳим бир маърифий, ахлоқий, тарбиявий категорияларини белгилаб берувчи таълимот ҳисобланган. Шундай экан, шоир ижодини бу таълимотдан ажратиб ўрганишга ҳаракат қилиш мутлақо нотўғридир. Бинобарин, совет даврида Алишер Навоий ижодини ўрганиш билан боғлиқ йўл қўйилган энг катта камчилик, бу – шоир ижодини тасаввувуф таълимотидан айри ҳолда тадқиқ этишга уринилгани ва ёки унинг ижодидаги мазкур таълимот ўрнини бутунлай инкор этиш йўлидан борилганидир. Шу нуқтаи назардан олиб қараганда тасаввувуф таълимотининг муҳим бир тушунчаси ҳисобланган факр масаласи ҳам бу улкан адабий месроснинг, айтиш мумкинки, шу пайтгача етарли ўрганилмаган мавзуларидан бири ҳисобланади.

XI-XV асрларга оид тасаввувий манбаларда факр ва унинг тасаввувуф таълимотида тутган ўрни атрофлича тадқиқ этилган. Бундай манбалар сирасига Ҳужвирийнинг “Кашф ул-маҳжуబ”, Абулқосим Қушайрийнинг “Табақоти суфия”, Муҳаммад Порсонинг “Таҳқиқот”, Абу Ҳафс Умар Сухравардийнинг “Авориф ул-маориф”, Муҳаммад бин Мунавварнинг Шайх Абу Саид Абулхайрга бағищланган “Асрор ут-тавҳид”<sup>1</sup> сингари асарларини киритиш мумкин.

Замонавий адабиётшуносликда эса факр ва унинг Навоий ижодидаги ўрни масаласини ўрганишга киришиш айтиш мумкинки, ўтган асрнинг 20–30 йилларига тўғри келади. Бу

<sup>1</sup> Қаранг: Абулҳасан Али бин Усмон бин Абу Али ал-Жуллобий ал-Ҳужвирий ал-Ғазнавий. Кашф ул-маҳжуబ. Ба саъй ва эҳтимом ва тасҳихи мархуму мағфуру мабрур Валентин Жуковский. – Л., 1926; Қушайрий А. Рисолаи Қушайрий. – Истанбул, 1991. – Б. 445 (турк тилида); Ҳожа Муҳаммад Порсо. Таҳқиқот. ЎзР ФА ШИ. 1411 рақамли қўлёзма; Абу Ҳафс Умар Сухравардий. Авориф ул-маориф. – Миср: Ал-мактабат ут-тижорият ул-қабир. Санасиз; Муҳаммад бин Мунаввар. Асрор ут-тавҳид фи мақомоти Шайх Абу Саид. – Спб., 1899.

хусусда 20-йиллар охирида яратилган профессор Абдурауф Фитратнинг Аҳмад Яссавий ижодидаги фақрни ўрганиш билан боғлиқ “Яссавий ким эди?”, “Яссавий мактаби шоирлари тўғрисида текширишлар”<sup>1</sup> сингари мақолаларини санаб ўтиш мумкин. Шунингдек, ўтган аср 30-йилларида бу масалага Е.Э.Бертельс ҳам ўзининг “Навоий ва Жомий”, “Тасаввуф ва тасаввуф адабиёти” асарларида<sup>2</sup> тўхталган.

Мустақиллик йилларига келиб Ўзбекистонда Алишер Навоий ижодини ўрганиш янги босқичга қадам қўйди, десак янглишмаган бўламиз. Дарҳақиқат, ўтган йиллар давомида шоир ижоди бутунлай бошқача кўз-қарашибоссида ўрганилмоқда. Бунинг натижалари эса миллий маънавиятимизни юксалтиришга, айниқса, ёш авлодни юксак инсонпарварлик ғоялари асосида тарбиялашга хизмат қилмоқда. Шунинг учун ҳам Ўзбекистон Президенти Шавкат Мирзиёев бу масалага жиддий эътибор қаратиб: “Алишер Навоий бобомиз хотира-сига хурмат-эҳтиром кўрсатиш, ул зотнинг табаррук меросини ўрганиш, ёш авлодимизга безавол етказиш лозим”<sup>3</sup>, дея буюк шоиримиз ижодига юксак баҳо берди. Алишер Навоий ижодини замонавий адабиётшунослиқда ўрганилиши борасидаги илк одимлар ўтган аср бошларида ўзбек жадид зиёлилари томонидан ташланган. Аммо ўз даврида шахдам қадамлар билан бошланган бу хайрли иш коммунистик мафкура қаршилиги туфайли сусайди. Натижада, кўп соҳаларда бўлганидек, Алишер Навоий ижодини ўрганишга ҳам ўзига хос чекловлар жорий этилди. Шундай бўлса-да, коммунистик мафкура ҳукмронлик қилган 70 йил мобайнида навоийшунослиқда А.Фитрат, С.Айний, В.В.Бартольд, Е.Э.Бертельс, А.Н.Самойлович, П.Шамсиев, А.Ҳайитметов, А.Ҳожиаҳмедов, А.Абдуғафуров сингари ўзбек, рус олимлари томонидан салмоқли ишлар амалга оширилди. Бундан кўз юмиш мумкин эмас. Аммо, совет даврида бу улуғ шоир ижодининг айнан миллий менталитетимиз билан боғлиқ анъаналаримиз, қадриятларимиз, ислом дини, қолаверса, шу заминда вужудга келган таълимотлар билан боғлиқ жиҳатлари ўрганилмади ва ёки уларга кам эътибор қаратилди.

Замонавий ўзбек адабиётшунослигига Навоий ижодида фақр масаласини ўрганишга нисбатан қизиқиш кучайди. Бу йилларда Н.Комилов, И.Ҳаққулов, С.Рафиддинов, А.Абдуқодиров сингари олимларнинг мақола ва монографияларида бу хусусда фикрлар билдирилган<sup>4</sup>. Бироқ ҳозирга қадар Алишер Навоий ижодида фақр масаласи мумтоз адабиётшунослиқда ҳам, замонавий адабиётшунослиқда ҳам кенг кўламда маҳсус ўрганилган эмас.

Шу сабабли ҳам мазкур монографиянинг мақсади Алишер Навоий ижодида фақр маслаги ва фақир образи масалаларини миллий истиқлол мафкураси ва бугунги адабиётшунослиқдаги янгича қарашлар нуқтаи назаридан яхлит монографик аспектда тадқиқ этиш ва унинг аҳамиятини кўрсатиб беришдан иборат.

Бунинг учун қуйидаги вазифаларни ҳал этиш кўзда тутилади:

<sup>1</sup> Фитрат. Аҳмад Яссавий / Яссавий ким эди? – Т.: Халқ мероси нашриёти, 1994. – Б. 18–33; шу муаллиф. Яссавий мактаби шоирлари тўғрисида текширишлар / Яссавий ким эди. – Т.: Халқ мероси нашриёти, 1994. – Б. 33–38.

<sup>2</sup> Бертельс Е.Э. Навои и Джами. Избр. труды. Том 4. – М., 1965. – С. 214; Бертельс Е.Э. Суфизм и суфийская литература. Избр. труды. Том 3. – М., 1965. – С. 37–38.

<sup>3</sup> Шавкат Мирзиёев. Буюк келажагимизни мард ва олижаноб халқимиз билан бирга қурамиз. – Т.: Ўзбекистон НМИУ, 2017. – Б. 113.

<sup>4</sup> Қаранг: Комилов Н. Тасаввуф ёхуд комил инсон ахлоқи. 1-китоб. – Т.: Ёзувчи, 1996; шу муаллиф. Тасаввуф. Тавҳид асрори. 2-китоб. – Т.: Ёзувчи, 1999; Ҳаққулов И. Шеърият руҳий муносабат. – Т.: Адабиёт ва санъат, 1990; шу муаллиф. Тасаввуф ва шеърият. – Т.: Адабиёт ва санъат, 1991; шу муаллиф. Ирфон ва идрок. – Т.: Манъавият, 1998; Рафиддинов С. Мажоз ва ҳақиқат. – Т.: Фан, 1995; Абдуқодиров А. Навоий ва нақшбандийлик. – Кўхжанд, 1994; Абдуқодиров А. Тасаввуф ва Алишер Навоий ижодиёти: Филол. фан. д-ри ...дисс. – Т., 1998.

XI–XV асрларга оид манбалардаги фақр маслаги ва унинг жамият ҳаётида тутган ўрнига доир масалаларни ўрганиш, Алишер Навоий яшаган муҳитда фақрнинг маънавий-ахлоқий категория сифатидаги ўрни ва ролини кўрсатиб бериш;

Навоийгача яшаб, форсий ва туркий тилда ижод этган шоирлар ижодида фақир образининг яратилиши ва мазкур образнинг улар ижодида тутган ўрни, ушбу масаланинг Навоий бадиий мероси, хусусан, унинг лирик ва лиро-эпик асарларида тутган ўрнини белгилаш;

Навоий лирик асарларида учрайдиган фақир образининг Навоий лирикасида тутган бадиий-эстетик мавқеини аниқлаш;

фақир образининг Навоий лирикасидаги подшоҳ, зоҳид ва дунё образлари билан ўзаро алоқадорлигини ўрганиш орқали тасаввуф ва бадиий адабиёт масаласини ёритиш;

Алишер Навоий “Хамса”сига кирган “Фарҳод ва Ширин”, “Садди Искандарий”, “Сабъай сайёр”, “Ҳайрат ул-аброр” достонлари қаҳрамонлари яратилишида фақрнинг роли билан боғлиқ ўринлар орқали шоир ижодида фақрнинг бадиий-эстетик идеал сифатидаги ўрнини кўрсатиш;

Алишер Навоийнинг “Лисон ут-тайр” достонидаги ҳикоятларда келтирилган Шайх Санъон, Шайх Абулабbos қассоб Омулий, Шайх Баҳоуддин Нақшбанд сингари тасаввуф шайхлари образларининг фақр билан боғлиқликдаги бадиий-эстетик функциясини белгилаш.

Олиб борилган кузатиш ва тадқиқотлар давомида қуидаги масалаларга алоҳида аҳамият қаратилган, жумладан:

- тасаввуф таълимотида фақр – Ҳаққа етишга монелик қиласиган барча тўсиқлар (ўзлик, кибру ҳаво, манманлик, нафс талаблари, мол-мулк ва мансаб-жоҳ орзуси ва ҳок.)дан кечиб, қўнгилни Ҳақ назаргоҳига айлантириш эканлиги далилланган;

- тасаввуф тариқатларида фақр мақомлардан бири сифатида камолотнинг асосий йўли, соликни тарбиялашдаги асосий восита, ундан кўзланган асосий мақсад эса “урваи вусқо” (“мустаҳкам тутқич”) – Қуръон кўрсатмаларига амал қилиш, мутобиъат – пайғамбар суннатига боғланиш эканлиги далилланган, фақр шариат ва тариқатни ўзаро боғлашга хизмат қилганлиги исботланган;

- фақр лирик асар мавзуси, мотиви, образлари шаклланишида иштирок этувчи муҳим таркибий компонент сифатида бадиий матнда ўзлик, шукр, ризо, таваккул, сабр, қаноат, ирфон, фано сингари тасаввуфий тушунчаларни ифодалайдиган истилоҳлар билан айниқса фаол муносабатга киришиши асосланган;

Навоий лирикасида фақир образи подшоҳ (шоҳ), дунё ва зоҳид образлари билан контраст алоқадорликда тасвирланганлиги, фақир образи яратилган байтлар мақтаъ ёки мақтаъдан битта олдин келган байтларга тўғри келиши шоир лирикасида услуб ва бадиий метод билан боғлиқлиги далилланган;

“Садди Искандарий” достонида фақрнинг шоҳлик билан боғлиқликда талқин этилиши, “Лисон ут-тайр”даги Шайх Санъон образи тасвирида камолотнинг фақр орқали асосланиши ушбу достонларда фақр функционал жиҳатдан асар концепцияси, бадиий ғоясини шакллантирувчи, унга йўналиш берувчи масала сифатида қаралганлигини кўрсатиши исботланган.

Куидагиларни муаллиф тадқиқотнинг амалий натижалари сифатида кўради:

XI–XV асрларга доир манбалардаги фақр маслаги ва унинг жамият ҳаётида тутган ўрнига доир масалаларни ўрганиш Алишер Навоий яшаган муҳитда фақрнинг маънавий-ахлоқий категория сифатида тутган ўрни ва ролини тушуниш имконини беради;

Навоийгача яшаб, форсий ва туркий тилда ижод этган шоирлар ижодида фақир образининг яратилиши ва улар ижодида тутган ўрнини ўрганиш, ушбу масаланинг Навоий бадиий мероси, хусусан, унинг лирик ва лиро-эпик асарларида тутган ўрнини белгилаш учун асос бўлади;

Навоий лирик асарларида учрайдиган фақир образини талқин ва таҳлил этиш фақир образининг Навоий лирикасида тутган бадиий-эстетик мавқеини аниқлаш имконини беради;

фақир образининг Навоий лирикасидаги подшоҳ, зоҳид ва дунё образлари билан ўзаро боғлиқлигини таҳлил этиш тасаввуф таълимотининг ижтимоий-сиёсий ҳаётда тутган ўрнини янада чуқур тушунилишига олиб келади;

Алишер Навоий “Хамса” достонлари қаҳрамонларининг яратилишида фақрнинг роли билан боғлиқ ўринлар шоир ижодида фақрнинг бадиий-эстетик идеал сифатидаги ролини кўрсатиш имконини беради;

Алишер Навоийнинг “Лисон ут-тайр” достонидаги ҳикоятларда келтирилган Шайх Санъон, Шайх Абулабbos қассоб Омулий, Шайх Баҳоуддин Нақшбанд сингари тасаввуф шайхлари образларини фақр билан боғлиқликда тасвирлаш фақр масаласининг бадиий адабиёт ва тасаввуф таълимотидаги ўрнини белгилашга хизмат қиласди.

Монография давомида олиб борилган тадқиқот натижалари илмий ва амалий нуқтаи назардан тасаввуф ва бадиий адабиёт масалалари, тасаввуфий ғоя, образ ва рамзларнинг бадиий асардаги функцияси муаммолари, ўзбек адабиёти тарихи, хусусан, навоийшунослик масалалари бўйича янги тадқиқотларнинг яратилишида илмий-назарий асос бўлиб хизмат қиласди деб умид қиласми.

## 1-БОБ. XI-XV АСРЛАРГА ОИД ТАСАВВУФИЙ МАНБАЛАР, НАВОИЙ САЛАФЛАРИ ИЖОДИ ҲАМДА ЗАМОНАВИЙ АДАБИЁТШУНОСЛИКДА ФАҚР ТАЛҚИНИ

### 1.1. XI-XV АСРЛАРГА ОИД ТАСАВВУФИЙ МАНБАЛАР ВА ЗАМОНАВИЙ АДАБИЁТШУНОСЛИКДА ФАҚР ТАЛҚИНИ ҲАМДА УНГА МУНОСАБАТ МАСАЛАСИ

#### 1.1.1. XI-XV АСРЛАРГА ОИД ТАСАВВУФИЙ МАНБАЛАРДА ФАҚР ТАЛҚИНЛАРИ

“Фақр” атамаси фалсафий-ахлоқий тушунча мазмунида Шарқ диний, фалсафий, тасаввуй, бадиий адабиётида кенг қўлланилган. Бу сўз арабча бўлиб, унинг луғавий маъноси “қашшоқ”, “йўқсил” демак<sup>1</sup>. Шунингдек, форс-тожик, ўзбек ва турк тилларининг изоҳли луғатларида “фақр”, асосан, моддий бойликка эгалик ёки эга эмаслик нуқтаи назаридан шарҳланниб, “фақир”нинг камбағал, қашшоқ, ночор, муҳтож, йўқсил маъноларига эга эканлиги айтилган. Масалан, “Фиёс ул-луғот”да “Фақир – ҳеч нимаси йўқ, бениҳоя муҳтож, мискин”<sup>2</sup> сифатида шарҳланган бўлса, “Фарҳангি забони тожикий”даги шарҳга кўра **фақир**: 1) камбағал, қашшоқ, ночор, муҳтож; “фаний”нинг акси; 2) тиланчи, гадо; 3) камина, мен (хоккорлик юзасидан) маъноларига эгадир<sup>3</sup>. “Туркча сўзлик”да бу сўзнинг: 1) йўқсил, муҳтож; 2) заволли, камчиликли; 3) керакли миқдордан оз; 4) “мен” ўрнига камтарлик учун қўлланиладиган калима маъноларига эгалиги айтилган<sup>4</sup>. “Ўзбек тилининг изоҳли луғати”да “фақир”га “1 Моддий жиҳатдан ночор, камбағал, қашшоқ; муҳтож; 2 эск. Биринчи шахс ўринида ёки “мен”, “биз” олмошлари билан биргаликда ишлатилиб, сўзловчининг камтарлик қилаётганини ифодалайди”<sup>5</sup>, дея шарҳ берилган.

Фақрга қизиқишининг кучайиши ва кенгайиб бориши кейинчалик унинг истилоҳий маъно-моҳият касб этиши билан боғлиқdir. Истилоҳий маънода фақр нима? Фақр – тасаввуда фанодан кейинги юқори босқич, яъни тасаввув йўли (тариқат)ни тутган солик талаб, ишқ, маърифат, истиғно, тавҳид, ҳайрат, фақр водийларидан кейин охирги – фано водийсига етиб келади. Бу эса комиллик даражаси демақdir. Кўринадики, фақр ҳақиқатига етмоқ, аслида, қарийб комиллик даражасига етмоқdir.

“Қуръон”да банданинг яратувчи олдида йўқсил эканлиги ифодаланиб, фақр банданинг, бойлик эса яратувчининг сифати эканлиги уқтирилган: “Эй инсонлар! Сизлар Аллоҳга муҳтождирсизлар. Аллоҳнинг ўзигина (барча одамлардан) беҳожат ва (барча) мақтовга лойиқ зотдир” (“Фотир” сураси, 15-оят)<sup>6</sup>.

Пайғамбаримиз Мұхаммад (с.а.в) нисбат берилган “Ал-фақру фахрий” (“Фақирлик менинг фахримдир”) ҳадисида ҳам фақр “Қуръон”даги мазмунга ҳамоҳанг маъноларни ифодалайди. Унга кўра, фақрнинг фахрлигига сабаб банданинг Аллоҳга доимий муҳтожлигини билдириб, яратувчининг қудрати, бинобарин, улуғлигини ифодалашибадир.

Тасаввув аҳли бир овоздан (‘Ал-фақру фахрий’)ни ҳадис дейдилар ва пайғам-

<sup>1</sup> Баранов Х.К. Арабско-русский словарь. – М., 1977. – С. 775.

<sup>2</sup> Мұхаммад Фиёсиддин. Фиёс ул-луғот. Ч.1. – Душанбе, 1988. – С. 115.

<sup>3</sup> Фарҳангি забони тоҷикӣ. Т.2. – М., 1969. – С. 428.

<sup>4</sup> Türkçe sözlük. J.I. – Ankara, 1988. – S. 486.

<sup>5</sup> Ўзбек тилининг изоҳли луғати. 5 жилдли. Ж. 4. – Т.: “Ўзбекистон миллий энциклопедияси” давлат илмий нашриёти, 2008. – Б. 336.

<sup>6</sup> Куръони Карим. Таржима ва изоҳлар муаллифи А.Мансур. – Т., 1992. – Б. 399.

барга нисбат берадилар, аммо уни ҳадис эмас дегувчилар ҳам бор. Масалан, Ибн Таймийя “Ал-фақру фахрий” ҳадис эмас, балки мавзуъотдир дейди<sup>1</sup>. Яъни унинг фикрича, “Ал-фақру фахрий” пайғамбар ҳадиси эмас, балки унинг саҳобалари ёки бирор машҳур дин олими томонидан айтилган мавъиза, панд-насиҳат, ҳикматли сўзdir. Савол туғилади: “Ал-фақру фахрий” ҳадисми ёки ҳикматли сўз? Бизнингча, ушбу масалага ойдинлик киритиш учун Алишер Навоийнинг ўз иқрорига мурожаат қилиш ва унинг бу хусусдаги тўхтами орқали масалага ойдинлик киритиш муҳимдир. Алишер Навоий “Тұхфат ул-афкор”да ёзади:

*Раҳ суи Ҳақ беҳад, аммо ҳаст ақриб роҳи фақр,  
Баҳри онк-“Ал-фақру фахри” гүфтаи пайғамбар аст<sup>2</sup>.*

(Мазмуни: Ҳаққа олиб борадиган йўллар беҳад кўп, аммо фақр шу йўлларнинг энг яқинидир, чунки пайғамбар “Фақирлик менинг фахримдир” деди).

Ёки “Хазойин ул-маоний”даги қитъаларидан бирида унинг:

*Поя мундин бийик ўлмаски, рисолат хатми,  
Фақрнинг нисбатида фахрға қилди тасдиқ<sup>3</sup> –*

сингари эътирофига дуч келамиз. Ушбу эътирофга кўра, “поя” – инсон эришиши мумкин бўлган мақом, даража фақрдан улуг, аъло бўлиши мумкин эмас, чунки “рисолат хатми” – Муҳаммад (с.а.в) пайғамбар фақрнинг фахр эканлигини тасдиқлади (ёки “Фақирлик менинг фахримдир” деди). Рисолат келтирган барча элчиларни хотималаган хотимат ул-анбиёнинг фақрни фахр деб билиши, Навоий эътирофича, фақрнинг юксак мақомлигига далолат қилмоқда.

Маълум бўладики, Навоий “Ал-фақру фахрий”ни ҳадис деб билган ва шу нуқтаи назардан унга ёндашган.

Навоий ижодидаги фақир образини ўрганиш учун фақрнинг Шарқ халқлари фалсафий, ахлоқий, эстетик тафаккурида тутган ўрнини белгилаб олиш муҳимдир. Бунинг учун эса фақр ҳақидаги тасаввуф таълимоти намояндалари қарашларини, қолаверса, Навоий ўқиган, илҳомланган ва ижодий таъсирланган манбаларни ўрганиш ҳамда ўша манбалардан келиб чиқиб Навоийнинг фақр борасидаги қарашларига ёндашиш тўғридир. Навоий дунёқарашини текширишда бундай манбалар ролини ўз вақтида Е.Э.Бертельс ҳам қайд этиб ўтган эди<sup>4</sup>.

Навоий бир қатор насрий, илмий-тариҳий, биографик ва эпик асарларида ўзи ўқиган китобларни санаб ўтади. Улуғ мутафаккир қайд этган муҳим эътирофлар, айниқса, унинг “Хамсат ул-мутаҳайирин” ва “Насойим ул-муҳаббат” сингари асарларидан ўрин олган.

<sup>1</sup> Қаранг: Ферузонфар, Бадиъуззамон. Аҳодиси “Маснавий”. – Техрон: Донишгоҳи Техрон, 1334 ҳ.ш. – С. 23 (форс тилида).

<sup>2</sup> Алишер Навоий. Ситтай зарурия. Тұхфат ул-афкор. Нашрға тайёрловчи Ҳ.Сулаймон / Адабий мерос (Хужжат ва тадқиқотлар). 1-китоб. – Т., 1968. – Б. 260.

<sup>3</sup> Алишер Навоий. Хазойин ул-маоний: Наводир уш-шабоб. Муқаммал асарлар тўплами. 20 томлик. Т.4. – Тошкент, 1989. –Б. 513. Ушбу кўптомликнинг 3-томи “Ғаройиб ус-сиғар” (Тошкент, 1988), 5-томи “Бадоеъ ул-васат” (Тошкент, 1990), 6-томи “Ғавойид ул-кибар” (Тошкент, 1990) девонлариридир. Тадқиқот учун мисоллар ушбу нашрдан олинниб, бундан кейин иқтибос олинган матн парчаси остида фақат девон номи қисқартирилган ҳолда ва саҳифаси (қавс ичидаги) кўрсатиб борилади.

<sup>4</sup> Қаранг: Бертельс Е.Э. К вопросу о мировоззрении Навои / Бертельс Е.Э. Навои и Джами. Избр. пр. Том 4. –М., 1965. –С. 447-449.

Масалан, у “Хамсат ул-мутаҳайирин”да Жомий раҳбарлиги остида “Лавоен”, “Лавомеъ”, “Шарҳи рубоиёт”, “Ашиъа ул-ламаот”, “Нафаҳот ул-унс”, “Шавоҳид ун-нубувват”, Хожа Муҳаммад Порсонинг “Кудсия”, Фахриддин Ироқийнинг “Ламаот”, Хожа Убайдуллоҳ Ахрорнинг “Рисолаи волидия”, Хожа Абдуллоҳ Анзорийнинг “Илоҳийнома”си каби фалсафий-тасаввуфий асарларни ўқиганлигини айтади<sup>1</sup>. Ушбу асарлар, уларнинг моҳияти ва Навоий ижодига кўрсатган ғоявий, ирфоний, бадиий таъсирлари масалалари А.Абдуқодировнинг “Навоий ва нақшбандийлик” рисоласида батафсил ёритилган<sup>2</sup>.

“Насойим ул-муҳабbat”да эса жами 100 дан ортиқ китоб номлари зикр этилган бўлиб, улар орасида Ҳужвирийнинг “Кашф ул-маҳжуబ”, Қушайрийнинг “Рисолаи Қушайрий”, Суламийнинг “Табақот ус-суфия”, Абдуллоҳ Анзорийнинг “Манозил ус-соирин”, Муҳаммад бин Мунавварнинг “Асрор ут-тавҳид”, Абу Исҳоқ Дехлавийнинг “Асрор ул-авлиё” асарлари ни алоҳида санаб ўтиш мумкин<sup>3</sup>.

Абулҳасан Али бин Усмон Ҳужвирий (ваф. тахм. 467/1074) ўзининг “Кашф ул-маҳжуబ” асарида фақрга маҳсус икки боб ажратади. Уларнинг бири “Боб ал-фақр” деб номланган бўлса, иккинчиси “Ал-боб ул-ихтилофахум фил-фақр вал-суфувват” (“Фақирлар ва сўфийлар орасидаги ихтилофлар боби”) деб номланган. “Фақр боби”да у ёзади: “Билгилки, Аллоҳ йўлида фақирлик улуғ мартабадир ва дарвешлар юксак қалб эгалариidlар. Расул (с.а.в) фақрни ихтиёр қилди ва дедиким, Аллоҳим, мени мискин сифатида яшат, мискин ўлароқ ўлдир ва маҳшар куни мискинлар орасида тирилтири”<sup>4</sup>.

Ҳужвирий фақр маслагининг ибтидосини пайғамбар масжиди ва аҳли суффа билан боғлайди. Унингча, дунёнинг барча ҳою ҳавасларидан кечиб, худо ва пайғамбар ризолигини истаб, туну кун масжиди набавияда зикру ниёз билан машғул бўлган аҳли суффа фақр маслагининг тамал тошини қўйган жамоадир: “Худованд таоло фақрга улуғ мартаба ва даража ато этди ва фақирларни ушбу даражаю мартабанинг эгаси қилди. Улар зоҳирий ва ботиний асбоб (яралмиш, ҳосила)ни тарқ этиб ўз назарларини мусаббиб (сабабчи, Аллоҳ) га қаратдилар, натижада уларнинг фақрлари фахрга айланди”<sup>5</sup>. Шуни ҳам таъкидлаш лозимки, Ҳужвирийнинг ушбу қарашини ҳадислар ҳам тасдиқлади. Масалан, “Саҳиҳи Бухорий”да шундай ҳадис ривоят қилинади: “Анас разияллоҳу анҳу қуйидаги ҳадисни келтирадилар: “Ақл қабиласидан бир жамоа кишилар Жаноб Расулуллоҳ саллаллоҳу алайҳи васалламнинг ҳузурларига келди, улар Масжид ун-Набий супасида яшаб турганди. Абдурраҳмон ибн Абу Бакр: “Супада яшовчи кишилар **фақирлар** (таъкид бизники – Н.Р.) эрди”, – дейди”<sup>6</sup>. Шарқшунос Г.М.Керимов ёзади: “Маълумки, илк сўфий-зоҳидлар бойлиқдан нафратланардилар ва фақрни афзал билардилар”<sup>7</sup>. Муаллиф юқоридаги ҳадисни келтириб, уларни “сўфий” деб атардилар, бир гуруҳ олимлар тасаввуфнинг пайдо бўлиши ва “тасаввуф” истилоҳининг этимологиясини ушбу жамоа ва “суффа” сўзи билан боғлайдилар, дейди<sup>8</sup>.

<sup>1</sup> Алишер Навоий. Хамсат ул-мутаҳайирин. МАТ. 20 томлик. 15-том. Тошкент, 1999. –Б. 72-73.

<sup>2</sup> Қаранг: Абдуқодиров А. Навоий ва нақшбандийлик. –Ҳўжанд, 1994. –Б. 41-68.

<sup>3</sup> Қаранг: Рамазонов Н. “Насойим ул-муҳабbat” ва унинг манбалари // Ўзбек тили ва адабиёти. 2001. №1. –Б. 14-19.

<sup>4</sup> Абулҳасан Али бин Усмон Ҳужвирий. Кашф ул-маҳжуబ. Форсий илмий-танқидий матн, изоҳ ва кўрсаткичлар муаллифи В.А.Жуковский. –Л., 1926. –Б. 21.

<sup>5</sup> Ўша жойда.

<sup>6</sup> Абу Абдуллоҳ Муҳаммад ибн Исмоил Ал-Бухорий. Ҳадис: 4 китоб. 1-к. Ал-жомиъ ас-саҳиҳ (Ишонарли тўплам). –Т.: Қомуслар Бош таҳририяти, 1991. –Б.133

<sup>7</sup> Керимов Г.М. Аль-Газали и суфизм. –Баку: Элм, 1969. –С.32.

<sup>8</sup> Ўша жойда.

Хужвирий фақрни таснифлар экан, расмий ва ҳақиқий фақр мавжудлигини қайд этади. Унингча, расмий фақр киши ихтиёридан ташқари бўлган қашшоқлик, камбағаллик, но-чорлик, ҳақиқий фақр эса фақирлик йўлини ихтиёрий равишда тутишдир: “Ул кишиким, расмий фақр эгаси бўлди, фақирликнинг фақат суратини кўрди, фақир исмигагина эга бўлди, аммо мақсадга ета олмади ва ҳақиқатдан узоқлашди. Ул кишиким, фақр ҳақиқатини топди мавжудотдан юз бурди, фанои куллдан ўтиб, бақои куллга эришди”. Хужвирий ҳақиқий фақирни таърифлаб ёзади: “Ҳақиқий фақир ул кишиким, унинг ҳеч нарсаси бўлмагай ва ҳеч нарсадан унга халал бўлмагай. Дунё асбобининг мавжудлиги унинг ғанийлигига сабаб эмас ва мавжуд эмаслиги муҳтожлигининг боиси эмас. Дунё асбобининг буду нобудлиги фақирнинг қархисида бир сондир, балки нобудлигидан кўпроқ хурсандроқдир. Чунки машойихлар дарвешки, неча тангдастроқдир – ҳол анга зиёдароқдир, демишлар. Сабаби дарвеш қўлидаги молининг миқдорича ўз қўлини банд этади: кўп бўлса – кўпроқ, кам бўлса – камроқ”<sup>1</sup>. Хужвирийнинг қарашича, Ҳақ дўстларининг тирикчилиги Ҳақнинг яширин лутфи ва илҳомбахш асрори туфайлидандир, дунёи ғаддор ва саройи фужжор туфайлидан эмас. Дунё матоъи ризо йўлидан қайтаргувчидир. Ривоят қилишларича, дейди у, бир дарвеш подшоҳ билан суҳбатлашар эди. Подшоҳ унга ҳожатинг бўлса айтким,раво айлагум деди. Дарвеш дедики, мен ўз бандаларим бандасидан ҳожат раво кўрмасман. Подшоҳ ундан, бу нима деганинг, деб сўради. Дарвеш жавоб бериб айтдики, менинг икки бандам борки, улар сенинг худоингдурлар: бири хирс ва яна бири беҳуда хаёл<sup>2</sup>.

Абулҳасан Хужвирийнинг устози Абулқосим Қушайрий (ваф. 465/1073)нинг айтишига кўра эса: “Соликни Аллоҳга восил этадиган йўллар кўқдаги юлдузларнинг сонидан ҳам кўп эди. Энди ўша йўллардан фақат фақр қолди, зотан йўлларнинг энг тўғриси ҳам шудир”<sup>3</sup>. Яна унинг эътирофича, “Фақр – авлиёнинг шиори ва асфиё (сўфийлар)нинг ҳалоллиги (ҳиллияти)дир. Ҳақ субҳонаху ўз хос бандалари, атқиё ва анбиёга фақрни ихтиёр этди ва фақирлар қалбини ўз асрори нуридан мунаvvар айлади. Шунингдек, Ҳақ халқни фақирлар воситасида кўриб, уларнинг баракотидан инсонларнинг ризқини зиёда қилди. Фақирлар Аллоҳнинг собир бандалари бўлиб, улар қиёмат куни Ҳазрати Набий (с.а.в)дан хушхабар эшитгайлар”<sup>4</sup>.

Машхур сўфий ва тасаввуф олими Абу Наср Саррож “Ал-лумаъ” асарида фақрни “шариф мақом” сифатида тилга олади ва Иброҳим бин Аҳмад ал-Хавоснинг қуийдаги эътирофини келтиради: “Фақр – улуғлик ридоси, пайғамбарлар либоси, солиҳлар ёпинчиғи, тақводорлар тожи, мўъминлар зийнати, орифлар ғанимати, итоатлилар қўргони, муридлар инъоми, ҳасанотлар муazzами, даражаларнинг юксаги, жабборнинг ризоси, улуғлар ва валийларнинг кароматидир”<sup>5</sup>.

“Ал-лумаъ”да фақирлар уч табақага бўлиб тасниф қилинган. Биринчи табақа фақирларнинг шундай жамоасики, улар дунё молидан ҳеч нарсага эга эмаслар, на зоҳирда, на ботинда бирор нарса талабида бўлмайдилар, агар уларга бирор нарса берилса олмайдилар ва бу муқарраблар мақомидир. Иккинчи табақага мансуб фақирлар бирор нарсанинг эга-

<sup>1</sup> Абулҳасан Али бин Усмон Хужвирий. Кашф ул-маҳжуб. Форсий илмий-танқидий матн, изоҳ ва кўрсаткичлар муаллифи В.А.Жуковский. -Л., 1926. -Б.23.

<sup>2</sup> Ўша жойда.

<sup>3</sup> Қушайрий А. Рисолаи Қушайрий. -Истанбул, 1991. -Б.445.

<sup>4</sup> Ўша жойда, 440-бет.

<sup>5</sup> Ал-Саррож ат-Тусий, Абу Наср. Ал-лумаъ фит-тасаввуф. Нашрга тайёрловчи Р.Никольсон. Лейден: Брилл, 1914. -Б. 47-48 (араб тилида).

си эмаслар, ҳеч кимдан ҳеч нарса сўрамайдилар, талаб қилмайдилар, бирор нарса берилса оладилар. Саҳл бин Абдуллоҳ дейдики: Фақири содик улким, сўрамағай ва рад этмагай ва ғамламагай. Бу сиддиқлар мақомидир. Учинчи табақа фақирлар ҳеч нарсанинг эгаси эмаслар, бироқ бирор нарсага эҳтиёж сезсалар тариқат аҳлидан бўлган баъзи биродарларга ўз эҳтиёжлари юзасидан мурожаат қилишдан тортинмайдилар. Бу фақрдаги содиклар мақомидир.

Яна бир тасаввуф олими Исмоил бин Муҳаммад Мустамалий Бухорий “Шарҳи таъарруф” асарида фақр масаласига муфассал тўхталади. У ёзади: “Билгилки, фақр улуғ асослардандир ва бу тоифа (суфийлар – Н.Р.) мазҳабининг асоси фақрдир. Фақрнинг асоси ниёзмандлик ва банда ҳеч бир ҳолатда ниёзмандлиқдан холи эмас, чунки бандалик молик (эга, хўжайин) бўлмаслиқдир ва ҳар кимки молик эмас мамлук (кул, тобе)дир, бинобарин, мамлук ўз моликига доим муҳтождир. Ғанийлик Ҳақнинг сифати ва ҳақиқатидир, фақирлик эса ҳалқнинг сифати ва ҳақиқатидир. Банда агар бутун дунё эгаси бўлганда ҳам камбағалдир; Ҳақ агар барча оламлар йўқ бўлганда ҳам ғанийдир, чунки ғанийлик Ҳақнинг ўзлиги (зотий сифати)дир ва фақирлик банданинг ўзлиги (зотий сифати). Ғанийлик Ҳақ ўзлиги экан, мулкнинг нобуд бўлишидан у фақир бўлиб қолмайди, фақр эса банданинг ўзлиги экан, мулкнинг мавжудлиги бандани ғаний қилолмайди, чунки то зот мавжуд экан, унинг ҳукми барқарордир. Ҳақтала-блиқдаги ҳар қандай фақирлик ғанийликдир, чунки, Ҳақ ғанийдир ва фақир унга етса ғанийга айланади. Банда Ҳақ йўлида фақирлик ихтиёр этса ғайриҳақдан (ҳақдан ўзгасидан) айрилади, жудо (мустағний) бўлади, бинобарин, ғайриҳақдан жудо бўлса, Ҳақ билан бой (ғаний) бўлади. Авом наздида ғино мулкнинг мавжудлиги, фақр эса йўқлигидир, ҳақиқат аҳли наздида экан ғино мулкнинг йўқлиги, фақр мулк мавжудлигидир. Чунки ғайриҳақдан жудо бўлган банда Ҳаққа етади ва Ҳақ соҳиби қачон фақир бўлиши мумкин? Ғайриҳаққа юз бурган Ҳақдан узоқлашади ва Ҳақдан айро тушган киши қандай қилиб ғаний аталиши мумкин?”<sup>1</sup>.

Яна бир тасаввуф олими Муҳаммад бин Мунаввар ўз устози Абусаид Абулхайрнинг мақоми шарҳига бағишлиб ёзган “Асрор ут-тавҳид фи мақомоти Шайх Абу Саид”<sup>2</sup> асарида келтиришича, бир дарвеш сухбат асносида шайхдан фақр устунми (*афзал*), бойликми (*ғино*), деб сўрайди. Шунда шайх табассум қилиб жавоб беради: “Афзал (устунлик) ва акмал (юқорилик) шариат тушунчаларидир. Тариқат ва ҳақиқат йўли йўловчисининг муддаоси экан Ҳақ назарига эришмоқдир. Ҳар кимга Аллоҳнинг назари тушса, унинг бойлиги фақрга, фақри (камбағаллиги) экан ғинога (бойликка) айланади”<sup>3</sup>. Демак, шайх Абусаид Абулхайрнинг қарашича, шариат нуқтаи назаридан фақирлик ва ғанийлик кескин фарққа эга, тариқатда экан масалани Аллоҳнинг бандага назари ва ризолиги ҳал қиласи.

Худди шу асарнинг бошқа бир ўрнида айтилишича, Абусаид Абулхайрдан фақр ҳақида сўралганида у: “Ҳақиқий фақир шуки, унинг ҳеч нарсаси бўлмайди. Бинобарин, киши ўзини ҳақир ва хор ҳис қилмагунча унга фақир исмини фақат номигагина қўллаш мумкин (яъни у фақат мажозан, юзаки қарагандагина фақирдир, моҳиятда эмас – Н.Р.)”<sup>4</sup>, – дея жавоб берган экан.

<sup>1</sup> Исмоил бин Муҳаммад Мустамалий Бухорий. Шарҳи таъарруф. Жилди 3. –Лакҳну: Нувал Кишвар, 1328. –С. 118.

<sup>2</sup> Навоий ушбу маноқиб билан таниш бўлган. У “Насойим”да ушбу асарга кўп мурожаат қилиб, уни “Шайх Абусаид Абулхайр маноқиби” деб атайди.

<sup>3</sup> Ҳолот ва суханони Шайх Абусаид бин Фазлуллоҳ бин Абулхайр. Муаллифи номаълум. –Спб., 1899. –Б. 63 (форс тилида).

<sup>4</sup> Муҳаммад бин Мунаввар. Асрор ут-тавҳид. –Спб., 1899. –Б.411.

Суҳравардия тариқатининг намояндаси Иззуддин Маҳмуд бин Али ал-Кошоний (ваф. 735/1334) ўзининг “Мисбоҳ ул-ҳидоя ва мифтоҳ ул-кифоя” асарида фақрга маҳсус фасл бағишилайди. Унингча, ҳақиқат йўлининг йўловчиси зуҳд мақомидан кейин фақр мақомига қадам қўяди ва фақр “адами тамаллук” – мулкка эга бўлмасликдир. Аммо токи кишида дунёга рағбат мавжуд экан, қўлида ҳеч мол-мулк бўлмаса-да, фақирлик мақомига эришолмайди. Чунки ҳеч қандай мулкка эга бўлмаса-да, кўнглида дунёга рағбат мавжуд кишига “фақир” исмини бериш жоиз эмасдир”<sup>1</sup>. Демак, бундан хулоса қилиб айтишимиз мумкинки, фақр – мол-мулкни тарқ этиш эмас, балки унга бўлган рағбатни тарқ этиш, кўнгилдан мол-мулк муҳаббатини суғуриб ташлашдир.

Кошонийнинг яна айтишича, фақр исмий, расмий ва ҳақиқий бўлиб, исмийси кўнгилда мол-мулкка рағбат бўла туриб, қўлда унинг мавжуд эмаслигидир; расмийси зоҳидлик оқибатида мулкни тарқ этишдир; ҳақиқийси мулкка эгалик имконининг бўлмаслигидир, яъни ҳақиқат аҳли барча ашёни Аллоҳ тасарруфида деб билганлари оқибатида уларга эгалик имконини ҳам ундан бошқага раво кўрмайдилар. Ҳақиқат аҳлининг фақирлиги уларнинг ўзлиги бўлиб, мол-мулкнинг бор ёки йўқлиги уларнинг ҳолларини ўзгартира олмайди. Агар тақдир тақозоси билан бутун дунё моли уларнинг қўлларида тўпланиб қолса, улар ўзларини унинг эгаси деб тасаввур қилиш фикридан йироқ бўладилар. Фақр ҳақиқатидан бехабар расмий фақр эгалари фақрдан асар ва нишон топмайдилар ва фақрнинг маъноси улар ўзлигининг жавҳарига айланмади. Уларнинг фақрлари юзаки бўлиб, қўлларига молнинг тўпланиб қолиши улар ҳолларининг ўзгаришига сабабчи бўлади ва улар ўзларини ушбу молнинг эгаси сифатида кўрадилар.

Суҳравардия тариқатининг асосчиларидан Шаҳобиддин Абу ҳафс Умар Суҳравардий (1145-1234) “Авориф ул-маориф” (“Орифлар маърифати”) асарида фақрга маҳсус фасл ажратади ва машхур сўфийларнинг фақр борасида билдирган фикрларини келтириш орқали масалага ойдинлик киритади. У ёzádi: “Каттоний айтадики, Аллоҳ йўлида хизматни жойига қўйиш учун у яратган нарсаларга кўнгил бермасликка эришмоқ лозим, чунки яралганларга нисбатан эҳтиёжсиз бўлмай туриб, Яратганга хизмат қилишни ҳадди камолига етказиб бўлмайди”<sup>2</sup>.

Абулмағоҳир Яҳё Боҳарзий “Аврод ул-аҳбоб ва фусус ул-одоб” асарида тасаввуф аҳлиниң фақр афзалми, ғиноми баҳсига муносабат билдириб ёzádi: “Машойихлар фақрни гинодан афзал дейишган, бироқ қачонки фақр ризо билан омухта бўлса. Еру осмон хазиналарининг калитини Расулуллоҳ қўлига тутқаздилар ва дедиларки, ҳаддинг сиққунича ол ва бу билан сенинг пайғамбарлик рутбанг пашшанинг қанотича ҳам кам бўлмагай. Расулуллоҳ эса фақрни ихтиёр қилди ва Жаброил ҳам унга тавозуъ қил ва фақрни ихтиёр айла, деди”<sup>3</sup>. Боҳарзий фақрни учга: *жамолий фақр, жалолий фақр, камолий фақрга бўлади*. Булар асмои ҳуснадаги Оллоҳ исмларига мос келиб, жамол – чирой, жалол – қудрат, камол – мукаммалликка тўғри келишини таъкидлаган муаллиф, жамолий фақрнинг Ҳазрати Исо алайҳиссалом мақоми, жалолий фақрнинг ҳазрати Мусо алайҳиссалом мақоми, камолий

<sup>1</sup> Кошоний, Иззуддин Маҳмуд бин Али. Мисбоҳ ул-ҳидоя ва мифтоҳ кифоя. Ба тасҳеҳи Жалолиддин Ҳумоий. –Техрон: Чопхонаи Мажлис, 1323. –С. 376 (форс тилида).

<sup>2</sup> Суҳравардий, Абу Ҳафс Умар. Авориф ул-маориф. Миср: Ал-мактабат ут-тижорият ул-кабир. Санасиз. – Б.494.

<sup>3</sup> Боҳарзий, Абулмағоҳир Яҳё. Аврод ул-аҳбоб ва фусус ул-одоб. Ба кўшеши Э.Афшор. –Техрон: Донешгоҳи Техрон, 1345. –С. 11 (форс тилида).

фақр эса ҳазрати Мұхаммад алайхиссалом мақоми эканлигини ва уларни эгаллаш фақат комил инсонларгагина хослигини қайд этади<sup>1</sup>.

Шайх Мұхаммад Лоҳижий (ваф. 912/1506) Мағмуд Шабустарийнинг “Галшани роз” асари шарҳига бағишиланган “Мафотиҳ ул-эъжоз фи шарҳи Гулшани роз” асарида Шабустарийнинг:

*Саводи важҳи фид-дорайни дарвеш,  
Саводи аззам омад бекаму беш, –*

байти муносабати билан фақрга махсус түхталади. Унинг ёзишича: “Сўфийлар тилида фақр фанои филлоҳ (Аллоҳ йўлида ўзлигидан батамом кечиш), яъни қатранинг дарёга қўшилишидан иборат бўлиб, бутариқат йўлининг охири ва комиллар эришган мартабадир”<sup>2</sup>.

Нақшбандия тариқатида ҳам фақр катта аҳамият касб этган. Нақшбандия тариқати муршидлари фақрга инсон маънавий камолотининг муҳим нуқтаси сифатида қараганлар, ўзлари ҳам ҳаётда фақр тамойилларига риоя қилиб яшашга интилганлар<sup>3</sup>. Нақшбандия тариқати ҳақида баҳс этилган кўпгина маноқиб, мақомот ва ҳолот китобларида бунинг мисолларини кўришимиз мумкин.

Абулмуҳсин Мұхаммад Боқир ибн Мұхаммад Али “Мақомоти Хожа Баҳоуддин Нақшбанд” номли асарида Хожа Алоуддин Аттор тилидан шундай нақл келтиради: “Ҳазрати Хожа Алоуддин Атторнинг нақл қилишича, ҳазрати хожамиз (Баҳоуддин Нақшбанд – Н.Р.)нинг йўллари фақр йўли эди. Дунё ва унга тааллуқли нарсаларни тарк этиш, ҳамма нарсадан қўл ювиш (тажарруди куллий), Аллоҳдан бошқанинг инкори (нафийи мосавий) уларда мавжуд эди. Уларнинг муборак нафас (анфоси қудсия)лари фақирлик ихтиёри ва фуқаро муҳаббати ҳақида бўлиб, эҳсонлари жуда юқори эди. Улар: “Биз нимаики топсак, шундан (яъни фақрдан – Н.Р.) топдик”, – деб айтар эдилар”<sup>4</sup>.

Салоҳ бин Муборак ал-Бухорий қаламига мансуб “Анис ут-толибин” (“Толибларнинг дўсти”) номли маноқибда ҳам ушбу парча худди шу шаклда берилади<sup>5</sup>. Таъкидлаш лозимки, юқоридаги қайд Баҳоуддин Нақшбанднинг сўфийликдаги мақомлари тавсифига бағишиланган тўрт қисмли ушбу асарнинг “Ҳазрати хожамизнинг ҳоллари, сўзлари, хулқларининг сифати, тариқат ва сулукларининг нисбати, суҳбатлари ва толибларга муомалаларининг кайфияти, латиф мажлисларида муборак лафзларидан ўтган ҳақиқатлар баёнида” деб номланувчи учинчи қисми бошидан ўрин олган. Ушбу қисмда муаллиф Баҳоуддин Нақшбанд ва нақшбандия тариқатининг асосларини баён қиласи ва сўзни фақрдан бошлайди. Бу бежиз эмас эди, чунки Хожа Баҳоуддин ва нақшбандийлар фақр ҳолини барча ҳолларнинг боши, фақирлик мақомини эса мақомларнинг энг улуғи деб ҳисоблаганлар.

Нақшбандия тариқатида ҳам фақр таснифларига эътибор берилади. “Анис ут-толибин”да Хожа Баҳоуддин тилидан айтилишича: “Шайх Аҳмад Жомий буюрадиларки, фақр икки навъ (хил)дир: фақри ихтиёрий ва фақри изтиорорий (ихтиёрдан ташқари). Ихтиёр-

<sup>1</sup> Ўша жойда, 38–39-бетлар.

<sup>2</sup> Шайх Мұхаммад Лоҳижий. Мафотиҳ ул-эъжоз фи шарҳи “Гулшани роз”. Бо муқаддимаи Кайвон Сомиъий. – Техрон: Маркази нашри интишороти Саъдий, 1374. – С. 99.

<sup>3</sup> Қаранг: Абдуқодиров А. Навоий ва нақшбандийлик. – Хўжанд, 1994. – Б. 68–81.

<sup>4</sup> Абулмуҳсин Мұхаммад Боқир ибн Мұхаммад Али. Баҳоуддин Балогардон. – Тошкент: Ёзувчи, 1993. 54-бет.

<sup>5</sup> Қаранг: Салоҳ бин Муборак ал-Бухорий. Анис ут-толибин ва уддат ус-соликин. ЎЗР ФА ШИ. Кўлёзма № 8288. 32<sup>а</sup>-варак.

дан ташқари фақирлик (изтиорий) ихтиёрий фақирлиқдан устундир, чунки бу ҳолатда Ҳақ ихтиёри банда устида бўлади”<sup>1</sup>. Яъни ихтиёрий фақирлиқда банданинг ихтиёри ўзида бўлади ва у танлаш ҳуқуқига эга. Изтиорий фақирлиқда эса унинг барча инону ихтиёри Ҳақ иродасига тобе. У ғино ё фақр, дунё ё Ҳақ жамолини танлаш ҳуқуқидан маҳрум. Аммо бу маҳрумлик Ҳақ иродаси билан вужудга келган, бинобарин, маҳрумлиқда Ҳақ иродаси ўз аксини топган. Бу ҳолатни эса сўфийлар жуда қадрлашган.

Шунингдек, фақирлик афзалми сўфийликми масаласи ҳам турли баҳсу мунозараларга сабаб бўлган. Бир гуруҳ машойихлар фақирлиқни устун қўйишса, бошқа гуруҳ сўфийлик устун дейишган. Фақрни суфувватдан устун қўювчиларнинг эътирофига кўра, фақр – фанои кулл ва Ҳақ асрорининг ниҳоясидир, сўфийлик эса фақр мақомларидан бир мақом, холос. Бинобарин, фақр туфайлидан фано ҳосил бўлгач, барча мақомлар, жумладан, сўфийлик ҳам ўз аҳамиятини йўқотади. Яъни фақрни эгаллаган, фақирлик йўлини тутган кишига сўфийликнинг ҳожати йўқ. У фақр орқали асл мақсадга – Ҳақ жамолига етиб бора олади. Сўфийлик афзал дегувчилар эса, “фақр мавжуд нарсадир (яъни кишининг фақирлиги унинг ўзлиги ҳали мавжудлигидан далолатдир), сўфийлик эса барча мавжудотдан софлик (кўнгилдан Ҳақ дан ўзга барча нарсаларни чиқариб ташлаганлик)дир. Бинобарин, сафо айни фанодир ва фақр айни ғино (чунки фақир “фақир” исмига эга бўлиш билан ғанийдир). Фақр – мақомнинг исми, суфувват эса комилликнинг номидир”<sup>2</sup>.

Хожа Муҳаммад Порсонинг моҳият эътибори билан “Фасл ул-хитоб”га ўхшаб кетадиган бошқа бир асари “Таҳқиқот”да эса тасаввуф ва ислом дунёсининг йирик намояндалари Абу Ҳомид ал-Ғаззолий (ваф. 505/1111), Абу Муҳаммад Рўям, Каттоний, Нурий, Ибн Жало, Абу Сулеймон Доройиний қарашларига таянган ҳолда фақр ҳақиқатлари баён этилади. Хожа Муҳаммад Порсо Имом Ғаззолийнинг фақр борасидаги қарашларини баён қилишдан олдин, ҳужжат ул-ислом дин ва тариқат йўлиниң моҳиятини инсон ва Ҳақ, дунё ва охират ўртасидаги муносабатлар ташкил этади, дея ҳисоблаганлигини айтади<sup>3</sup>. Унинг ёзишича, улардан иккиси айрилмоқни (жастан), иккиси эса етмоқни (жустан) талаб этади<sup>4</sup>. Бинобарин, тариқат ўз нафси чегараларидан чиқиб Ҳаққа етмоқ, дунёдан кечиб охиратга қўшилмоқдир. Бунинг учун ўз нафсидан Ҳаққа, дунёдан охиратга юз бурмоқ лозим бўлади. Бу эса фақр ва зуҳд демакдир<sup>5</sup>.

<sup>1</sup> Ўша манба, 93<sup>б</sup>-варақ.

<sup>2</sup> Хожа Муҳаммад Порсо. Фасл ул-хитоб. ЎзР ФА ШИ, 1411 рақамли қўлёзма, 150<sup>б</sup>-в. Шу нарсани алоҳида қайд этиш керакки, мазкур асардаги ушбу қарашлар “Кашф ул-маҳжуб” билан айнан бир хил, кўп ўринларда эса уларнинг такорори бўлиб келади. Бироқ биз учун улар нақшбандия тариқатининг намояндалари асарларида учраши билан аҳамиятилди. Аммо Хожа Муҳаммад Порсо фақрга доир фикрларни “Кашф” асосида келтириш билан чекланмасдан уларни ривожлантиришга ҳам ҳаракат қилган. Бу айниқса, унга замондош тасаввуф аҳлининг фақрга етарли эътибор бермаётганликларидан нолишида намоён бўлади. Бир ўринда у ўз замони ва замондошлари ҳақида гапириб: “Ағусски, бизнинг замонимизда на ҳақиқий фақр қолди, на ҳақиқий фақирлар. Шу боис ҳам ҳақталаблик йўлига кирган соликлар асл мақсадга етиб бора олмаяптилар”, – дейди ва нақшбандия тариқатининг ислоҳини яна фақр асосларига қайтишда кўради.

<sup>3</sup> Хожа Муҳаммад Порсо. Таҳқиқот. ЎзР ФА ШИ. 1411 рақамли қўлёзма, 164<sup>а</sup>-в.

<sup>4</sup> “Жастан ва жустан”ни – “йўқотмоқ ва топмоқ”, “узилмоқ ва қўшилмоқ” деб ҳам таржима қилиш мумкин.

<sup>5</sup> Имом Ғаззолий фақр ва зуҳдни кўп вақтда ёнма-ён кўяди ва зуҳд деганда ҳақиқий зоҳидликни назарда тутади (масалан, “Ихё” ёки “Кимё” да). Навоийнинг зуҳд ва зоҳидликка муносабати ҳақида гапиргандада шуни қайд этиш керакки, унинг зоҳидликка **касб** сифатида муносабати салбий бўлган:

Зоҳидо, сен бўл риё авжи уза маснаднишин,

Ким, Навоийга эрур фақру фано туфроғи хўб. (БВ, 40-бет)

Бироқ, Навоий ҳол сифатида зуҳд ҳолига сидқ ва муҳаббатнинг рамзи сифатида ижобий қараган:

Даригим, қаридим зуҳду фақр лофи била,

Вале ишим ёшурун барча журму ишёндур. (ФК, 97-б.)

Фақир эҳтиёжи бор нарсаси бўлмаган кишидир, ғаний эса беэҳтиёж кишидир. Яралмиш маҳлуқ борки, барчаси ўз мавжудлигининг давомийлигига муҳтождир. Аён бўладики, ҳақиқатда беэҳтиёж фақат бир зот мавжуддир – Ҳақ Таоло! Барча маҳлуқот – жину инс, ма-лоика ва шаётиннинг мавжудлиги ўз ихтиёрида эмас, фақат Ҳақ таоло боқий мавжуддир. Бас шундай экан, Ҳақ таолодан бошқа барча мавжудот фақирдирлар, фақат ёлғиз Угина ғанийи мутлақ ва беҳожатдир.

Тасаввуф аҳли наздида ушбу ҳолни чуқур англаған кишигина Ҳақиқий фақирдир. Яъни на бу дунё, на у дунёда ҳеч нарсага эга эмаслигини англаб етган, ўз мавжудлигининг сабабини ўзидан эмас, Ҳақ иноятидан деб билган, фақат ундангина умид қилиб, ундан кўрққан киши хақиқий фақир аталиши мумкин. Бундай кишида на зот мавжуд, на сифат, на ҳолу на мақом, на феълу на асар, ҳар икки оламда ҳеч нарсага эга эмаслик, ҳатто ҳеч нарса эгаси эмаслик сифатига ҳам эга эмаслар. “Ал фақру-фаҳрий” ушбу ҳолга ишорадир ва бундай фақр эгасини бир Худодан ўзга ҳеч ким бу дунёда танимайди<sup>1</sup>.

Фақрнинг нақшбандия тариқатида қарор топишига ўз ҳиссасини қўшган зотлардан бири Алоуддин Аттор – Муҳаммад бин Муҳаммад Бухорий (ваф. 802/1400)дир. Унинг асарларида ҳам фақрнинг ранг-баранг талқинларига гувоҳ бўламиз. Масалан, унинг Ҳожа Баҳоуддиннинг сўфийликдаги даражалари ва у кишининг ҳикматли сўзлари баёнига бағи-шланган “Мақомоти аржуманд ва мақолоти судманди ҳазрати Ҳожа Баҳо ул-ҳақ вад-дин Нақшбанд” номли асарида айтилишича, Ҳожа Баҳоуддин Нақшбанднинг йўллари муҳаббат ва фақр фатҳи, яъни тарки дунё, қатъи тааллуқот, тажриди куллий ва нафий мосавийдан иборатдир. Ҳамиша уларнинг муборак сўзлари фақр исботида ва фақр муҳаббати бобида эди. Дер эдиларки, биз ҳар не топдик – ушбу сифатдан топдик<sup>2</sup>.

Шунингдек, Ҳожа Алоуддин Аттор Ҳожа Баҳоуддиннинг оддий, дабдабасиз ҳаёт кечиришлари, ҳалол луқма талабида бўлиб шубҳали таомлардан сақланишлари (шу сабабли ҳам аксарият ўз пешона терилари эвазига этиштирилган масаллиқлардан ўз қўллари билан овқат пиширишлари)ни бевосита фақр талблари билан боғлайди ва “Ҳазрати Ҳожамизда фақр камолидан ўзни атрофдагиларга, халққа фидо қилиш, халқ манфаатлари йўлида ҳаракатда бўлиш ва ўзидағи бор нарсаларни уларга эсор (инъом, эҳсон) қилиш олий даражада эди”, деб ёзади. Демак, “фидо ва эсор”, ўзни халқнинг хизматкори деб билишнинг асоси, нақшбандийлар нуқтаи назарича, фақрдадир.

Ҳожа Алоуддин Аттор Ҳожа Баҳоуддин бизнинг сулукка киришнинг биринчи шарти фақр деганлар, дейди. У ёзади: “Буюрдиларки, ҳар ким бизнинг асҳобимиз сафига қўшилмоқни истаса, бизга мутобиъат келтирмоғи лозимдир. Дарвешлик касб этмаган кишининг ўзини бизга ва бизнинг сулукимизга нисбат бериши дуруст эмас”<sup>3</sup>. Яъни фақрсиз нақшбандияга тобеланиш (ўзини ушбу тариқат вакили деб билиш) йўли боғлиқдир.

XV аср нақшбандия тариқатининг яна бир кўзга кўринган вакили Яъқуб Чархий (ваф. 802/1400) асарларида ҳам фақр ва унинг тариқатда тутган ўрни масалаларига алоҳида аҳамият берилади. Масалан, у “Рисолаи құдсия” асарида Абу Муҳаммад Рўямнинг “Ал-фақр – адами кулли мавжуд ва тарки кулли мақсад” сингари таърифини шарҳлаб ёзади: “Биз фақирнинг кўнглига андоғ келадики, фақр ҳақиқати ушбу йўлга кирган кишининг қўли-

<sup>1</sup> Ҳожа Муҳаммад Порсо. Тахқиқот. ЎзР ФА ШИ. 1411 рақамли қўллэзма, 164<sup>а</sup>-в.

<sup>2</sup> Алоуддин Аттор. Мақомоти аржуманд ва мақолоти судманди ҳазрати Ҳожа Баҳо ул-ҳақ вад-дини Нақшбанд. ЎзР ФА ШИ, 502-рақамли қўллэзма, 34<sup>б</sup>-в.

<sup>3</sup> Ўша манба, 35<sup>б</sup>-в.

даги мол-мулкка муҳаббатни қалбидан чиқариб ташлаш, кўнгилни унинг машғуллигидан халос айлашдан иборатдир".

Хуллас, XI–XV асрларга оид тасаввуфий манбалар кўздан кечирилганида, уларда фақр тариқатнинг энг юқори босқичларидан бири сифатида таърифланади.

### **1.1.2. ЗАМОНАВИЙ АДАБИЁТШУНОСЛИКДА ФАҚР ТАЛҚИНИ**

Маълумки, XX аср бошларида Ўзбекистоннинг барча жабҳаларида бўлгани каби илм-фан срҳасида ҳам янги босқичга қадам кўйилди. Жумладан, тарих, жуғрофия, илми зироат, ҳандаса, кимё, фалсафа, мантиқ, илми аруз, илми бадеъ сингари эскидан ўрганилиб келган фанлар энди бир оз замонавийлаштирилиб европача усулда ўрганила бошланди. Бу фанлар қаторига адабиётшунослик фанини ҳам санаш мумкин. Замонавий ўзбек адабиётшунослигининг ilk намуналари 1910-йилларда вужудга келгани ҳолда унинг тўлиқ шаклланиши 1920-йилларнинг охирида эканлиги кузатилади. Замонавий ўзбек адабиётшунослигининг ilk намояндалари қаторига Абдулҳамид Сулаймон Чўлпон, Беҳбудий, Мунавварқори, Абдулла Қодирӣ, А.Саъдий, Абдурауф Фитрат, Вадуд Маҳмуд, Миён Бузрук, Е.Э.Бертельс, А.Самойлович, А.Семенов, В.Бартольд, С.Айний каби шоир, ёзувчи ва олимларни киритиш мумкин.

Бу номлари зикр этилган олимлар орасида А.Фитратнинг ўрни алоҳида эканлигини таъкидлаш лозим. Чунки мазкур олимнинг ўзбек замонавий адабиётшунослигининг та-мал тошига айланган "Ўзбек адабиёти намуналари", "Энг эски турк адабиёти намуналари", "Қутадғу билик", "Адабиёт қоидалари", "Аруз ҳақида", "Навоийнинг форсий шоирлиги ҳам унинг форсий девони тўғрисида", "Аҳмад Яссавий", "Умар Ҳайём", "Яссавий мактаби шоирлари тўғрисида текширишлар", "Ўзбек шоири Турди", "Чигатой адабиёти", "Хибат ул-ҳақойиқ", "XVI асрдан сўнгра ўзбек адабиётига умумий бир қараш", "Фарҳод ва Ширин" достони тўғрисида" сингари асарлари 20-йилларнинг иккинчи ярмида вужудга келган бўлиб, улар юксак илмий салоҳият эгаси томонидан ёзилганлиги билан ажralиб туради.

Юқорида А.Фитратнинг номлари келтирилган асарларидан маълум бўладики, у ўз илмий фаолияти мобайнида асосан ўзбек мумтоз адабиётини замонавий адабиётшунослик тамойиллари асосида чуқур тадқиқ этишни бошлаб берган. Маълумки, ўзбек мумтоз адабиётини диний-тасаввуфий ғоялардан айро ҳолда ўрганиш мумкин эмас. Шундай экан, бу соҳа тадқиқотчидан замонавий тафаккурга эга бўлиш билан бирга, эски билимлар қаторидаги диний-тасаввуфий илмлардан ҳам чуқур хабардорликни талаб этади. А.Фитрат ёшлиқ йилларида исломий мадрасаларда таҳсил кўрган бўлса, кейинчалик эса замонавий дунё таълим системаларидан ҳам баҳрамандликка мусассар бўлади. Бир сўз билан айтганда, А.Фитрат замонавий билимлар ҳамда ислом дини ва тасаввуфидан хабардор олим эканлиги билан айнан юқорида қайд этилган талабларга тўла жавоб бера оладиган шахс эди.

Бироқ Фитрат ва унинг маслакдошлари ўтган асрнинг 20-йилларида коммунистик мафкура тазиيқига учради. Маълумки, коммунистик мафкура мутасаддилари олдида, биринчи навбатда, маҳаллий халқларнинг диний-тасаввуфий ғоялар билан йўғрилган маданиятини ўзгартириш вазифаси тураг эди. Чунки улар маҳаллий халқни ўз дини, маданияти ва ўтмишидан бегона қилиб, бутунлай бошқа бир миллатга, яъни совет миллатига айлантиришни ўз олдиларига мақсад қилиб қўйган эдилар. Мана шундай сабабга кўра тасаввуф ва у билан боғлиқ тушунча бўлган фақр асл ўзбек мафкурасининг ажралмас қисми, ўзликни

ташкил қиласынан катта унсур сифатида коммунистик мағкурага тұғри келмас эди. Бинобарин, у диний тасаввуфий ғоянинг бир қисми сифатида коммунистик мағкура тарафидан ўрганилишига тақиқ қўйилган мавзуга айланган.

Ўзбек диний-тасаввуфий ғояларини ўрганишга бўлган тақиқнинг дастлабки ва кучли намунаси сифатида муаллиф Ж.Бойбўлатовнинг 1929 йил “Қизил Ўзбекистон” газетаси 13, 14, 15 май сонларида эълон этилган “Ўзбек адабиёти ва чигатойчилик” номли мақоласини келтириб ўтиш мумкин.

Ж.Бойбўлатовнинг мазкур мақоласи гарчи бир муаллиф номидан нашр этилган бўлса-да, аслида у Ўрта Осиё бирлиги ёнидаги адабиёт ва танқид секцияси деб номланган расмий хукумат қўз-қарашини ифодаловчи ташкилотнинг бир гуруҳ ходимлари томонидан ёзилган эди<sup>1</sup>. Бу мақола Абдурауф Фитратнинг 1928 йилда нашр этилган “Ўзбек адабиёти намуналари” китоби муносабати билан ёзилган бўлиб, унда асосан, ушбу китоб муаллифи, унга сўзбоши ёзган Отажон Ҳошимов ва ўша йилларда адабиётшунослик соҳасида қалам тебратиб келаётган М.Б.Солиҳовлар ижоди танқид остига олинган. Биз бу ерда ушбу мақолани тўлиқ таҳлилга тортмоқчи эмасмиз, чунки бу бизнинг тадқиқотимиз объектига кирмайди. Биз матбуот саҳифаларида баҳс-мунозарани бошлаб берган ушбу мақоланинг фақат мавзумизга алоқадор бўлган ўринларигагина тўхталамиз.

Агар эътибор берилса Жалил Бойбўлатов мақоласида Фитрат асосан диний-тасаввуфий ғоялар ташувчиси сифатида қораланган. Мақола муаллифи диний-тасаввуфий ғояларнинг коммунистик ғоя билан келиша олмаслигини зўр бериб ҳимоя қиласида ва керак бўлса бу ғояларни коммунистик мағкуранинг душмани сифатида талқин этади.

Мақолада Ж.Бойбўлатов А.Фитратнинг “Маориф ва ўқитғучи” журналининг 1927 йил 6, 7-сонларида чиқсан “Аҳмад Яссавий”<sup>2</sup> ва яна шу журналнинг 1928 йил 5, 6-сонларида босилган “Яссавий мактаби шоирлари тўғрисида текширишлар”<sup>3</sup> номли мақолалари ҳамда 1928 йилда нашр этилган “Ўзбек адабиёти намуналари”<sup>4</sup> китобидаги Аҳмад Яссавий ва унинг ижоди тилга олинган ўринларни танқид қиласида. Гап шундаки, Фитрат Аҳмад Яссавийнинг ҳикматларидағи йўқсул, бечора, етим-есирлар сингари жамиятнинг кам таъминланган ва жабрдийда қатламини ҳимоя қилиб ёзилган сатрларини олиб, шу орқали ўзларини пролетариат (йўқсуллар) ҳимоячиси деб сиёсий саҳнага чиқсан большевиклар мағкураси билан муроса қилмоқчи бўлган. Масалан, у шундай ёзади: “Яссавий жамиятнинг юқоридаги воқеалардан зааралланмаган, балки фойда қилғувчи беклар, оқсуяклар, аскар бошлиқлари ҳам шуларнинг қуйруқлари бўлуб яшағон мулла, эшонлар қаторида бўлмади, ул мазлум синфнинг орасида бўлди. Шуларнинг қайғулари билан йиғлашга мажбур бўлди, ҳам йиғлади. Яссавий ўз замонининг ҳоким синфини айрим гуруҳ унвонлари билан атаб, ҳар бир гурухнинг адресига қаттиқ сўкушлар тақдим қиласида:

*Дунё менинг деганлар, жаҳон молин олғонлар,  
Каргас қушдек бўлубон ул ҳаромға ботмишлар...*

<sup>1</sup> Ж.Бойбўлатов мақоласининг сарлавҳа қисмida бу ҳақда изоҳ берилган. Қаранг: Бойбўлатов Ж. Ўзбек адабиёти ва чигатойчилик // Қизил Ўзбекистон. – 1929. 13, 14, 15 май.

<sup>2</sup> Фитрат. Аҳмад Яссавий / Яссавий ким эди. Тўплаб нашрга тайёрловчи ва сўзбоши муаллифи Б.Дўстқораев. – Тошкент: А.Қодирий номидаги халқ мероси нашриёти, 1994. –Б.18-33.

<sup>3</sup> Фитрат. Яссавий мактаби шоирлари тўғрисида текширишлар / Яссавий ким эди. Тўплаб нашрга тайёрловчи ва сўзбоши муаллифи Б.Дўстқораев. – Тошкент: А.Қодирий номидаги халқ мероси нашриёти, 1994. –Б.33-38.

<sup>4</sup> Фитрат. Ўзбек адабиёти намуналари. Самарқанд: Ўздавнашр, 1928.

Ёки: “Яссавий замонининг эзилган йўқсул синфига “ғариб, ятим, фақир” унвонлари беради, ўзини уларнинг ҳомийси каби қўрсатишга тиришади:

*Ғариб, фақир, ятимларнинг бошин силаб,  
Кўнгли қаттиқ халойиқдан қочтим мано.  
Ғариб, фақир, ятимларни қилғил шодмон,  
Хулқлар қилиб, азиз жонинг қилғил қурбон.  
Ғариб, фақир, ятимларни ҳар ким сўрар,  
Рози бўлур ул бандадан парвардигор”<sup>1</sup>.*

Кўринадики, А.Фитрат бу ерда Яссавий ҳикматларидан келтирилган мисраларни большевизм, яъни рус социал-революционерлари маслаги билан мослаш мақсадида атай танлаб олган. Бу, таъбир жоиз бўлса, Фитратнинг замон билан муросаю мадораси эди.

Бироқ большевиклар назарда тутган пролетариат-йўқсул билан Аҳмад Яссавий ва умуман Шарқ тасаввуф адабиётидаги йўқсул, фақирларни ҳимоя қилиш ўзаро ўхшащдек бўлиб туюлса-да, аслида бу икки ҳодиса ўртасида жиддий фарқланиш ҳам йўқ эмас. Бу фарқланиш шундан иборат эдик, большевикларнинг йўқсули фақат дунёвий ҳукумат билан боғлиқ равишда олинган бўлса, Аҳмад Яссавий ва Шарқ тасаввуф намояндалари эътиборидаги йўқсул, фақир, етимлар паноҳи сифатида Аллоҳ қўрсатилади. Демак, айтиш мумкинки, тасаввуфда бу масала, биринчи навбатда, коммунистик мафкурадагидан фарқли ўлароқ илоҳийлик касб этган. Шунинг учун ҳам ўша даврда расмий мафкура мутасаддилари Фитратнинг ўзлари билан бўлган бу муомаласини охир-оқибатда қабул қилмаган. Зоро, коммунистик мафкура ўз табиатига кўра ҳар қандай илоҳийликка принципда кескин қарши бўлган. Чунки ёзувчи Ф.Кафка ўз вақтида топиб айтганидек, большевизмнинг ўзи дин эди<sup>2</sup>. Яъни ёзувчи назарда тутган бу дин “одам-худо” яратиш билан шуғулланган. Демак, бир сўз билан айтганда, большевикларнинг К.Маркс, Ф.Энгельс, В.Ленин, И.Сталин сингари “одам-худо”лари бор эди. Шунинг учун ҳам большевизм, ўз манфаатидан келиб чиқиб, ҳар қандай дин – бу хоҳ христиан, хоҳ ислом, хоҳ буддавийлик ёки бошқа бўлсин – уни инкор этиш йўлидан борган. Чунки, халқ мақолида айтилганидек, бир қозонда икки қўчқорнинг боши қайнамайди.

Мана шундай мулоҳазалардан келиб чиққан Ж.Бойбулатов ўз чиқишида Фитратни бўралаб ёзғирав экан бу ҳақда қуйидагиларни ёзади: “Яссавий – пролетар шоири...” деб даъво қилиш илмий кашфиёт эмас, балки очиқдан-очиқ чигатойчиликни ҳозирги замонга татбиқ қилишдир”.

“Яссавий ... эмас, Фитратнинг ўзи ҳам ҳали тасаввуфчиликдан узоққа кетгани йўқ. Ҳали 1923 йилдагина босилиб чиққан “Ҳинд ихтилолчилари”да унинг қаҳрамонларидан бири Раҳимбахш қуйидаги сўзларни айтади: “Қуръон бетига ҳайвон оёғи тегмаки на эса, ҳинд қизининг юзига инглиз кўзи тушмаги ҳам шудир... Инглизларни Ҳиндистондан ҳайдаш Қуръонни ҳайвон тепкисидан қутқаришдек буюк”<sup>3</sup>.

<sup>1</sup> Қаранг: Фитрат А. Аҳмад Яссавий / Яссавий ким эди. –Тошкент: А.Қодирий номидаги халқ мероси нашриёти . 1994. 25-бет.

<sup>2</sup> Кафка Ф. Замок: Роман; Новеллы и притчи; Письмо отцу; Письма Милене: Пер. с нем. –М.: Политиздат, 1991. –С.561.

<sup>3</sup> Бойбўлатов Ж. Ўзбек адабиёти ва чигатойчилик // Қизил Ўзбекистон. – 1929. 13,14,15 май.

Шунингдек, Ж.Бойбулатов Фитратнинг шўро ҳукуматига қилган қайсиdir маънодаги келишув таклифини рад этар экан, яна шундай ёзади: “Шу нарсага диққат қилмоқ зарурки, ҳозирги вақтдаги баҳоийлар<sup>1</sup> Маркс ўз таълимотини баҳоийлардан олган деб даъво қила-дилар. Бурят, Монголия жумҳуриятидаги ламойитлар эса Ленин Будданинг содиқ муриди, Будда бўлса, дунёда бўлган инқилобчиларнинг энг буюги деб даъво қиладилар. Ўзбеки-стонда ер ислоҳоти вақтида муллалар ва эшонлар Қуръон коммунизмга қарши эмас, деб айтар эдилар. Ҳозирги чифатойчилар ҳам шу йўлга ўтиб олганлар”<sup>2</sup>.

Маълум бўладики, Ж.Бойбўлатов билан Фитрат ўртасидаги матбуотда кечган бу муно-зара ўзида икки рақиб томондан иборат бўлган сиёсий қарама-қаршиликни ифода этган. Шунинг учун ҳам бу баҳс-мунозарадан кейин жамиятда Фитрат ва унинг ижодига шубҳа кўзи билан қарап кучайиб кетади. Бунинг бир мисолини ўша даврлар (ўтган аср 20-30 йиллари)ни ўз кўзи билан кўрган ва аспирантлик йилларида Фитратнинг илмий маъруза-ларидан баҳраманд бўлган йирик адабиётшунос олим Ф.Каримовнинг 1990 йилда ёзилган “Аспирантура хотиралари” номли мақоласида кўриш мумкин. У ёзади: “Кунларнинг бирида аудиторияда машғулот охирлаб қолган пайтда аспирантлардан бири туриб: “Домла (яъни Фитрат домла – Н.Р.), мумкинми, бир саволим бор эди” деб қолди. Домла рухсат бергач, аспирант айтди: “Домла, сиз 1928 йили чиқазган “Ўзбек адабиёти намуналари” китобин-гизда Аҳмад Яссавийни ғариблар, етимлар, умуман, камбағаллар шоири қилиб қўйгансиз, у шайх-ку”. Шунда профессор Фитрат бу саволга жавоб бериб айтди: “Аҳмад Яссавий – шайх, бу тўғри. Лекин унинг йўқсул, камбағалпарварлиги ҳам тўғри-да. Халқимиз азалдан-азал етим-есирларнинг, йўқсул-камбағалларнинг бошини силаш, шафқат-марҳамат қилиш ке-раклигини айтиб, тушунтириб келади. Яссавий халқ дилида, халқ тилида бўлган шу гапни айтган. Бунинг нимаси нотўғри. Нима учун тўғри сўздан кўз юмиш керак экан? Мен бунга тушунмайман!”<sup>3</sup>

Демак, айтиш мумкинки, 20-йиллар иккинчи ярмидан эътиборан тасаввуф, жумладан, унинг муҳим тушунчаларидан бири ҳисобланган фақрни ўрганишга мана шундай йўллар билан табу қўйилган эди.

Дарҳақиқат, шундан кейин совет ҳокимияти ҳукм сурган 80-йиллар охирига қадар бу мавзу кенг кўламда ўрганилган бирор бир тадқиқотга дуч келмаймиз.Faқат шарқшунос олим Е.Э.Бертельс баъзи ўринларда бу масалага қисқача тўхталиб ўтган. Масалан, у ўзи-нинг “Тасаввуф ва тасаввуф адабиёти” номли китобида “Қуръон” ва “Ҳадис”даги фақр бо-расидаги қарап кейинчалик тасаввуфдаги фақру фано мақоми учун тамал бўлган ва фақр шариат ва тариқатни ўзаро боғлаш учун хизмат қилган, дея қўрсатиб ўтади<sup>4</sup>. Олим “Навоий ва Жомий” номли асарида ҳам нақшбандия тариқати ҳақида мулоҳаза юритар экан, фақр-нинг Баҳоуддин Нақшбанд таълимоти ва нақшбандия тариқатидаги аҳамиятига диққатни қаратиб шундай ёзади: “Пайғамбар ҳаётига эргашиш тамойилидан келиб чиқиб, Нақшбанд ўз таълимотини фақр (ихтиёрий қашшоқлик) талаби асосига қуради. Аммо у қашшоқликни бирорларнинг хайр-эҳсони ҳисобига кун кўриш маъносида тушунмайди. Унингча, фақат ўз меҳнати кетидан топилган егулик истеъмол қилишга яроқли ягона ҳалол луқмадир”<sup>5</sup>.

<sup>1</sup> Баҳоийлар – XIX асрда Эронда юзага келган диний сиёсий ҳаракат. Қаранг: Ислом. Справочник.

<sup>2</sup> Бойбўлатов Ж. Ўша мақола.

<sup>3</sup> Каримов Ф. Баркамоллик. –Тошкент: Маънавият, 1999. –Б.103.

<sup>4</sup> Бертельс Е.Э. Суфизм и суфийская литература. Избр. труды. Том 3. -М., 1965. -С. 37-38.

<sup>5</sup> Бертельс Е.Э. Навои и Джами. Избр. тр. Том 4. - М., 1965. С. 214.

Шунингдек, олим яна шу асарида бу масалага, нақшбандиядаги “урваи вусқо” (“мустаҳкам тутқич”) – Қуръони Карим ва пайғамбар ўгитларига қатъий риоя қилиш ва “лукмай ҳалол талабида бўлиш” тамойиллари фақр талаблари асосида ривожланганлигини қайд этади<sup>1</sup>.

Шўро даврида фақр тўғрисида бундан бошқа на Бертельс ва на бошқа бирор олим тадқиқотига дуч келмаймиз. Фақат 1980-йиллар охирига келиб, коммунистик мафкура инқизозга юз тутганидан кейин И.Ҳаққулов, Н.Комилов, С.Рафиддинов сингари олимлар мақолаларида бу ҳақда сўз юритила бошлади<sup>2</sup>.

Хулоса қилиб айтганимизда, тасаввуфдаги фақр масаласига муносабат кўриб ўтилганидек, турли давр ва замонларда турлича бўлган. Бинобарин, тасаввуфнинг энг гуллаб-яшнаган даври ҳисобланмиш XIII-XV аср манбаларида бу масала ҳақида ижобий тўхтамларга келинган, у ҳатто ижодкорлар учун ахлоқий-эстетик, бадиий-эстетик идеал сифатида кўрилган бўлса, XX асрнинг 20-йиллари охиридан эътиборан эса унга ёмон муносабатда бўлинди ва натижада бу ёмон муносабат унга табу қўйилиши даражасигача бориб етди. Шундан кейин ўтган асрнинг 80-йиллари охирига қадар, яъни Мустақиликкача бўлган даврда илмда бу масалага деярли ҳеч эътибор қаратилмади. Бу ҳам ушбу масаланинг нақдар долзарб ва муҳим эканлигининг далилидир.

Маълум бўладики, Жалил Бойбўлатов мақоласида Фитрат асосан диний-тасаввуфий戈ялар ташувчиси сифатида қораланганд. Бинобарин, Ж.Бойбўлатов ўз мақоласида диний-тасаввуфий ғояларнинг коммунистик ғоя билан келиша олмаслигини зўр бериб ҳимоя қиласиди ва керак бўлса бу ғояларни коммунистик мафкуранинг душмани сифатида талқин этади. Шундан хулоса қилиб айтиш мумкинки, XX аср боши ўзбек жадид зиёлиларининг илғор вакили бўлган Фитратнинг диний-тасаввуфий ғояларни ҳам ўзига сингдирган ўзбек мусулмон маданияти ҳақидаги кўз-қарашлари сиёсий устунлик сабаб, гарчи тўғри бўлса-да, коммунистик мафкура тарафдорлари томонидан инкор этилди ва ўрганилиши кун тартибидан тушириб ташланди. Бу, айтиш мумкинки, тасаввуф, ва қолаверса, шу орқали унинг муҳим қисми бўлган фақр мавзусини ўрганишга қўйилган дастлабки кучли тақиқ эди. Чунончи, Фитратга диний-тасаввуфий қарашлари муносабати билан берилган бу зарба Ўзбекистон мустақилликка эришгунига қадар ўз кучини сақлаб қолди. Шунинг учун ҳам ўзбек мумтоз адабиётини, хусусан, Алишер Навоий ижодини тадқиқ этиш борасидаги муҳим саналадиган фақр мавзуси мустақиллик йилларигача ўрганилмай келинди.

## 1.2. НАВОИЙГАЧА ФОРСИЙ ВА ТУРКИЙ ТИЛЛАРДА ИЖОД ҚИЛГАН ШОИРЛАР ИЖОДИДА ФАҚИР ОБРАЗИ

Ижодкор маҳоратини белгилашда унинг анъанага муносабати ва ижодий ўзига хослигини қиёслаш муҳим аҳамиятга эга. Бинобарин, Навоий лирикасида тасаввуф кўламини тадқиқ этиш учун унгача бўлган форс-тожик ва туркий адабиёт анъанасини ўрганиб чиқиши талаб этилади. Шунингдек, бу улуғ шоир ижодидаги баъзи талқин, ифода тарзи ва образ яратиш усулларининг генезисини белгилаш учун ҳам аҳамиятлидир. Ушбу эҳтиёждан ке-

<sup>1</sup> Ўша жойда.

<sup>2</sup> Қаранг: Ҳаққул И. Тасаввуф ва шеърият. -Тошкент, 1991; Комилов Н. Тасаввуф. -Тошкент, 1992; Рафиддинов С. Фақр йўли солики // ЎзАС. 1996. 14 сентябрь.

либ чиққан ҳолда Навоийнинг форсий ва туркий тилда ижод қилган салафлари: Саъдий, Ҳофиз Шерозий, Фариддудин Аттор, Румий, Хисрав Дехлавий, Абдураҳмон Жомий, Аҳмад Яссавий, Хоразмий, Ҳофиз Хоразмий, Саййид Қосимий, Атойи, Гадоий, Саккокий, Лутфий сингари буюк шоирлар адабий меросида фақр талқини ва фақир образига мурожаат қилиш ўринлиdir.

Ғазалчилик ва дидактик адабиёт тараққиётида чуқур из қолдирган Муслиҳиддин Саъдий Шерозий (ваф. 1292) ўз ижодида мажозий муҳаббат билан бир қаторда ҳақиқий муҳаббатни ҳам тасвирлаган ижодкор ҳисобланади. А.М.Мирзоевнинг ёзишича, «Саъдийнинг ғазалларида дунёвий муҳаббат билан бирга бир қанча тасаввуф принциплари ва идеаллари ҳам акс этган»<sup>1</sup>. Шундай идеаллардан бири фақир эканлигини унинг «Гулистон» асари мисолида кўришимиз мумкин. Саъдий “Гулистон”нинг иккинчи бобини “Фақирлар ахлоқи баёни” деб номлаган. Бу ерда Саъдий “фақир” ва “дарвеш” атамаларини баравар қўллайди ҳамда фақирлар деганда кўп ҳолларда умуман тасаввуф ва тариқат аҳлини назарда тутади.

Маълумки, Саъдий “Гулистон”да бирор бир образли ҳикоятни келтириш ва ўша ҳикоят мазмунидан келиб чиқиб қиссадан ҳисса тариқасида ўз хулосасини бериш услубини қўллаган, уларда фақр маслагидаги ризо, шукр, қаноат, сабр, ҳиммат, ҳилм, ҳаё сингари ирфоний-ахлоқий масалаларга эътибор қаратилган. Мана шу услугга мувофиқ тарзда шоир ўзининг фақрга доир қарашларини турли мазмундаги ҳикоятларга сингдириб юборган. Масалан, ундаги бир ҳикоятда аҳли дунё зулмидан шикоят қилган муридга пирнинг “Эй ўғлум, фуқаро хирқаси ризо тўнидурур. Ҳар ким бу кисват ичинда масканат (қийинчиликларга) таҳаммул (бардош) қилмаса, муддаи (даъвоси ёлғон) дурур, дағи хирқа анга ҳаром бўйлур”, – дея жавоб беради ва қиссадан ҳисса тариқасида ушбу хулоса баён этилади:

*Жафоларга таҳаммул қил, тиласанг  
Юзунг Тангри қатинда оқ бўлғай.  
Буқун тупроқ бўл, андан бурунроқ  
Ким, эрта гул танинг тупроқ бўлғай<sup>2</sup>.*

Ушбу қиссадан ҳисса тариқидаги мисраларда мутафаккир шоирнинг фақр масаласига муносабати яққол намоён бўлган.

“Гулистон”даги ҳақиқий фақир ҳақида билдирилган “фақири содик улдуурким, кўнгли тири (тирик) бўлғай, дағи нафси – ўли (ўлик). Шеър:

*Фақири содик улдур, эй азиз эр,  
Ёмон иш келмагай ҳаргиз қўлундан.  
Инар бўлса қаёдан бир оғир тош,  
Керакким, кетмагай ориф йўлундан.*

Дағи фақирлар тариқи зикру шукр дурур, дағи хидмату тоат ва исор ва қаноат ва тавҳид ва таваккул ва таслим ва таҳаммул. Ҳар кимда бу васфлар бор, ул фақирдурур<sup>3</sup>, каби таърифларни барча фақр аҳли учун дастуруламал дейиш мумкин. Навоийда ҳам фақрдан кўз-

<sup>1</sup> Мирзоев А.М. Рудаки и развитие газели в X-XV вв. –Сталинабад: Таджикгосиздат, 1958. –С.52.

<sup>2</sup> Сайфи Саройи. Гулистони бит-туркий / Уч булбул гулшани. –Т.: Адабиёт ва санъат нашриёти, 1986. –Б.230.

<sup>3</sup> Ўша жойда, 233-бет.

ланган асосий мақсад нафсни жиловлаш орқали кўнгилни тирилтириш, ғафлат уйқусидан уйғотишидир. Ушбу масалада унинг Саъдий билан ҳамфикрлиги аён бўлади.

Шунингдек, Саъдий фақр маслаги ҳамда ҳақиқий фақирликка таъриф берар экан, бу хусусда сохта фақирлар, фақрни суиистеъмол қилиб, аслида шон-шуҳрат илинжида юрган риёкорлар масаласини ҳам четлаб ўтмайди. Унинг қаноатича, агарчи, қабо ичидаги бўлса ҳам тунни ҳою-ҳавас уйқусида ўтказиб, шаҳват кетида кунни кеч қиласиган, олдига не келса еб, оғзига не келса вайсайдиган, таши бутуну ичи пароканда, яъни ташқаридан ўзига фақир тусини бериб, ичи риё ва фиску фужурга тўлган кимсалар фақрдан бебаҳра ғофиллардир. У ёзади: “Агар қабо ичинда бўлса дағи фақир ул дегулким, ҳавову ҳавасга уюб кечани кундуз қиласиган дағи шаҳват ортинча юруб, кундузни кеча қилиб, ғафлат уйқусинда ётиб қолғай дағи оллинда не бўлса – егай, оғзинда не келса – дегай, таши иморат, ичи хароб бўлғай”<sup>1</sup>.

*Бу хусусда ҳам Навоий Саъдийга ҳамфикр. У ёзади:*

*Ични урён қилки тошинг зеби манъи фақр эмас,  
Фақр эмастур, гар ичинг мамлу, тошинг урён бўлур.*

(FC, 146-б.)

Ёки «ҳавову ҳавас» хусусида Навоийда ўқиймиз:

*Фано ҳавас қилу фақр эт ҳаво Навоийдек,  
Вале ҳавову ҳавас қилмағил ҳавову ҳавас.*

(FC, 191-б.)

Фарииддин Аттор – Шарқ мумтоз адабиётида чуқур из қолдирган машҳур суфий шоир. Унинг “Мантиқ ут-тайр” номли тасаввуфий асари, айниқса, шуҳрат қозонган. Навоий ҳам бу асарни ёшлиқ чоғларида ўқиб қаттиқ таъсирланган ва ушбу таъсир натижасида кейинчалик ўзининг “Лисон ут-тайр” асарини яратган. Демак, Навоий ижодидаги фақр образи ҳақида мулоҳаза юритилганида “Мантиқ ут-тайр”ни четлаб ўтиш мумкин эмас.

“Мантиқ ут-тайр”даги охирги, еттинчи водий фақру фано водийсидир. Асарда фақр – Атторнинг ўз таъбири билан айтганда, “Қатрани қулзумга айлантирадиган” сўнгги ва энг юқори мақом сифатида берилиши ва унинг “фақру фано” дея, яъни фақирлик ва фонийликни бир-биридан ажратмай тилга олиниши шоирнинг фақрга сулук йўлидаги энг олий даражага сифатида қараганлигини англатади. Муаллиф ушбу водий сифатлари ва унга қадам қўйган соликнинг ҳоллари хусусида ёзади:

*Баъд аз ин водийи фақр асту фано,  
Кай бувад инҷо сухан гуфтан раво.  
Айни водий фаромушӣ бувад,  
Гунгию каррию бехушӣ бувад.*

(Мазмуни: Кейинги водий фақри фано водийсидир, у ҳақида сўз юритиш ҳам мушкул. Бу (солик учун) унумтоқлик, гунг ва кар, бехуш бўлмоқлик водийсидир).

Юқорида келтирилган мисраларда, таъбир жоиз бўлса, Фариуддин Атторнинг фақр ҳақидаги чуқур фалсафий қарашлари акс этган. У бу ерда ҳатто фақр ҳақида гапириш ҳам мушкил эканлигини айтади ва бу водий (фақру фано водийси)га қадам қўйган солик фаро-

<sup>1</sup> Ўша жойда.

мушлик, гунглик, карлик ва бехушлик сингари сифатларга эришишини қайд этади. Соликдаги бу сифатларни шундай тушуниш мумкин: фаромушлик – унутмоқлик, яъни дунё сению сен дунёни унутишинг. Бундай ҳолатда хотираада Аллоҳдан бўлак ҳеч нарса қолмайди. Гунг бўлмоқлик – ҳар қандай иддао, сўздан тийилмоқлик. Зеро, бунда ҳар қандай сўз ортиқча, чунки фақру фано водийсида кўрганларни сўз билан ифодалашнинг иложи йўқ. Карлик – диққат шу даражада Ҳаққа йўналтирилганки, шуур ундан бошқа ҳеч нарсани илғамайди, кулоқлар ҳеч нарсани эшитмайди. Бехушлик – юқорида санаб ўтилган ҳолатларнинг ҳосиласи ўлароқ юз беради ва ўзида висолни ифодалайди. Яъни висол хушдан ташқарида, бехушлика рўй беради. Чунки васлга хуш халақит беради, зотан, Ҳақ ошиғи учун хуш ҳам пардадир. Юқоридаги уч сифат фақр билан боғлиқ хусусиятлар бўлса, бехушлик бевосита фано билан боғлиқ ҳол ва у ўзлигидан батамом қутулган фонийи мутлақ ошиқ мазмунини ифодалайди. Айтиш мумкинки, Фаридуддин Атторнинг “Мантиқ ут-тайр” асарида акс этган фақр тўғрисидаги бу қарашлар чукур ва концептуал эканлиги билан аҳамиятлидир. Шунга кўра Навоий учун бу асар дастуруламал бўлган, дейиш мумкин.

Ўз ижодида фақрни жиддий масала сифатида кўриб, унинг образини яратган сўфий шоирлардан бири Мавлоно Жалолиддин Румий (1207-1273)дир. Унинг “Девони кабир” ва “Маснавийи маънавий” асарида фақр маслаги ва фақир образига алоҳида ўрин ажратилган. “Девони кабир”да бир воқеабанд ғазал мавжуд бўлиб, у лирик қаҳрамоннинг тушда фақр нурини кўриши тасвири билан бошланади:

*Фақрро дар хоб дидам дўш ман,  
Гаштам аз хубии ў мадҳуш ман<sup>1</sup>.*

(Мазмуни: Мен фақр (нури)ни тушимда кўриб, унинг гўзаллигидан ҳушимдан кетдим).

Байтдаги фақрни тушда кўриш ва туш асносида уни англаш – шоирнинг ифода улуби. Бу билан у фақр мақомининг нақадар юксаклигига ишора қиласа мумкин. Зотан, тасаввуф таълимоти ва Шарқ мумтоз адабиётида тушга катта эътибор берилган. Бадиий адабиётдаги қаҳрамонлар билан содир бўладиган ғайриоддий воқеалар, тасаввуфдаги олдин ўтган пирлар билан мулоқот, баъзи сўфийларнинг тариқатга кириши ҳам туш билан боғлиқ ҳолда талқин этилган. Бунинг илдизлари Пайғамбаримиз Муҳаммад (с.а.в)га юборилган ваҳийнинг бир қисми туш орқали (ёки туш билан хуш оралиғидаги бир ҳолатда) содир бўлганилиги билан боғланади.

Ғазалнинг кейинги байтларида ушбу мадҳушликнинг сабаби аниқлаштириб борилади. Лирик қаҳрамондаги ушбу ҳолат фақрнинг жамоли, унинг лаъл, яъни қимматбаҳо тош кони эканлиги билан боғлиқдир:

*Аз жамолу аз камоли лутфи фақр,  
То саҳаргоҳ будаам мадҳуш ман.  
Фақрро дидам мисоли кони лаъл,  
То зи рангаш гаштам атласпӯш ман.*

(Мазмуни: Фақр жамоли ва лутфининг камолидан мен тонггача мадҳуш бўлдим.Faқрни лаъл конидек кўрдим, унинг ранглари жилvasидан турфа ранг атласга буркандим).

<sup>1</sup> Чалолиддини Румий. Девони кабир. Чилди аввал. –Душанбе: Адиб, 1992. –С. 428.

Бу ерда фақр лаъл конига тамсил (ўхшатиш) этилган, яъни тўсатдан лаъл конига дуч келган киши у ердаги ранго-ранг товланишларни кўриб хуши бошидан оғиб қолгудек ҳолатга тушгани каби, фақрни тушида кўрган лирик қаҳрамон ҳам айни шу ҳолга тушади. Ғазал давомида фақр лирик қаҳрамонни ишқ, ошиқлик, май, майхона ва майхўрлик сиридан воқиф қиласди, яъни унга ошиқларнинг ҳой-хуйларию майпарастлар ичо-ичларининг сабаби равшан бўлади:

*Бас шунидам ҳою ҳуи ошиқон,  
Бас шунидам бонги нўшонўш ман.*

Навоийнинг ҳам ишқни фақр билан боғлаб, “Фақр аро андоқ дақойиқдурки ишқ англар ани...” – дея талқин этиши унинг ушбу масалада Румийга яқин туришининг далилидир. Уларнинг ҳар иккиси ҳам ишқ, май ва улар билан боғлиқ рамзий тушунчаларнинг ҳақиқий моҳиятини фақр билан боғлиқлиқда идрок этганлар.

Мазкур ғазалнинг давомида фақр нурида нақшлар жилосини кўрган ошиқ ўз жонини ҳам нурга чўмган ҳолда тасаввур этганлиги тасвирланади:

*Бас бидидам нақшҳо дар нури фақр  
Бас бидидам чоничон дар рўш ман.*

Демак, бу ерда шоир тушдаги бу ғаройибликни қандай қилиб киши вужудига ўтиши мумкинлиги ҳақида гапирмоқда.

Мавлононинг яна бир ғазали фақр мashaққати ва фақр ганжига етиш ҳаммага ҳам насиб қиласвермаслиги ҳақидадир:

*Ба роҳи фақр бисёре давиданд,  
Ба манзилгоҳ vale камтар расиданд<sup>1</sup>.*

(Мазмуни: Фақр йўлига кўплар қадам қўйдилар, бироқ ҳақиқий Манзилга оз кишиларгина етиб бордилар).

Айтиш мумкинки, бу байтдаги мазмун-моҳият Навоий ва Фаридиддин Атторларнинг “Лисон у-ттайр” ва “Мантиқут тайр” асарларининг асосий концепсиясидир. Чунки бу доистонларнинг асосий сюжети Худхуд бошчилигидаги қушларнинг Симурғ маконини излаб аввалбошда кўпчилик бўлиб йўлга чиқишилари, аммо охирги фақру фано манзилига етиб келиш улар орасидан озчилигига насиб этиши асосига қурилган. Маълум бўладики, тасаввуфдаги ушбу принципial масалада бу учала шоир қарашида фарқланиш йўқ.

“Маснавийи маънавий”да ҳам “Ал-фақру фахрий” ҳадиси, ундаги ишора ва мажоз ҳамда Муҳаммад (с.а.в)га хос бўлган бесоялик – кўнгил шаффоғлиги сифати талқинига кенг ўрин берилган. Жумладан, унинг “Биринчи дафтар”ида ўқиймиз:

*“Фақру фахрий” низ газоф асту маҷоз,  
Сад ҳазорон аз у пинҳон асту ноз.*

<sup>1</sup> Ҷалолиддини Румий. Девони кабир. Чилди аввал. –Душанбе: Адиб, 1992. –С. 149.

Чун фанош аз фақр пироя шавад,  
Ў Мұхаммадвор бесоя шавад<sup>1</sup>.

(Мазмуни: “Фақру фахрий” ишора ва мажоздир, юз минглаб кишилар ундан азизлик топдилар. Ҳақ ошиғининг фаноси фақр билан зийнатланғач, у Мұхаммад сингари соясиз бўлади).

Юқоридаги парчада “Ал фақру фахрий”ни мажоз ва рамз ўлароқ талқин этиш орқали пайғамбар ҳадисининг тасаввуфий мазмунига йўл очилган. Румий талқинича, мажоз, яъни рамзий ишора орқали фақрнинг фахрлигига далолат қилинган бўлиб, юз минглаб инсонлар Аллоҳ ҳузурида у туфайли пинҳона азизлик мартабасига эришадилар. Агар солик ҳақиқий фақирлик мақомларини эгаллаб, фақр воситасида ўзлигидан кечишга муваффақ бўлса, у Пайғамбаримиз Мұхаммад (с.а.в) сингари бесоялик мартабасига эришади. Бу ерда “бесоялик” – кўнгил шаффофлиги тушунчаси Мұхаммад (с.а.в) нурига тааллуқли бўлиб, фақр нури унинг таркибидан жой олганлигига, яъни у билан биргалиқда яратилганилигига ишоратдир. Демак, Румийга қўра, солик учун фақрга интилиш бир вақтнинг ўзида Мұхаммад нурига интилишдир.

“Маснавийи маънавий”да фақирликнинг ҳақиқий ва сохта кўринишлари фарқи ҳақида ҳам образли мулоҳаза юритилган. Унда ҳақиқий фақирлиқдан нур, кўзбўямачиликдан эса зулмат дунёга келиши ҳақида шундай дейилади:

*Он дарвешӣ, ки ў ташнаи худост,  
Ҳаст доим аз худояш кори рост.  
Лек дарвешӣ, ки ташнаи ғайр шуд,  
Ў ҳақириу аплаҳу бехайр шуд<sup>2</sup>.*

(Мазмуни: Ҳақ дийдори ташнаси бўлган дарвешнинг қиласиган иши доим тўғрилиқдан иборатдир. Аммо ғайриҳақ илинжида юрган сохта дарвеш эса ҳақир, аплаҳ ва хайрсиздир).

Маълум бўладики, агар ҳақиқий фақирлар фақрни Ҳаққа етказувчи восита сифатида тушунган бўлишса, сохта “фақирлар” чин фақирларнинг ҳалқ наздидаги обрў-эътиборидан фойдаланиб, ўз ғаразли мақсадларига эришишни кўзлайдилар. Шоир бу ерда биринчи тоифа фақрларни қадрлаб, иккинчисини қаттиқ қоралайди.

Алишер Навоий «Насойим ул-муҳаббат»да Жалолиддин Румийнинг самоъ пайтида бир дарвеш томонидан фақр нима, деган саволига жавобан айтган ва бизнинг мавзуимизга ниҳоятда дахлдор бир рубоийсини келтириб ўтади (таржимаси):

Фақр – жавҳардир, фақрдан бошқаси араздир,  
Фақр – шифодир, фақрдан бошқаси беморлиқдир.  
Оlamнинг барчаси найранг ва ғуурдир,  
Фақр эса, оламдаги сир ва мақсаддир<sup>3</sup>.

Холоса қиласиган бўлсак, Жалолиддин Румий а) фақр маслагини Ҳақ даргоҳига олиб борувчи энг яқин маслак, фақрлик мақомини эса Ҳаққа яқин олий даража деб билган;

<sup>1</sup> Чалолиддини Румий. Маснавий-и маънавий. Дафтари аввал. Бо иҳтимоми Р.А.Николсон. – Техрон: Али Ақбари илмий, 1334. – С. 145.

<sup>2</sup> Ўша жойда, 170-бет.

<sup>3</sup> Алишер Навоий. Насойим ул-муҳаббат. МАТ. 20 жилдли. 17-жилд. –Тошкент: Фан, 2001. –Б. 328.

б) фақрнинг илдизини ҳазрати Пайғамбаримиз Муҳаммад (с.а.в)нинг “Ал-фақру фахрий” ҳадиси билан боғлаган; в) ҳақиқий дарвешларни мадҳ этиш баробарида сохта “фақирлар”-ни танқид остига олган; г) “Девон”идаги лирик шеърларида фақир образини яратишга ҳаракат қилган бўлса, “Маснавий”да фақр мақомининг ғоявий-ирфоний томонларига кўпроқ эътибор қаратган.

Алишер Навоийнинг “Фавойид ул-кибар”даги машҳур қитъасида ғазалчиликда уч кишининг услуби, анъаналари намуна (эталон) сифатида тан олинганини ва ўзининг ҳам назмда уларга эргашганини айтилади. Улар “муъжаз баёнлиқ соҳири Ҳинд” – Ҳусрав Дехлавий, “Исо нафаслик ринди Шероз” – Ҳофиз Шерозий, “кудси асарлик орифи Жом” – Абдураҳмон Жомий эди. Қитъада Навоий камтарлик билан, ўзини фақат уларнинг издош-эрғашувчиси сифатида тилга олган бўлса-да, аслида Навоий ўз ғазалиётида Ҳусрав, Ҳофиз ва Жомий анъаналарини оддий ўзлаштиришни эмас, балки синтезлашни амалга оширган. Яъни Навоий улар эришган ютуқларни синтез орқали ўзлаштириб юқори поғонага олиб чиққан. Ўз навбатида эса Ҳофиз ва Жомий ижодида синтетиклик тамоили кучли бўлган шоирлар ҳисобланади. Аммо адабиётшунослиқда Ҳофиз ўзигача бўлган форс адабиётини синтез қилиб, уни янги босқичга олиб чиққан бўлса, Жомий ўзигача бўлган адабий анъаналарни синтезлаб, форс адабиётининг класик даврига якун ясаган хотималовчи ижодкор сифатида эътироф этилади. Бу ҳақда рус шарқшуноси И.С.Брагинский шундай ёзган эди: “Ҳофиз (эронлик муаллиф Али Дашибийнинг ҳақли эътирофича) Хайёмнинг хурфикарлиги, Низомийнинг фалсафий чуқурлиги, Жалолиддин Румийнинг самимияти, Саъдийнинг ўйноқилигини (Ҳусравнинг ишқ ёлқини ва мураккаб рамзийликка асосланган услубини ҳам – Н.Р.) синтезлаштириб шеъриятни яна бир юқори поғонага кўтарди... Жомий ҳам ўзигача бўлган адабиётни синтезлаштириди, бироқ у, Ҳофиздан фарқли ўлароқ, форс адабиётини яна бир поғонага силжитмади, балки уни якунлади, унга нуқта қўйди”<sup>1</sup>. Навоий ўз ижоди билан ўзбек адабиёти тарихида ўзигача бўлган нафақат туркий, балки форсий адабиётнинг ҳам анъаналарини синтез қилган ижодкордир. Зикр этилган қитъада шоир аслида ушбу мазмунни ифодалаган. Бу ҳол фақр талқини ва фақир образини яратишда ҳам кўзга ташланади.

Абдураҳмон Жомийнинг ижодига назар ташлайдиган бўлсак, дунё ҳою ҳавасидан кечишига бўлган даъват унинг асарларида жуда кўп учрайди, буюк мутафаккир қарашича, асл инсонийлик дунё ҳою ҳавасидан кечиб, фақр гавҳарига етишмоқлиkdir<sup>2</sup>:

*Жомий сенга етар фақр гавҳари,  
Мол-мулк ҳирси, дунё ҳавасидан кеч.  
Бу эшакмизож ҳирс, шаҳват қуллари  
Уйқую таомдан бош кўтармас ҳеч.  
Масиҳ сари чекин бир гўша сари,  
Бу эшакларни қил бир-бирига дуч<sup>3</sup>.*

(Эргаш Очилов таржимаси)

<sup>1</sup> Брагинский И.С. Заметки к изучению творчества Джами / Абдурахман Джами. Сб. ст. Эпоха, жизнь и творчество. –Душанбе: Ирфон, 1965. –С. 65-66.

<sup>2</sup> Қаранг: Рамазонов Н.Н. Абдураҳмон Жомий ва Алишер Навоий лирикасида фақр талқинининг қиёсий таҳлили // Материалы международной научно-практической конференции “Социально-экономическое и культурное сотрудничество Таджикистана и Узбекистана: история и современность”. Республика Таджикистан, г. Худжанд, 21–22 июня 2019 г. –Худжанд: Нури маърифат, 2019. –С.522–527.

<sup>3</sup> Абдураҳмон Жомий. Гулшанингда сўлмасин гул (Сайланма). –Тошкент: Фан, 2008. –Б. 281.

Абдураҳмон Жомий яна фақр ҳақида сўзларкан, унинг асосий хусусияти ўлароқ кўнгилдан иккиликни чиқариб, Ҳақ ошиғини бирликка (жамъ) эриштириши эканлигини таъкидлайди, бошқача айтганда, фақр – касратдан қутулиб, ваҳдатга эришишнинг энг мақбул йўлидир. У қитъаларидан бирида ёзади:

*Фақр ўрмони – шерлар макони,  
Бу ўрмон шери бўл бўлолсанг.  
Вужуд тарки – мардлик нишони,  
Тариқат эри бўл бўлолсанг.  
Иккиликда йўқ жамъ имкони,  
Бирликнинг ёри бўл бўлолсанг<sup>1</sup>*

(Эргаш Очилов таржимаси)

Ҳам Абдураҳмон Жомий, ҳам Алишер Навоий талқинидаги фақр – эҳтиёжсизлик, маънавий-руҳий эркинлик, ҳурлик фалсафаси. Жомийнинг қарашича, нафс инсонни тубанлаштиради, фақр эса маънавий парвозга сабаб бўлади:

*Хожа нафси бадлиги сабаб  
Турли-туман таомлар тилар.  
Кекирганда бўғзидан, ажаб,  
Чиқаради ёқимсиз еллар.  
Фақир нонни айронга булав,  
Камтаргина ифторлик қилар.  
Парвоз этар қуёшга қараб,  
Чунки ундан нур ҳиди келар<sup>2</sup>.*

(Эргаш Очилов таржимаси)

Навоий ҳам фақрга маънавий юксалишнинг асоси сифатида қараганлиги, уни азизликнинг манбаи деб билганлигини биз куйироқда батафсил кўриб ўтамиш.

Хусрав Дехлавий (1253-1325)нинг ғазал ва фалсафий қасидаларида фақрга алоҳида аҳамият берилади. Шоир тасвиридаги лирик ҳаҳрамон – ошиқ-фақирнинг ҳиммати шунчалик баландки, у ёр кўйидаги гадоликни – шараф, ишқ ғамини – ганж, ўзини эса ушбу хазина соҳиби – тавонгар деб билади:

*Мабин гадой ман бар дарат, ки аз ҳиммат,  
Тавонгарам, ки ғамат ганчи шойгони ман аст<sup>3</sup>.*

(Мазмуни: Эшигингда гадолигимни ҳақирликка йўймагинки, ҳимматимдан ғаминг ганжи – бойлигим, ўзим эса бадавлатдирман).

Бошқа бир ғазалда эса ошиқнинг таҳаммул, тааммул, таваккул ҳоллари ҳақида сўз боради ва ошиқ-фақир таваккул эгаси сифатида таърифланади. Жумладан, Хусрав шундай дейди:

<sup>1</sup> Ўша жойда, 273-бет.

<sup>2</sup> Ўша жойда, 285-бет.

<sup>3</sup> Хусрави Дехлавий. Мунтахабот. -Душанбе, 1960. -С. 107.

*Дам ба дам сўхт асире, ки шикебо набувад,  
Дар ба дар гашт фақире, ки таваккул нақунад<sup>1</sup>.*

(Мазмуни: Дам-бадам куйди асиринг сабр унинг шиоридир; дарбадар кезди фақиринг таваккул унинг қароридир).

Фалсафий мазмундаги “Наёбӣ” (“Топмасанг”) қасидасида ижтимоий, ахлоқий, тасаввифий масалалар қаламга олинган. Жумладан, ишқ ва ошиқлик ҳақида сўз борганида муаллиф фақрни ишқнинг аввалги шарти сифатида тилга олади ва қалбинг фақр ганжига айланмасдан туриб, ишқдан бемор қалбингга даво топа олмайсан, дейди:

*Ганчинаи фақр аз дили обод набинӣ,  
Чондоруи ишқ аз дили бемор наёбӣ<sup>2</sup>.*

(Мазмуни: Обод дилингни фақр ганжига айлантирмасдан туриб, бемор дилингга ишқдан даво топа олмайсан).

Демак, Хусрав фақрни асосан, ишқ нуқтаи назаридан талқин этган, фақирликни ҳақиқий ошиқликнинг биринчи шарти ўлароқ билган, фақр туфайли ошиқда таваккул, таҳаммул, сабр сингари сифатларнинг зухур этиши масаласига урғу берган. Бинобарин, Хусрав идеалидаги ҳақиқий ошиқни фақрсиз тасаввур қилиш мумкин эмас.

Навоий “ринди Шероз” дея таърифлаган Ҳофиз Шерозий (1325–1388)нинг лирик меросида фақр талқини ва фақир образи алоҳида ўрин тутади. Аммо бу унинг тасаввудаги бирор тариқат билан бевосита яқиндан ва давомли алоқада бўлганлиги сабабли эмас, балки ҳол уйғунлиги туфайлидан содир бўлган. Чунки Алишер Навоий “Насойим”да Ҳожа Ҳофизни тилга олар экан, “маълум эмаски, алар иродат илики бир пирга бермиш бўлғайлар ва тасаввуп тариқида бу тоифадин бирига нисбат дуруст қилмиш бўлғайлар. Аммо сўзлари андоқ бу тоифа машраби била мувофиқ воқеъ бўлубдурки, ҳеч кишига андоқ иттифоқ тушмайдур”<sup>3</sup>, – дея ёзди. Шунингдек, нақшбандия тариқатининг бир йирик намояндаси “... ҳеч девон Ҳофиз девонидин яшироқ эмас, агар киши сўфий бўлса”<sup>4</sup>, – деган.

Адабиётшунос олима Н.И.Пригарина ушбу масалада ёзди: “Гарчанд Ҳофиз шеърияти “лисон ул-файб” номи билан машхур бўлса-да, унинг тасаввуп билан бевосита алоқаси масаласи ҳанузгача очиқ қолиб келмоқда”<sup>5</sup>. Ж.Лазар Ҳофиз даврига келиб “мистик услуг тақомиллашиб, адабий анъана (ҳатто мода)га айланган”ини қайд этади<sup>6</sup>. А.Н.Болдирев эса: “Буюк Ҳофизда тасаввуп факат манера ва бадиий услуг характеридадир”<sup>7</sup>, – дейди. Демак, бизнингча, мутафаккир шоир ва тасаввуп ўртасидаги ўзаро яқинлик омилини биринчи навбатда *маданий муҳит* ва *адабий анъанадан* излаш тӯғри бўлади. Буни ўз вақтида тӯғри пайқаган Н.И.Пригарина Ҳофиз шеъриятининг тасаввуп билан алоқаси илдизлари ҳақида баҳс этаётиб ёзди: «Ҳофиз даври эрон маданиятининг ҳал қилувчи омили тасаввуп (ҳам

<sup>1</sup> Ўша жойда, 167-бет.

<sup>2</sup> Ўша жойда, 469-бет.

<sup>3</sup> Алишер Навоий. Насойим ул-муҳаббат. МАТ. 20 томлик. 17-том. –Тошкент: Фан, 2001. –Б.479.

<sup>4</sup> Ўша жойда, 480-бет.

<sup>5</sup> Пригарина Н.И. Образное содержание бейта в поэзии на персидском языке / Восточная поэтика. Специфика художественного образа. –М.: Наука, 1983. –С.101.

<sup>6</sup> Ўша жойда.

<sup>7</sup> Иқтибос Н.И. Пригарина мақоласидан олинди, 107-бет.

унинг фалсафаси, ҳам амалиёти) эканлигини ҳисобга олган ҳолда Ҳофиз шеърияти қонуниятларини излаш бизни тасаввуф таълимотларига олиб келади<sup>1</sup>. Буни шоир ижодидаги фақр тасвирида ҳам кўриш мумкин.

Ҳофиз фақрни шу қадар юқори қўядики, унинг учун фақр салтанатига етмоқлик энг олий матлаб:

*Агарат салтанати фақр бибахшанд, эй дил,  
Камтарин мулки ту аз моҳ бувад то моҳӣ<sup>2</sup>.*

(Мазмуни: Эй дил, агар сенга фақр салтанатини ҳадя этсалар, сенинг камдан-кам давлатинг буюклиқда унга тенглаша олади).

Нега шоир фақрга бунчалик катта аҳамият беради? Чунки у ўзидағи мавжуд улуғворлик ва салобатни фақр кароматидан деб билади:

*Давлати фақр, худоё, ба ман арzonӣ дор,  
К-ин каромат сабаби ҳашмату тамкини ман аст<sup>3</sup>.*

(Мазмуни: Ё раб, фақр давлатини доим менинг ҳамроҳим қилгин, чунки у менинг улуғворлик ва салобатим боисидир).

Ҳофиз фақрни аксарият муҳаббат билан чамбарчас боғлиқлиқда талқин қиласди. Шоир наздига фақр ўз кўксининг муҳаббат ганжига айланиш омилидир:

*Фақри зоҳир мабин, ки Ҳофизро  
Сина ганҷинаи муҳаббати ўст<sup>4</sup>.*

(Мазмуни: Ҳофиз фақирлигини фақат зоҳирий демагинким, унинг кўкси у (фақр) туфайли муҳаббат хазинасига айланмишdir).

Ҳофизда ҳам Румий, Навоийлар сингари “Ал-фақру фахрий” ҳадисига ишора қилинган байтга дуч келамиз. Ишқ кўчасида фақрни фахр деб билган ошиқлар салтанат тожини ҳам назарларига илмайдилар:

*Давлати ишқ бин, ки чун аз сари фахру ифтихор,  
Гӯшаи тоҷи салтанат мешиканад гадои ту<sup>5</sup>.*

(Мазмуни: Ишқ давлатини кўрким, гадолигини фахр билган ошиқларинг салтанат тожини синдирадилар).

Маълумки, Хожа Ҳофиз ижодида риндлик фалсафаси ва ринд образи муҳим ўрин тутади. Аслида ринд ишқ шаробидан маст бўлиб, бехудлик мақомига етган ошиқ образидир<sup>6</sup>.

<sup>1</sup> Пригарина Н.И. Индийский стиль и его место в персидской литературе (вопросы поэтики). –М.: Восточная литература РАН, 1999. –С.139.

<sup>2</sup> Ҳофизи Шерозий. Куллиёт. –Душанбе: Ирфон, 1983. –С. 593.

<sup>3</sup> Ўша жойда, 92-бет.

<sup>4</sup> Ўша жойда, 96-бет.

<sup>5</sup> Ўша жойда, 497-бет.

<sup>6</sup> Қаранг: Рейснер М.Л. Предварительные соображения о содержании термина “ринд” в литературе на фарси XI-XIV вв. В кн.: Иран. История и культура в средние века и в новое время. –М., 1980. –С. 76.

Шоир фақр либосини кийиб майхона хизматини қилишни “аҳли давлат” (висол давлатига етганлар) иши деб атайди:

*Рўзгоре шуд, ки дар майхона хидмат меқунам,  
Дар либоси фақр кори аҳли давлат меқунам<sup>1</sup>.*

Байтдаги “фақр либоси” фақрга мансубликни англатади. Демак, ҳақиқий ринд бўлишдан олдин кишининг фақр бўлиши талаб қилинади. Чунки кўнгилни дунёга машғулликдан тўла холи қилибгина риндлик мақомида ишқ шаробидан буткул мастлик, ақлдан бегоналик (“масти лояъқил”лик) ҳолига етиш мумкин. Айтиш мумкинки, Ҳофизнинг лирик қаҳрамони айнан шундай юксак ҳолга эришган ошиқ образидир.

Навоийда ҳам фақр ва май, фақир ва ринд масаласи қаламга олинган. У май ва майхўрликни инкор қиласидиган обид – порсога қаратса, агар ичадиган майинг фақр билан мувофиқ бўлса, шурб (май ичиш)дан ҳақталаблигингга ҳеч бир нуқсон етмайди, дейди:

*Шурбдин нуқсон эмас, эй порсо  
Фақр ила бўлса мувофиқ машрабинг.*

(FC, 276-бет)

Демак, бу ерда илохий майдан баҳраманд бўлишдан олдин толиб ўз майхўрлигини фақр билан мувофиқлаштириши шарт эканлиги уқтирилган. Бу ўринда Ҳофизнинг юқорида кўрганимиз, фақр либосини кийгандан сўнггина майхона хизматини қилиш ҳақидаги иқрори билан ўхшашлик мавжудлигини кузатишими из мумкин.

Ҳофиз фақрни комиллик йўли сифатида билган. Унингча, фақру қаноат тупроғи ғуборининг таъсири “кимёгарлик” амалиёти маҳсулидан-да яхшироқдир:

*Ҳофиз, ғубори фақру қаноат зи рух машўй,  
К-ин хок беҳтар аз амали кимиёгарӣ<sup>2</sup>.*

(Мазмуни: Ҳофиз, фақру қаноат ғуборини юзингдан ювмагинки, ушбу тупроқ кимёгарлик амалидан ҳам авлороқдир).

Бу байтда “Кимёгарлик амали” ибораси орқали алхимик (кимёгар)ларнинг мисни олтинга айлантириш мумкин, деган қарашига ишора қилинган. Маълумки, мис қиймати ва хоссалари жиҳатидан олтиндан паст турувчи маъдан. Алхимиклар маҳсус модда – эликсир (иксири аъзам) таъсирида мисни олтинга айлантириш мумкин, деб ҳисоблаганлар ва ушбу моддани яратиш йўлида изланганлар. Тасаввуф адабиётида эса ишқ айни мана шу афсона вий иксир аъзамга қиёс қилинган ва керак бўлса ундан афзал кўрилган. Чунки кимёгарларнинг иксир аъзам моддасини яратиш йўлидаги ўринишлари хомхаёл, бундай моддани улар амалда яратишга эриша олмаганлар. Фақрдан ҳосил бўладиган натижа эса аник. Чунки реал ҳаётда бу йўлни, яъни фақр йўлини тутиб комиллик даражасига эришганлар бўлган. Шунинг учун ҳам Ҳофиз байтда ишқнинг барча босқичларини босиб ўтиб, ишқ ўтида тобланган, яъни ҳақиқий руҳий-маънавий камолотга эришган инсонни олтинга қиёслаган.

<sup>1</sup> Ҳофизи Шерозӣ. Куллиёт. –Душанбе: Ирфон, 1983. –С. 429.

<sup>2</sup> Ўша жойда, 548-бет.

ган. Демак, Ҳофиз наздида фақру қаноат йўлида тупроқ бўлиш натижасида эришиладиган даражада миснинг иксирни аъзам таъсирида олтинга айланишидан-да афзалроқдир. Ҳофиз ушбу байтда фақр талаблари асосида васлга интилишни кимёгарликка, фақир – ошиқ қалбидаги ишқни эса иксирни аъзамга ташбек этиш орқали гўзал образ яратадиган.

Хуллас, Ҳофиз ғазалиётининг маъно ва ғоялар оламида фақр муҳим ўрин тутиб, у асосан, лирик қаҳрамоннинг ҳоли ва ишқда эришган даражасини ифодалаб келади. Май ва ринд мажозий образлари фақр билан биргалиқда талқин этилиши ушбу образларнинг янги маъно ва бадиий-эстетик вазифа касб этишига хизмат қилган. Ҳофиз шеъриятида дарвеш – васл талабида фақр йўлига кирган Ҳақ ошиғи образи. Шунингдек, Навоий ҳам фақир лирик образини яратишда Ҳофиз анъаналарига эргашганлигини кўришимиз мумкин.

Навоий ўз вақтида туркий адабиёт, хусусан, туркий тасаввуфий адабиёт намуналаридан хабардор бўлган ва ижоди мобайнида уларнинг энг сараларидаги анъаналарни ижодий ўзлаштирган, дейишимиз учун тўла асос бор.

Тарихдан маълумки, XII аср – Мовароуннаҳр ва Туркистанда мустақил тасаввуф тариқатларининг шаклланиш даври ҳисобланади. Зеро, ушбу минтақадаги йирик мустақил тариқатлар – кубравия, яссавия ва хожагония-нақшбандиянинг шаклланиши айнан шу даврга тўғри келади. Табиийки, ушбу жараён ўзбек тасаввуф адабиётининг шаклланишига ва дунёвий адабиётнинг тасаввуфий рух, рамз ва мавзулар билан бойишига олиб келган. Агар эътибор берилса, илк намуналари асосан, тасаввуф ғояларининг ташвиқи ва тариқат қонун-қоидаларининг тарғибидан иборат бўлган ушбу адабиёт тасаввуфий ғоядан бадиий ғояга, ташвиқотдан бадиий инъикосга тараққий қилганлиги кузатилади. Шунингдек, ундағи образ, рамз, белги-ишоралар тизими ўзбек адабиётининг янги мазмун-мундарижа билан бойишига ҳамда унда янгидан-янги ғоя ва мавзуларнинг кириб келишига сабаб бўлди. Бинобарин, кейинчалик ҳам услуг, ҳам маҳорат, ҳам ғоявий-эстетик кўлам жиҳатидан баркамол ва Навоий томонидан олий сифатида қайд этилган адабиёт ривожида тасаввуф ва тасаввуф адабиётининг ўрни каттадир.

Ўзбек тасаввуф адабиётининг тамалини қўйган машхур шайх, Навоий таъбири билан айтганда, “Туркистан элининг кутб уд-муқтадоси” Ҳожа Аҳмад Яссавий (ваф. 1166) нинг “Девони ҳикмат”, “Фақрнома”, шунингдек, яссавия мактаби шоирларидан ҳисобланмиш Сулеймон Боқирғонийнинг “Боқирғон китоби” сингари халқ орасида машхур асарларда, фақр ҳақиқатлари ва фақру фано маслагига катта ўрин ажратилган.

Аҳмад Яссавийнинг “Ҳикматлар”ида асосан, фақрнинг тасаввуфий мазмунига эътибор берилган. Бироқ ҳикматлар поэтиканинг умумконтекстида образга хос жиҳатларни ҳам илғаш мумкин. “Девони ҳикмат”да фақр Ҳақ ошиғи бўлган лирик қаҳрамон кўнглини ҳақдан ўзгаси (ғайриҳақ)дан тозаловчи иксир; манманлик, риёкорлик, баҳиллик, ҳасадгўйлик, беҳаёлик, таъмагирлик в. ҳ. салбий хусусиятларни йўқотувчи ва камтарлик, холислик, жавонмардлик, сахийлик, қаноат, сабр, шукр, таваккул, бағрикенглик каби ижобий сифатларни тарбияловчи асос ўлароқ талқин этилган. Яссавий ақидасига қўра ҳам, фақрнинг тамали Муҳаммад (с.а.в) ва унинг “Ал-фақру фахрий” ҳадиси билан боғлиқдир.

*Оlam фахри Мустафо, андоғ айди марҳабо,  
Меъроjс тунинда фахр – фақир йўlin олмишлар<sup>1</sup>.*

<sup>1</sup> Ҳожа Аҳмад Яссавий. Девони ҳикмат. Нашрга тайёрловчи Р.Абдушукуров. –Тошкент, 1991. –Б.82.

Ёки:

*Сажжодага ким ўлтурса фақир бўлсун,  
Муҳаммаддек туфроқ сифат ҳақир бўлсун,  
Риёзатда ранги-рўйи заҳир бўлсун,  
Ҳақ Мустафо эла қоттиғ боққани йўқ<sup>1</sup>.*

Яссавий талқинидаги фақир, авваламбор, ошиқдир. Зеро, соликни фақр йўлига солиб, дунё фароғати, лаззатларидан кечиб, риёзату мاشаққатларга рўпара бўлишга мажбур этидиган куч – ишқ ҳисобланади:

*Ишқ – подшоҳ, ошиқ – фақир дам уролмас,  
Ҳақдин рухсат бўлмагунча сўзлай олмас,  
Ҳақ пандини олған дунё излай олмас,  
Ломаконда Ҳақдин сабақ олдим мано<sup>2</sup>.*

Лирик қаҳрамон Ҳақ ошиғи бўлгани учунгина фақирдир, ўз навбатида фақр ундаги ишқ ўтини алангалитиб, ўзгача мазмун бағишлайди. Яъни Ҳақ ишқини подшоҳ мақомида билган ошиқ-фақирнинг иродаси буткул Ҳақ иродасига боғлиқ: у ишқдан ўзгани сўзлай олмайди, Ҳақдан бошқани излай олмайди. Бу эса унинг руҳини арш, курсию лавҳдан ўтказиб, ломаконгача юксалтиради, айнан ўша ерда толиб ва матлуб ўртасида мулоқот содир бўлади. Агар ушбу мулоқотни васл деб оладиган бўлсак ва бунда фақр муҳим рол ўйнаганлигини эътиборга олсак, **фақр васлнинг муҳим шартидир**, деган хулосани қабул қилишимизга тўғри келади.

Ҳикматларда “фақир” ва “дарвеш” истилоҳлари бир маънода қўлланган. Унга кўра, дарвешликнинг асли фақрдир:

*Асли фақир бўлсалар, вужуд шаҳрин кезсалар,  
Зоҳир, ботин тузсалар, саодатлиғ дарвешлар<sup>3</sup>.*

Мазкур байтдаги “тузсалар”, яъни “туз этсалар” – бир хил қилсалар, ботинларини зоҳирларига, зоҳирларини ботинларига ростласалар мазмунини ифодаламоқдаки, бундан фақир-дарвешнинг ичи билан ташқариси бир хилда бўлмоғи лозим, аслида қандай бўлса ўшандай намоён бўлмоғи керак, деган муҳим хулоса келиб чиқади.

Тасаввуф таълимотида фақр – риёга кескин зарба берадиган маънавий таянч сифатида тушунилган. Аҳмад Яссавий ҳам бунга алоҳида аҳамият беради:

*Дарвеш бўлсанг тоат қилгил, қилма риё,  
Ҳар гўшада тоат қилгил, тангirim гувоҳ,  
Ёлғон дарвеш қайдা борса зарқу даъво,  
Одил подшоҳ тоатларин исён қилур<sup>4</sup>.*

<sup>1</sup> Ўша жойда, 127-бет.

<sup>2</sup> Ўша жойда, 42-бет.

<sup>3</sup> Ўша жойда, 80-бет.

<sup>4</sup> Ўша жойда, 98-бет.

Одамлар наздида тоату, аслида эса даъводан иборат сохта тоатнинг “Одил подшоҳ”, яъни Ҳақ даргоҳида исён эканлиги маълум бўлади. Фақр ҳар бир иш, жумладан, тоат-ибодат ва Аллоҳга таслимиятни ҳам одамлар кўзича риёкорона эмас, чин дилдан, самимий амалга оширишни талаб қиласиди. Шу маънода тасаввуф таълимотида фақр инсон ахлоқида риёкорликка қарама-қарши бўлган самимилик хислатларини қарор топтирувчи муҳим асослардан биридир.

Фақр нуридан баҳраманд бўлган инсонларни Яссавий Ҳақдан улуш олганлар, деб атайди. Унинг таъбирича, бундай кимсалар “фақр тўни”ни киядилар. Бундай тўнни кийган ошиқлар сифати туфроқлик ва муштоқлик бўлиб, ҳатто, малойиклар тилида улар “оғоқ” (маънавий оламнинг сарвари) деб аталадилар:

*Ошиқларни суррин айттим, ёлғони йўқ,  
Ёлғон толиб бу йўлларға киргони йўқ,  
Ёлғончилар Ҳақдин улуш олғони йўқ,  
Улуш олғон фақр тўнин кияр эрмиш.  
Фақр тўнин кийган ошиқ бўлур туфроқ,  
Зор йиғлабон дийдориға бўлур муштоқ,  
Малойиклар от қўярлар онга оғоқ,  
Андоғ ошиқ элдин қочиб юрар эрмиш<sup>1</sup>.*

Мазкур парчадаги “фақр тўнини кийиш” ибораси қўчма маънода қўлланилган бўлиб, у фақр моҳиятига етган, фақрда муайян босқичларни босиб, маълум мақомни эгаллаган киши мазмунини англатади. Бироқ, дарвеш-фақирларнинг том маънода ҳам маҳсус тўнлари мавжуд бўлиб, у муайян даражани эгаллаган толибларгагина насиб этган. Шу ўринда бу ҳақда Навоий ҳам “Насойим”да Ҳужвирийнинг “Кашф ул-маҳжуб”ига асосланиб, фақр тўни ва унга юрун (ямоқ) тикиш қонун-қоидалари ҳақида тўхталиб ўтганлиги<sup>2</sup>, ўйлаймизки, тасаввуфда фақр тўни атамаси ҳам муҳим масалалардан бири эканлигига далилдир.

Аҳмад Яссавийга нисбат бериб келинаётган “Фақрнома” асари ҳам фақрнинг Яссавий ижоди ва яссавия тариқатида тутган мавқеини белгилашда муҳим манбадир. Аммо, токи унинг Яссавий даврига яқин ишончли қўлёзма нусхалари топилмас экан, муаллифлик масаласи баҳсли бўлиб қолаверади<sup>3</sup>. Гарчанд, баъзилар унинг қатъий равища Яссавийга та-

<sup>1</sup> Ўша жойда, 123-бет.

<sup>2</sup> Алишер Навоий. Насойим ул-муҳаббат / МАТ. 20 томлик. 17-том. – Тошкент: Фан, 2001. – Б. 219.

<sup>3</sup> Гап шундаки, “Фақрнома” типида асарлар ёзиш бир анъана тусини олган бўлиб, бизгача кўплаб шу номдаги асарлар етиб келган. Булар қаторида Ҳожагий Аҳмад бин Жалолиддин Косоний – Маҳдуми Аъзамнинг “Рисола ал-фақри савод ил-важҳи фи-д-дорайни” (ЎзР ФАШИ, №2352-IX, №3386-VII), Саййид Амир Али Ҳамадонийнинг “Рисолаи фақирия” (ЎзР ФАШИ, №2312, №480, №754-XXII, №11016) ва бошқа муаллифлар асарларини мисол сифатида келтириш мумкин. Албатта, “Фақрнома”лар сони фақат шулар билан чекланмайди, бироқ улар орасида Шайх Боязид Бистомийга нисбат берилаётган асар (ЎзР ФАШИ, №11812) ўз қурилиши, қаламга олинган мавзулари жиҳатидан Яссавий “Фақрнома”сига жуда ўхшаб кетади. Жумладан, иккала асарнинг ҳам компилятив (йиғма) характеристи, муаммолари ва унга муносабат, масаланинг қўйилиши ва ечими, иқтибос ва матн парчалари ўртасидаги ўхшашлик улар ўзаро таъсирда яратилган бўлиши мумкин, дея хулоса чиқариш учун асос беради. Бироқ, муаммо шундаки, IX асрда яшаган Боязид Бистомий (ваф. 874)га нисбат берилаётган ушбу асар нусхаси форс тилида бўлиб, ушбу ҳолатда туркий “Фақрнома” форсийсидан илҳомланиб ёзилганини ёки форсийсининг яралишида туркий асар асос бўлганлиги масаласини ҳал қилиш мушкул ва иккала матннинг ўзаро қиёсий таҳлили галдаги вазифалардандир.

аллуқлилиги фойдасига ҳукм чиқаришга мойил бўлсалар-да<sup>1</sup>, биз ушбу масалани очиқ қолдиранг ҳолда, мавзу нуқтаи назаридангина унга мурожаат қиласиз.

“Фақрнома”да: “Фақирлик мартабаси мақоми аъло туур, ҳар кимга муюссар бўлмас. Ул муршидким, фақрни билмай шайхлик даъвосин қилса, қиёмат куни қаро юзлик бўлуб, шарманда бўлғай”<sup>2</sup>, – дея фақрга шайхликнинг муҳим шартларидан бири сифатида эътибор қаратилган. Асарда фақрнинг ибтидоси Муҳаммад (с.а.в)нинг“Ал-фақру фахрий” ҳадисига боғлиқ равишда, яъни у кишининг ilk бор фақр суратини кўриши меъроj тунида содир бўлганлиги билан боғлиқликда талқин этилган. Асарда Ҳақ дийдорига эришиш фақр орқали эканлиги шундай тасвирланади: “Эй Муҳаммад, агар мени тиласанг фақир бўл, тажрид ва тафрид бўлғил ва агар дийдор тиласанг, риёзат тортғил, то манинг жамолимға мушарраф бўлғайсан ва ҳар ким дийдор тиласа, ғайри Ҳақ анга ҳаром туур”<sup>3</sup>. Унда яна айтилишича, фақр ҳақиқатлари ва фақрнинг қирқ мақоми пайғамбар томонидан Ҳазрати Алига баён қилинган бўлиб, улардан ўнтаси шариатда (имон, намоз, рўза, закот, ҳаж, хилм, илм, суннатга амал, амри маъруф, наҳий мункар); ўнтаси тариқатда (тавба, пирга қўл бериш, лаззат ва шаҳватни тарқ этиш, пир хизмати, тажрид, тафрид); яна ўнтаси маърифатда (фано, дарвешлик, таҳаммул, ҳалол талаби, маърифат талаби, дунё тарки, охират ихтиёри, вужуд мақомини билиш, ҳақиқат асрорини билиш); ва яна ўнтаси ҳақиқат (хокроҳлик, яхши-ёмонни таниш, қаноат, базли мавжуд, сайри сулук, сирни сақлаш, шариат, тариқат, маърифат, ҳақиқат мақомларини билиш ва уларга амал қилиш)дадир<sup>4</sup>.

Хуллас, Аҳмад Яссавий ижодида фақр мақомининг устунлиги инкор қилиб бўлмас ҳақиқатдир. Чунки тасаввуфдаги “Худога муҳабbat, охирги нафасгача шу севги ғами билан кун кечириш, тавбаю тазарру, сабру тоқат ва маънавий шижоат, тўғрилик ва самимият, нафсни енгиш каби амалларнинг барчаси охир-оқибат фақрлик мақоми билан кесишидаган бош масала ҳамда талаб ҳисобланади. Аҳмад Яссавий ҳикматларининг мавзу мундарижаси худди шу ғоя масалалар талқинидан таркиб топгандир”<sup>5</sup>.

Аҳмад Яссавийни ўзининг пири-устози, муршиди, ўзини эса унинг муриди деб билган яссавия мактаби вакили Сулаймон Боқирғоний (ваф. Тахм. 1186) Қул Сулаймон тахаллуси билан ҳикматлар битиб, тасаввуф ва фақр ҳақиқатларини талқин этишда ўз муршидига эргашади. Масалан, у фақрнинг ибтидосини ҳадиси набавия билан боғлаган бир ҳикматида фақир ўрнига унинг синоними бўлган дарвеш истилоҳини қўллаб шундай ёзади:

*Расулга ваҳий келди, бошиндан тожин олди,  
Қўбти ходимлиқ қилди, дарвешлар сұхбатинда<sup>6</sup>.*

<sup>1</sup> Қаранг: Туркияде яссавийшунослик. Нашрга тайёрловчи Н.Ҳасан. – Тошкент, 1999. – Б.11, 28, 32, 46. Ушбу китобда баъзи муаллифлар чуқурроқ текшириш мумкин (23-бет), баъзилари эса “Фақрнома”даги фикрлар Яссавий томонидан айтилиб, муридлар тарафидан қоғозга туширилган бўлиши мүкин (53-бет) каби тахминлар ҳам илгари сурилган. А.Гўзал тадқиқотида ҳам баъзи манбаларга мурожаат қилинган бўлса-да, Яссавий даврига оид ёки унга яқинроқ бир қўллөзманинг мавжуд эмаслиги сабабли узил-кесил илмий фикр айтилмаган. Қаранг: Гўзал А. Яссавий “Фақрнома”си. – Тошкент: Наврӯз, 2014.

<sup>2</sup> Хожа Аҳмад Яссавий. Фақрнома / Девони ҳикмат. – Тошкент, 1992. – Б.10.

<sup>3</sup> Ўша жойда, 13-бет.

<sup>4</sup> Ўша жойда, 11-12-бетлар.

<sup>5</sup> Иброҳим Ҳаққул. Тасаввуф ва шеърият. – Тошкент, 1991. –Б.37.

<sup>6</sup> Сулаймон Боқирғоний. Боқирғон китоби. Нашрга тайёрловчилар И.Ҳаққул, С.Рафъиддин. –Тошкент, 1991. –Б. 17.

Бундан ташқари, ўз пири сингари фақр масаласига катта аҳамият берган Қул Сулаймон дарвешлар радифли тўртта маҳсус ҳикмат битган:

*Мунглиғ, ожиз бўлдим ман, нафсни ўздин юлдим ман,  
Истадигим бўлдим ман, дарвешларнинг ичинда<sup>1</sup>.*

Ёки:

*Йўл бошиға келибон, йўлин сургон дарвешлар,  
Уқбо хабарин эштиб, ўлға киргон дарвешлар<sup>2</sup>.*

Қул Сулаймон фақр асосини ташкил этадиган, соликнинг тириклигидага дунёни тарк этиб, иззу жоҳни ўзидан қувиб, ўлмасдан бурун ўлиб яна қайта тирилишини илоҳий ишқда деб билади:

*Дунёни тарк қилибон, иззу жоҳни солибон,  
Ким тирилгай ўлубон, ародা ишқ бўлмаса<sup>3</sup>.*

Хоразмий ва унинг “Муҳаббатнома”сида тасаввуф таъсири яққол қўзга ташланиб турмасада, асар хотимасидаги форсий ҳикоят охирида шундай байтларга дуч келамиз:

*Агар дорӣ қаноат дар фақири,  
Ба вақти худ ту ҳам шоҳу амирӣ<sup>4</sup>.*

(Мазмуни: Агар фақирикда қаноат эгаси бўлсанг, бир вақтнинг ўзида ҳам шоҳ, ҳам амирлик мартабасига етасан).

Хоразмий ўзигача бўлган форс адабиёти анъаналаридан яхши хабардор бўлган. Асарда Муҳаммад Хўжабек тилидан “Очунда порси (форсий) дафтарларинг (девонинг бор)” дейилиши ҳам бунга далолат қилиб турибди. Аммо, афсуски Хоразмийнинг “Муҳаббатнома”дан ташқари форсий ва туркий мероси ҳанузгача топилган эмас.

XIV аср форс адабиётида эса хурросоний, ироқий, ҳиндиј услублар ва мажоз воситасида ҳақиқатни куйлаш тамойили ўзининг энг ривожланган нуқтасига эришган эди. М.Л.Рейснер З.Сафога таяниб: “XIII асрда, хусусан, Саъдий, Румий ва Ироқий таъсирида, шунингдек, хонақо шеъриятининг ривожланиши оқибатида форсий ғазалиёт услубида дунёвий муҳаббат ва ирфоний (мистик) ишқнинг бирлашиши юз берган” лигини ёзади<sup>5</sup>. Ушбу фикрни лиро-эпик достонларга нисбатан ҳам айтиш мумкин. Хоразмийнинг баъзи ишораларидан у мажоз-ҳақиқат тамойилини “Муҳаббатнома”га татбиқ этганлиги маълум бўлади. Масалан, асарнинг сўнгги “Илтимосин айтур” деб номланган қисмида шундай байт мавжуд:

*Муни ким ишқ бирла бир ўқуғай,  
Ҳақиқат оламини мунда булғай<sup>6</sup>.*

Яъни “кимда-ким Ҳақиқий ишқ нуқтаи назаридан туриб ушбу асарни ўқиса, унда мажоз воситасида ҳақиқат куйланганига амин бўлади”. “Мажоз – Ҳақиқат” услуби асарнинг ду-

<sup>1</sup> Ўша жойда.

<sup>2</sup> Ўша жойда, 24-бет.

<sup>3</sup> Ўша жойда, 16-бет.

<sup>4</sup> Хоразмий. Муҳаббатнома / Муборак мактублар. –Тошкент, 1987. –Б. 41.

<sup>5</sup> Рейснер М.Л. Эволюция классической газели на фарси (Х-XIV века). –М.: Наука, 1989. –С. 154.

<sup>6</sup> Хоразмий. Муҳаббатнома / Муборак мактублар. –Тошкент, 1987. –Б. 41.

нёвий руҳига путур етказмайди. Аксинча, ушбу тамойил асарни дунёвий мазмунда тушуниш билан бирга ўзгача йўналишда ҳам талқин қилиш имконини беради, холос.

Ҳофиз Хоразмий Навоийгача бўлган туркигўй шоирлар ичида ўз ижодида фақр талқинига кўп мурожаат қилган қаламкашлардандир. Ушбу масала унинг ғазал, қитъя ва рубоийларида кўзга ташланади. Унинг ижодига эътибор қаратилса, ҳатто, бошдан охиригача фақр масаласига маҳсус бағишлиланган ғазал ва қитъалар борлиги ҳам аён бўлади (масалан, I китоб 13, 17-ғазаллар, II китоб 576-ғазал, 5-қитъя ва ҳ.к.).

Ҳофиз Хоразмийнинг лирик қаҳрамони ишқ бенавоси бўлиб, фақр билан фахрланиш қисматини орзу қиласди:

*Бенавои ишқ бўлиб, ўз муродингдин кечиб,  
Фақр бирла фахр этиб, мулки Сулаймон издагил.  
Фақр тўнин қадринга лойиқ тилар бўлсанг мудом,  
Офтобу моҳтак ўзунгни урён издагил<sup>1</sup>.*

Фақр салтанатини топган гадо тахту тож ва сultonга эҳтиёжманд эмас, чунки у фақр мулкини дунё мулкидан ортиқ деб билади. Масалан:

*Асру фақир, агарчи гадою ҳақирман,  
Йўқдур кўнгулда шоҳ ила сultonга эҳтиёж<sup>2</sup>.*

Ёки:

*Салтанати фақрни топдинг эса,  
Не кераги бор санга тахту тож<sup>3</sup>.*

Ёки:

*Топған кишилар лаззати фақру фуқарони  
Зоҳирдағи бу шоҳ ила сultonни не қилсун<sup>4</sup>.*

Навоийда ушбу қараш яна ҳам давом эттирилиб, фақр аҳли подшога эмас, балки фақр аҳлига подшо муҳтожлиги баён қилинади:

*Фақр аҳлиға подшо муҳтож,  
Уйлаким, шоҳға гадо муҳтожс.  
(FC, 99-бет).*

Ҳофиз фақрни ишқ билан мужассамликда талқин қиласди. Унингча, фақр хазинасидан ганж топган ошиқнинг қалби ишқ маҳзанига айланади:

*Ганжи фақр ичраки, чун ганж қарор айлабме,  
Ганжи ишқин талаб айланг дили вайронимдин<sup>5</sup>.*

<sup>1</sup> Ҳофиз Хоразмий. Девон. Икки китобда. II китоб. Нашрга тайёрловчилар Ҳ.Сулаймон, Ф.Сулаймонова. –Тошкент, 1981. –Б. 5.

<sup>2</sup> Ҳофиз Хоразмий. Девон. Икки китобда. I китоб. Нашрга тайёрловчилар Ҳ.Сулаймон, Ф.Сулаймонова. –Тошкент, 1981. –Б. 80.

<sup>3</sup> Ўша жойда, 81-бет.

<sup>4</sup> Ҳофиз Хоразмий. Девон. Икки китобда. II китоб. Нашрга тайёрловчилар Ҳ.Сулаймон, Ф.Сулаймонова. –Тошкент, 1981. –Б. 69.

<sup>5</sup> Ўша жойда, 81-бет.

Хофиз шеъриятида Ҳақиқий фақирнинг рамзи бўлган “палос”, “гилем”, “фақр тўни” сингари рамз-тимсоллар фақир образини гавдалантиришда фаол иштирок этади. Масалан:

*Атласу иксунни қўза илмагай,  
Салтанати фақрда кийган палос.  
Дамни ғанимат қўра дам ўғли бўл  
Ким, бу эрур шукри Ҳақу ҳам сипос<sup>1</sup>.*

Ёки:

*Қачон қўзунга, эй Ҳофиз, илинсун дину ҳам дунё,  
Гилеми фақрда ҳар кимга тегса ҳукми султоний<sup>2</sup>.*

Ёки кейинги байтда:

*Гилеми фақру фанода шикаста бўлғилким,  
Кўнгулни олди қаро зулфининг шикасталари<sup>3</sup>.*

Бироқ шоир фақрнинг суврати билан эмас, сийрати билан яшашга даъват қиласди. Зотан, суратбинлик охир-оқибатда ҳеч қандай натижага олиб келмайди. Гарчанд, дейди шоир қитъаларидан бирида, шакарқамиш ва оддий қамиш зоҳирда бир-бирига жуда ўхшаса-да, уларнинг моҳияти турличадир. Шу сабабли ҳам уларнинг биринчисидан шакар ҳосил бўлади, иккинчиси эса фақат бўйра ясашгагина ярайди:

*Суврати фақру ғиноға йўқтур ҳеч эътибор,  
Молсиз қўптур ғанию мол бирла ҳам гадо.  
Икки най сувратда бир-бирина ўхшар, валие  
Биридин ҳосил бўлур шакар, бириндин бўрё<sup>4</sup>.*

Демак, ҳақиқий фақрда инсоннинг камбағал ёки бойлиги эмас, балки мол-дунёга муносабати, унинг кўнглида мол-дунё севгиси бор ёки йўқлиги муҳимдир. Байтдаги шакарқамиш тимсоли ҳақиқий фақирни ифодаласа, оддий қамиш ўзига фақирлик тусини бергану, лекин кўнгли фақр сафосидан бебахра сохтакорни ифодаламоқда. Фақрдан холи “сўфийи софий”лик даъвоси эса ёлғондир:

*Фақрда кечмай ўзидин муддаий хонақоҳ қилиб,  
Сўфийи софман теди, лек сафо топилмади<sup>5</sup>.*

Шу жойда юқоридаги байт мазмунидан келиб чиқиб, Алишер Навоийнинг “Фано мақомиға еткан солик васфидаким, молдин анга зиён йуқтуру жоҳдин нуқсон” сарлавҳали қитъ-

<sup>1</sup> Ҳофиз Хоразмий. Девон. Икки китобда. I китоб. Нашрга тайёрловчилар Ҳ.Сулаймон, Ф.Сулаймонова. –Тошкент, 1981. –Б. 258.

<sup>2</sup> Ҳофиз Хоразмий. Девон. Икки китобда. II китоб. Нашрга тайёрловчилар Ҳ.Сулаймон, Ф.Сулаймонова. – Тошкент, 1981. –Б. 203.

<sup>3</sup> Ўша жойда, 223-бет.

<sup>4</sup> Ўша жойда, 290-бет.

<sup>5</sup> Ўша жойда, 154-бет.

асида илгари сурилган қараш масаланинг қўйилиши ва ҳал қилиниши жиҳатидан юқори-даги қитъага ниҳоятда ўхшаб кетишини эслатиш ўринлидир:

*Солики озодани қўрсанг ғаний, қилғай дебон  
Мол аниңг манъи сулуки қилмағил инкор анга.*

*Кема тири мол аро бўлмиш муқайяд демагил,  
Кўрки, онча мол ўлурму мониъи рафтор анга.*

(FC, 542-б.)

Асарларида тасаввуфий рух, шу жумладан, фақр маслаги сингдирилган туркигўй шоирларидан яна бири XV асрнинг I ярмида яшаб ижод этган Сайид Қосимийдир. Бу хусусда унинг тасаввуф руҳи билан суғорилган маснавийлари ҳамда “Ҳақиқатнома”, “Мажмаъ ул-ахбор” сингари адабий-дидактик достонлари айниқса, аҳамиятлидир. Бу маснавийлар ва достонлар асосан, руҳий покланиш ва маънавий камолот йўлига кирган толибларга мўлжаллаб ёзилгани сабабли муаллиф уларда фақр масаласига алоҳида эътибор қаратган. Сайид Қосимий наздида Ҳақ ишқи билан ёнган ошиқнинг ўзи учун зарурий деб билиши лозим бўлган таянчи фақрдир. “Мажмаъ ул-ахбор”да ўқиймиз:

*Кимки санга лофи муҳаббат урур,  
Фақру фано бирла қаноат қилур<sup>1</sup>.*

Ёки:

*Шавқу муҳаббат майдин бори маст,  
Фақру фано йўлида чун хок паст<sup>2</sup>.*

Шоир наздида фақирлик ихтиёр қилган солик авваламбор ўзини нафс асиригидан халос этиши керак:

*Нафсу ҳаво илгинда бўлма асир,  
Кеч бу ҳаваснинг бошидин, эй фақир<sup>3</sup>.*

Бунинг учун “мартабаи ан-тамут” касб этиш керак:

*Ҳосил этиб мартабаи ан тамут,  
Нафсу ҳаво хирманина урғил ўт.*

Бу байтда “Мавту қабла анта-мавту” – “Ўлмасдан бурун ўлингиз” ҳадисига ишора қилингани ҳолда ўлмасдин бурун ўлиш орқали, нафсни «ўлдиришга» даъват этилмоқда. Бунинг йўли эса фақру қаноат гўшасини ихтиёр этмоқдир:

*Фақру қаноатни қилиб ихтиёр,  
Гўшаи узлатда тутуб сен қарор<sup>4</sup>.*

<sup>1</sup> Сайид Қосимий. Мажмаъ ул-ахбор / Маснавийлар мажмуаси. – Тошкент, 1992. – Б. 13.

<sup>2</sup> Ўша жойда, 45-бет.

<sup>3</sup> Ўша жойда, 40-бет.

<sup>4</sup> Ўша жойда, 36-бет.

Шунингдек, шу асарнинг бошқа бир ўрнида шоир фақрни ҳиммат билан боғлиқликда талқин этади. Маълумки, ҳимматлилик, ҳиммати баландлик эр кишининг дунё молига назар солмаслик, уни “жийфа” – ўлимтик ўрнида қўриш сингари сифатидир. Ҳиммати баланд фақир учун ишқ йўлида гадолик ҳақиқий бадавлатлик, яъни ғанийликдир:

*Ҳар кишиким, ҳиммати бўлса баланд,  
Жийфаси дунёга эмас пойбанд.  
Фориғ эрур аз ғами мову маний,  
Фақр либосида гадову – ғаний<sup>1</sup>.*

Навоийда эса “Фақр йўлида ғаний – иймонға бой” сингари эътирофга дуч келамиз.

Қосимий эранлар (камолотда олий мартабага етган кишилар)нинг фақр уммонида ўзларини бемалол тута олишларини айтади. Унингча, ушбу хусусият уларга “мазҳари нури худо”лик мақомини ато этган. “Ҳақиқатнома”да ўқиймиз:

*Эранлар мазҳари нури худодур,  
Қачон бир лаҳза ёдидин жудодур.  
Эрурлар икки олам подшоҳи,  
Қилурлар сайр аз маҳ то ба моҳий.  
Муҳити фақр ичинда Нуҳ эрурлар,  
Фаришта сувратинда руҳ эрурлар<sup>2</sup>.*

Шунингдек, Саййид Қосимий асарларида фақрнинг қаноат, сабр, ризо, таваккул, шукр, таҳаммул, саховат, футувват сингари яна кўплаб тушунчалар билан алоқасига ҳам алоҳида эътибор қаратилган.

XV аср биринчи ярмида яшаб ижод этган туркигўй шоирлар – Атойи, Гадоий (тав. тахм. 806/1403) ва Саккокийлар ижодида ҳам фақир образи яратилган. Жумладан, Атойи “Девон”ида фақр талқини ва фақир образи тасвирига бағишлиланган алоҳида ғазал ва қатор байтлар учрайди. Масалан:

*Ҳар неча бўлса ёрда кибру анову мартобат  
Бандадин оллида ҳамин фақру ниёзу масканат<sup>3</sup>,*

– матлаъи билан бошланувчи ғазал тўлиқ фақр ҳақиқатлари ва фақирлик фазилатлари тасвирига оидdir. Бу ғазалдан Атойининг фақр моҳиятини унинг воситасида аҳли диллар (ишқ аҳли) қаторидан ўрин олишда деб билиши маълум бўлади:

*Ориғ эсанг ўзунга бил фақру фано мақомида  
Аҳли дил остонасин тожи сариру салтанат.*

Ирфонни эса шоир “ман арафаҳу” (“ўзингизни англанг”) сулукида ўзликни танишдан иборат деб тушунади:

<sup>1</sup> Ўша жойда, 66-бет.

<sup>2</sup> Саййид Қосимий. Ҳақиқатнома / Маснавийлар мажмуаси. –Тошкент, 1992. –Б. 163.

<sup>3</sup> Отойи. Танланган асарлар. Нашрга тайёрловчи Э.Рустамов. –Тошкент, 1958. –Б. 38.

*Гар сен ўзингни тонисанг ман арафаҳу сулукида,  
Мулку малак санга бўйур хешу табору мамлакат<sup>1</sup>.*

Ушбу ғазалда, шунингдек, фақр воситасида хавфу ражонинг лутфу марҳаматга, жабру жафонинг меҳру вафога, зарару йўқотишнинг манфаату фойдага айланиши ниҳоятда сержило бадиий бўёқлар воситасида тасвирлаб берилган.

Шунингдек, Атойининг:

*Борча мискину фақиру бекасу бехеш учун  
Боқи тутсун тенгри сизни хосса мен дарвеш учун<sup>2</sup>,*

ҳамда:

*Эй қўнгул, тутқил ўшал соҳибназарлар миллатин,  
Кўзга илмаслар фароғаттин Сулаймон мулқатин.  
Фақр ичинда подшолар бор сипоҳу таҳт ила  
Ким, урурлар қудсилар қўкда аларнинг навбатин<sup>3</sup>, –*

сингари ғазаллар ҳам фақрни таърифу тавсиф этиш мавзуидадир.

Гадоий шеъриятида ҳам фақр анъанавий мазмунга мувофиқ талқин этилган. Шоир ишқ йўлида фақирлик султони оламликдир, деган қарашни илгари суради:

*Ярлиғи ишқинг била султони олам мен бегим,  
Нечаким бўлсанам фақир, эй ҳусн мулкинда ғани<sup>4</sup>.*

Саккокий талқинича эса Тангри (Ўғон) барча жонзотларни яратиб, уларга ризқу рўз бергандаёқ ҳақиқий ошиқни фақир сифатида яратган ва унга ғаму ғуссадан насиба ато этган:

*Ўғон жонлар яротиб бу жаҳонға рўзи берганда,  
Фақир Саккокиға барча ғаму ғусса ато қилди<sup>5</sup>.*

Демак, ғазалда тасвирланишича, фақр ошиқнинг азалий қисматидир.

XV асрнинг иккинчи ярмида яшаб ижод этган туркигўй шоирларнинг энг улуғларидан бири, Навоийнинг катта замондоши, ўз даврида “Малиқул калом” дея эътироф этилган, Навоий томонидан “мажоз тариқида айтур элнинг устоди” дея ижоди юксак баҳоланганди шоир Мавлоно Лутфий (тахм. 1366-1465) ғазалларида ҳам фақрга кенг ўрин берилган.

Лутфий лирикасида фақр шоирнинг ишқ концепцияси билан боғлиқлиқда намоён бўлади. Бинобарин, ёр ғамида ёнаётган шоир ўзига фақирлик сифатини нисбат беради:

*Бўйлур юзунг ғамидин чок-чок гул янглиғ,  
Не хирқаеким, ани Лутфийи фақир кияр<sup>6</sup>.*

<sup>1</sup> Ушбу ғазалдаги рамз ва тасаввуфий истилоҳлар С.Рафиддинов монографиясида атрофлича шарҳланган. *Қаранғиз: Рафиддинов С. Мажоз ва ҳақиқат (Атойининг поэтик маҳорати).* –Тошкент: Фан, 1995. – Б. 42-44.

<sup>2</sup> Отойи. Танланган асарлар. Нашрга тайёрловчи Э.Рустамов. –Тошкент, 1958. –Б.128.

<sup>3</sup> Рафиддинов С. Ўша китоб, 45-бет.

<sup>4</sup> Гадоий. Шеърлар. Нашрга тайёрловчи С.Фаниева. –Тошкент, 1959. – Б. 55.

<sup>5</sup> Саккокий. Танланган асарлар. Иккинчи нашри. Нашрга тайёрловчи Қ.Муниров. –Тошкент, 1960. –Б. 39.

<sup>6</sup> Ўша жойда, 88-бет.

Шоир бу байтда ҳақиқий фақир – ошиқларнинг чок-чок хирқасини ўзига нисбат берар экан, уларнинг хирқаси ёр юзи ғамида шу аҳволга келганлигини таъкидлайди. Лутфий лирик қаҳрамонининг фақирлиги истилоҳий мазмундаги, яъни ёрнинг чексиз ҳусну жамоли қаршидаги фақирликдир:

*Жамолу ҳусн ила сен бою Лутфий асру фақир  
Закот учун садақангдин наво тилай келдим<sup>1</sup>.*

Лирик қаҳрамон ёрнинг закот учун ўз ҳусн мулкидан берадиган садақасига ноил бўлиши олий баҳт деб билади. Ушбу неъмат шукронасини фақатгина ширин калом билан адо эта олиши мумкинлигини айтади:

*То дединг лаълинг закоти мен фақирға бўлса сарф,  
Шукрини эмди онинг ширин керак қилсан адo<sup>2</sup>.*

Навоий Лутфий шеърларини табъ аҳли қошида ўқиса бўладиган шоирлар сирасига киритади. У табъ аҳли деганда олий адабиётдан хабардор кишиларни назарда тутган. Бунинг учун эса форсий ва туркий адабиётнинг энг илғор анъаналаридан хабардорлик талаб қилинган. Бирор шоирнинг шеърлари олий адабиёт билимдонлари наздида ҳурматга эга бўлиши учун эса бир қатор омиллар, жумладан, шакл ва мундарижа, мазмун ва бадиий ифода бутунлиги муҳим рол ўйнаган. Шунингдек, мажоз орқали ҳақиқатни ифодалаш тамойили ҳам асосий талаблардан бири бўлган. Лутфийнинг фақр орқали ҳақиқий ишқ, фақир образи воситасида ҳақиқий ошиқни ифодалashi унинг шеърлари зукко адабиёт муҳлислари томонидан юксак баҳоланишининг омили бўлган, дейиш мумкин.

Биринчи бобда кўриб ўтилган масалалар бўйича қуйидаги хуносаларга келиш мумкин:

1. “Фақир” атамаси Аллоҳнинг сифати бўлган “ал-ғаний”нинг зидди ўлароқ “Қуръон”да зикр этилиб, банданинг муҳтож, тобелиги ва Аллоҳнинг беҳожат, улуғлигини ифодалаб келган (35:15-16). “Қуръон”даги ушбу эътироф мазмунан бетараф бўлиб, ундаги фақр ва фақирлик ҳам моддий, ҳам маънавийга баравар дахлдордир. Аммо кейинчалик фақр банданинг Аллоҳ олдидаги ниёзмандлиги мазмунида кенг талқин қилинганлиги кузатилади.

2. Пайғамбар (с.а.в) ҳадисларида ҳам фақр “Қуръон”га мувофиқ мазмундадир. “Ал-фақру фахрий” – фақрнинг фахрлигига сабаб, унинг банданинг Аллоҳ олдидаги муҳтожлигини ифодалашидадир. Гарчанд баъзи олимлар (мас., Ибн Таймийя) “Ал-фақру фахрий”ни ҳадис эмас деган бўлсалар-да, тасаввуф аҳли ва Навоий уни ҳадис дея эътироф этганлар. Ҳадис мазмунида фақр истилоҳи маъно майдонининг кенгайганлигини кўришимиз мумкин. Зоро, моддий маънодаги қашшоқликнинг пайғамбар томонидан қоралангандилиги маълум (“Қашшоқнинг ҳар икки дунёда юзи қорадур” ҳадиси в.ҳ.), бинобарин, моддий муҳтожлик фахрга сабаб бўлиши мумкин эмас.

3. Шарқ-мусулмон фалсафий тафаккурининг ажралмас қисми бўлган тасаввуф таълимотида фақр тўла маънода истилоҳий мазмун касб этиб, фақр деганда фақат бир маъно – инсоннинг маънавий-руҳоний муҳтожлиги назарда тутилган. Тасаввуфий талқинда фақр – ғайриҳақ (мосуво)га йўқсил ва Аллоҳга ғаний бўлмоқдир. Тасаввуф аҳли мурожаат қил-

<sup>1</sup> Ўша жойда, 149-бет.

<sup>2</sup> Ўша жойда, 15-бет.

ган ҳар бир соҳада ушбу қараш ўша соҳа эҳтиёжидан келиб чиққан ҳолда татбиқ этилган. Масалан, ахлоқий мазмунда фақр – ёмон (замима) феълларга камбағал, яхши (ҳамида) феълларга бой бўлмоқдир (бунда ёмон феъл – ғайриҳақ, яхши феъл – Ҳақ ёки Ҳақдан тамойили асосида иш қўрилади). Ёки ирфоний мазмунда фақр – Ҳаққа олиб бормайдиган ўй-фикр, илм ва амалларга камбағал, Ҳаққа яқинлаштирувчи илм ва тажрибага бой бўлмоқ в.ҳ. Хуллас, тасаввуф аҳлининг умумий эътирофига кўра, *фақр – Ҳаққа етишга монелик қила-диган барча тўсиқлар (ўзлик, кибру ҳаво, манманлик, нафс талаблари, мол-мулк ва мансаб-жоҳ орзуси в.ҳ.)дан кечиб, қўнгилни Ҳақ назаргоҳига айлантириш билан бел-гиланади.*

4. Турли тариқатлар таълимот ва тажрибасида фақрнинг тутган ўрни турлича, лекин уларнинг барчасида у ёки бу даражада фақр ғоясига мурожаат қилинган. Нақшбандия тариқатида эса ушбу масалага алоҳида эътибор қаратилади. Агар бошқа тариқатлар фақрга мақомлардан бири сифатида қарашган бўлса, нақшбандияда фақр камолотнинг асосий йўлидир. Баҳоуддин Нақшбандий ўз таълимотининг марказига фақрни қўйишини йирик шарқшунос олим Е.Э.Бертельс ҳам тўғри таъкидлаган. Дарҳақиқат Баҳоуддин Нақшбанд, Ҳожа Порсо, Алоуддин Аттор, Яъқуб Чархий сингари ушбу тариқат вакиллари кўз қарашлари мисолида буни яққол кўришимиз мумкин. Бундан асосий мақсад эса мутобиъат – пайғамбар суннатига боғланиш эди. Шунингдек, нақшбандиядаги “урваи вусқо”, ҳалол луқма талаби, ҳар қандай шароитда ҳам ўз меҳнати орқасидан кун кўриш ва бошқа тамойилларнинг марказида ҳам фақр туришини эътироф этиш мумкин.

5. Фақру фано образининг Шарқ мумтоз адабиётидаги илдизи ҳам узоқ тарихга эга ва эътиборлидир. Навоийгача бўлган форсий ва туркий адабиётда ушбу образ талқин ва тасвирини шартли равишда икки гуруҳга ажратиш мумкин: 1) тасаввуфий ва фалсафий-дидактик талқин; 2) бадиий талқин ва тасвир. Шартлилик ҳар иккаласининг ҳам соғ ҳолда эмаслиги билан боғлиқдир, яъни тасаввуфий талқин бадиийликдан, бадиий талқин эса тасаввуфий асосдан холи эмас. Биринчи гуруҳга Саъдий, Аттор, Румий, Яссавий, Боқирғоний, Юсуф Хос Ҳожиб, Аҳмад Юғнакий, Сайид Қосимий асарларидағи фақр талқинларини киритиш мумкин. Ушбу гуруҳга мансуб талқинлардаги асосий хусусият уларда фақрнинг кўпроқ бадиий эмас тасаввуфий-фалсафий вазифа бажарганлигидир. Уларда образлиликдан кўра фалсафийлик биринчи планда туради. Иккинчи гуруҳга Ҳусрав, Ҳофиз, Жомий, Ҳофиз Хоразмий, Атойи, Саккокий, Гадоий, Лутфий сингари шоирлар ва улар асарларидағи фақру фано образини киритиш мумкин. Уларда фақр фақат тасаввуфий-фалсафий эмас, балки бадиий ғоя, фақир эса илҳомбахш образдир. Ушбу шоирлар ижодини текшириш натижаларидан фақр мотиви ва фақру фано образининг Навоийгача бўлган форсий ва туркий адабиётда канонга айланган бир ғоя ва образ даражасига кўтарилганлиги маълум бўлади.

## 2-БОБ. НАВОЙ ЛИРИКАСИДА ФАҚИР ОБРАЗИ: ТАЛҚИН ВА ТАҲЛИЛ

### 2.1. ФАҚИР ОБРАЗИНИНГ НАВОЙ ЛИРИКАСИДАГИ БАДИЙ-ЭСТЕТИК ВАЗИФАСИ

Навоий лирикаси образлар оламини кузатадиган бўлсак, у ниҳоятда ранг-баранг ва бой эканлигига гувоҳ бўламиз. Унда ошиқ, маъшуқ, гул, булбул, ориф, шайх, ринд, чаман, хуршид, май, соқий, пир-муршид, мурид, соғар, хожа, қул, боғбон, тикан сингари образларга дуч келиш мумкин. Шулардан бири фақир образидир. Буюк шоир ўз лирикасида бу образни жуда кўп қўллаш баробарида унинг аҳамиятлилигига ҳам кучли эътибор қаратган. Чунки Алишер Навоий учун фақр реал ҳаётда маслак, бадиий ижодда эса эстетик идеал мавқеида кўрилган.

Фақир образининг Алишер Навоий лирикаси образлари оламида тутган ўрни ҳақида янада аниқроқ тасаввурга эга бўлиш учун ушбу образ яратилган шеърларнинг умумий кўламини баъзи рақамларда кўриш мақсадга мувофиқдир. Ушбу образ Навоий лирикасида умумий ҳисобда 264 марта қўлланилган. Шундан “Хазойин ул-маоний”да 192 марта, “Бадоеъ ул-бидоя”да 114, “Наводир ун-ниҳоя”да 76 марта, “Илк девон”да 58 марта учрайди. Бу яхшигина кўрсаткич, албатта. Лекин, гап фақат сон, рақамларда эмас. Навоий лирикасида фақир образи қайсиидир бир образлар билан қиёслаганда камроқ ҳам қўлланилган бўлиши мумкин. Бироқ асосийси бу эмас. Энг асосийси унинг лирик асарда қандай аҳамият касб этганлигидир.

Аммо сон ва рақамлардан баъзи бир муҳим жиҳатларни илғаш мумкин. Масалан, Навоий ушбу образ яратилган шеърларни ёшлиқ даврида ҳам, ўрта ёшлиқ, қарилик даврларида ҳам бирдай қўллаган. Агар “Илк девон”га улуғ шоирнинг 25 ёшгача ёзган шеърлари жамланганини ҳисобга олсак, у ушбу ғоя ва образ билан жуда эрта танишгани ва ундан ўз фалсафий дунёқараши ва эстетик принципларини ифодалашда фаол фойдалангани маълум бўлади. Шуни ҳам алоҳида таъкидлаш керакки, “Илк девон”даги талқин ва тасвир билан расмий девонлардаги талқин ва тасвир бир-бирига жуда яқин келади. Яъни Навоий йигитлигидаёқ ушбу образ тасвирида ўзининг беқиёс маҳоратини кўрсата олган. Мисол тарзида “Хар гадоким бўрёи фақр эрур кисват анга...” деб бошланувчи ғазал ва:

*Дайр аро бизга ватан сарманзили хаммор бас,  
Қибла – бут, сарриштаи фақру фано – зуннор бас<sup>1</sup>, –*

ёки:

*Фақр даشتida десанг фориғу озода борай,  
Кир таваккал билаю ваҳмни барбод этгил<sup>2</sup>, –*

сингари етук байтларнинг айнан “Илк девон”дан ўрин олганини кўрсатиш мумкин. Шундай байтлар яна 50<sup>а</sup>(БВ№181), 55<sup>а</sup>(БВ№134), 61<sup>а</sup>(БВ№264), 73<sup>б</sup>(ФК№313), 76<sup>а</sup>(FC№341), 86<sup>б</sup>(FC№367), 94<sup>б</sup>(БВ№№:365), 108<sup>а</sup>(FC№402) ва рақалардаги ғазаллардан ҳам жой олган.

<sup>1</sup> ИД, 57<sup>б</sup>-в.(ФК№232).

<sup>2</sup> ИД, 95<sup>б</sup>-в.(БВ№369).

138<sup>б</sup>-варақдаги (кейинчалик FC№13) рубоий ҳам рубоийнинг матний тарихини, ҳам шоирнинг фақр талқини тадрижини қузатишга имкон бериши билан қадрлидир. “Илк де-вон”даги варианти:

*Бир айбға гарчи хасм қилғай мансуб,  
Фақр эллидин изтироб эмастур маҳсуб.  
Сидқ эрса худ этмак керак ўз феълини хўб,  
Кизб эрса маломат дағи бордур матлуб.*

Ушбу рубоий кейинчалик “Бадоеъ ул-бидоя”га киритилар экан, “**хасм**” (душман) сўзи “**халиқ**”, “**эли**” сўзи “**аҳли**” билан алмаштирилган (жумладан, “Фаройиб ус-сиғар”да ҳам) ва қуйидаги кўриниш касб этган:

*Бир айбға гарчи халқ қилғай мансуб,  
Фақр аҳлидин изтироб эмастур маҳсуб.  
Сидқ эрса худ этмак керак ўз феълини хўб,  
Кизб эрса маломат дағи бордур матлуб<sup>1</sup>.*

Ушбу ўзгаришга эътиборини қаратган Ё.Исҳоқов уни: “асар стили билан боғлиқ ўзгаришлар”<sup>2</sup>, – сифатида баҳолайди. Бизнинг мавзумиз учун муҳим томони эса, ушбу ҳолат Навоий даври муҳитида фақр масаласи анча шаклланган эътиборли масалалардан ҳисобланганлигини ва Навоий ёшлигиданоқ ундан яхши хабардор эканлигини кўрсатади. Умри давомида ушбу масала унинг асарлари марказида турганлиги унинг шоир бадиий олами учун нақадар муҳим илҳомбахш ғоя эканлигини яна бир карра исботлайди.

Навоийнинг фақр масаласига бунчалик эрта диққат қилишининг сабаби нимада эди? Бизнингча, бу аввало муҳит билан бевосита боғлиқ. Навоий тарбия топган муҳитда фақр ғоясига катта муҳаббат билан қаралган ва маданият, маънавият асоси сифатида кўрилган. Навоийнинг соф биографик характерга эга насрый асарлари буни исботлайди. Биз бу ўринда ушбу асарларни фақрнинг Навоий яшаган муҳит билан боғлиқлигини исботлаш мақсадида бир қур кўздан кечирамиз.

Сайид Ҳасан Ардашер Навоий чуқур хурмат қилган шахслардан биридир. “Холоти Сайид Ҳасан Ардашер”да у зотга баҳо берар экан, Навоий ёзади: “Бу фақир фуқаро аҳли, дарвешлар ва аҳлуло мулозаматиға қўп етибмен, фақр тариқида алардек оз кўрубмен”<sup>3</sup>. Бу ҳурмат юзасидан айтилган тавсиф, умумий ёки мавхум таъриф эмас. Давлат ишларидан истеъфога чиққан Сайид Ҳасан сухравардия-зайния тариқатининг XV асрдаги муршиди Мавлоно Муҳаммад Табодгоний ҳузурида сайру сулукка ҳам машғул бўлган<sup>4</sup>.

Навоийни фақр сулукига илк тарғиб қилғанлардан бири ҳам Сайид Ҳасандир. Навоий бу ҳақда ёзади: “Ва бу фақирни фақр тариқиға далолат ва иршод қилурлар эрди ва назм айтурға тарғиб кўргузурлар эрди”<sup>5</sup>. Ушбу маълумотлар “Насойим”дан ҳам жой олган<sup>6</sup>.

<sup>1</sup> Алишер Навоий. Ҳазойин ул-маоний: Фаройиб ус-сиғар. МАТ. 20 томли. Т.3. –Тошкент: Фан, 1988. –Б.565.

<sup>2</sup> Исҳоқов Ё. Навоийнинг илк лирикаси. –Тошкент: Фан, 1965. –Б.34.

<sup>3</sup> Алишер Навоий. Ҳолоти Сайид Ҳасан Ардашер. МАТ. 20 томлик. Т. 15. –Тошкент: Фан, 1999. – Б. 99.

<sup>4</sup> Ўша жойда, 98-бет.

<sup>5</sup> Ўша жойда, 91-бет.

<sup>6</sup> Алишер Навоий. Насойим ул-муҳаббат. МАТ. 20 томлик. Т.17. –Тошкент: Фан, 2001. –Б.440.

Навоий таржимаи ҳолига алоқадор ушбу ҳаётий факт ғоят аҳамиятлидир. Бундан шу нарса маълум бўладики, улуғ шоир ёшлигиданоқ ўзига раҳнамо деб билган шахслар томонидан фақрга даъват этилган. Демак, фақр Навоий учун фақат анъанавий (китобий) ғоя эмас, балки ҳаётий маслақдир. “Насойим”ни варақлаш ўша давр маънавий муҳитида ушбу маслак сезиларли ўрин тутганилигидан далолат беради.

“Насойим ул-муҳаббат” фақрнинг Навоий замондошлари фалсафий-тасаввуфий қарашларида тутган ўрнини белгилаш нуқтаи назаридан муҳим бир асардир. Асосан Жомий “Нафаҳот ул-унс” ининг таржимасидан иборат бўлган ушбу асар ундан бир неча жиҳатларга кўра фарқланиб туради<sup>1</sup>. Жомий ўз асарида замондошларидан фақат Хожа Аҳрорнигина зикр этган бўлса, Навоий 70 дан ортиқ замондош ёки ўзига яқин даврда яшаб ўтган машойхлар ҳақида маълумот берган. Улар тасаввуфнинг, асосан, сұхравардия-зайния, хожагония-нақшбандия ва яссавия тариқатига мансуб сиймолардир.

XV аср сұхравардия силсиласининг боши Шайх Зайниддин Абубакр ал-Хавофий (ваф. 838/1435)дир. Ундан сўнг ушбу тариқат Хурросон ва Мовароуннаҳрда унинг номига нисбат берилиб “зайния” деб ҳам аталгани манбалардан маълум. Зайниянинг Навоийга замондош машҳур вакиллари Мавлоно Табодгоний, Мавлоно Абулхайр, Мавлоно Шаҳобиддин, Мавлоно Важиҳуддин, Дарвеш Мұхаммад Беҳра, Дарвеш Мұхаммад Гозургоҳий, Мавлоно Мұхаммад Хурросоний, Шайх Садриддин Раввосий, Шайх Яҳё, Дарвеш Сайид Ҳасандир.

Нақшбандиянинг XV асрдаги кўзга кўринган ва “Насойим”да зикр этилган вакиллари Хожа Саъдиддин Кошғарий, Хожа Аҳрор, Мавлоно Низомиддин Аҳмад, Хожа Абдулазиз Жомий, Мавлоно Алоуддин, Мавлоно Саъдиддин, Мавлоно Ҳожи, Мавлоно Мұхый, Муқри Маҳмуд, Тожиддин Аҳмад Сижаний, Абдураҳмон Жомийдир.

“Насойим”да “мажзуб” дея зикр этилган Бобо Али Хушмардон, Мавлоно Мұхаммад Араб, Бобо Хокий, Бобо Ҳасан Кандаҳорий, Бобо Кўхий, Бобо Али Масти Нисоий, Бобо Хушкелди, Бобо Баҳлул, Бобо Али Пойиҳисорий, Бобо Тиланчи, Бобо Пирий, Бобо Ҳасан Турк, Бобо Жалил, Бобо Шаҳоб, Бобо Сариф Пўлод кабиларни эса яссавия тариқатининг вакиллари дея тахмин қилиш мумкин. Навоий уларнинг тариқавий мансублиги ҳақида ҳеч нарса демайди, шунингдек, мажзубларнинг силсиласи ва пир-муридлик муносабатлари ҳақида ҳам қайдлар йўқ. Бироқ тасаввуфий қарашларидағи баъзи еъломлар (жазбага алоҳида аҳамият берилиши, жаҳрияга мойиллик) ҳамда “хушкелди”, “тиланчи”, “турк”, “сариф пўлод” сингари туркий сўзлар ва “бобо” эпитетининг улар номига қўшиб ишлатилиши Навоий зикр этган мажзублар яссавия тариқатига мансуб бўлган, дея хулоса чиқаришга имкон беради. Ҳужвирий ўз даврида тасаввуф аҳлидан бўлган кишилар Туркистонда “боб” деб аталиши ҳақида маълумот берган эди<sup>2</sup>.

Навоийга замондош шайхларнинг “Насойим”да зикр этилган ҳикматли сўзлариға эътибор берадиган бўлсан, уларнинг тасаввуфий қарашларида фақр катта аҳамият касб этиганилигини кўришимиз мумкин. Масалан, Мавлоно Алоуддин (ваф. 892/1487) зикрида муаллиф: “Басе толибларға фақр тариқи талқини қилур эрмиш”<sup>3</sup>, – дейди. Яъни у тасаввуф йўлига кирган соликларга энг ишончли ва яқин йўл сифатида фақрни тавсия этган. Мав-

<sup>1</sup> Бу ҳақда қаранг: Рамазонов Н. “Насойим”нинг ўзига хос хусусиятларига доир / Навоийнинг ижод олами (Мақолалар тўплами). –Тошкент, 2001. –Б. 157–182.

<sup>2</sup> Абулҳасан Али бин Усмон Ҳужвирий. Кащф ул-маҳжуబ. Форсий илмий-танқидий матн, изоҳ ва кўрсаткичлар муаллифи В.А.Жуковский. –Л., 1926. –Б. 301.

<sup>3</sup> Алишер Навоий. Насойим ул-муҳаббат. МАТ. 20 томлик. Т.17. –Тошкент: Фан, 2001. –Б. 398.

лоно Шаҳобиддин (ваф. 899/1494) эса: “Дарвешлик ва фақр тариқи сулукида бийик ҳолоти воқиъотқа етиб эрди”<sup>1</sup>.

Навоийга замондош сўфийларнинг фақрга доир қарашлари фақат назарий бўлиб қолмасдан, балки уларнинг кўплари фақр талабларига қундалик ҳаётда ҳам амал қилганлар. Масалан, Навоий Мавлоно Ҳожи (ваф. 899/1494) ҳақида сўзлар экан, қуидагиларни қайд этади: “Йигитликда тамаввул (мулқдор – Н.Р.) ва моли бор эрмиш. Барчасин дарвешларга ва фақр аҳлиға сарф қилибдур”<sup>2</sup>. Бироқ, унинг Хурросон сиёсий ҳаётидаги таъсири умрининг охиригача сақланиб қолганлигига далолат қилувчи баъзи фактлар бор (Хусайн Бой-қаронинг таҳт учун курашида Бобо Ҳокийнинг маънавий қўллаб-қувватлаши).

Навоий фақр аҳлидаги истиғно ҳоли, яъни ташқи оламнинг унга дахл қила олмаслигини Ҳожа Авҳад Муставфийда кўрган. Ушбу шахс зикрида ўқиймиз: “Ҳукком (ҳокимлар – Н.Р.) анинг хизматиға борурлар эрди ва маорифидин баҳраманд бўлур эрдилар, аммо ўзининг фақр истиғноси онча бор эрдики, ул элнинг келган-келмагани ҳиммати назарida алассавия (бир хил – Н.Р.) эрди. Бу ҳақир борасида кўп қатла фотиҳалар ўқуб, хайр дуоси қилибдурлар. Умид улдурки, ижобат асари зоҳир бўлғай”<sup>3</sup>. Яъни Навоий фақрни ўзлари учун дастуриламал қилиб олган кимсаларни шахсан таниган, улар билан мулоқотда бўлишга интилган, уларнинг ўзи ҳақида билдирган фикрларини қадрлаган. Бинобарин, XV аср шароитида фақр фақат тасаввуфий тамойил эмас, балки ҳаёт тарзи, ахлоқий категория эди. Шу сабабли ҳам муаллиф Ҳожа Рукниддин Меҳна ҳақида ёзар экан: “Фано ва фақр тариқларида ғолиб воқиъ бўлуб эрди”<sup>4</sup>, – дейди. Бунда “тариқ” тасаввуфий сулук маъносида эмас, балки яшаш тарзи, дунёқарашиб шакли, хулқ-атвор ва ҳаётга муносабат усули мазмунида қўлланган.

Хуллас, “Насойим”да Навоий тасаввуфий дунёқарашининг синтетик характеристири ва бунинг сабаблари, айниқса, яққол намоён бўлади. Нақшбандияни Ҳақ ва ҳақиқатшунослика бошқалардан мукаммалроқ, деб билган Навоий битта тариқат доирасида чекланиб қолмасдан ўзигача бўлган тасаввуф таълимотининг барча илфор томонларини ўзлаштиришга ҳаракат қилган. Бу ҳол фақр масаласида ҳам қўзга ташланади. XV аср Хурросон ва Мовароуннахрда фаол ҳаракатда бўлган сухравардия, нақшбандия ва яссавия тариқатлари фақр масаласида яқдил эдилар. Буни ушбу тариқатларнинг ўша даврдаги вакиллари томонидан фақр ҳақида билдирган фикрлари ва Навоийнинг фақр маслагида улар қандай даражага етганлари тўғрисидаги қайдлари кўрсатиб турибди.

Навоийнинг сўнгги насрый асари – “Маҳбуб ул-қулуб”нинг биринчи қисм, охирги фасли “Дарвешлар зикрида”, деб номланган. Унда улуғ мутафаккир дарвешга таъриф берар экан, унинг олдига “ризоандеш”лик ва “маломаткеш”лик, содиқу фонийлик ва ўзини қандай бўлса шундай кўрсатишлиқ талабларини қўяди. Шунингдек, ҳақиқий дарвеш кўнглини кибру ҳаво (аноният) чангидан қаттиқ риёзатлар билан тозалаган бўлиши, нафс исканжасидан чиқиб, фақр тариқига кирган бўлиши лозим: “Аноният филзатиға қотиқ риёзатлар била сафо бермиш бўлғай ва нафсоният шиддатидин азим муроҳадалар била чиқиб, фақр тариқиға кирмиш бўлғай ва фано дор ул-амони жамоатхонасиға етмиш бўлғай”<sup>5</sup>. XV асрда

<sup>1</sup> Ўша жойда, 399-бет.

<sup>2</sup> Ўша жойда.

<sup>3</sup> Ўша жойда, 404-бет.

<sup>4</sup> Ўша жойда, 406-бет.

<sup>5</sup> Алишер Навоий. Маҳбуб ул-қулуб. МАТ. 20 томлик. Т. 14. – Тошкент, 1998. – Б. 6.

дарвешлар жамиятнинг бир бўғини бўлган, бинобарин, Навоий ҳам уларни подшо, вазир, аскару сипоҳий, давлат хизматчилари, мударрислар в.х. сингари ижтимоий гуруҳлардан бири сифатида зикр этади. Уларнинг жамиятда ўз ўрни, муайян вазифалари бўлган. Ушбу вазифа, асосан, фақр талабларига содик қолган ҳолда ўз нафсларини жиловлаш ва шу орқали инсонларга ўrnak кўrsatiшдан иборат бўлган. Бу эса ўша даврнинг нафақат маънавий, балки иқтисодий-сиёсий ҳаёти учун ҳам муҳим эди. Навоийнинг талаб ва танқидлари уларнинг жамият олдидаги ўз вазифаларини тўлақонли бажаришларига қаратилгандир.

Бу борада ўша даврда ҳам муайян бузилишлар содир бўлган кўринади. Чунки муаллиф дарвешларни табақа сифатида зикр этар экан, ич ва таш, зоҳир ва ботиннинг бир хил бўлиши лозимлигига қайта-қайта урғу беради: “Ичи таши била мувофиқ, балки ортиғроқ, ботини зоҳири била мусовий, балки ёруғроқ. Агар зоҳирида ботин ихфоси учун кўрунса ғашлиқ андин муроди бўлса маломаткашлиқ. Ботини софий, зоҳир тийралиги кони мунофий”<sup>1</sup>. Юқоридаги парчада маломатийлик излари яққол сезилади. Навоий дарвешга ботинидаги ҳол ва мақомни саломат сақлашнинг усули сифатида маломатийликни тавсия этади. Маънавий ҳол ва даражани яшириш, дахлсиз сақлаш учун эса зоҳирда кишилар диққатини тортмайдиган, ҳатто, уларда хурмат ҳисларини эмас, аксинча, нафрат туйғуларини туғдирадиган қиёфага эга бўлмоқ лозим. Чунки зоҳир тийралиги (нопокизалиги) ботин соғлигининг кафолатидир. “Эранлар ҳоллари суратин ёшурубтурлар ва маломат суратида наъли болгуна урубтурлар ва зоҳирлари биносин бузубтурлар ва ботинлари асосин тузубтурлар”<sup>2</sup>.

Навоий “Маҳбуб ул-қулуб”да фақрнинг фақат назарий-тасаввуфий эмас, амалий-ахлоқий жиҳатларига ҳам эътибор қаратади. Масалан, муаллиф ризо, таслимни дарвешнинг мақомлари сирасида санаса, адаб, тавозеъ, дўсту душманга фақат яхшилик соғинишни унинг ахлоқий принциплари (ойин) сифатида кўrsatiб ўтади:

“Ризову таслим зовияси – мақомлари, фақру фано бодиясида оромлари. Адабу тавозеъ аларға кеш, душману дўстиға некандеш. Бу сифат ва ойин ила бўлғон эрур дарвеш”<sup>3</sup>.

Ушбу фасл охирида Навоий ўзи учун ҳам шундай мартабани истаб ёзади:

*Ё рабки, фано қушини ромим айла,  
Ромим демайманки, сайди домим айла.  
Ҳам фақр тариқида ғиромим айла,  
Ҳам зовияи фано мақомим айла.*

Хуллас, “Маҳбуб ул-қулуб”даги фақр талқинида фақрнинг ижтимоий моҳиятига урғу берилганлиги айниқса, аҳамиятлидир. Шарқ мусулмон анъанавий ҳаёт тарзида фақр фақат тасаввуф назарияси билан боғлиқ масала бўлиб қолмасдан, теран ижтимоий моҳиятга эга бир ғоядир. “Маҳбуб ул-қулуб”да дарвешларнинг бошқа ижтимоий гуруҳлар қаторида алоҳида тилга олиниши буни яққол кўrsatiб турибди.

*Юзунг қурси қамар муҳтож анга мен,  
Гадо, андоқку, бўлғай нонга муҳтож.*

<sup>1</sup> Ўша жойда.

<sup>2</sup> Ўша жойда.

<sup>3</sup> Ўша жойда.

Фано майхонасида қил гадолиғ,  
Десангким, бўлмайин султонға муҳтож.

(БВ, 95-с.)

Олдинги байт умумфалсафий моҳиятга эга бўлиб, мазмуни кейинги байтга кўра мавҳум. Бироқ у кейинги байт учун асос вазифасини ўтаган. Кейинги байт олдинги байтдаги фалсафий тушунчанинг талқинидан иборатdir. Навоийнинг ушбу усулини Шайхзода тадриж (“нагнетание”) истилоҳи билан ифодалайди<sup>1</sup>. Ё. Исҳоқов эса буни “муҳокама, мулоҳаза ти-пидаги ғазалларда мантиқий изчиликни таъминлайдиган куч”<sup>2</sup> сифатида баҳолайди.

Шунингдек, Навоийнинг фақр концепти талқин қилинган ва фақир образи яратилган ғазаллари қўздан кечирилганда ушбу образ қўлланилган байтлар аксарият ҳолларда ғазалларнинг мақтаи, яъни охирги байти ёки мақтаъдан олдинги кульминацион байтда келганигининг гувоҳи бўламиз. Бу нимани англатади? Одатда, мақтаъдан олдинги байтда ғазалда қаламга олинган мавзу, масала, ғоя энг авж нуқтага кўтарилади, ғазалда қўйилган бадиий-эстетик, фалсафий муаммо ўз ечимини топади. Бундай байт поэтик тугаллик нуқтаи назаридан мукаммал, маъно (семантика) нуқтаи назаридан бошқа байтларга қараганда энг юксак даражада автоном мавқега эгалиги сабабли бегона байт номи билан ҳам машхур. Ғазалда байтларнинг мустақил мавқега эга бўлиши бир қонуният тусини олган бўлиб, Саъдий ижоди билан бошланган ушбу жараён XIV–XV асрлар шеъриятида (айниқса Ҳофиз ижоди мисолида) авж нуқтасига кўтарилган<sup>3</sup>. Айтиш мумкинки, айнан ушбу байтлар ғазалнинг бадиий-эстетик маркази ҳисобланади. Буни баъзи тадқиқотчилар «маъно доминантаси – денотат» (Шарқ терминологиясида – нуқта), баъзилар эса «фокус нуқталари» (бунда «фокус тушунчаси ёки ғояси» – ғилдирак втулкаси, образлар мажмуи; сўз ўйинлари ва маъно қирралари эса спицалар сифатида тасаввур қилинади) дея талқин қилишган. Мақтаъда эса лирик қаҳрамоннинг масала моҳиятидан келиб чиқадиган хулосавий нуқтаи назари акс этган бўлади. Фақир образи яратилган ўринлар лирик асарнинг айтганимиздек, бадиий-эстетик марказидан ўрин олиши, хулосавий нуқтаи назар акс этадиган байтларда қўлланилиши ҳам ушбу масаланинг Навоий лирикаси учун қанчалик даражада эстетик идеал сифатида аҳамият касб этганигининг яна бир далилидир.

Энг асосийси фақир образи қўлланган ўринлар аксарият лирик асарнинг авж нуқтасида ўзида жуда катта маъно юклangan ҳолатда келишидир. Навоий уларни шундай бир ўринларда қўллаганки, айни шу нуқтани таҳлил қилиш, унинг туб моҳиятини англаш билан бутун бир асарни тушуниш мумкин бўлади. Бу эса Навоий лирикасида фақир образининг бадиий-эстетик мавқеи бошқа бир образларники билан қиёслаганда юқори ўринлардан бирини эгаллашини кўрсатади. Адабиётшунос А.М.Мирзоев ғазалда ахлоқий, фалсафий, тасаввуфий, дидактик ва бошқа масалалар кенг қамраб олинганлигини қайд этади<sup>4</sup>.

<sup>1</sup> Қаранг: Шайхзода М. Алишер Навоий лирикасининг баъзи бир поэтик усуслари ҳақида. Тўпламда: Ўзбек адабиёти масалалари.– Т., 1959. Б.246.

<sup>2</sup> Исҳоқов Ё. Навоий поэтикаси. –Т.: Фан, 1983. Б.56.

<sup>3</sup> Қаранг: Мирзоев А.М. Рудаки и развитие газели в X–XV вв. –Сталинабад: Таджикгосиздат, 1958. –С.58–59; Стеблева И.В. Семантика газелей Бабура. –М.: Наука, 1982. –С.59; Пригарина Н.И. Индийский стиль и его место в персидской литературе (вопросы поэтики). –М.: Восточная литература РАН, 1999. –С.140–163; Рейснер М.Л. Эволюция классической газели на фарси (X–XIV века). –М.: Наука, 1989. –С.34–49.

<sup>4</sup> Мирзоев А.М. Камал ад-Дин Бинои. –М., 1976. –С.255.

Биз ушбу фаслда фақир образининг ўзлик, шукр, ризо, таваккул, сабр, қаноат сингари тасаввуфий тушунчаларни ифодалайдиган асосий истилоҳлар билан боғлиқликдаги талқинларини кўриб чиқамиз.

**Ўзлик** – тасаввуф таълимотида кўп қўлланиладиган, ўзида муҳим бир маъно ташийдиган асосий истилоҳлардан бири ҳисобланади. Бу сўз нафақат тасаввуф, балки психология, фалсафа фанларининг ҳам объекти. Ўзлик деганда аввало, бирор-бир инсон ёки предметнинг фақат ўзигагина хос бўлган жиҳатлари тушунилади. Айтиш мумкинки, агар ўзига хос бўлган мазкур жиҳатлар бўлмаса ўша предмет ёки инсон бўлмайди. Мана шундан ҳам унинг нақадар муҳимлиги аён бўлади. Тасаввуфда эса ўзлик кўпроқ бош қаҳрамон ҳисобланмиш соликнинг бу ҳаётдаги мавжудлигини англатади. Бинобарин, солик ҳам ҳамма инсонлардек бир инсон. Унинг ҳам жисми бор. У ҳам ҳамма каби яшайди. Инчунин, унда ҳам нафс бор, яшаш учун кураш унга ҳам хос. Бироқ яшаш билан яшашнинг фарқи бор. Кимнингдир қисматига бу дунёдан шунчаки ҳамма қатори яшаб ўтиш ёзилган бўлса, яна кимнингдир қисматига “ўлмасдан бурун ўлиш” натижасида Ҳақ деб аталмиш энг улуғ зотни мушоҳада ва мукошафа айлаш, унга интилиб яшаш ёзилган бўлади. Энг қизифи шундаки, бу ҳақида қанча кўп ёзилган, қанча кўп гапирилган бўлмасин, уни ҳар бир солик ўз бошидан яна тақрор ўтказиши лозим бўлади. Бу эса осон иш эмас. Бунинг учун ундан ўзликдан кечиш, кеча олиш, у учун ўзида куч топа олиш талаб этилади. Шунинг учун бу йўлни ҳаётда гарчи кўп инсон хоҳласа-да, унга эришиш камдан кам одамларгагина насиб этади. Чунки ўзликдан кечиш оғир, бу ҳаётда унинг дўзах азобиданда оғир машаққатларига дош бериш керак бўлади. Нафақат бу каби машаққатларга дош бериш, балки мана шундай оғир азоблардан лаззатлана билиш, бунинг учун унга шукроналар қилиш, тўғрироғи қила олиш баҳтига ҳам эришиш лозим бўлади. Оддий одамни бу дунёда ушлаб турадиган нарса унинг нафсидир. У бу ҳаётда шунчаки ўткинчи ҳою ҳаваслар, орзу умидлар билан қаноатланиб яшайди. Аслида мана шу зоҳирий ўзликдир. Бундан айрилиш эса оддий одам учун ўлим билан баробар. Гарчи у хоҳласа ҳам бундан айрилишнинг иложини қила олмайди. Юқорида айтганимиздек, солик ҳам бошланишида оддий одам. Яна тақрор бўлса ҳам айтиш керакки, унинг ҳам ҳамма қатори ўзлиги бор. У ўзи танлаган йўл сари интилар экан, бунинг учун унинг олдига аввало, мана шу ўзликдан кечиш, кеча олиш масаласи туради. У бундан қанчалик тез ва осон қутилса, кўзлаган манзилига етиш шунчалик тез ва осон бўлади. Акс ҳолда эса бунинг иложи йўқ.

Соликнинг асосий мақсади Ҳаққа етиш бўладиган бўлса, бунинг учун унинг олдига ўзликдан кечишдек оғир масала шарт сифатида туради ва ундан тўғри йўл танлай билиш талаб этилади. Шундай тўғри йўл сифатида тасаввуфда фақр йўли эътироф этилган. Фақр нима? Бир сўз билан айтганда у восита, кўприк. Бинобарин, ундан фойдаланилади. Ўзлик эса маълум бўлганидек ўз номи билан мавжудлик, борлик. Соликдан уни йўқотиш, ундан кечиш талаб этилади. Восита сифатида эса фақр кўрсатиляпти. Охир-оқибатда шундай бўладики, фақр йўли билан ўзликдан кечишга эришган соликнинг фақр ўзлигига айланади. Буни бир ноёб кимёвий реакцияга таққослаш мумкин. Ушбу реакциянинг ҳосиласи ўлароқ фақрни ўзлигига айлантирган инсон пайдо бўлади. Бундай инсондан ўз-ўзидан фақр нури порлайди. Бу инсон Ҳаққа эришган инсон ҳисобланади. Айнан шунинг учун ҳам фақр “иксири аъзам” – мисни олтинга айлантирадиган афсонавий моддага ташбиҳ қилинган. Демак, фақр йўли ўзликни енгиди, унинг ўрнига мавжуд бўладиган ноёб ҳодисадир. Ўзлик ва фақрнинг тасаввуфдаги ўзаро муносабати деганда мана шу нарса тушунилади.

Навоий соликнинг фақр йўлида “қадам ура олиши” – фақирлик манзилларини эгаллашини тўғридан-тўғри ўзлик юкидан кечиб, ўзни сабукбор (енгил) айлашга боғлиқ ҳолда талқин этади:

*Давлати фақру фано вобастаи тавфиқ эмиш,  
Бўлмади ҳар неча жиiddу жаҳд изҳор айладим.*

*Эй Навоий, фақр йўлинда уро олдим қадам,  
То солиб ўзлук юкин, ўзни сабукбор айладим.*

(НШ, 315-6.)

Навоий фақр ва тавфиқни бежиз ёнма-ён қўймаган. Фақр – тавфиқ, асл, азалий фитрат билан боғлиқ тушунча. У касб қилинадиган, жидду жаҳд натижасида йўқдан бор бўладиган нарса эмас, инсон қисматида унинг тийнати ва фақр билан мувофиқлик бўлиши керак. Шунинг учун ҳам фақр тамкин билан боғлиқ ҳол ҳисобланади. Буни Муҳийиддин ал-Арабийнинг “Фусус ул-ҳикам” асаридаги қайдлар ҳам тасдиқлайди. Чунончи “Фусус”нинг “Мусо фасси”да Ибн Арабий бу хусусида шундай ёзади: “Энди (Мусо) Мадянга келди. (Шуайбнинг қизларидан бўлган) икки жорияни кўрди(ки, улар қўйларини суғора олмай бир четда турар эдилар). Ҳеч бир ажрдан умид қилмай уларга беғараз ёрдам кўрсатди (қудуқ оғзидағи улкан тошни суриб, уларнинг қўйларини суғориб берди). Сўнгра зилли илоҳийга таважжух этди (бир дараҳт соясига бориб ўтириди). Ва нидо қилди: “Ё Раббий, мен, ўзинг мен учун нима яхшилик туширсанг, ўшанга фақирдирман” (Қасос сураси, 24-оят). Натижада ўзининг солиҳ амали (беғараз ёрдами)ни Аллоҳ таолонинг ўзига туширган яхшилигининг айнига айлантириди ва ўзини ушбу хайрда кўрди ва Аллоҳга фақр ила илтижо айлади”<sup>1</sup>.

Бу ерда Мусо билан боғлиқлиқда келтирилган ҳар бир деталь – кимсасиз чўл, қўйлар, иккита ёш, ҳали эсини танимаган жория қизлар, қудуқ, қудуқ оғзидағи катта тош, дараҳт, унинг сояси – буларнинг ҳаммаси рамз. Оддийгина кимсасиз чўлни оладиган бўлсак, бу ҳам Мусо қилаётган ишнинг ҳеч ким кўриб турмаганлигига ишора. Агар Мусо шу ишни одамлар бор жойда қилганида бу унинг ўзлигига ишора бўларди. Ёки кимсасиз чўлнинг яна бир маъноси бу ҳаёт ниҳоятда оғир бўлган жой рамзи, агар Мусо бу ишни чўлда эмас, бошқа бир ҳаёт нисбатан енгил бўлган жойда амалга оширганда, ёки бу чўл эмас, Мусодан бошқа одамлар ҳам мавжуд бўлган ва бу ишни бошқа бир инсон ҳам амалга ошириши мумкин бўлган жой бўлганда эди бу ишнинг қадри у қадар катта бўлмаслиги мумкин эди. Хуллас, бу ерда ушбу рамзларни жуда кўп шарҳлаш мумкин. Бироқ энг муҳими юқоридаги парчада Мусо икки жориянинг (улар аслида Шуайбнинг қизлари эдилар) қўйларини суғориб беради ва бунда у ҳеч бир ғараз, бу ёки у дунёда ажр-мукофот тамаида бўлмайди. Масалан, Мусо (а.с.) бу ерда жори-яларга ёрдам бераётганда улардан хизмат ҳақи талаб қилишни хаёлига ҳам келтирмади ёки улардан қўрққанидан мажбуран ёрдам бергани йўқ ёки шу ишни қилсан менга маҳшар кунида савоб ёзилиб жаннатга тушаман деган умидда ҳам бу ишни қилмади, шунингдек, уларга ёрдам бермасдан бир четда қараб ҳам тургани йўқ. Агар улардан бирор-бир хизмат ҳақи эвазига ёки жаннат умидида уларга ёрдам берганида, ёки қўрқув остида мажбур бўлиб шу ишни қилганида ёки умуман ҳеч бир ёрдам қилмасдан қараб турганида булар унинг ўзлиги фой-

<sup>1</sup> Аҳмад Авни Қўйнуқ, “Фусус ул-ҳикам” таржима ва шарҳи. IV жилд. –Истанбул, 1992. –Б. 173.

**дасига** ҳисобланган бўлар эди, бироқ бу ерда Мусо буларнинг бирортасини ҳам хаёлига келтирмаган ҳолатда оғир тошни суриб, жорияларга хизмат қилиши бу унинг ўзлигини фақрга алмаштирганлигининг мисолидир. Демак, тасаввуфда ўзликнинг фақр билан ўзаро муносабати мана шундай бир катта аҳамиятга эга бўлган асосий масалалардан бири ҳисобланади.

Шунинг учун ҳам Навоий бу масалага ўз лирикасида катта аҳамият қаратган. Масалан, шоир фақр йўлига қадам қўйган одамга қарата энди бу йўлга кирдингми, ўзлиқдан кечгил, бу сен учун жуда ҳам оғир юқ, фақр йўли эса узундан узоқ, агар сен бу узоқ йўлни бу оғир юқ билан ўтмоқчи бўлсанг тоясан, йиқиласан дейди:

*Фақр водийсида чун урдуң қадам ўзлукни сол,  
Йўл узундур, бу оғир юқни қўттарган товшалур.*

(ФК, 107 б.)

Ёки кейинги байтларда бу янада очикроқ намоён бўлади:

*Фақр водийсиға кирган ташласун ўзлук юкин  
Ким, қилур йўл қатъин осонроқ неча бўлғай енгил.*

(Н.Ш. 273-б.)

Ёки:

*Эй Навоий, фақр йўлинда бурун ўзлукни сол  
Ким, бу йўлда пўяға монеъдур ул ортуқси юқ.*

(БВ, 237-б.)

“Пўя” аслида отнинг ўртача тезлик билан бир маромда йўртишидир. Байтда эса у фақр йўлига кирган ошиқнинг камолот йўлидаги мashaққатли одимлаши маъносида келган. Шоир ушбу байтда фақр йўлидан юришнинг аввалги шарти ўлароқ ўзлиқдан кечиш талабини қўймоқда. Чунки бу тўхтамга кеч келинса, унинг фойдаси бўлмайди, сабаби от чарчаб юришга яроқсиз бўлиб қолгандан кейин уни асл ҳолига қайтариш, ҳатто, имконсизdir.

Шамол турганда жисмларнинг осмонга учиш имконияти пайдо бўлади. Аммо ушбу жисм оғир бўлса, ўзига қўшимча, кераксиз нарсаларни илаштирган бўлса бу ҳолатда унинг имкониятдан фойдаланиши қийин кечади. Чунки уни шамол юки билан қутара олмайди. Байтда “фано ели” мана шундай илоҳий имконият маъносида келган. Бу имкониятдан солик фойдаланиши учун ўзлик юкини ташлаши керак. Шундагина у фано ели воситасида масофани ортиқча қийинчиликларсиз муваффақиятли босиб ўтиши мумкин.

Кейинги байтда ўзлиқдан кечиш тупроққа айланишга қиёсланган. Тупроққа айланиш эса бу йўқ бўлиш демакдир. Демак, “фано ели етгач” руҳ юксак маънавий мақом (уруж)га этишини истасанг, дейди шоир, сен бурун ўзлигингни фақр қўйида тупроққа айлантиришинг керак:

*Истасанг еткач фано ели санга бўлғай уруж,  
Фақр қўйида бурун қилмоқ керак сен ўзни хок.*

(БВ, 235-б.)

Мутафаккир шоирнинг фикрича, фақр ичра ўзлигидан кечиш фонийлик белгиси, чунки фанодан баҳраманд бўлган кишининг ўзлигидан кечиши, яккаю ёлғиз (фард) бўлиши табиий ҳолдир.

Фақр ичра, не тонг, ўзлукидан кечса Навоий,  
Фард ўлди фано шевасидин баҳравар ўлған. (БВ, 342-б.)

Ҳам фано, ҳам ўзлик (яъни иккилиқ) фақрға тўғри келмайди, бинобарин. Фақр ичра фано шевасидан баҳравар бўлган Навоийнинг фардлик мақомига етиши ажабланарли эмас. Демак, фақр йўлида ўзлигидан кечиш тажрид ва тафрид мақомига йўл очади.

Инсоннинг ўзлиги, унинг “мен” и нималардан иборат? Нега ўзлиқдан кечиш руҳий-маънавий камолот асоси сифатида талқин этилмоқда? Инсоннинг ҳою-ҳаваслари, ўз нафси талаби билан қилган интилишлари у ва Ҳақ ўртасидаги парда - ҳижобдир. У шулар билан банд экан, Ҳақ, асл мақсад ҳақида ўйлай олмайди. То қўнгил ўзлик билан банд экан, унга Ҳақ назар солмайди. Кўнгилни ўзлик, “мен”дан холи қилиб, унга жой бўшатилгандагина қўнгил Ҳақ назаргоҳига айланади.

Навоийнинг ўзлик, шахсий “мен”ни тарқ этиши билан боғлиқ қарашлари ҳам маломатийлик ва нақшбандийлик билан боғлиқ. Бу ҳақида Ж.С.Тримингэм ёзади: “Маломатийлар дунёнинг бирлиги тўғрисидаги мұхокамалардан кўра ўз шахсий “мен”ларини қандай қилиб йўқотиш мумкинлиги тўғрисида кўпроқ қайғурғанлар. Тасаввуф доирасида нисбатан кейинроқ вужудга келган нақшбандия тариқати маломатийлик билан узвий боғлиқ эди. Мисол тариқасида нақшбандийларнинг жамоат бўлиб зикр тушишидан кўра якка ҳолда қилинадиган хуфий зикрни афзал билишлари ва уларнинг “анжуманда хилват” қоидаларини эслаш ўринлидир”<sup>1</sup>.

Навоий талқинича ҳам фақр йўлида асл мақсадга етиб боришнинг чораси ўз вужуди ва унинг талабларини йўқ этиш, ўз вужудидан кечиб Ҳақ вужудига бирикишdir:

*Дедингки, фақр йўлинда топилди мақсади аслий –  
Вужуд нақшини жон лавҳидин магар адам эттинг?*

(Н.Ш. 261-б.)

Навоий эътирофича икки нарса: ўз вужудини нафй (рад) этиш, йироқлатиш, кетказиш ва мавжудни базл этиш – қўлдаги нарсаларни эҳсон, ҳадя қилиш фақр ичра фойда етказадиган нарсалардир. У қитъаларидан бирида ёзади:

*Вужудунг нафйу мавжудунгни базл эт,  
Чу мавжуд ўлди бу иш – коминга ет.  
Ки, фақр ичра нимаким етқуур суд  
Эрур нафийи вужуду базли мавжуд.*

(ФК. 524-б.)

Навоий “Насойим ул-муҳаббат”нинг кириш қисмида фақр аҳлиниң феъллари ҳақида сўзларкан, “базми мавжуд” хусусида “улар феълларидин яна бири “базли мавжуд” дурки, ҳеч нималарин ҳеч кишидин аямаслар” деб ёзади ва Хожа Муҳаммад Порсо ҳақидаги ҳикоятни келтиради.

“Вужуд” деганда Навоий фақат тан, моддиятни тушунмайди. Унинг наздида дунё билан боғлиқ барча нарсалар, инчунин, қўнгил хоҳиш-истаклари ва нафс даъволари ҳам вужуд-

<sup>1</sup> Тримингэм Дж.С. Суфийские ордены в исламе. -М.: Наука, 1989. -С.276.

дир. Шоир зоҳидни танқид қилар экан, ундаги фақирлик даъвосини фақрдан эмас, дейди. Чунки ҳатто, фақирликка бўлсада унда даъво мавжуд экан, унинг вужуди ҳали барҳам томаган:

*Даъвои фақр этсанг, эй зоҳид, гум ўл майхонадин  
Ким, бу йўлда кимсага бўлмас вужуд ўлмай адам.*

(Н.Ш. 287-б.)

Фақр даъвоси – ўзини фақирлар гуруҳига мансуб деб билиш аслида фақрдан йироқлик белгиси эканлигини шоир бир бошқа байтда қўйидагича ифодалайди:

*Фақрдин юз ийлчилиқ йўл мен йироқ, аввал далил  
Буки, фақр ойинини ўзумга иснод айларам.*

(БВ, 300-бет).

Фақирлик йўлини тутган ҳақиқий ошиқ ўзини ўзи маломат қилиши, бироннинг уни маломат қилишини эса матлуб (ўзига қабул қилиш мумкин бўлган иш) иш дея ҳисоблаши керак. Навоий рубоийларидан бирида фақир учун маломатнинг матлублигини таъкидлаб ёзади:

*Бир айбға гарчи халқ қилғай мансуб,  
Фақр аҳлидин изтироб эмастур маҳсуб.  
Сидқ эрса худ этмак керак ўз феълини хўб,  
Кизб эрса, маломат дағи бордур матлуб.*

(F.C. 565-б.)

Фақр йўлини тутиб, маломатни матлуб билган ошиқ авом томонидан отилган кизбу бўйтон, таъна ва тухмат тошларини ҳам маънавий камолот манбаига айлантиради. Шунинг учун ҳам ўзини қуи олиб, ўз нафсини маломат қилиш фақр ойини (усул, равиш, йўл, ҳаёт тарзи)да инсофлилик белгисидир.

Юқорида фақрнинг ўзлик билан муносабатини кўрдик ва соликнинг ўз ўзлигини фақр йўли билан йўқотишга эришиши натижасида фақр унинг ўзлигига айланиши мумкинлигини кузатдик. Энди фақр ўзлигига айланган соликнинг асосий сифатлари қандай эканлигини кўриб чиқиши керак бўлади. Тасаввуфда бундай сифатлар ўлароқ ризо, таваккул, сабр, шукр, қаноат келтирилган. Демак, фақирлик мартабасига эришган солик охир-оқибатда юқоридаги сифатларга ҳам эга бўлади. Уларни бирма-бир кўриб чиқайлик.

Шукр – диний ва тасаввуфий истилоҳ бўлиб, диний бўлганда ва тасаввуфий бўлганда бир-биридан жузъий фарқланади. Бинобарин, диний истилоҳ сифатида у Аллоҳнинг неъматларига, ундан баҳрамандлигига банда томонидан доимий равишда билдириладиган миннатдорчиликдир. Шу нарсани тарқ қилган банда ношуқр – Аллоҳнинг неъматлари қадрига етмайдиган инсон ҳисобланади. Диний ақидаларга кўра шукр неъмат зиёда бўлишининг омили, шукр қилмаслик, яъни ношукурлик эса бунинг тескариси – неъматларнинг озайтирилиши омилидир. Аллоҳ шукр қилган бандалари неъматларини кўпайтириб мукофотласа, ношуқр бандаларининг неъматларини озайтириш йўли билан жазолайди. Тасаввуфда ҳам умуман олганда шукрнинг маъно-моҳияти ўзгармайди, бироқ фақат уни

тушунишда бироз ўзгачалик, ғайриоддийлик ёки мураккаблик борлиги кузатилади. Масалан, юқорида биз шукрнинг неъматлар зиёда бўлиши омили эканлигини айтдик. Банда неъматларнинг зиёда бўлиши учун шукр қиласи ва шокир бўлишга интилади. Тасаввуфда эса бир қараашда бунинг тескариси. Яъни солик неъматларнинг озайиши учун шукр қиласи. Бу бир қараашда бир-бираига тескари маънодаги тушунчадек туюлса-да, чуқурроқ назар ташланса, бундай эмаслигини кўриш мумкин. Чунки оддий одам учун неъматларнинг зиёда бўлиши асосий мақсад бўлса ва шукрдан мақсад неъмат зиёдалигига эришиш бўлса, солик учун дунё неъматларининг камайиши шукрнинг сабабчиси бўлади. Солик дунё неъматларидан қанчалик кўп маҳрум бўлса, ўз мақсадига шунчалик қўпроқ эришади ва шунинг учун шукр қиласи. Чунки у бу билан ўзлигини таъминлаб турган манбадан жудо бўлади, бу эса уни ўзлигидан қутулиш томон етаклайди. Шунинг учун ҳам у бунга шукр қиласи. Кўринадики, ҳақиқий фақирлик йўлини тутган одамнинг шукри мана шундай бўлиши керак. Акс ҳолда у ҳали ҳақиқий фақир эмас. Бу Навоий лирикасида ҳам худди шундай талқин қилинади. Масалан, у ёзади:

*Эй Навоий, фақрдин бебаҳрадур юз ғам етиб,  
Соликеким, шукр боринда шикоят айласа. (НШ, 22-б.)*

Байтда Навоий фақр йўлида юз ғам етиб турган бир пайтда шукр ўрнига шикоят қилган соликни фақрдан бебаҳра демоқда. Бинобарин, фақрда ғам – неъмат, шукр эса ушбу ғамга миннатдорчиликдир.

Фақр йўлига кирган солик шикоятни унутиб, бошига келган ҳар қандай бало, оғатларга шукр қилиши лозим. Шукр бор жойда шикоятдан сўз очиш фақрдан бебаҳралиқдир. Ҳақиқий фақир Ҳақ йўлида ғам, балою оғат етишидан севинади, ғамсизликдан эса изтироб чекади. Чунки ишқ ғамининг етиб туриши маъшуқа иноятидан нишона. Хожа Муҳаммад Порсо “Фасл ул-хитоб” асарида фақрни балокашлик, фақирларни эса балокашлар деб атайди. Унинг ёзишича, фақр йўлига кирган кишининг иши туну кун ўз бошига балолар ёғилишини ёлвориб сўрашдан, шу балою оғатлар ичидаги яшаб, уларга тоқат қилиб ўз нағсини синдиришдан, ўз руҳини балокашликка чиниқтиришдан иборатдир. Шу сабабли ҳам Навоий фақрдан юз ғам етганда шукр қилишга чақиради.

Таваккул – фақр йўлида дуч келинадиган ваҳималарни ўзидан қувиш учун керак бўлган сифат. Фақр йўлига кирган соликнинг борар манзили номаълум, ундан қандай натижачиқиши ҳам тайин эмас, қийинчиликлар олдинда тоғдай оғир бўлиб турибди. Ўз-ўзидан бундай пайтда ваҳм пайдо бўлиши тайин. Соликнинг биринчи навбатдаги вазифаси ваҳмдан қутилиш, уни йўқ қилиш. Бунинг учун эса у ўзида таваккул сифатини ҳосил қилиши керак. Бинобарин, таваккул бўлмас экан, фақр йўлига кириб бўлмайди.

Фақр соликда таваккул ҳолини тарбиялашда муршидларга асқотган. Улар фақрни маҳкам ушлаб, таваккулни шиор қилган солик яхши ёки ёмон вазиятларда фақат Аллоҳдан умид қилиши керақ, ғайриҳақдан эмас, дея таълим берганлар. “Мақомот”да Хожа Баҳоуддиннинг муридларидан Шайх Шоди билан юз берган бир воқеа ҳикоя қилинади. Шайх Шоддиннинг айтишича: “Ҳазрати Хожанинг қабул назарларига мушарраф бўлгач, фидо ва нисор қилиш менга осон бўлиб қолди. Юз динор пулим бор эди, аҳли оилам менга деди: “Буни маҳфий тутамиз”. Мен рози бўлдим, шаҳар (Бухоро)га бориб, кимўхт этик ва бошқа бир неча нарсалар сотиб олдим. Ҳазрати Хожанинг ҳузурларига келганимда: “Шоди, шаҳарга

нима учун борган эдинг?” деб сўрадилар. “Озроқ ишим бор эди”, дедим. “Олган кимўхт этик ва бошқа нарсаларингни ҳозир қил”. Ҳозир қилдим. Яна дедилар: “Ортиб қолган юз динорни ҳам келтир”. Кейин дедилар: “Аллоҳ инояти билан тоғни олтинга айлантиришимизни хоҳлайсанми? Бироқ биз оламда ФАҚИРМИЗ ва ФАҚРНИ ИХТИЁР ҚИЛГАНМИЗ, бундай нарсаларга илтифот қилмаймиз. Бу тоифа (сўфийлар – Н.Р.)нинг корхонаси ўзга оламдандир, сен учун ҳеч нарса кам бўлмайди, нега пулни ғамлайсан? Бундан кейин асло бундай ишни қилма”<sup>1</sup>. “Анис ут-толибин”да эса шу воқеа асносида қуйидаги машҳур тўртлик ўқилгани ҳам илова қилинади:

*Ҳечи мо не-ю ҳечи мо кам не,  
Аз пайи ҳеч ҳечи мо ғам не.  
Жанда бар пушту пушт – гўристон,  
Гар бимирем ҳеч мотам не<sup>2</sup>.*

(Мазмуни: Ҳеч нарсамиз йўғу ҳеч нарсадан камимиз йўқ, Ҳечсизликдан ҳеч ғамимиз йўқ. Эгнимизда жанда, ортимизда қабристон, Агар биз ўлсак мотамга ҳожат йўқ).

Навоий ҳам фақр ва таваккулнинг ўзаро боғлиқлиги ҳақида шундай ёзади:

*Фақр даشتida десанг фориғу озода борай,  
Кир таваккал билаю ваҳмни барбод этгил. (БВ, 263-б.)*

Демак, байтда фақр йўлига қадам қўйиб, унинг сарҳадига кирган одам йўлида давом этиши учун ва бунда ўзини хотиржам тутиши учун ва эмин-эркин ҳаракат қилиши қилиши учун таваккал билан ишни бошлаш ҳамда шу йўл билан ваҳмни барбод қилиши керак.

Ёки Навоий яна бир ўринда ёзади:

*Фоний ўл фақр истар эрсангким, эрур мақсад мухол,  
Йўлга чун қўйғай қадам раҳрав тавакқул қилмайин. (ФК, 325-б.)*

Тавакқул тасаввуфнинг асос тушунчаларидан бири бўлиб, унга турлича таърифлар берилган. Абулқосим Қушайрий “Рисола”сида Саҳл бин Абдуллоҳ ат-Тустарий (в. 896) тилидан келтирилишича, тавакқул босқичида солик Ҳақ иродаси қаршисида уни истаганча айлантириб, хоҳлаган куйга solaётган мурдашўй қўлидаги жасадга ўхшаши ва бутун инон-ихтиёрини Ҳақ иродасига бўйсундириши, ўз иродасидан бутқул воз кечиб Ҳақ иродасида эритиб юбориши керак. Аҳмад бин Абдураҳмон ар-Рутбийнинг “Минҳат ул-асҳоб” асарида ёзилишича, нафс “мутмаинна” мақомига етгач тавакқул хислатига эга бўлади ва бундай нафс ризо, сабр, шукр каби сифатлар касб эта бошлайди<sup>3</sup>. Навоий ҳам фақр даштида ваҳмни барбод бериб фароғат касб этиш учун таваккулга суюниш лозимлигини уқтиради.

**Қаноат** – фақр йўлига кирган солик учун фақат Аллоҳдан етадиган файз етарли бўлиши керак, яъни бошқа дунё неъматлари унинг учун кераксиз бўлиши керак ва у уларга интилмаслиги керак. Акс ҳолда бу тамагирликка олиб келади. Тамагир киши эса мақсаддан

1 Абулмуҳсин Муҳаммад Бокир ибн Муҳаммад Али. Баҳоуддин Балогардон. –Тошкент: Ёзувчи , 1993. –Б.148.

2 Анис ут-толибин. ЎзР ФА ШИ. №8288. 115<sup>б</sup>-варақ.

3 Қаранг: Тримингэм Дж.С. Суфийские ордены в исламе. –М.: Наука, 1989. –С.. 131.

чалғииди, яъни фақр йўлидан адашади. Кўринадики, бу ҳам фақр йўлидан событлик билан юришнинг муҳим бир шарти. Навоий айнан шуни назарда тутган ҳолда ёзади:

*Навоий, фақр қўйинда тааллуқ қуфри маҳз эрмиш,  
Бир Аллоҳ дўстдин некум насибинг бўлса, бўл қониъ. (FC, 239-б.)*

Фақр касб этишнинг сабабларидан яна бири фақр ичра қаноат ганжининг мавжудлигидир. Навоий фақрда “манқанаъ” мазмуни событ эканлиги сабабли фақр эшикини “лажожила” (қаттиқ, астойдил) қоқишига даъват этади:

*Қоққил, Навоий, ушбу эшикни лажож ила,  
Ким, событ ўлди фақрда мазмуни “манқанаъ”. (БВ, 209-б.)*

“Хазойин ул-маоний”нинг “Бадоеъ ул-васат” девонидан жой олган ушбу ғазал пайғамбар наътига бағишлиланган бўлиб, унда шоир ул зотнинг “Азза ман қанаъ, залла ман тамаъ” (“Қаноатли инсон азиз, тамаъгир киши хордир”) ҳадисига ишора бор. Фақрда “манқанаъ” мазмуни событлигини таъкидлаш орқали фақр тасаввуф йўлига кирган киши учун пайғамбар суннатига эргашишнинг воситаси сифатида тавсия этилади. Яъни “манқанаъ” бевосита расул суннати, “манқанаъ” мазмуни эса фақрда мужассам. Бинобарин, фақр ҳам пайғамбар алайҳиссалом суннатидир. Бунинг аҳамияти шундаки, фақр Қуръон ва ҳадис мазмунига мувофиқ келиш орқали тасаввуф ва шариатни ўзаро боғлаган.

Навоийнинг «Қаноат синуқ сафолиси жоми Жамдин ва фақр қуруқ нонин Хотам чеккан нияъмдин яхшироқ кўрар мунтаҳи» (Мунтаҳий (интиҳога етган, камолотга эришган киши) нинг қаноат синиқ сафолини Жамшиднинг жомидан ва фақр қуруқ нонини Хотам берган ноз-неъматлардан яхшироқ деб ҳисоблаши баёнида) сарлавҳали бир қитъаси ҳам фақр ва қаноатнинг нима учун азизлик сари элтишини тушуниш нуқтаи назаридан аҳамиятли ҳисобланади:

*Синуқ сафолки, май дурдин ичкали топсанг,  
Қабул айламагил жоми салтанат Жамдин.*

*Иликка кирса қуруқ нон, маош учун чекма  
Нашот неъматининг миннатини Хотамдин. (ФК, 515-б.)*

Ёки Навоий яна бир ўринда фақру қаноатнинг азизлик мартабасига етказувчи восита эканлигини айтади:

*Нафс хор этмиш Навоийни, азиз эт фақр бирла,  
Эй жалолу раҳматингдин гар залилу гар муаззаз. (НШ, 146-б.)*

Шоирнинг ишончига кўра, қаноат шундай бир улуғ даражаки, унга эришган инсон ҳам Ҳақ, ҳам халқ олдида азизлик топади. Қаноат (демакки, азизлик) мазмуни эса фақрда мужассамдир. Ҳужвирий “Кашф ул-мажуб”да Шайх Шиблий тилидан “фақр-бало-азизлик” масаласи хусусида ёзади: “Фақр – бало денгизи ва бало азизлик манбаидир. Бандани Ҳаққа восил этадиган ҳар қандай нарса азиз, аксинча, Ҳақдан йироқлаштирадиган ҳар нарса

залилдир. Фақрдаги бало – ҳаққа олиб боради, ғинодаги роҳат соликни ҳақ хузуридан узоқлаштиради. Бандаларнинг азизи Дўстнинг бало юкини тортувчилардир”<sup>1</sup>.

Фақирнинг азизлиги масаласида «Насойим ул-муҳаббат»да ҳам муҳим қайд учрайди. Навоий Абу Мансур Муъаммар б. Аҳмад Исфаҳоний зикрида ёзади: “Шайх ул-ислом дебдурки, ул Исфаҳон шайхи эрди, бузург ва имом ва олим зоҳиру ботин улуми била. Шайх Аҳмад Куфоний ани кўруб эрди. Андин сўрдумки, андин ҳеч сўз ёд билурсен? Дедиким, бир кун сўз асносида айтур эрдики, الفقير عزيز (ал-фақири азизун) [фақир азиздир!]. Анга дедимки, бир пирдин бир сўз тамомдур”<sup>2</sup>.

Алишер Навоий шеъриятида лирик қаҳрамоннинг ахлоқий қиёфаси масаласига ҳам катта аҳамият берилган. Шоир лирик қаҳрамон ахлоқини кўп ўринларда фақр билан боғлиқликда кўради. Унингча, ахлоқий гўзалликнинг манбаларидан бири фақрдир. Фақр инсон ахлоқини мукаммаллаштирадиган муҳим омил сифатида Навоий ижодида кенг ва изчилиқ талқин этилади. Гўзал ахлоққа маънавий камолот мезони сифатида қаралиши, ҳатто, фақрга “ёмон хулқларга камбағал ва гўзал хулқларга бой бўлиш” ёки “фақр – ёмон хулқлардан кечиш ва яхши хулққа эга бўлиш” дея таъриф берилиши фақр ва ахлоқ масалаларининг нақадар узвий боғлиқлигини намоён этади. Шарқда қадимдан ахлоқ инсонлар орасидаги муносабатларни гўзаллаштирувчи зийнат бўлиш билан бирга инсоннинг руҳий-маънавий камолотини кўрсатувчи белги сифатида ҳам тушунилган. Бошқача қилиб айтганда, ахлоқ инсон камолотининг намоён бўлиши майдони, унинг сийратини кўрсатувчи ойна ҳамдир.

Навоий фақр йўлини тутган кишининг ахлоқи ҳақида гапирап экан, фақр ойинида киши кўнглига озор бермасликни биринчи ўринга қўяди:

*Бўлмағил озурдаву озурда қилма кимсани,  
Фақр ойинида невчунким эмас озор шарт. (БВ, 203-б.)*

*Навоий фақр ойинида инсоф илгари тутсанг,  
Ўзунгни бил ёмон бу сўзни яхши бил боре. (ФК, 433-б.)*

Фақр, авваламбор, инсон кўнглини муқаддас билиш тушунчасига таянади, инсонни олий қадрият деб билади. Эътибор берилса, ушбу ҳол Навоий ижодидаги инсонга бўлган муносабатга жуда ўхшайди. Навоий ижодида инсон кўнгли каъбага қиёсланади. “Бузуқ хотир”, “вайрон кўнгил”ни шод этиш Каъбани тиклашга, уни ранжитиш эса Каъбани вайрон этишга ўхшатилади. Навоий дунёқарашибаги бундай нуқтаи назарнинг ғоявий асослари, бизнингча, фақирлик маслаги билан узвий боғлиқдир.

Навоий фақирнинг ахлоқи ҳақида гапирап экан, унинг ҳимматлилик, қониълик, шокирлик, розийлик, мутаваккиллик сингари сифатларига алоҳида эътибор қаратади. Унингча, фақр йўлида ҳимматли бўлиш ўз кунжи вайронини “тоқи сипеҳр” – кўк гумбазидан ҳам ортиқроқ, деб билишдир:

*Урма ҳиммат лофини оллингда бу тоқи сипеҳр,  
Фақр кўйинда агар ўз кунжи вайронингча бор. (НШ, 109-б.)*

<sup>1</sup> Абулҳасан Али бин Усмон Ҳужвирий. Кашф ул-маҳҷуб. Форсий илмий-танқидий матн, изоҳ ва кўрсаткичлар муаллифи В.А.Жуковский. –Л., 1926. –Б. 31.

<sup>2</sup> Алишер Навоий. Насойим ул-муҳаббат. МАТ. 20 томли. 17-том. –Тошкент: Фан, 2001. –Б.198.

Аксинча, “тоқи сипеҳр”ни фақр кўйида ўз кунжи вайронига тенглаштирган одамнинг ҳиммат ҳақида гапириши бехудадир. Демак, Навоий талқинича ҳиммат фақрдандир. Фақат фақр инсонга сипеҳр тоқини ўз кунжи вайронича кўриш имконини беради. Чунки фақр давлатига эга инсон учун аъло билан адно (олий ва тубан)нинг фарқи йўқ. Шу сабабли ҳам шоир ўз лирик қаҳрамонини “давлати фақр” касб этишга чорлайди:

*Давлати фақр истагил, нечунки бор ул қўй аро,  
Сидқ ила киргач, агар аълову гар адно писанд.* (FC., 114-б.)

Фақр юқори ва қуи, олий ва тубан ўртасидаги нисбиятни йўқотади, уларни тенг қилиб қўяди. Фақр давлатига эга бўлган киши учун олтин ва тупроқнинг қиммати бир хилдир. Улар фақир наздида шу даврга қадар касб этган қимматини йўқотиб, бошқа мазмундан – маҳлуқлик ва Холиққа олиб борадиган кўприклик нуқтаи назаридан қиммат касб эта бошлайди. Ушбу қарашни умуман борлиқ дунё ва ундаги нарсаларга нисбатан ҳам татбиқ этиш мумкин.Faқр дунё ва унинг ашёлари, нарса ва ҳодисаларига бўлган муносабатни ўзгартиришни, уларнинг қадр-қимматини мутлақо бошқа, ҳаққоний руҳоний-маънавий талаб этади. Табиийки, маданият талаблари тор ва чекланган, маънавият ва руҳият иқлиmlари бепоён ва чексиздир. Қалбни, тафаккурни руҳият кенгликларига ошно этувчи восита эса фақр.

**Ризо** – фақр йўлида юзланадиган ҳар қандай мashaққатга рози бўлиш, ранжимаслик. Шунинг учун ҳам Навоий машхур қитъасида шунга алоҳида урғу бериб:

Ким фақр талаб қилса фанодур анга шарт,  
Бошига неким келса ризодур анга шарт, –  
дейди.

**Фано** – тасаввуф таълимотининг энг асосий тушунчаларидан бири бўлган бу истилоҳ ўзида ушбу таълимотнинг моҳиятини мужассам этган. Зотан, фақрдан мақсад ҳам фано. Чунки фақр йўлининг охири фано билан тугайди. Шунинг учун ҳам фақр истилоҳи баъзи ҳолларда фано билан ёнма-ён, яъни фақру фано тарзида ишлатилади.

*Эй Навоий, тиласанг фақр йўлининг қатъи,  
Урма ул сари қадам фонийи маҳз ўлмас экан.* (НШ, 320-б.)

Ёки:

*Эй Навоий, тиласанг сайли фанодин маҳлас,  
Фақр даштида керак тоғдек орому сабот.* (НШ, 59-бет)

**Маърифат (ирфон)** – тасаввуфда Аллоҳни англашга доир билимларга нисбатан қўлланиладиган истилоҳ ҳисобланади. Навоий лирикасида фақр ушбу истилоҳ билан боғлиқликда қўлланилган ўринларга дуч келамиз. Масалан, шоир бир ғазалида шундай ёзади:

*Фақр ила шод ўлки, ҳар ким бўлса аҳли маърифат,  
Даҳр туфроғ бирла тенг бўлмоқ не имкон оллида.* (НШ, 25-б.)

Навоий лирикасида фақр билан боғлиқ равишда ўзини **маломат** қилиш, ўринларига ҳам дуч келамиз. Масалан, шоир бир ғазалида:

*Дариғким, қаридим зұхду фақр лофи била,  
Вале ишиш ёшурун барча журму исендер. (ФК, 97-бет)*

- дея ўз-ўзини айблайди.

Ёки мана бу қитъада:

*Бир айбға гарчи халқ құлғай мансуб,  
Фақр ахлидин изтироб әмастур маҳсуб.  
Сидқ әрса худ эттак керак ўз феълини хүб,  
Кизб әрса маломат дағы бордур матлуб. (FC, 565-бет)*

- дея, агар халқ бирор айб тақаса, фақр ахли бундан изтироб чекмаслиги керак, агар у түғри бўлса, у ўзининг ўша айбини тузатиши керак бўлади, агар ўша тақилган айб ёлғон, яъни тухмат бўладиган бўлса, маломатга қолиш нуқтаи назаридан уни қабул қилиш кераклигини айтади. Чунки маломат тасаввуф таълимотига кўра соликни тозалайдиган бир омил ҳисобланади.

Шунингдек, улуғ шоир шеъриятида, лирик қаҳрамоннинг ўз факри билан **Фахрланиш ўринларига ҳам дуч келишимиз мумкин:**

*Бенаволар оллида умри абаддин яхшироқ,  
Ҳар кишиким, фақр йўлинда Навоийвор ўлар. (ФК, 125-бет)*

Ёки:

*Жоҳ ахли, фақр ичра Навоийға иқтидо –  
Айлангки, бу тариқа анга келди муҳтараъ. (НШ, 209-б.)*

Хуллас:

Навоий лирикасида фақир образи 264 марта қўлланилган; энг муҳими унинг ёшлиқ даврдаги шеърларини ўз ичига олган “Илк девон”даги шеърлари билан бошқа (расмий) девонлардаги шеърларини солиширадиган бўлсак, уларда фақр талқини борасида деярли ҳеч қандай фарқ йўқлигини кузатишимиз мумкин. Фақр масаласи Навоий лирикасида қизил ип бўлиб ўтади ва асосий фалсафий, бадиий-эстетик концептлардан ҳисобланади; шоир ижодида фақр масаласига бу қадар эрта мурожаат қилинишининг соф биографик асослари бор, бу Навоий яшаган маданий муҳит, адабий анъана билан бевосита боғлиқ. Навоийнинг биографик асарлари у яшаган даврда фақрни ўз реал ҳаётининг асосига айлантирган инсонлар мавжуд бўлганлигини ва улар Навоийнинг онги-тафаккури, бадиий маҳорати ошиб боришида катта ўрин тутган; жанрий нуқтаи назардан ушбу образ шоирнинг деярли барча лирик жанрлардаги асарларида яратилганлигини кўришимиз мумкин; структура нуқтаи назаридан қарайдиган бўлсак, фақир образи кўпинча (деярли 90% ҳолларда), Навоий ғазалларининг мақтаъ ёки мақтаъдан олдинги байтида келади. Бу байтлар эса ғазалларнинг авж нуқтаси ҳисобланади: Навоий лирикасида лирик қаҳрамон талқини шукр, сабр, таваккул, ўзлик, қаноат, ризо ва бошқа тушунчалар билан биргаликда олиб борилади. Кузатишиларимиздан ушбу тушунчалар бевосита фақр тушунчаси билан боғлиқликда келганлиги аён бўлди. Айтиш мумкинки, шукр, сабр, таваккул, ўзликдан озод бўлганлик, қаноат, ризо фақирнинг сифатлариидир.

## 2.2. ФАҚИР ОБРАЗИННИГ НАВОЙЙ ЛИРИКАСИДАГИ БОШҚА ОБРАЗЛАР БИЛАН ЎЗАРО БОҒЛИҚЛИГИ

Фақрнинг Навоий лирикаси ғоявий мотивлари билан алоқадорлигига дикқат қиласиган бўлсақ, унинг қуидаги образлар билан боғлиқликда талқин қилинганининг гувоҳи бўламиз. Булар: 1) фақир ва подшоҳ; 2) фақир ва дунё; 3) фақир ва зоҳид кабилардир.

Маълумки, Навоий ижтимоий келиб чиқиши жиҳатидан амалдор оиласига мансуб. Унинг отаси Ғиёсиддин кичкина темурийлар салтанатида катта лавозимларда ишлаб келган амалдор бўлган. Навоийнинг ўзи ҳам ёшлик чоғлариданоқ темурий шаҳзодалар билан дўст тутинаиди, гоҳ-гоҳ темурийлар ўртасидаги тож-тахт талашиш можароларига ҳам аралашишга мажбур бўлади. Баъзан эса мана шундай можаролар қурбонига ҳам айланади. Кейинчалик эса у ўзининг мактабдош дўсти Ҳусайн Бойқаро Ҳирот тахтини эгаллаганидан кейин унинг саройида энг юқори лавозим эгаси – бош вазир этиб тайинланиши ва бу мансабда узоқ йиллар фаолият олиб бориши, у ўз даврининг том маънодаги йирик давлат арбоби даражасидаги шахс бўлганлигини кўрсатади. Демак, айтиш мумкинки, Навоий учун тож-тахт, салтанат ишлари ҳам бегона бўлмаган. У тақдир тақозосига кўра, бундай ишларни ҳам ўз бошидан кечирган, бир сўз билан айтганда, салтанат юкини елкасига кўтарган шахс бўлган<sup>1</sup>.

Ўз навбатида эса ижтимоий ҳаётдаги бу фаолият унинг улкан шоир бўлиб етишишига ҳам халал бермаган. Чунки Амир Темур ва темурий шаҳзодалар ҳақиқий маънодаги илм-фан ва санъатнинг қадрига етадиган салтанат эгалари эдилар.

Дарҳақиқат, темурийлар даври Ўрта Осиёда маданиятнинг энг юксалган даври ҳисоблашади. Улар даврида бу ерларда, айниқса, шаҳар маданияти ниҳоятда ривожланди, марказий шаҳарларда дунёга тенги йўқ меъморий обидалар яратилганлиги ҳам бунинг ёрқин далилидир. Фақат шулар билангина чекланиб қолингани йўқ. Бу даврларда маънавий мерос яратиш ишларига ҳам эътибор ниҳоятда катта бўлган. Бинобарин, илм-фан ва адабиётнинг ҳам энг нодир намуналари мана шу темурийлар даврида яратилганлиги ҳам тарихан бизга яхши аён. Биргина Навоийнинг тенгсиз ижоди ҳам шу давр, яъни темурийлар даврига оидdir.

Навоийнинг Амир Темур ва унинг авлодларига муносабати ҳам ижобий бўлган. Чунончи, у ўз ижодида Амир Темур ҳақида ҳам баъзи ўринларда ижобий фикрлар билдиради. Лекин у ҳадеганда уни тилга олавермайди. Бунинг сабаби эса Навоийнинг Амир Темур ва темурийларга мол-дунё ёки мансаб илинжида ортиқча маддоҳликни ўзига эп кўрмаганлигидандир. Лекин унинг Амир Темур ва темурийларга муносабати ўта самимий бўлганлигини темурийлар салтанати инқирозга учраб, улар ўртасида феодал тарқоқлик юзага келган, ўзаро тахт талашишлар авж олган ва оқибатда ноҳуш вазиятлар юзага келаётган бўлса-да, гарчи лозим бўлса ҳам Навоий одоб юзасидан улардан ранжиб темурийлар ҳақида бирор бир ножӯя сўз айтишдан ўзини тийганлигига кўриш мумкин. Дарҳақиқат, унинг Амир Темурга бўлган муносабати ўта ижобий бўлган. Масалан, шоир ўзининг “Мажолис ун-нафоис” асарида Амир Темур билан боғлиқ бир хикоят келтиради. Унга кўра, Амир Темурнинг

<sup>1</sup> Қаранг: Бартольд В. Мир-Али-Шир и политическая жизнь // Мир-Али Шир. –Л., 1928. –С. 100-165; Эргашев К. Некоторые аспекты государственной деятельности Алишера Навои. –Ташкент: Фан, 2009.

ўғли Мироншоҳ Мирзо Ироқда ҳукмрон бўлиб турганда ундан турли ножӯя ҳаракатлар со-дир бўла бошлайди. Амир Темурга бунинг сабачиси уч киши: Мавлоно Муҳаммад Коҳий, Устод Кутб Нойи, Хожа Абдулқодирлар эканлигини хабар беришади. У ушбу учала шахсни тутиб келишга фармон беради. Улардан икки киши (Мавлоно Муҳаммад Коҳий, Устод Кутб Нойи) тутиб келтирилади ва жазога тортилади, Хожа Абдулқодир эса қочишга муваффақ бўлади ва дарвеш кийимида шаҳарма-шаҳар яшириниб юради. Аммо Амир Темур Бағдодда бўлганида у қўлга тушади ва Амир Темур ҳузурига келтирилади. Хожа Абдулқодирнинг мукаммал эгаллаган илмларидан бири қироат илми эди. Хожа Абдулқодир қўркув зўридан баланд овоз билан чиройли қироат билан Қуръон ўқий бошлайди. Қироатдан Амир Темурнинг кўнгли юмшайди ва у қуидаги рубоийнинг охирги мисрасини жуда ҳам ўринли қилиб ўқиди:

Ҳавро ба назораи нигорам саф зад,  
Ризвон зи таажжуб кафи худ бар каф зад.  
Он холи сияҳ бар он рухон мутраф зад,  
Абдол зи бийм чанг дар Мусҳаф зад.

(*Маъноси: Ҳурлар нигорим теграсида саф тортдилар. Бу ҳолни кўрган жаннат ҳаяжонланганидан қарсак чалиб юборди. Нигоримнинг қора холини кўрган ҳурлар ҳар тараф қочдилар, дарвеш қўрққанидан Қуръонга чанг солди.*)

Амир Темур ўқиган рубоийнинг “Абдол зи бийм чанг дар Мусҳаф зад...” (“Дарвеш қўркувдан Қуръонга чанг солди...”) мисраси бу воқеликка жуда мос эди. Натижада Хожа Абдулқодир кечирилади, Амир Темурнинг эса маънавий қиёфаси намоён бўлади. Чунки Амир Темур томонидан охирги мисраси ўқилган бу рубоий машҳур суфий Шайх Абусаид Абулхайр қаламига мансубdir.

Бунда диққатни жалб қиласидиган нарса Амир Темурнинг тасаввуф аҳли орасида машҳур бўлган бир шеърни ўринли қўллаганидир. Амир Темурнинг Шайх Абусаид ижодидан хабардорлиги унинг тасаввуф тушунчаларидан ҳам яхши хабардор эканлигидан далолат эди. Навоий бунга ортиқча тафсилот бермайди, аммо воқеани келтириш билан Амир Темурнинг юксак маънавий қиёфасини очиб беришга эришади, яъни шу муносабат билан Навоий “Мажолис”да Амир Темур ҳақида гапира туриб “...агарчи назм айтмоққа илтифот қилмайдурлар, аммо назм ва насрни андоқ ҳўб маҳал вак мавқеъда ўқубдурларким, анингдек бир байт ўқуғони, минг байт айтқонча бор”, дея Амир Темурнинг заковатига юксак баҳо берган<sup>1</sup>.

Шунингдек, Навоий “Насойим”да ҳам Амир Темур номини ҳурмат билан тилга олганигига гувоҳ бўламиз. Масалан, мазкур асарда Бобо Сунгу қ.с. ҳақида гап кетганида унинг Амир Темур билан бўлган учрашуви шундай баён қилинади: “Бобо Сунгу қ.с. Замон мажзу-бларидан эрмиш. Соҳиби ботин киши эрмиш. Темурбек Хурросон мулки азиматиға юрганда Андҳудқа етканда машҳурдирки, Бобо хидматиға боргандур. Ўлтурғондин сўнгра Бобо илайида бир суфрада яхна эт эркандур. Қўйнинг яхна тўшин олиб, Темурбек сари отибдур. Темурбек ғояти ақлу закосидин дебдурки, Хурросон ер юзининг кўкси дебдурлар. Ани Бобо бизга ҳавола қилди, деб бу башорат била юруб, Хурросон мулкини олибдур”<sup>2</sup>.

Демак, айтиш мумкинки, Алишер Навоий учун Амир Темур фақр сирридан огоҳ идеал подшоҳ бўлган. Навоийнинг Ҳусайн Бойқарога муносабати ҳам аслида Амир Темурга бўл-

<sup>1</sup> Бу ҳақда батафсилроқ маълумот “Бир рубоий тарихи” номли мақоламиизда берилган. Қаранг: Рамазонов Н. Бир рубоий тарихи // ЎзАС. 2004 йил 23 сентябрь.

<sup>2</sup> Алишер Навоий. Насойим ул-муҳаббат. МАТ. 20 томли. 17-том. -Тошкент: Фан, 2001. -Б.427.

ган чексиз хурмати туфайли эди. У Ҳусайн Бойқаронинг ҳам Амир Темур каби улуғ салтант эгаси, ҳар томонлама мукаммал подшо бўлишини орзу қилган.

Алишер Навоий шоҳликни қандай тасаввур қилган? Унинг тасаввури (орзуси)даги шоҳ қандай хислатларга эга бўлиши керак эди? Навоийшунос А.Ҳайитметов Навоий идеал шоҳ темурийлардан чиқиши мумкинлигига қатъий ишонганигини айтади<sup>1</sup>.

Навоий ҳақиқий шоҳ бўлиш учун фақр сирридан огоҳ бўлишликни шарт қилиб қўяди. Унингча, фақрдан огоҳ бўлмай туриб шоҳлик этишдан ҳеч бир натижа (ҳосил) чиқмайди. Чунки шоҳ қанча ўз салтанатини кенгайтирмасин, барибир у “бақо мулки”га подшоҳлик қила олмайди. Навоий асл боқий давлат, безавол мулк – Ҳақ васли эканлиги, унга эришишнинг йўли эса фонийи маҳз бўлиш эканлигини уқтириб ўтади:

*Шаҳлиғ эткандин не ҳосил фақр сиррин билмайин,  
Ҳеч ким мулки бақо султони бўлғонму экин?  
Фонийи маҳз ўлмайин Султон Абулғозий бикин,  
Эй Навоий, давлати боқий тиласен васлидин  
Они касб этмак фано бўлмай не имкон оқибат?*

(F.C. 505-б. 2-мухаммас).

Навоий идеалидаги шоҳ зоҳирлан бутун жаҳонга эгалик қилиб турган бўлса-да, ботинда фақирлик ихтиёр этган ва қўл остида бўлган мол-дунёга кўнгилдан муҳаббат қўймаган подшоҳдир. Шоир “Фақр кўйида гадолиғ чу эрур султонлиғ” дер экан, подшоҳларни мажозий ва ҳақиқийларга ажратади. Унингча, ҳақиқий подшоҳ ўз нафсига табдил бериб (чеклаб), нафс аждаҳосини жиловлаган кишидир. Акс ҳолда нафс талаблари измига бўйсунган нафс аждаҳоси дунёни ғорат этиши тайин. Шу сабабли ҳам Навоий шоҳга мурожаат қилиб унинг ҳақиқий душмани ўз нафси эканлигини ва авваламбор, уни асир этиш лозимлигини айтади:

*Бўлуб нафсингға тобиъ, банд этарсен тушса душманни,  
Сенга йўқ нафсдек душман, қила олсанг ани қил банд.*

(F.C. 111-б.)

“Маҳбуб ул-қулуб”нинг “Одил салотин зикрида” номли фаслида Навоий фақр шоҳнинг фазилати бўлиши лозимлигига урғу беради, ҳақиқий подшоҳ (Ҳусайн Бойқаро)ни таърифлаб ёзади:

*Улус подшоҳијо дарвешваш  
Анга шоҳликдин келиб фақр хуш.  
Жаҳондорларға сипеҳр интибоҳ  
Вале аҳли фақр оллида хоки роҳ.  
Жаҳон мулки олинда хошокча,  
Вале бир кўнгул мулки афлокча.*

(14-том, 13-бет)

Фақр воситасида жаҳон мулкини бир хошокча деб билмаган шоҳдагина инсон кўнглини “мулки афлок” билан тенг қўйиш хислати пайдо бўлади. Фақр диққатни мулкирлик ва

<sup>1</sup> Ҳайитметов А. Темурийлар даври ўзбек адабиёти. –Тошкент: Фан, 1996. –Б. 27.

нағс дағдағаларидан күнгил овлаш ваadolат, инсонпарварликка томон қаратади. Faқat фақр талабларидан хабардор шоҳгина күнгилни муқаддас деб билишга мойил. Бу эса күнгилга озор бермаслик ва күнгил соҳиблариғаadolат қилишни талаб этади.

Дунё ганжидан күнгил ганжи томон юз буриш – маънавий такомил сари ташланган илк қадам. Дунё молига эга бўлиш ҳавасидан қайтиб, күнгил асрори, қалб хазинаси неъматларидан баҳрамандликка интилиш – илоҳий ирфоннинг бошланғич нуқтаси ҳисобланади. Демак, фақр ирфоннинг илк шарти, маърифат остонасиdir.

Навоий фақр кўйида гадоликни шоҳликдан афзал билади. Унингча, “гадолиг бўрёси” – “салтанат фарши” (тахт) билан баробар:

*Шод ўлубтур фақр кўйида Навоий, ўйлаким,  
Салтанат фарши гадолиг бўрёсидур аниng.* (Б.В. 257-б.)

Нега шоир бу ўринда фақр бўйрасини салтанат тахти дея атамоқда? Бунинг сабаби фақрнинг ўзи маънавий салтанат эканлигидадир. Маънавий салтанат эса инсонлар томонидан бунёд этиладиган салтанатдан устун. Чунки инсонлар тузадиган салтанатлар барибир бир кун инқирозга юз тутади. Маънавий салтанат эса безаволдир. Бинобарин, фақр йўлида гадоликни ихтиёр этган киши уни шоҳликка алмашмайди:

*Фақр кўйида гадолиг гарчи фахримдур, валек,  
Салтанат арз этсалар майл айламон, ор айлабон.*

(Н.Ш. 349-б.)

Фақр сукунат, күнгил осойишталигини таъмин этади, салтанат ва подшолик эса доимий безовталиқ, дунё ғамида қайғуришни талаб қиласди. Фақр ато этадиган хотиржамликка интилган лирик қаҳрамон эса фақр мулкини ғанимат билади:

*Эй Навоий, фақр мулкин тут ғанимат зинҳор  
Ким, ғиноу салтанатнинг кўптуур дарди сари.*

(Н.Ш. 462-б.)

Фақр хотир (кўнгил)ни жам қилиш, фикр ва қалбни бир мақсадга йўналтиришнинг воситаси сифатида ғоят катта аҳамият касб этади. Чунки фақат қалб бир нуқтага йўналтирилгандағина асл мақсадга етиш мумкин.

Навоий фақирни ҳақиқий подшоҳ (бақо мулки султони), подшоҳни эса “беадаб густоҳ”га менгзайди. Гадо шоҳ олдида бирор сўз айтишга ботина олмагани каби подшо ҳам фақир олдида сўзлай олмайди:

*Гадоий фақр ила сўз айта олмас подшо густоҳ,  
Шаҳ оллинда нечукким, дам ура олмас гадо густоҳ.*

(F.C. 105-б.)

Подшоҳнинг хислати бўлган шижаот фақр йўлига кириш учун ёрдам бера олмайди. Чунки шижаот аждаҳонинг хислати бўлиб, “кулбай фақр”га эса адаб, ҳилм ва ишқ билан кириш мумкин:

*Шужоат бирла кирмак қулбаи фақр ичра бўлмаским,  
Бу вайронни қила олмас ватан ҳар аждаҳо густоҳ.*

Байтдаги “аждаҳо” нафснинг рамзий ифодаси бўлиб, фақр вайрони ичра нафс аждаҳоси ватан тутиши мумкин эмас.

Шоҳ ўз давлатини зиёда этиб, уни барқарор идора қилиши учун фақр аҳлининг кўмагига муҳтож:

*Фақр аҳлиға подшо муҳтож,  
Ўйлаким, шоҳға гадо муҳтож.*

(F.C. 99-б.)

Чунки давлат фақат катта маънавий асос билангина барқарордир. Шоҳнинг давлат машъали фақру сидқ аҳли дамининг шуъласи билангина ёруғдир:

*Шаҳға сидқ аҳли дамидин машъали давлат ёрур,  
Мехрдекким, субҳ анфоси очар талъат анга.*

(F.C. 31-б.)

Байтда шоҳ – қуёшга, фақр аҳлининг дуоси эса – субҳ анфосига ўхшатилади. Субҳидам нафаси қуёшнинг порлаши учун йўл очгани каби, фақр аҳли дуоси ҳам шоҳнинг давлат машъалини ёритади.

Хуллас, Навоийнинг шоҳ ва фақир образлари ёнма-ён келган байтларидан шу нарса ойдинлашадики, шоир ушбу икки образни зидлантириш орқали фақр ва салтанатнинг моҳиятини очиб беради; ушбу образлар шеърда ўзаро муносабатга киришар экан, фақр ва шоҳликнинг асл моҳияти очила боради, унга кўра агар подшоҳ инсонлар томонидан бунёд этилган салтанат эгаси бўлса, фақир Оллоҳ салтанатининг эгасидир; подшоҳ ва фақир образларининг ўзаро муносабати XV аср кишиларининг қадриятлари ҳақидаги тасаввурларни бойитади.

Алишер Навоий лирикасида **дунё** образи ҳам алоҳида ишланган образлардан саналади. У инсоннинг маънавий камолотига монеълик қиласиган тўсиқлар сирасига “даҳри дун”ни, яъни дунёни қўяди.Faқирлик воситасида комиллик сари интилган киши унга кўнгил бермаслиги керак, дейди у.

Улуғ мутафаккир қаноатича, доноликнинг белгиси бойлика майл кўргизишдан воз кечиб, фақрни касб этмоқлиқдир:

*Жаҳонда фақр касб эт, майл кўп қилма ғино сари,  
Ки, мундин оз этибдур орзу фарзона, андин кўп.* (ФК, 52-б)

Дунёга кўнгил бериш ғафлатга – майда-чуйда ўткинчи ташвишлар билан ўралашиб қолишга олиб келади. Ҳақиқий маънавий хазина эса фақр орқали қўлга киритилади. Навоий бир ғазалида дунёни арус – ёш, гўзал келинга ўхшатиб шундай, дейди:

*Дунё аруси зулфини тутқан не огаҳ фақрдин,  
Ганж истамас улким, йилон тутмоқ била хурсанд эрур.*

(F.C. 126-б.)

Байтдаги “дунё аруси” (“дунё келинчаги”) – инсон кўнгли, ақли, шуурини ўзига тортувчи, чорловчи барча моддий нарсаларнинг умумлашма тимсоли ҳисобланади. Дарҳақиқат, дунёнинг ёш бир гўзалнинг зулфига ўхшовчи жозибали қўриниши одамни ўзига тортади. Байтдаги зулф (ўрилган соч) эса илонга қиёсланмоқда. Ғазалда дунё зулфини тутган киши асл маънавий ганждан, яъни фақрдан – огоҳэмас, балки уни дунё аруси зулфи гумон қилиб, аслида илон тутиш (дунёга машғуллик) билан овворалиги таъкидланган, бинобарин, дунё аруси зулфини тутган (дунёга дил берган) инсон илон тутишдек хавфли машғулот билан оввора кишидир. Ҳақиқий ганж – хазина эса борлиқнинг ботини, моҳиятида яшириндир. Аммо унга етиб бориш учун унинг асл мақсад сари боришга тўсиқ бўлувчи зоҳирий белги ва хусусиятларидан холи бўлиш керак. Хазина бор жойда илон-аждаҳо ин қўйганидек, моҳияти илоҳий ирфондан иборат бўлган борлиқ ҳақиқати ҳам ташқи тўсиқлар билан иҳоталанган. Ушбу тўсиқлардан ўтишда фақр асосий йўлдир. Демак, фақр асосий эътиборни аҳамиятсиз нарсалардан моҳиятга томон тортувчи восита, бошқача айтганда фақр – моҳиятбинлик фалсафаси.

Ҳақиқий ҳаёт моҳиятига етиш, унинг нималигини бошқаларга ҳам тушунтиришга интилган шоир ўткинчи дунё ҳаваси кўнгилда бўлишини бефойда деб билади. Фақирлик истаган киши дунё ва ундаги нарсалардан баҳра (суд) топишдан кечиши кераклигини уқтиради:

*Истасанг фақр, ўрта олам суд ила сармоясин,  
Кўнгулга то эврулур дунёву мофиҳо, не суд.* (Б.В. 96-б.)

Яъни, модомики сен фақр истар экансан, оламнинг фойда ва зараридан кеч, кўнглингда дунё ва ундаги нарсаларга муҳаббат бор экан, [маънавий камолот йўлида] ҳеч бир натижага эришолмайсан.

Мосиваллоҳ – дунё солик (Ҳақни изловчи ошиқ) бошига бало келтирувчи омил. Шу сабабли ҳам Навоий мосиваллоҳ – дунёву мофиҳо [дунё ва унга тегишли нарслар]ни фақр билан дафъ қилишга чақиради:

*Эй Навоий, фақр аро қил мосиваллоҳ дафъиким,  
Келди солик бошига дунёву мофиҳо бало.* (Б.В. 27-б.)

“Мосиваллоҳ”нинг луғавий маъноси “Ҳақдан ўзга, ғайриҳақ, Ҳақдан ташқари” демакдир. Байтда эса мосиваллоҳ – дунёву мофиҳо (дунё ва ундаги нарсалар) мазмунида келган.

Дунё молининг рамзи – олтин (сийм) бўлиб, шоир олтиндан ясалган икки узукни икки бармоққа тақишини қўлга қайчи олишга ўхшатади. Аммо Навоий олтин узук тимсолидаги бу “қайчи”ни фақр ипларини кесувчи асбоб, дея талқин этади ҳамда ташбиҳ орқали фақирлик ва дунёдорликка ўз муносабатини баён қиласади:

*Икки бармоққа тутар сиймни миқроз киби,  
Фақр торин доғи қатъ этқучидур ул миқроз.* (Н.Ш. 201-б.)

Мол-давлат, сийму зар кўнгилдаги фақр торларини кесувчи – фақирлик ҳолини барбод этувчи нарсалар. Аммо дунё ва унинг моли ҳам миқдор, ҳам ҳудуд нуқтаи назаридан чега-

раланган. Чексизликка талпинган қалб фақат фақр давлатини ихтиёр этади, чунки бу давлат давомли, чексиз бўлиб, руҳ фақат фақрдагина дунёнинг тор чегараларидан қутулиши мумкин:

Эй Навоий, давлати зоҳирни доим топмоғунг,  
Фақр иқбалидурур, улким давоми бор анинг. (Н.Ш. 265-б.)

Мол-дунё бугун бор, эртага йўқ. Унда муқимлик хислати мавжуд эмас. У доим ўзгарувчан, айланувчан. Бугун вафо қилса, эртага жафо қиласди, бугун сенга кулиб боқса, эртага бошқага. Бугун сенинг раъйинг билан равиш айласа, эртага унга терс. Дунёнинг бундай буқаламунилигидан халос бўлиш, таъсиранмаслик, азият чекмасликнинг йўли эса фақрдадир.

Фақр ёрдамида дунё билан уни боғлаб турган тааллуқ илларини узиш ошиқни чин саодат – Ҳақ васли томон етаклайди. Дунё билан вобаста (боғлиқ) бўлиш фақр йўлида оғир юк. Дунё билан боғланиш иллари, аввало, инсоннинг кўнглида бўлади. Шу сабабли ҳам лирик қаҳрамон ўз кўнглига мурожаат қилиб, тааллуқдан воз кечиш ва фақрга юзланишга даъват этади:

Фақр йўлинда оғирроқ юк эрур вобасталиқ,  
Эй кўнгул, марки тааллуқ айлабон, ул сори бор. (Б.В. 110-б.)

Ривоятга кўра, афсонавий подшоҳ Жамшид файласуф-ҳакимларга буюриб, иккита жом – май ичадиган идиш ясаттирган. Улардан бири ичидаги май ичган сайин тугамайдиган жоми ишратфизой, иккинчиси майи ичилганда дунё воқеа-ходисалари ойнадай кўриниб турадиган жоми гитийнамой. Жамшид ушбу жомлар воситасида дунёдан хабардор бўлган ва улар орқали подшоҳлар орасида энг юқори мартабани эгаллаган. Навоий фақрнинг синган сафолини Жоми Жамга ташбиҳ қиласди, сен жону жаҳон нақдини, яъни қўлингдаги бутун молу дунёнингни бериб бўлса-да, фақр сафолини қўлга кирит, чунки бирор киши Жамшид жомини олаётганида савдолашиб ўтирамайди, яъни қўлидаги бор мол-мулкини бериб бўлса-да уни олдади, дейди у:

Сафоли фақр ол, жону жаҳон нақдин бериб, гарчи  
Киши Жамшид жомин сотқин олмайдур, баҳо айлаб. (Б.В. 47-б.)

Маълум бўладики, фақр сафолининг баҳоси жону жаҳон нақдидан ҳам қимматлироқдир. Нега? Чунки унга ваҳдат майидан асар теккан. Бундай ҳолатда эса:

Эй хуш ул майким, анга зарф ўлса бир синган сафол,  
Жом ўлур гитийнамо, Жамшид ани ичган гадо. (F.C. 25-б.)

Юқоридаги мисолда Навоий фақр сафолини Жамшид жоми билан тенглаштирган бўлса, бошқа бир ўринда уни жоми Жамдан устун қўяди:

Жоми Жамнинг роҳи Афридун йилони заҳридур,  
Эй кўнгул, ўзни сафоли фақр ила хурсанд қил.  
(Ф.К. 262-б.)

Яъни, Жамшид жоми ичидаги май (роҳ) афсонавий Фаридун подшоҳ илонининг заҳаридан бошқа нарса эмас. Эй кўнгил, агар сен ҳақиқатда хурсанд бўлмоқ истасанг, фақр сафоли билан илоҳий майдан ҳўпла (нўш айла).

Навоий талқинидаги фақр – эҳтиёжсизлик, маънавий-руҳий эркинлик, хурлиқ фалсафа-си. Айни шу ҳолни назарда тутиб Алишер Навоий ёзган эди:

Эҳтиёжимни улустин уз, Худоё, фақр ила,  
Уйла фақрким, анга бўлмас худога эҳтиёж.

(Ф.К., 71-б.)

Байтдаги “улус” – дунёниг умумлашма образи, бинобарин, фақр шарофатидан дунё одамлари, дунёни ташкил қилиб турган борлиқдан эҳтиёжи узилган киши Аллоҳдан бошқа ҳеч кимга муҳтож бўлмайди. Аммо лирик қаҳрамон юксалишда давом этиб, ҳатто, Худога ҳам эҳтиёжсизлик қисматини орзу қиласди. Ушбу мақом ҳам фақр файзидан бўлиб, бунинг учун фақрни охирига етказиш талаб этилади. Мукаммал фақр эгасининг Худога эҳтиёжи қолмайди, чунки комил фақир Худо билан бирдир. Дунёга эҳтиёж сезмаслик ҳоли билан бошланган фақр худода – Ҳаққа бирикиш билан якун топади. Дунёдан эҳтиёжсизлик – фанои филлоҳ, Ҳаққа бирикиш эса – бақои биллоҳдир. Бақои биллоҳ мақомига эришган киши Ҳақ вужудида қойим бўлиб, бундай киши учун Аллоҳни ташқаридан излашга ҳожат қолмайди<sup>1</sup>.

Шу ўринда эҳтиёжсизлик ҳолини чуқурроқ англаш учун баъзи манбаларга мурожаат қилишимизга тўғри келади. Кошоний ёзади: “Фақр мақомининг даражасини улуғлаб “Ал-фақиру ло яҳтожу ило Оллоҳ” (“Фақир ҳатто худога ҳам эҳтиёжманд эмас”) деганлар, чунки эҳтиёж муҳтожнинг сифати бўлиб, муҳтожнинг зотига оидdir, фақирда эса на зот бор, на сифат. “Ал-фақру фахрий” ушбу маънога ишорат қиласди. Бу шундай фақрким, бундай фақр эгаларини ҳар икки дунёда бир Худодан бошқа ҳеч ким танимайди. Чунки Оллоҳ ғаюрдир ва ўзининг хос авлиёларини ағёр назаридан [бегона кўздан] яширади, ҳатто, ўша авлиёларнинг ўзларидан ҳам. Бундай фақр етук сўфийлар ва мунтаҳий (интиҳо, камолотга эришган)лар мақомидир, соликлар мақоми эмас”<sup>2</sup>.

Хожа Баҳоуддин Нақшбанддан “Ал-фақиру ло яҳтожу илла-л-лоҳи таъоло” (“Фақир Оллоҳдан ўзгага муҳтож бўлмайди”) дейилганининг маъноси сўралганида ул зот: “Яъни, унинг нарса сўрашга мутлақ эҳтиёжи йўқ”, – деб жавоб берган эканлар<sup>3</sup>. Ушбу эътирофда фақрдаги эҳтиёжсизлик ҳолига ишорат этилган. Яна Баҳоуддиндан нақл қилишларича: “Улардан сўрадилар: “Изо таммал-фақру фа-хуваллоҳу” (“Агар фақр тўлиқ бўлса, демак шу Оллоҳдир”) нимадир?” Айтдилар: “Банданинг фано ва йўқликка етиши ва Ҳақ сифатлари ичida маҳв бўлишига ишорадир”<sup>4</sup>. Демак, фақрнинг охирига етган одам Оллоҳга етган бўлади.

Муҳаммад Ҳусайний эса фақрни ўзлиқдан кечиб, носут, малакут ва жабарут оламларига эга бўлмоқдир, дея таърифлайди. Аммо “Изо тамм ал-фақр” (фақрнинг ниҳояти, камолот нуқтаси) эса ушбу оламларни ҳам тарк этмоқдир. У ёзади: “Пас ҳар ки, эй маҳбуб, дар ин

<sup>1</sup> Қаранг: Фақр концептининг Навоий лирикасидаги бадиий функциясига доир // «Алишер Навоий ижодий меросининг умумбашарият маънавий-маърифий тараққиётдаги ўрни» мавзусидаги анъанавий халқаро конференция материаллари (2019 йил 4–6 февраль, Ўзбекистон, Навоий ш.). –Тошкент: Фан, 2019. –Б.207-212.

<sup>2</sup> Иззуддин Маҳмуд бин Али Кошоний. Мисбоҳ ул-ҳидоя ва мифтоҳ қифоя. Ба тасҳехи Ҷалолиддин Ҳумоӣ. – Техрон: Чопхонаи Мажлис, 1323. –С.378.

<sup>3</sup> Ўша жойда, 102-бет.

<sup>4</sup> Ўша жойда, 102-бет

се мақом мутаваттин аст – фақр лозимаи ўст. Пас чун аз ин фақр берун ояд “Тамм ал-фақр” гардад”<sup>1</sup>. (Мазмуни: “Эй дўст, ҳар ким ушбу уч мақом (носут, малакут, жабарут)да қойим бўлса, у фақирдир. Аммо уларни ҳам тарк этса “Тамм ал-фақр”га эришади”). Яъни носут, малакут, жабарут фақр ичидаги мақомлар, бироқ фақр камолоти ушбу мақомларни (бино-барин, фақрнинг ўзини ҳам) тарк этмоқлик, “тарки тарк”, яъни таркни ҳам тарк этмоқликдир.

Абдураҳмон Жомий “Лавойиҳ”да “Ал-фақру изо тамм ҳуваллоҳи”ни шарҳлаб ёзади:

*Андо, ки фано шеваву фақр ойин аст,  
На кашфу яқин, на маърифат, найи дин аст.  
Рафт ўз-миён, ҳамин худо монд, худо  
“Ал-фақру изо тамм ҳуваллоҳи” – ин аст<sup>2</sup>.*

(Маъноси: Ул кишиким, мақсади фано-ю йўли фақрдир. (Матлаби) на кашфу яқин, на маърифат, на диндир. Буларнинг бари ўртадан кетди ва бир Худо қолди. “Фақрнинг охир – Оллоҳ” дегани ушбудир).

Демак, ҳақиқий фақирлик кашф, яқин, маърифат сингари тушунчалардан-да, аҳамиятлироқ, муҳимроқ моҳият – Ҳаққа диққатни жалб этмоқдир. Ушбу ҳолатни Жомийнинг шогирди Имод “Шарҳи “Лавойиҳ” асарида изоҳлар экан, шундай ёзади: “Ҳар гоҳ, ки фано тамом шавад, ба ниҳоят расад мунтаҳий ба Ҳақ шавад. Ва мунтаҳий ва намояти он зоти Ҳақ субҳонаҳу ва таоло бошад ва дар назари фоний ғайри важҳ боқий намонад”<sup>3</sup>. (Мазмуни: “Фанога етган (мунтаҳий) Ҳаққа эришади. Ўз борлигини Ҳақ зотида эритиб юборган мунтаҳийда Ҳақдан бошқа бирор нарса боқий қолмайди”). Бошқача айтганда, ўз борлиғи фаносига эришган фақир Ҳақ зоти воситасида бақога етишади.

Навоий даҳр – дунё ва ундаги мавжуд тартиб-қоидалар, муносабатлардан ташқари чиқадиган, улардан юз ўгирадиган, юқори кўтариладиган ҳар кимки бор, бундай одамнинг йўли фақр йўлидир, дейди:

*Бирачки, даҳр мозиқидин айлагай маҳраж,  
Фаною фақр тариқи эрур анга минҳаж. (Ф.К, 70-б.)*

“Даҳр мозиқидан маҳраж айлаш”, яъни дунё неъматларига эҳтиёжмандликдан юқори турга олишдан мақсад нима? Бирор бир нарсани тўла-тўқис, бус-бутун кўриш учун масофа керак. Жумладан, инсонлар жамиятида содир бўлаётган воқеа-ҳодисаларнинг асл моҳиятини ўша воқеликка дахлдор инсонлардан кўра, ўз маънавий камолоти тақозосига кўра, дунё икир-чикирларидан юқори кўтарила олган инсонларгина кўра оладилар. Бинобарин, фақрнинг ижтимоий аҳамияти шундаки, фақрдан мақсад дунёдан қўл силташ, воз кечиш, унга бефарқ, беписандлик эмас, балки, жамиятдан узилиб, унга хизмат қилиш, жамиятнинг йўлини ёритишдир.

Навоийнинг фақр йўлини тутган лирик қаҳрамони зуҳд, зоҳидлик, гўшанишинлик, дунёдан қочиши танқид қиласи. Чунки намойишкорона зуҳддан риё ва макру ҳийла

<sup>1</sup> Муҳаммад Ҳусайнӣ. Мактубот. ЎзР ФА ШИ, кўлёзма №9351, В.88<sup>a</sup>.

<sup>2</sup> бдураҳмон Жомий. Лавойиҳ. ЎзР ФА ШИ, кўлёзма №503. -В.20<sup>b</sup>.

<sup>3</sup> Имод. Шарҳи “Лавойиҳ”. ЎзР ФА ШИ, кўлёзма №890. -В.247<sup>b</sup>.

пайдо бўлади. Зуҳду риёдаги узоқлик билан фақру фанодаги яқинликни аниқ фарқлаган лирик қаҳрамон фақру фано тупроғини афзал билади:

*Зоҳидо, сен бўл риё авжи уза маснаднишин,  
Ким, Навоийға эрур фақру фано туфроғи хўб.* (Б.В. 40-б.)

Нега фақр кўйи тупроғи риё авжи (осмони)дан устун қўйилмоқда. Чунки:

*Фақр кўйи туфроғиким, улдур иксир ҳаёт,  
Жон бериб, кўз ёритурча олсанг, олмишсен учуз.* (Б.В. 160-б.)

Фақр тупроғи – ҳаёт иксир (эликсир жизни), ҳатто, жонингни бериб бўлса-да, ушбу тупроқдан кўз билан илғаш мумкин бўлган даражада (кўз билан кўра олар даражада, яъни жуда оз, бир мисқол, бир чимдим) ололсанг жуда ҳам арzon эришган бўласан, дейди шоир. Бунда “иксири ҳаёт”га бежиз урғу берилаётгани йўқ. Фақр призмасидан ўтказилгандағина ҳаётнинг асл моҳияти намоён бўлади. Тирикликтининг асл моҳияти қўнгилни нафс талаб ва эҳтиёжларидан тозалагандагина аниқ кўринади. Фақр моҳиятдан ташқари барча нарсани буткул йўқ қиласди. Аслида фақр тириклик моҳиятини соғ ҳолда кўриш, англаш, унга етиш учун керак.

Навоий зоҳидни танқид қиласар экан, уни ўз зуҳди қобиғида қолиб кетганлиқда, асл мақсадни зуҳдга алмашганлиқда, уни фақат гўшанишинлиқдан иборат деб билганлиқда айблайди. Унингча, фақир билан зоҳиднинг фарқи зоҳиднинг зуҳдни, фақирнинг эса фано (камолот ва Ҳақ васли)ни мақсад қилиб олганлигидир:

*Боиси мақсад зоҳид – зуҳд қилди, мен – фано,  
Фақр иқболидин ул мушқулни осон айладим.* (Б.В. 298-б.)

Фақрнинг иқболи – соликни фанога яқинлаштирганлигига, зуҳдининг нуқсони эса кишини асл мақсаддан чалғитганлигидадир.

Навоийнинг зуҳд ва зоҳидликни танқид қилишида маломатийлик ва нақшбандийлик-нинг таъсири яққол сезилади. Маломатийлар Ҳақ йўлига кирган киши ҳеч бир жиҳати билан одамлар диққатини ўзига тортмаслиги, ташқи томондан одамлардан ажralиб турмаслиги керак, деб ҳисоблаганлар. Улар маҳсус жой (хонақоҳ, зовия, такка, работ ва ҳок.)ларда ўтириб, кўпчилик диққатини жалб этган ҳолда зикр ва самоъ мажлислари ўтказиш, маҳсус кийимлар (жанда, кисват, хирқа ва ҳок.) кийиш, қундалик эҳтиёжни тиланчилик ёки бошқалар меҳнати эвазига қондиришни танқид қилганлар. Улар Ҳақ йўлига кирган солик ўз “мен”и, ўзлиги, ўз вужудини Ҳақ вужудида маҳв этиши лозимлигини, кўпроқ шу машғулот билан шуғулланиши кераклигини алоҳида уқтирганлар. Маломатиянинг асосини инсоннинг Ҳақ олдида ўзининг буткул ғарид, ҳатто, мавжуд эмас даражада фақирлигини англаш ташкил қилган. Баъзи олимлар нақшбандия тариқатидаги хуфий зикр, “Дил ба ёру даст ба кор”, “Хилват дар анжуман” каби қоидаларнинг пайдо бўлишини маломатийлик билан боғлашган<sup>1</sup>. Аммо нақшбандийчилар маломатийликдаги ушбу қоидаларни қатъийлашти-

<sup>1</sup> Тримингэм Дж. С. Суфийские ордены в исламе. –М.: Наука, 1989. –С. 276.

риб қоида даражасига келтиришган. Умуман, нақшбандия таълимотида барча тариқатларнинг илфор ғояларини умумлаштириш, синтез қилиш тамойили кўзга ташланади. Шу маънода Алишер Навоий ижодининг синкретиклиги нақшбандия таълимоти билан моҳиятда ўхшашлик қасб этади.

Суламий маломатийларни энг олий тоифа дейди ва ушбу оқимнинг асосчилари ўла-роқ Абу Ҳафс Ҳаддод (ваф. 270/886), Ҳамдул ал-Қассор (ваф. 271/887) ва Сайд бин Исмоил ал-Хайрий (ваф. 298/910)ларни кўрсатиб ўтади. Бундан ташқари, маломатийликнинг кенг ёйилишида Саҳл ат-Тустарий, Яхё Муоз ар-Розий ва Абуязид Бистомийлар ҳам катта ҳисса қўшишган. Ж.С.Тримингэм олдинги уч кишининг Нишопурлик эканлигидан келиб чиқиб, маломатийликнинг илдизларини айнан Нишопурдан излаш кераклигини ва бу таълимот тасаввуфдан кескин фарқ қилмай, балки маломатия тасаввуфнинг Нишопур мактаби эканлигини таъкидлаб ўтади<sup>1</sup>.

Навойй зухдни риёга йўл очиши сабабли танқид қиласди, зухду риёдан факру фано афзал эканлигини айтади:

*Ваҳ нетиб, эй хонақаҳ шайхи, тутай зуҳду риё  
Дайр пири чун манга фақру фано иршод этар.* (Б.В. 108-6.)

Мутафаккирнинг қарашича, кимки ужбу риёга мойил бўлса, у фақр тариқига киришдан ожиздир:

*Кимки зотида эрүр шоибау ужбү риё,  
Күлғали қобил әмас фәкәр тарықиға шуруғы.* (ФК. 200-б.)

Шу сабабли ҳам Навоий факт тилаб, риё элидан қочишга даъват этади:

*Навоиё тила фақру риёе элдин қоч  
Ки, одамилар әрүрү ўзга, дөғи ўзга масух.* (БВ. 84-б.)

Риёкорликни бемаънилик, аҳмоқлик деб атаган шоир одамийликнинг асоси сифатида факрни кўрсатиб ўтмоқда.

Шуни ҳам таъкидлаш жоизки, Навоий зуҳдни ҳол ўлароқ инкор этмайди, балки у зуҳдни касб қилиб олишни, зоҳидлик орқали шон-шуҳратга интилишни танқид қиласди. Нафсни жиловлаб турадиган ҳол ўлароқ зуҳд, ҳатто, фақр билан ёнма-ён қўйилади ва қадрланади:

*Даригким, қаридим зухду фәкәр лоғи била,  
Вале ишиш ёшурун барча журму исёндүр.* (ФК, 97-б.)

Байтда факрнинг зуҳд билан ёнма-ён қўйилганлигини, бинобарин, бир-бирига яқин маъноларда ишлатилганлигини кўришимиз мумкин. Аммо бу ерда гап касб ўлароқ зоҳидлик ҳақида эмас, балки зуҳд ҳоли ҳақида бормоқда. Зуҳд ҳоли таҳсинга лойик, бироқ касб ўлароқ (риёга йўл очганлиги сабабли) зуҳд танқид объектидир.

---

<sup>1</sup> Ўша жойда, 275-бет.

“Ёшурун журму исён” – нафс талаби. Байтда шоир ўзининг зоҳирда зуҳду фақр лофи билан ўтганлигини, ботинда эса журму исён қилиб нафс талабига бўйсунгандигини қайд этади ва бу билан маломатийларга эргашади.

Маълумки, ўзини зоҳид, порсо, фақих санайдиган риёкорлар фақр йўлига кирган Ҳақ ошиқларини художўйликнинг зоҳирий амалларини бажармасликда айблар эдилар. Бу эса Навоий каби шоирлар ижодида фақрлик йўлини тўсадиган жуда хавфли иллат сифатида қораланганд. Масалан, риёкор шайхлар ўзларини ҳақиқий художуй ҳисоблаб, ҳақиқий художуй бўлган фақирларни эса, шаробхўрлик, дунёвий ишққа берилиб худони унутганлик ёки шариат амалларини бажармаслик кабиларда айлаганлар. Аслида эса, ҳақиқий фақир йўлига кирганлар дунёвий ишқни мажоз ўлароқ билиб, уни ҳақиқий ишқ, яъни илоҳий ишққа эришиш учун кўприк деб билганлар. Шунинг учун ҳам Навоий мана шундай риёкор шайхларни танқид этиб ёзган бир ғазалида:

*Мени ишқдин манъ этар сода шайх,  
Дема сода шайх, айтким лода шайх, –*

дэя улар адресига қаттиқ сўкишлар йўллаган.

Навоий яна риёкорлик мақсадида зоҳидликни ихтиёр этганларга хитобан:

*Сен гумон қилғандин ўзга жому май мавжуд эрур,  
Билмайин нафй этма бу майхона аҳлин зоҳидо, –*

Шароб – ҳолга олиб борувчи восита. Бироқ ундан сипқориш (машраблик) фақр билан мувофиқ бўлиши керак. Илоҳий жамол файзидан баҳраманд бўлиш усуllibарининг энг тўғриси, нуқсонизи фақирлик орқали эришилган баҳрамандликдир.

Демак, хулоса ўрнида шуни айтиш мумкинки, Навоий лирикасида шоҳлик (подшоҳ), дунё, зуҳд (зоҳид) каби образлар аксарият, бевосита ва ёки билвосита фақр образи билан боғлиқликда талқин этилган. Бунинг сабаби фақрнинг моҳиятбинлик фалсафаси эканлигидадир<sup>1</sup>.

Навоийнинг фақр борасидаги қарашларининг чексизлиги фақрнинг чексиз бир ғоя, сўнгги йўқ бир фалсафа эканлиги билан боғлиқдир. Буни ҳис қилган шоир ғазалларидан бирда шундай ёзган эди:

*Фақр эрур бир лафзу шарҳи ёзилур юз минг китоб,  
Не учунким хуш келур айтурда итноби аниng.* (НШ, 257-б.)

Итноб луғатда сўзни ортиқча чўзиш, сўзнинг ортиқ даражада чўзиб талаффуз этилиши ёки шундай талаффузга эга сўз дэя изоҳланган<sup>2</sup>. Байтда «фақр» сўзининг ортиқча чўзиқликда талаффуз қилинишига ишора қилинган. Дарҳақиқат, аruz илмида «фақр» сўзи ўта чўзиқ ҳижони ташкил этади. Худди шунинг сингари фақрнинг моҳияти ҳам чексиз, ўта да-

<sup>1</sup> Қаранг: Рамазонов Н.Н. Алишер Навоий ижодида фақрнинг бадиий талқинига доир // «Алишер Навоий ва XXI аср» мавзудаги халқаро илмий-назарий анжуман материаллари (2019 йил 9 февраль, Ўзбекистон, Тошкент ш.). –Тошкент: «Navoiy universiteti» nashriyot-matbaa цуи, 2019. –Б.126–132.

<sup>2</sup> Қаранг: Навоий асарлари луғати. Тузувчилар: П.Шамсиев, С.Иброҳимов. –Тошкент: Ғафур Ғулом номидаги Адабиёт ва санъат нашриёти, 1973. –Б.286.

вомлидир, дейди шоир. Фақрнинг «давомийлиги» масаласи Навоий томонидан бошқа бир газалда ҳам зоҳирий олам билан муқояса асносида очиб берилган:

*Эй Навоий, давлати зоҳирни доим топмоғунг,  
Фақр иқболидурур, улким давоми бор анинг.*

(НШ, 265-б.)

Иккинчи бобда кўриб чиқилган масалалар юзасидан қуидаги хулосаларга келинди:

1. Навоий ўз лирикасида фақр образини кўп кўллаш баробарида унинг аҳамиятлилигига кучли эътибор қаратган. Бунинг сабаби шоир учун фақр реал ҳаётда маслак, бадий ижодда эса эстетик идеал сифатида кўрилганлигидадир. Навоий лирикасида фақр образи билан боғлик ўринлар 264 марта кўлланилган. Шундан “Хазойин ул-маоний”да 192 марта, “Бадоеъ ул-бидоя”да 114 марта, “Наводир ун-ниҳоя”да 76 марта, “Илк девон”да 58 марта учрайди. Бу яхшигина кўрсаткич. Бироқ гап фақат сон ва рақамларда эмас. Эҳтимол Навоий ўз лирикасида фақр образини бошқа образлар билан таққослагандан камроқ кўллаган бўлиши мумкин. Лекин қандай бўлишидан қатъий назар у фақр образини энг муҳим ўринларда қўллайди. Бу ушбу образнинг Навоий ижодида нақадар муҳим эстетик идеал сифатида кўрилганлигининг далилидир.

2. Навоий фақр образини ҳаётининг турли даврларида бирдай кўллаган. Масалан, шоирнинг 25 ёшгача ёзган лирик асарларини ўз ичига олган “Илк девон”да фақр образи кўлланган ўринларни унинг бошқа даврларда ёзилган шу каби ўринлар билан қиёслайдиган бўлсак, улар савия жиҳатидан бир хил эканлигини кузатишими мумкин. Бу эса шоир яшаган муҳитда фақр масаласи анча шаклланган эътиборли масалалардан ҳисобланганлигини ва у ёшлигиданоқ ундан яхши хабардор эканлигини кўрсатади.

3. Навоийнинг соф биографик характерга эга насрый асарларини кўздан кечирадиган бўлсак, уларда Навоий тарбия топган муҳитда фақр ғоясига катта муҳаббат билан қаралганига, у маданият ва маънавиятнинг асоси сифати кўрилганига гувоҳ бўламиз. Масалан, Навоий ўзининг “Ҳолоти Сайид Ҳасан Ардашер” номли рисоласида фақр йўлига кирганларнинг кўпини кўрганлигини, лекин Сайид Ҳасан Ардашер сингарисини кам кўрганлигини айтади. Шунингдек, “Насойим ул-муҳаббат” ҳам фақрнинг Навоий замондошлари фалсафий қарашларида тутган ўрнини кўрсатишда муҳим бир асардир. Унда Навоий Ҳожа Аҳмад Муставфий, Мавлоно Ҳожи, Ҳожа Рукниддин Меҳна, Мавлоно Алоуддин (ваф.892/1487), Мавлоно Шаҳобиддин (ваф.899/1494) сингари тасаввуф намояндалари фақр йўлидан борганикларини ва ўз шогирдларига ҳам шу йўлни тутиш кераклигини уқтирганлигини ёzáди. Масалан, Мавлоно Алоуддин ҳақида тасаввуф йўлига кирган толибларга энг ишончли ва яқин йўл сифатида фақрни тавсия этганлигини айтса, Мавлоно Шаҳобиддин ҳақида эса дарвешлик ва фақр йўлида буюк ҳол ва воқеъликка етганлигини, Ҳожа Авҳад Муставфий тўғрисида эса ўзи ҳақида кўп марта фотиҳалар ўқиб хайр дуоси қилганлигини ва бу дуолар ижобат бўлишидан умидвор эканлигини айтади. Бу каби мисоллардан Навоий фақрни ўзлари учун дастуриламал қилиб олган кишиларни шахсан таниган ва улар билан мулоқотда бўлишга интилгани ҳамда уларнинг ўзи ҳақида билдирган фикрларини қадрлаганлигини билиш мумкин.

4. Маълумки, Навоий Ҳақ ва ҳақиқатшуносликда нақшибандия тариқатини бошқалардан мукаммалроқ деб билган. Бироқ Навоий битта тариқат доирасида чекланиб қолмасдан ўзигача бўлган тасаввуф таълимотининг барча илғор томонларини ўзлаштиришга ҳаракат

қилган. Бу ҳолат фақр масаласида ҳам кўзга ташланади. XV аср Хурросон ва Мовароуннахрда фаол ҳаракатда бўлган сухравардия, нақшбандия ва яссавия тариқатлари фақр масаласида яқдил эдилар. Буни ушбу тариқатларнинг ўша даврдаги вакиллари томонидан фақр ҳақида билдирилган фикрлари ва Навоийнинг фақр маслагида улар қандай даражага етганликлари тўғрисидаги қайдлари кўрсатиб турибди.

5. XV асрда фақрлар (дарвешлар) жамиятнинг бир бўғини ҳисобланиб, уларнинг жамиятда ўз ўрни, муайян вазифалари бўлган. Ўшбу вазифа, асосан, фақр талабларига содиқ қолган ҳолда ўз нафсларини жиловлаш ва шу орқали инсонларга ўрнак кўрсатишдан иборатdir. Бу эса ўша даврнинг нафақат маънавий, балки иқтисодий-ижтимоий ҳаёти учун ҳам муҳим эди. Навоийнинг талаб ва танқидлари эса уларнинг жамият олдидаги ўз вазифаларини тўлақонли бажаришларига қаратилгандир. Шунинг учун ҳам Навоийнинг соф биографик характеристдаги насрый ва илмий асарларида фақрлар подшо, вазир, аскару сипоҳий, давлат хизматчилари, мударрислар в.ҳ. сингари ижтимоий гуруҳлардан бири сифатида тилга олинадилар.

6. Навоийнинг фақир образи яратилган ғазаллари кўздан кечирилганда ушбу образ қўлланган байтлар аксарият ғазалнинг мақтаъси, яъни охирги байти ёки мақтаъдан олдинги кульминацион байтда келганлигининг гувоҳи бўламиз. Бу нимани англатади? Одатда, мақтаъдан олдинги байтларда ғазалда қаламга олинган мавзу, масала энг авж нуқтага кўтарилади, ғазалда қўйилган бадиий-эстетик, фалсафий муаммо ўз ечимини топади. Айтиш мумкинки, айнан ушбу байтлар ғазалнинг бадиий-эстетик маркази ҳисобланади. Мақтаъда эса лирик қаҳрамоннинг масала моҳиятидан келиб чиқадиган хулосавий нуқтаи назари акс этган бўлади. Фақир образи яратилган ўринлар лирик асарнинг айтганимиздек, бадиий-эстетик марказидан ўрин олиши, хулосавий нуқтаи назар акс этадиган байтларда қўлланиши ҳам ушбу масаланинг Навоий лирикаси учун қанчалик даражада эстетик идеал сифатида аҳамият касб этганлигининг яна бир далилидир.

7. Навоийнинг лирик асарларида ўзлик, шукр, ризо, таваккул, сабр, қаноат, фано, маърифат сингари тасаввуф билан боғлиқ тушунчаларни ифодалайдиган истилоҳлар мазмун-моҳиятига алоҳида эътибор қаратилган. Бинобарин, шоирнинг лирик асарларини ўқир эканмиз бу истилоҳлар қўлланган ўринларга бот-бот дуч келамиз ва уларни таҳлилу талқин этиш орқали фақр масаласининг моҳияти очилишига гувоҳ бўламиз. Бу эса ушбу тасаввуфий истилоҳларнинг фақр билан алоқаси нақадар муҳим эканлигини англатади.

8. Навоий лирикасидаги фақр ва шоҳлик масаласини ўрганар эканмиз, аввало, шоир учун тож-тахт ва салтанат ишлари бегона эмаслигига эътибор қилишимиз керак бўлади. Чунки Навоийнинг отаси Ғиёсиддин кичкина темурийлар салтанатида катта лавозимларда ишлаб келган амалдор бўлган. Бундан ташқари, Навоийнинг ўзи ҳам ёшлик чоғларида ёқ темурий шаҳзодалар билан дўст тутинган. Кейинчалик эса у ўзининг мактабдош дўсти Хусай Бойқаро саройида подшоҳдан кейинги энг юқори лавозим эгаси – бош вазир этиб тайинланади. Бу эса Навоий ўз даврининг том маънодаги йирик давлат арбоби даражасидаги шахс бўлганлигини кўрсатади.

9. Навоий лирикасидаги фақр масаласи билан боғлиқ ўринларни таҳлил қилар эканмиз, шоирнинг Амир Темур ва унинг авлодларига бўлган чексиз ҳурматининг гувоҳи бўламиз. Навоий учун Амир Темур фақр сирларидан огоҳ идеал подшоҳдир. Гарчи шоир Амир Темур номини ҳадеб тилга олавермаса-да, буни унинг темурийларга мол-дунё ёки мансаб

илинжида ортиқча маддоҳлик қилишни хуш кўрмаганлигига йўйиш мумкин. Аслида эса шоирнинг Амир Темур ҳақида: “Мажолис ун-нафоис”да айтган “...агарчи ул зот шеърга машғуллик кўрсатмаган эрсада, баъзи вақтда баъзи абётни ўқубтурларки, анингдек бир байт ўқуғони, минг байт айтқонча бор” дея Амир Темур заковотига юксак баҳо бериши ва ёки “Насойим”да Амир Темурнинг Бобо Сунгу қ.с хизматига боришини тасвирлаши Навоий учун фақр сирридан огоҳ идеал подшоҳ Амир Темур бўлганлигини кўрсатади. Айтиш мумкинки, Навоий бир ғазалида “Фонийи маҳз ўлмайин Султон Абулғозий бикин” дея Ҳусайн Бойқарони фақр йўлидан юрган шоҳ сифатида чексиз хурмат қилиши ҳам Амир Темур туфайли эди. Бинобарин, шоир ўз дўсти Ҳусайн Бойқарони ҳам Амир Темур каби улуғ салтанат эгаси, ҳар томонлама мукаммал подшо бўлишини орзу қилган.

## 3-БОБ. АЛИШЕР НАВОИЙ ДОСТОНЛАРИДА ФАҚРНИНГ БАДИЙ-ЭСТЕТИК ИДЕАЛ СИФАТИДАГИ ЎРНИ

### 3.1. “ХАМСА” ҚАҲРАМОНЛАРИ ВА ФАҚР

Алишер Навоий «Хамса» достонларида бир неча мукаммал ишланган қаҳрамонлар образини яратган. Улар: Фарҳод, Ширин, Лайли, Мажнун, Искандар, Арасту, Моний, Боний, Қоран, Меҳинбону, Дилором, Шопур сингари образлардир. Булардан ташқари, Навоий “Хамса”да ўзининг бадиий-эстетик идеалини акс эттирган образларини тўлақонли очиб бериш, бир сўз билан айтганда, улар ҳаётини эпик планда акс эттириш учун уларга тескари, яъни илм тили билан айтганда, бир қатор салбий образларни ҳам яратган. Улар қаторида Хусрав, Жобир, Ёсуман, Баҳром, Зайд Захҳоб сингари образларни санаб ўтиш мумкин.

Навоий яратган Хамса қаҳрамонларини ўрганишда бир муҳим жиҳатга эътибор қартиш керак бўлади. У ҳам бўлса бош қаҳрамонларни комил инсон этиб ва ёки ўша йўналиш бўйича тасвирлашдан иборатдир. Маълумки, тасаввуфда комиллик сари интилган киши маълум бир босқичлардан ўтиб, кейин унга етиши мумкинлиги айтилади. Бу босқичлар талаб, ишқ, маърифат, истиғно, ҳайрат ва ниҳоят фақру фанодир. Навоий ўз қаҳрамонларини эпик планда яратар экан улар қайсиdir маънода мана шу тариқат йўлининг бир босқичида тасвирланган дейишимиз мумкин. Масалан, Навоий Хамсасининг “Лайли ва Мажнун” достони том маънодаги ишқقا бағишланган достон ҳисобланади. Шунингдек, “Фарҳод ва Ширин”да ҳам ишқ масаласи асосийдир. Демак бу икки достондаги бош қаҳрамонлар талабдан кейинги иккинчи босқич, яъни ишқ босқичидадир. Шунинг учун ҳам Навоий бу образларга фақр сўзини тўғри равишида кўлламайди. Лекин бу ушбу қаҳрамонларга фақрнинг алоқаси йўқ деган маънони англатмайди. Зоро, Навоийнинг эстетик идеали нуқтаи назаридан олиб қаралганда, улардан мақсад ҳам фақрга эришишдир. Чунки фақрга эришишдан аввал киши қўнглида том маънодаги ишқ бўлмаса ва ёки ишқ жавҳаридан у бебахра бўлса, бундай кимсага нисбатан фақрга эришиш тўғрисида гапириш ҳам мумкин эмас. Демак, фақрга эришиш учун ишқ, ишқ водийсида тобланиш зарурий ҳисобланади. Хулоса қилиб айтиш мумкинки, “Лайли ва Мажнун”, “Фарҳод ва Ширин” достонларидағи Мажнун, Лайли, Фарҳод, Ширинларнинг мана шу муҳим водийдаги қисматлари бу достонлар учун асосий масала сифатида танлаб олинган. Шунинг учун ҳам бу қаҳрамонлар учун фақр бевосита боғлиқлик касб этади. Мисол учун Фарҳод шоҳнинг ўғли, унга аввал бошда ёқ шоҳлик таклиф этилганида у буни қабул этмайди. У бунга олдин тайёр бўлиши лозимлигини айтади ва мана шу тайёргарликнинг биринчи талаби сифатида талаб ундан кейин ишқ водийсига қадам қўяди. Худди шу фикрни Ширинга нисбатан ҳам ва ёки Мажнун ва Лайлиларга нисбатан ҳам айтиш мумкин.

Фақр бевосита татбиқ этилган қаҳрамонлар Навоий “Хамса”сининг “Ҳайрат ул-аброр”, “Сабъаи сайёр”, “Садди Искандарий” достонларида учрайди. Бу уч достонда ҳам ишқ масаласи бор эса-да, юқорида тилга олганимиз икки достондан фарқли ўлароқ уларда нисбатан ижтимоий-фалсафий масалалалар асосий планга чиқарилган.

Масалан, “Ҳайрат ул-аброр”нинг Султон Ҳусайнга бағишланган XVI бобида Навоий Султон Ҳусайнни таърифлаб ёзади:

Қайси шаҳул хисрави олампаноҳ,  
Оламу одам анга мулқу сипоҳ,  
Қасри ети гумбази гардон келиб,  
Етти атосига дегин хон келиб.  
Хон келибон ҳам ото, ҳам от анга,  
Фақр оти бирла мубоҳот анга<sup>1</sup>.

Бу ерда Навоий Султон Ҳусайн Бойқарони ҳам ота томонидан, ҳам она томонидан етти пушти подшоҳ ўтганлигини, бу борада унга ҳеч ким тенг келолмаслигини, унинг ўтириш-туриши, яъни саройи етти осмон гумбазидан ҳам баландлигини, охир-оқибатда фақрни ихтиёр этганлиги билан фахрланиш даражасига кўтарилган бир улуғ подшоҳ эканлигини муболаға ишлатиш йўли билан англатмоқда. Демак, бу ерда ҳам Навоий ўз идеалидаги подшоҳ учун фақр асосий бир сифатдан ҳам ошиб ўзликка айланган бўлиши кераклигини таъкидламоқда. Айнан шундай, яъни фақрни ўзига фахр деб билган шоҳгина “шоҳлар шоҳи” мартабасига эришади. Шунинг учун ҳам Навоий наздида турку муғул хонлари Султон Ҳусайн Бойқаронинг қуллари даражасидадир:

Турку муғул қуллари хонлар анинг,  
Мулк деҳи, мулк ситонлар анинг.  
Қуллуғи хонларға келиб фарзи айн,  
Хонлару шаҳлар шаҳи Султон Ҳусайн<sup>2</sup>.

Навоий айнан мана шундай сифатларга, яъни фақрни ўзлигига айлантирган шоҳни таърифлашда давом этиб, унга хос бўлган саховатлилик, карамлилик, ҳимматлилик сингари хислатларни алоҳида санайди, оқибатда эса унинг кўнгли билик (ирфон) конига айланганлигини таъкидлади:

Илги саховатдин ўлуб зарфишон,  
Лутфи талаттуф била гавҳарфишон.  
Кўнгли билик жавҳаридин ганжхез,  
Илги саховат кафидин ганжрез.  
Ҳам карами баҳр ила кон оғати,  
Ҳам ғазаби мулки жаҳон оғати<sup>3</sup>.

Навоий дунёқарашича, айнан шундай фазилат ва хислатларга эга бўлган шоҳ ҳукмронлиги давридагина халқ ҳақиқий фаравонликка ва жамият эса тараққиётга эришади:

Эл қўзини партави равшан қилиб,  
Бал қаро туфроғни гулшан қилиб,  
Жуд илиги аҳли ғино бошиға,  
Қайси ғино шоҳу гадо бошиға.  
Бод ҳазондек дирами зар сочиб,  
Абри баҳорий киби гавҳар сочиб<sup>4</sup>.

<sup>1</sup> Алишер Навоий. Ҳайрат ул-аброр. МАТ. 20 томлик. 7-том. –Тошкент: Фан, 1991. –Б.67.

<sup>2</sup> Ўша жойда.

<sup>3</sup> Ўша жойда.

<sup>4</sup> Ўша жойда, 71-бет.

Юқоридаги байтлар мазмунидан яна шу нарса маълум бўладики, фақрни ўзига асосий мақсад қилиб олган шоҳ учун жамиятни барча табақаларини бир кўзда кўриш хислати пайдо бўлади. Бундай подшоҳ учун бой ҳам, камбағал ҳам, шоҳ ҳам, гадо ҳам баравардир. У худди қуёш сингари ўз саховатини барчага бирдай сочади, баҳорнинг ҳаммаёқни кўкартирадиган ёмғиридек жамият қатламларини яшнатади.

Демак, фақр, Навоий талқинида, олий ҳукмдор ахлоқини ўзгартериш орқали жамият ижтимоий-сиёсий ҳаётига таъсир кўрсатишнинг муҳим маънавий воситасидир. Бунда фақр мисолида ирфон ва ижтимоий-сиёсий ҳаёт, тасаввуф ва сиёсат масаласи ўртага чиқяпти.

Навоий “Ҳайрат ул-аброр”нинг 2-мақолотида ислом дини ва ҳақиқий мусулмонлик ҳақида баҳс юритади. У исломнинг иймон, намоз, рўза, закот сингари асосларини ва Муҳаммад (с.а.в)нинг суннатларини баён қилганидан кейин ҳақиқий мусулмон қандай хислат ва фазилатларга эга бўлиши ҳақида мулоҳаза юритади. Унинг ёзишича, ҳақиқий мусулмоннинг асл кўнгил захираси, яъни бойлиги факру фано ганжи (бойлиги) билан тўлдирилган бўлиши керак. У ёзади:

*Кўнгли қачон қилса захира ҳавас,  
Бўлмоқ анга фақру фано ганжи бас.  
Бўлмаса қўнглида дирам нақши доғ,  
Қилмаса дур партавини шабчаро<sup>1</sup>.*

Демак, ўзини ҳақиқий мусулмон деб ҳисоблаган кишининг кўнгли бойлик ҳавас қилса, унга фақатгина факру фано деб номланган маънавий бойликтини олиб йиғиш керак. Бундай кишининг кўнглида моддий бойлик орзуси бўлмаслиги керак, у моддий бойликтини ўз ҳаёт йўлини ёритиб турган бирдан бир восита деб билмаслиги керак. У яна давом этиб ёзади:

*Лаъл ғами бағрини қон қилмаса,  
Дур ғами ашкини равон қилмаса.  
Минг етибон асрарамаса бирини,  
Юкласа ўз бўйниға тақсирини  
Ганж топиб чекмаса вайрониға,  
Берса қўйуб миннатини жониға.  
Ҳарне етар берса, тугуб ёпмаса,  
Бергали шукронга яна топмаса.  
Кимки анга базл бу чоғлиғ дурур,  
Ганж доғи топса яроғлиғ дурур<sup>2</sup>.*

Демак, бундай одамнинг кўнглини дунёning лаъл, дурга ўхшаган қимматбаҳо тошлирининг ғами қон қилмаслиги, кўз ёшларини оқизмаслиги керак, яъни у дунё моли учун қайғурмаслиги керак. Бунаقا бойликлардан минги уларнинг қўлига тушса ҳам уни уйига ташиб, яшириб ётмаса, одамларга эҳсон қилиб юборса, агарда шу бугун унинг қўлига

<sup>1</sup> Ўша жойда, 114-бет.

<sup>2</sup> Ўша жойда.

бирор бир бойлик тушмаса бунга шукр қилса, бундай саховатли инсоннинг янада бойлик топавериши яхшиликка хизмат қиласи ёки жамият учун хавфли эмас.

Бу ишлардан охир-оқибат мақсад нима, муддао нима? Ҳақиқий мўмин-мусулмон одам бу ишларнинг пировард натижаси ўлароқ нимага эришади. Яъни кўнгилни ўткинчи мол-ду-нё ҳавасидан тозалаган инсон нимага эришади, унинг ўрнига нима ҳосил бўлади? Буни Навоий шундай изоҳлайди:

*Лек икинчи буки, аҳли фано,  
Ким ўзига фақрни билгай ғино.  
Дўст тушуб хотири вайрониға,  
Шавқу талаб ўт солибон жониға<sup>1</sup>.*

Навоий юқоридаги мисраларда мол-дунё ҳаваси суриб чиқарилган кўнгилга Дўст (Аллоҳ) келади, яъни бундай кўнгил Аллоҳ назаргоҳига айланади дейди ва давом этиб шундай ёзади:

*Фони ўлуб кимки ниёз айлади,  
Тенгри ани кошифи роз айлади<sup>2</sup>.*

Демак, ўзлигидан воз кечиб, қўлига тушган дунё бойликларини худо йўлида сарф этган бундай инсон “кошифи роз”, яъни Аллоҳни кашф этган, билган, таниган инсон даражасига эришади.

Хулоса қилиб шуни айтиш мумкинки, Навоий “Ҳайрат ул-аброр”да асосан, ўткинчи бойлик, уни Аллоҳ йўлида сарфлаш ва унинг ажри сифатида фақрга эришиб Ҳаққа етиш мумкинлигини тасвирлаб ўз эстетик идеали фалсафий кредитосини белгилаб беради. У ўз фикрини баён этишда Ҳусайн Бойқарони, қолаверса, умуман шоҳ ва шоҳликни мисол қилиб олади. Чунки шоҳ ва шоҳлик ҳаётда, жамиятни бошқаришда катта роль ўнайдиган муҳим мансабдор ва мансаб ҳисобланади.

“Хамса”да Навоийнинг фақр ва унинг аҳамияти ҳақидаги қарашлари акс этган иккинчи достон, бу “Сабъаи сайёр”дир. “Сабъаи сайёр” Навоий “Хамса”сининг тўртинчи достони бўлиб, у сюжет қурилишига кўра “Баҳром ва Дибором” ҳикояси асосига қурилган, шунингдек, унда дунёнинг етти иқлимидан келган мусоғирларнинг айтган ҳикоятлари, яъни етти ҳикоят баён этилади. Достоннинг асосий ҳикояси ҳисобланмиш “Баҳром ва Дибором”да Баҳром енгил табиат, дунёнинг ўткинчи айш-ишратларига ружуъ қўйган, бир сўз билан айтганда фақрдан бебахра, худобехабар бир шоҳ образидир. У охир-оқибат ўзининг қилмишларига яраша бир ботқоққа кириб ҳалок бўлади. Навоий бу ерда унинг ботқоққа кириб кетишига рамзий маъно юклаган. Айтиш мумкинки, фақрга интилмаган подшоҳ икки дунёда ҳам мана шундай тақдирланади. Демак, бу ерда Баҳром ва унинг аянчли тақдирни фақрга интилмаган подшоҳ рамзи сифатида кўрсатилган.

Бу достонда ҳам Навоий Ҳусайн Бойқарога бир боб бағишлигаран ва унда ҳам Ҳусайн Бойқаро фақрни ўзига касб этган шоҳ сифатида таърифланади. Бинобарин, Навоий шундай ёзади:

<sup>1</sup> Ўша жойда, 116-117 бетлар.

<sup>2</sup> Ўша жойда, 118-бет.

*Фаҳр йўқ анга салтанат оти,  
Ул бўлиб салтанат мубоҳоти.  
Шоҳлар қуллуғин қўруб марғуб,  
Анга дарвешлик бўлуб матлуб.  
Гарчи шаҳларни зердаст айлаб,  
Ўзни дарвешларга паст айлаб<sup>1</sup>.*

Юқоридаги мисраларда Султон Бойқаронинг салтанат эгаси эканлигидан фахрланмаслиги, балки салтанат у билан фахрланиши, шоҳларнинг ўзига қуллуқ этишини истаб, ўзига дарвешликни, яъни фақирликни мақсад қилиб, гарчи подшоҳларни ўзига бўйсундирган бўлса-да, ўзини дарвешлар, яъни фақрлар олдида паст тутиши баён этилган. Навоий бу хусусда яна давом этиб:

*Салтанатдин ҳавасни бас айлаб,  
Фақр султонлиғин ҳавас айлаб<sup>2</sup>, –*

дея Бойқарони салтанатни ҳавас этишни тўхтатиб, фақр салтанатига султон бўлишликни ҳавас қилганлигини айтади.

Хулоса сифатида айтиш мумкинки, Навоий бу достонда ҳам фақрни ўзининг ахлоқий-эстетик идеали сифатида тасвирлаган. Бироқ “Ҳайрат ул-аброр”дагидан фарқли ўлароқ бунда фақр йўлига кирмаган, унга интилмаган шоҳ, яъни Баҳром образини яратган ва унинг аянчли тақдирини тасвирлаш орқали фақрнинг инсон учун нақадар тўғри қутқарилув йўли эканлигини таъкидлаган.

Навоий “Хамса”сида фақр масаласи чуқур таҳлил этилган яна бир асар, бу “Садди Искандарий” достонидир. Маълумки, Фарбда Александр Македонский, Шарқда эса Искандари Зулқарнайн номи билан машҳур бўлган тарихий шахс ҳақида Куръони Каримда ҳам зикр этилган<sup>3</sup>. Фарбдан фарқли ўлароқ Шарқда Искандар ҳақида жуда кўплаб қиссалар, ривоятлар яратилган бўлиб, уларда Искандар дунё тарихида ўтган жами подшоҳларнинг энг улуғи ва энг қудратлиси сифатида талқин этилади. Бундан ташқари, Шарқ мумтоз адабиётида, хусусан, хамсачиликда ҳам Искандар образига мурожаат этилган. Бинобарин, Навоийгача Низомий “Панж ганж”ига ва Амир Хусрав Дехлавий “Хамса”сига кирган “Искандарнома” достонларида, Абдураҳмон Жомий “Ҳафт авранг”идаги “Хирадномаи Искандар” достонида бош қаҳрамон этиб Искандар образи яратилган эди. Навоий ҳам анъанани давом эттириб, ўз “Хамса”сининг бир достонини “Садди Искандарий” деб номлади ва унинг бош қаҳрамони сифатида Искандар образини яратди.

“Садди Искандарий” достонининг асосий воқеалари баёнига 15 бобдан эътиборан киришилади. Достонда Искандар Файлақус номли подшонинг ўғли, Руму Руснинг подшоҳи сифатида тасвирланади. Айтиш керакки, Навоий ҳам ўз достонида анъанавий равишда Искандарни идеал подшоҳ сифатида гавдалантиради. Достонда Искандар бутун дунёни забт этган энг қудратли подшоҳ сифатида таърифланади. Бинобарин, бутун дунё ҳалқи унга тобеъ, чунончи бутун дунё хазинаси унинг қўлида жамланган. Шунингдек, дунёниг бар-

<sup>1</sup> Алишер Навоий. Сабъаи сайёр. МАТ. 20 томлик. 10-том. –Тошкент: Фан, 1992. –Б.60.

<sup>2</sup> Ўша жойда, 64-бет.

<sup>3</sup> Куръони Карим: 18-сурә, 83-98 оятлар.

ча ақлли файласуф донишмандлари ҳам унинг хизматида. Дунёдаги жами донишмандларнинг энг кучлиси дея таърифланган Арасту (Аристотель) унинг устозидир.

Алишер Навоий Искандар воқеасини баён қилишга киришишдан олдин, асарга ҳиммат тўғрисидаги 16-бобни киритади. Ушбу бобда у ҳимматни энг юксак маънавий-ахлоқий категория сифатида талқин қилади ва унда фақр билан боғлиқ равишда қуйидаги концептуал фикрларни илгари суради:

*Кўнгил ҳиммат аҳлиға ким бўлди кенг,  
Фино бирла фақр ўлди олинда тенг<sup>1</sup>.*

Навоий юқоридаги байтда ҳимматли инсонларнинг қўнгли ёки феъли шу қадар кенг бўладики, уларнинг олдида бойлик билан камбағаллик тенгdir, дейди. У давом этиб ёзади:

*Бирорваки ҳиммат қилур ёрлиқ,  
Гадолик тилар ийқ жаҳондорлиқ,  
Ўзин фақр бирла жаҳондор этар,  
Жаҳондорлиқдин валие ор этар<sup>2</sup>.*

Навоий юқоридаги байтларда, кимдир бирорваки агар ҳимматлилик сифати ёр бўлса, у одам Худодан ўзига дунёга подшоҳ бўлишни эмас, балки гадоликни сўрайди, чунки у ўзини фақр билан жаҳон подшоси даражасига етказади, шунинг учун ҳам жаҳон подшоҳлигидан ор этишини айтади. Шунингдек, у яна шу жойда, сен фақр йўлида гадо бўлиб юрган одами кўриб гадо деб ўйламагин, уни Худо шоҳларни шоҳи, яъни дунё шоҳларидан ҳам устун қилиб қўйибди, дейди:

*Дема фақр қуий гадойин гадо  
Ки, шаҳлар шаҳи қилмиш они Худо.  
Қилур подшо ул гадолик ҳавас,  
Нечукким гадо подшолик ҳавас<sup>3</sup>.*

Навоий ўзининг фақр ҳақидаги бу мулоҳазаларини, агар Худо кимнидир фақрликка эришишнинг баҳтидан огоҳ қилса, ундан одам подшоҳликни қўйиб, фақрликни исташини айтади:

*Магар ҳақ етургай бу огоҳлиқ,  
Ки, фақр истагай эл қўйуб шоҳлиқ<sup>4</sup>.*

Айтиш мумкинки, кўриб ўтганимиз достоннинг 16-бобидаги фақр тўғрисидаги концептуал қараш 17-18-19-бобларда бевосита асар сюжетига татбиқ қилинади ва фақр фақат фалсафий эстетик асосгина эмас, балки бадиий функция касб эта боради, яъни асар бош қаҳрамони Искандарнинг хатти-ҳаракатларини белгиловчи омилга айланади.

<sup>1</sup> Алишер Навоий. Садди Искандарий. МАТ. 20 томлик. 11-том. –Тошкент: Фан, 1993. –Б.98.

<sup>2</sup> Ўша жойда. 99-бет.

<sup>3</sup> Ўша жойда, 99-бет.

<sup>4</sup> Ўша жойда.

Жумладан, 17-бобда Искандарнинг фақирикни ихтиёр этган подшоҳ билан учрашуви баён этилади. Ушбу учрашувда Искандар бир пайтлар подшоҳ бўлган гадони яна қайтариб таҳтга эга қилиши мумкинлигини айтади. Лекин гадо буни истамайди ва Искандар таклиғини рад этади. Шунда Искандар ундан бунинг сабабини сўраганида гадо унга буни, менга ҳиммат доимий ҳамроҳ бўлган, сен ўйлаганингчалик мен паст, ҳимматсиз эмасман, фақрни билганларнинг ўзига яраша тенгсиз бойлиги бор, мен қандай қилиб бу асл бойликни қандайдир ўткинчи дунё бойлиги саналмиш шоҳликка алишаман, яъни:

*Деди: "Ҳиммат ўлмиш манга ҳамнишаст",  
Сен истардек эрмас, vale асрү паст.  
Ки тарқ айлабон фақр сармоясин,  
Писанд этгамен шоҳлиғ поясин, –*

дейди ва шундан кейин гадо ҳақиқий тенгсиз бойлик ҳисобланмиш фақр моҳиятини бирма бир таърифлашга ўтади:

*Эмас рубъи масқунга рағбат манга,  
Тилар тўрт сармоя ҳиммат манга:  
Бири андин ўлди ҳаёти абад  
Ки, йўқтур анинг интиҳосиға ҳад;  
Яна бир: йигитликни топмай халал,  
Қарилиқ ила бўлмағай ул бадал;  
Яна бир: ғинойи муаббаддуур,  
Ки, олинда ифлосқа раддуур;  
Яна: шодлиғким, йўқ онинг ғами,  
Адам бўлғай ул сурнинг мотами"<sup>1</sup>.*

Демак, юқоридаги байтларда гадо ер юзига эга бўлишликка менда хоҳиш йўқ, чунки менга ҳиммат тўрт бойликни ато этган, ундан биринчиси абадий ҳаёт бўлиб, унинг охири йўқ; иккинчиси эса абадий навқиронлик бўлиб, унга қариллик соя сололмайди; учинчиси кетмас бойлиқдирки, унинг қаршисида дунё бойликлари ифлос бир нарсадир; тўртинчиси шундай бир шодликка эгаманки, у ғам нималигини билмайди, бу шодликнинг мотами йўқ, демоқда.

Ростдан ҳам шу ўринда савол туғилади, нима учун гадо ўз гадолигини шоҳликка алмаштирамади? Агар биз гадонинг кўрсатаётган важҳларига диққат қиласиган бўлсак, бу ерда абадият масаласи ўртага тушаётганлигини кўришимиз мумкин. Инсонни изтиробга соладиган нарса унинг ҳаёти, эришган нарсалари муваққат, ўткинчи эканлигидадир. Аслида инсоннинг ҳақиқий фикрлай бошлиши шу нарсаниenglаб етишдан бошланади. Фақр эса инсон учун ўткинчи нарсаларни абадий нарсага алиштириш имконини беради. Буни чин маънодаenglаб етган инсон эса фақрни ҳеч нарсага алиштирумайди. Бу ерда гадо билан Искандар ўртасида кечган суҳбатнинг мазмун-моҳиятида шу маъно ётади.

Шунинг учун ҳам гадонинг бу сўзларидан ўта мутаассир бўлган Искандар суҳбат асносида гадога Худонинг сенга берган бу фақрлик мартабаси менга берилган шоҳликдан устун экан дейди ва унинг бу фикри достонда шундай баён этилади:

<sup>1</sup> Ўша жойда. 102-бет.

Скандарни ҳайрат забун айлабон,  
Деди, бош уятдин нигун айлабон  
Ки: “Эй фаррухойину фархундарой,  
Бу уқдангдин ул бўлди мушкишой  
Ки, бу дайр аро топсанг огоҳлиқ,  
Санга фақр берди, манга шаҳлиқ  
Агарчи мени айлади аржуманд,  
Санга берди ҳимматни мендин баланд”.  
Гадоеки, бўлғай бийик ҳиммати:  
Анга паст эрур шоҳлиғ риғъати.  
Чу ҳиммат баланд ўлди эрса фақир,  
Кўзига эрур аср шоҳи ҳақир<sup>1</sup>.

Достоннинг 18-бобида Искандар устози Арастудан асл мақсадга қайси мақом яқин туради ва унга етиш учун қайси йўлдан борган маъқул дея сўрайди. Шунда Арасту ҳам гадо айтганидек жавоб қайтаради ва бу билан гадонинг сўзларини тасдиқлайди. Кейин Искандар бунга қатъий тарзда ишониб шоҳлиқдан воз кечади. Бироқ бутун халқ Искандарнинг истеъфосини эшишиб, йигилиб келади ва ундан шоҳлиқдан воз кечмасликни қаттиқ илтимос қилишади. Искандар эса ноилож халқнинг бу илтимосини қабул қилади. Лекин энди аввалги Искандар билан шоҳлиқдан бир марта воз кечиб, халқнинг илтимосига кўра уни яна қайта қабул қилган Искандар ўртасида фарқ бор эди. Навоий достоннинг қолган қисмида энди бу Искандарни фақр сирридан огоҳ бўлган ва фақр йўлидан юра бошлаган шоҳ этиб тасвирлайди.

Шундан кейин Искандарadolat учун кураш олиб боради ва қаергаки лашкар тортиб юриш қилмасин, унинг мақсади у ерни босиб олиш эмас, балкиadolat йўқ бўлган, натижада халқ золимлар зулми остида яшаётган ўлкаларни улар зулмидан қутқариш, бир сўз билан айтганда, ер юзидаadolat ўрнатиш учун яшай бошлайди. Достонда Навоий гуманизми, ахлоқий-эстетик идеали фақр билан боғлиқ равища мана шу тарзда ўз ифодасини топган.

Хулоса қиладиган бўлсак, Навоий “Хамса”сига кирган барча достонларда фақр масаласи бавосита ва ёки бевосита боғлиқлик касб этган. Шундан Навоий “Фарҳод ва Ширин”, “Лайли ва Мажнун” достонларида асосий масала ишқ бўлгани учун ва бу достонларнинг қаҳрамонлари ишқ водийсида эканликлари ва ишқ водийси фақр водийсидан орқада эканлиги учун уларга фақрни бевосита қўлламаган. “Ҳайрат ул-аброр”, “Сабъаи сайёр”, “Садди Искандарий” достонларида эса фақр бевосита ҳамда тўғридан тўғри образларга жорий этилган ва шоир бу достонлар бош қаҳрамонларини фақр билан боғлиқ равища ўз ахлоқий-эстетик идеали ўлароқ тасвирлаган.

### 3.2. “Лисон ут-тайр” достонида фақр масаласи ва фақир образи

Алишер Навоийнинг сўнгги лиро-эпик асари “Лисон ут-тайр” бўлиб, шоир уни умрининг охирида, 1500 йилда ёзиб тугатади. “Лисон ут-тайр” Фаридуддин Атторнинг “Мантиқ ут-тайр” асарига назира тарзида ёзилган. Навоий “Лисон ут-тайр”ни туркий тилда ёзади. У камтарлик юзасидан бу асарни “Мантиқ ут-тайр”нинг таржимаси деб атайди.

<sup>1</sup> Ўша жойда, 103-бет.

“Мантиқ ут-тайр” ҳам “Лисон ут-тайр” ҳам мазмун-моҳиятига кўра, тасаввуфий асарлардир. Уларнинг мазмун-моҳияти тасаввуф йўлига кирган кишининг, яъни соликнинг қандай қилиб, ҳақиқатга етиш йўлларини образли тасвирлаб бериш, бу йўлда дуч келинадиган руҳий-маънавий қийинчиликлардан уларни огоҳ этиш ва уларга бу қийинчиликларни енгиб ўтиш йўлларини кўрсатиб беришдан иборатдир. Бунда қушлар соликларнинг мажозий образлари, уларга хос характер-хусусиятлар эса инсонларга хос нуқсон ва камчиликлардир. Уларнинг табиати йўлнинг бошида асосан, нуқсонли бўлади. Тариқат йўлини ўташ давомида эса улар бирин кетин бу нуқсонлардан қутула борадилар ва шу йўл билан асл мақсадга яқинлашадилар. Ушбу нуқсонлар қаторида нафс измида бўлиш, мол-дунёга ҳавас, енгил-елпи ва жозибали ҳаётга муҳаббат, бир сўз билан айтганда, ўткинчи нарсаларга ҳавас кабиларни санаб ўтиш мумкин.

Маълумки, тасаввуф таълимотида солик асл мақсадга, яъни Ҳаққа етиб бориши кўзда тутилади. Ҳаққа етиб бориш эса раҳбар-раҳнамо ва ёки пири-муршид орқали бўлади. Бинобарин, “Лисон ут-тайр”да Симурғ Ҳақ, Ҳудҳуд эса пир-муршидинг символик образларидир. Шу сабабли ҳам асарда тасаввуфда шаклланган тўғри йўл ҳақидаги қарашларнинг барчаси мана шу марказий образлар ҳисобланган Симурғ ва Ҳудҳуд орқали ифода этилади.

Дарвоҷе, бир куни қушлар бир жойга йиғиладилар. Шунда улар орасида ким қаерда ўтириши керак деган баҳс-мунозара бошланади. Уларнинг ҳеч бири бошқасига ён бергиси келмайди. Масалан, Бургут: “Мен энг юқорида ўтиришим керак, чунки мен ҳаммадан кучлиман”, – деса, Тўти: “Йўқ ҳаммадан юқори жойга мен ўтиришим керак, чунки мен ҳаммадан ақллироқман, гапиришни биламан”, – дейди. Товус эса мен ҳаммадан чиройлиман, энг юқори жой меники бўлиши керақ, ахир бежиз подшолар мени ўз сарой ва боғларида асрамайдилар, дея ўзини ҳаммадан баланд олади. Шунда булбул ҳам баҳсга аралашиб, йўқ ҳаммадан юқорида мен ўтиришим лозим, чунки ҳеч бирингиз мен каби чиройли сайрай олмайсизлар дея ўзини афзаллигини пеш беради. Хуллас, қушлар баҳс жараёнида ҳеч бир тўхтамга кела олмайдилар. Уларнинг ҳеч бири бошқасига ён бергиси келмайди ва ўзининг манфаатини кўзлаб фикр баён этишдан қолмайди. Шунда баҳсга Ҳудҳуд аралашади ва бир олий ҳукмдор борлиги агар унинг ҳузурига бориладиган бўлса, у адолат билан ҳаммани ўз ўрнига ўтқазиши мумкинлиги айтиб, қушларни унинг олдига боришга тарғиб қиласди. Шунда қушлар Ҳудҳуддан олий ҳукмдорнинг кимлигини сўрашади. Ҳудҳуд эса унинг Симурғ эканлигини айтади. Шу тариқа қушлар Симурғдан хабардор бўладилар ва уларда Симурғни кўриш истаги пайдо бўлади. Улар Ҳудҳуддан ўзларини Симурғ ҳузурига бошлаб боришни сўрайдилар. Ҳудҳуд бунга рози бўлади, бироқ бунинг учун йўл қийинчиликларини енгиб ўтиш лозимлигини айтади. Қушлар ҳам бунга рози бўладилар. Шундан кейин Ҳудҳуд бошчилигидаги бир гала қуш Симурғни излаб йўлга тушади. Йўлда қийинчиликларга дуч келиниши оқибатида баъзи қушлар орқага қайтишга ҳаракат қиласди ва Ҳудҳуд билан улар ўртасида кўпгина савол жавоблар бўлиб ўтади. Ҳудҳуд уларнинг саволларига турли ҳикоятларни тамсил йўли билан келтириш орқали жавоб беради. Шунга қарамасдан қушларнинг кўпчилиги орқага қайтиб кетади. Охирида манзилга фақат ўттиз қуш етиб келади. Улар қарашсаки, ўзлари излаётган Симурғ уларнинг ўзи, яъни ўттиз қуш бўлиб чиқади. Асар сюжетининг қисқача мазмuni шундан иборат.

Навоий фақр билан боғлиқ масалаларни достоннинг баъзи ўринларида бирор бир сабаб билан баён этади. Масалан, Қушлар Ҳудҳуддан йўл қийинчиликлари қандай дея сўраганларида, у қушларга олдинда босиб ўтилиши керак бўлган ишқ водийси ва унинг машаққатла-

рини сўзлаб беради. Унинг айтишича, ишқ йўли энг оғир йўллардан бири. Бу йўлда ошиқ керак бўлса жони-жаҳонидан ҳам кечишга тайёр бўлиши керак. Ҳатто динидан ҳам воз ке-чиши, муқаддас китоб саналмиш Қуръонни ҳам лозим бўлса ўтда қуидириши керак бўла-ди. Бир сўз билан айтганда ишқни деган инсон ҳеч нарсадан қайтмаслиги керак. Навоий шу ўринда Ҳудҳуд тилидан тамсил сифатида Шайх Санъон қиссасини келтиради.

Маълумки, достонда Шайх Санъон Маккадаги жуда кўп муридларга эга бўлган энг катта шайх сифатида таърифланган. Бир куни мана шу шайх тушида ўзини Рум мамлакатида бутга сажда қилаётган ҳолатда кўради. Бу туш шайхнинг уйқусида кетма-кет бир неча кун тақорорланади. Шундан кейин шайх бу туш бир Оллоҳнинг унинг пешонасиға ёзган тақдир ишига ишора дея тушунади ва тушига кирган Румга боришга қарор қиласди. Навоий до-стонда ушбу ҳолатни шундай тасвирлайди:

*Чун бу туш эрмиш мукаррап ганжи роз,  
Деди: – “Бўлмас бу балодин эҳтиroz  
Кимсага маъво ҳарамдур ё кўништ,  
Кўрмай ўлмас улча бўлмиш сарнавишт.  
Ботроқ ул кишварга азм этмак керак.  
Ҳар қаён тортар қазо – кетмак керак,  
Чунки бўлса бизга ул маъво насиб,  
Бошимизға ҳарна келса – ё насиб”<sup>1</sup>.*

Шайх шу бўйича йўлга тушади. Унга тўрт юз мурид ҳам ҳамроҳ ўлароқ эргашади. Шайх ва муридлари Румга етиб келадилар. Шайх ва муридлари бу ўлкадаги бир қўшкка кирадилар ва у ерда ниҳоятда гўзал бир тарсо қизни кўрадилар. Шайх уни бир кўришдаёқ қаттиқ се-виб қолади ва унга севги изҳор этади. Қиз эса унга жавобан бир неча шарти борлигини, ўша шартларни бажарсагина ўзига етиши мумкинлигини айтади. Шайх у шартлар нималигини сўрайди. Қиз эса ким агар унинг васлини орзу қилса тўрт ишни амалга ошириши керакли-гини айтади. Уларнинг биринчиси, май ичиш, иккинчиси белига зуннор боғлаш, учинчиси, Қуръонни оловда куйдириш ва ниҳоят тўртинчиси ислом динидан чиқиб бутпарастликни қабул қилишдир. Шунингдек, қиз бу тўрт шартдан ташқари яна иккита журмона (жарима) ҳам борлигини айтади. Булар: бир йил давомида чўчқабоқарлик қилиш ва Оташпарастлар-нинг оташкадасига ўт ёқувчи, яъни гўлахлик қилишдан иборатдир. Шайх эса қизнинг бу шартларини қабул қиласди ва уларни бажаришга киришади. Бинобарин, у май ичишни бошлайди, белига зуннор боғладиди, Қуръонни оловда куйдиради, ислом динидан чиқиб бутпарастликни қабул қиласди, чўчқабоқарлик қиласди, Оташпарастларнинг оташкадасига гўлахлик қиласди. Унинг бу аҳволини кўрган муридлари аввалига уни бу ишлардан қайтар-моқчи бўладилар. Лекин шайх уларнинг панд-насиҳатларини қабул қилмасдан ишини да-вом эттираверади. Шундан кейин муридлар шайхимиз айниди шекилли, деб ўйлаб ундан юз ўгириб, келган ёқларига қайтиб кетадилар.

Бу воқеалар юз берган пайтда шайхнинг бир комил муриди узоқ сафарга кетган бўла-ди. Сафардан қайтиб келсаки, шайх йўқ. Қани у? деб муридлардан сўраганида, улар бўлган воқеани бир бошидан гапириб берадилар. Шунда комил мурид шайхнинг ишидан эмас, балки нокомил муридларнинг ундан юз угирганларидан қаттиқ ранжиб, нега шайх билан

<sup>1</sup> Алишер Навоий. Лисон ут-тайр. МАТ. 20 томлик. 12-том. -Тошкент: Фан, 1996. -Б.97.

бирга унинг қилганларини қилиб юрмадинглар, сизлар фақр эмас, хайф сизларга фақрлик ҳирқасию, хайф сизларга фақр деган ном дейди:

*Деди соҳиб дарду ринди боҳабар,  
– “К-эй ҳамиятда тунгузлардин батар.  
Шайхким, пир эрдию, сизлар мурид,  
Борчаға иршодидин беҳбуд умид.  
Фақр аро шарти иродат келди бу,  
Кимни қилса муршиди фарҳундаху,  
Хайлу асҳоби ташаббуҳ айламак,  
Тенгрига лекин таважжусҳ айламак.  
Гар тааллуқ бўлса, гар тажрид анга,  
Ҳар не қилса айламак тақлид анга.  
Сиз вафосизларға фақр атвори хайф,  
Аҳли тақво хирқау дастори хайф”<sup>1</sup>.*

Шундан кейин комил мурид шайхнинг нокомил муридларига қарататуриналар, яна қайтиб шайхимизни излаб Румга борамиз дейди ва муридларни олиб йўлга равона бўлади. Румга етиб келишсаки, шайх бир биёбонда исломдан чиқиб, чўчқа боқиб юрибди. Буни кўргач комил мурид шайхнинг ўзи билан келган барча муридларига, энди сизлар изингизга қайтиб, у ёққа бориб, Каъбада туриб шайхимизни дуо қилинглар дейди ва уларни орқага қайтариб юборади. Ўзи эса ўша жойда ҳеч ким халақит бермайдиган бир овлоқ ерни топиб, эрта кеч худога қаттиқ ёлвориб шайхини дуо қила бошлайди. Шунда кунлардан бир кун у сахаргача тинимсиз шайхни дуо қилиб чиқади ва тонгга яқин кўзи уйқуга кетади. Шу пайт унинг тушига Муҳаммад (с.а.в) киради ва унга қаратат сенинг шайхингга Оллоҳ оғир бир имтиҳон юборди, қайсики, бу каби имтиҳон бу йўлга кирганларнинг ҳеч бирига юборилмаган. У шундай бир имтиҳонки, ундан ўтмасдан туриб, солик нажот топа олмайди. Сен хурсанд бўлгин, шайхинг нажот топти, ўша юборилган имтиҳондан ўтди. Бироқ бунда сенинг ҳам катта хизматинг бор. Чунки сенинг туну кун ранж чекиб қилган дуоларингни Оллоҳ ижобат айлади ва сен Оллоҳ марҳаматининг сабабчисига айландинг, дейди.

Мурид уйқудан туриб дарҳол ўз шайхининг олдига боради ва кўрадики, шайхининг аҳволи мутлақо ўзгарган. Чунки унинг кўрган туши, шайхининг ҳам тушига кирган эди. Улар шу жойда кўришадилар. Шайх ўзининг содиқ муридига муридликка содиқ қолганлиги учун раҳматлар айтади.

Шундан кейин шайх ва мурид биргалиқда Маккага қайтишади. Тарсо қизнинг эса тушига Исо алайҳиссалом кириб, унга, эй қиз, сенинг юртингга меҳмон бўлиб келган Шайх Санъон замон аҳлининг муршиди, пири эди. Сен мезбонликни жойига қўя олмадинг, унга нисбатан нималар қилмадинг. Энди у сенинг юртингдаги меҳмонлигини тарқ этиб, ўз юрти Маккага мезбонлик учун кетти. Сен энди унинг ортидан бор, қилган ишларингдан узр сўраб, унинг динига кир, дейди. Қиз уйқудан уйғониб, қилган ишлари ёдига тушиб жуда хижолат бўлади ва шайхнинг ортидан Маккага қараб равона бўлади. Қиз чулу биёбонларда кезиб юриб, бир жойга келади ва шу ерда беҳол бўлиб йиқилиб қолади. Шунда қизнинг бу аҳволи Шайх ва унинг муридига аён бўлади. Улар қайтиб қиз йиқилиб ётган жойга келишади. Шайх қиз-

<sup>1</sup> Ўша жойда, 124-бет.

нинг бошини қўйнига олади, қиз Шайхнинг қўлида иймон келтириб, ўзини исломга қабул қилишни сўрайди ва исломни қабул қилган ҳолда жон беради. Шайх эса қизни дафн этганидан кейин Маккага қайтиб келади. Бир муддат ўтгач Шайх ҳам вафот этади. Бу ерда қиссадан ҳисса шуки, Шайх тақдир тақозосига қўра бир ислом динидан чиқиб кетиб, яна қайтиб омон эсон исломга киради.

Демак, хулоса қилиб шуни айтиш мумкинки, Шайх Санъоннинг бундай оғир ишни бошидан ўткариши фақр орқали юз берди. Агар эътибор берилса, қиссанинг бошланишида Шайх Санъон жуда катта обрў-эътиборга эга эди. Унинг атрофида минглаб муридлар парвона эди. Шунга қарамасдан у кўрган тушини тақдирнинг изми ёки Оллоҳнинг иродаси сифатида қабул қиласди ва бу ўзига юборилган синовни у қанчалик оғир бўлмасин, сўзсиз бажаришга киришади. Бу эса ундан элу халқ ўртасидаги йиллар давомида эришилган жуда катта обрў-эътибори, нуфузи, мартабасидан, бир сўз билан айтганда, ўзлигидан воз кечишликни талаб этар эди. Агар Шайх Санъоннинг фақрлиги сохта бўлганида у бу оғир савдони қабул қилмаган бўлур эди. Шунингдек, содик муриднинг фақрлиги сохта бўлганида бошқа муридларга ўхшаб Шайхидан осонгина воз кечиб қўя қолган бўлур эди. Шу сабабли ҳам содик мурид ўзлигини ўйлаб Шайхни оғир аҳволда қолдириб кетган муридларни фақрдан бебаҳралиқда, фақрлик даъвоси ёлғонлиқда айблайди. Дарҳақиқат, улар ҳақиқий фақр бўлганларида ҳар қанча оғир ва мушкул бўлмасин Шайхни тўғри тушунган ва у билан худди содик мурид сингари бирга бўлган бўлур эдилар. Айтиш мумкинки, Навоий бу ўринда Шайх Санъон ва содик мурид образлари мисолида фақр йўлига кирган одамнинг ҳақиқий қиёфасини яратган.

Навоий “Лисон ут-тайр”да тариқатнинг Талаб, Ишқ, Маърифат, Истиғно, Ҳайрат, Тавҳид, Фақру фано сингари етти водийси таърифини келтиради. Шундан Фақру фано еттинчи – сўнгги водий ҳисобланиб, шоир уни шундай таърифлайди:

*Мундин ўтса ўтруға келмас яно,  
Йўл аро жуз водийи фақру фано.  
Йўқ бу ичра жуз хомушлуқ,  
Гунгу кар бўлмоғлиғу бехушлуқ<sup>1</sup>.*

Достонда фақру фано бир қилиб кўрсатилган. У таърифлаб бўлингач, Навоий унга тамсил ўлароқ бир неча ҳикоятлар келтиради. Ўшандай ҳикоятлардан бири Шайх Абулабbos қассоб ҳикоятидир. Бу ҳикоятнинг моҳиятида ҳам худди Шайх Санъон ҳикоятидаги сингари фақрнинг аҳволини ифодалаш ётади. Унга кўра, кунлардан бир кун Шайх Абулабbos хонақосига бир инсон келади ва ўзига таҳорат қилиш учун сув келтиришларини буюради. Унга кўзада сув олиб келишганида у кўзани тош билан уриб синдиради ва яна сув беришларини сўрайди. Яна сув берилганида уни ҳам синдиради. Шайхга бу ҳақида хабар беришганида, буни эшитган шайх ўз муридларига неча марта сўраса шунча марта сув бера-веришларини айтади. Унинг кўрсатмаси билан муридлар номаълум кимсага сув беришда давом этадилар. Номаълум кимса эса кўзаларни уриб синдиришда давом этади. Бу аҳвол 15-20 мартағача тақрорлангач, хонақоҳда бир адад ҳам кўза қолмайди. Номаълум кимса эса яна сув келтиришларини талаб қиласди. Шунда унга кўза қолмаганлигини айтишади.

<sup>1</sup> Ўша жойда, 249-бет.

Номаълум кимса эса унақада шайхингизнинг соқолини олиб келинг дейди. Муридлар шайхга буни айтганларида, Шайх бир қассобнинг ўғлига сақол не даркор деб ҳеч ўйлаб ўтирмасдан сақолини кесиб бериб юборади. Шайхнинг бундай ҳаракатидан таъсирланган номаълум кимса келиб Шайхнинг оёғига йиқилади ва шу онда Шайх унга назар қиласди. Натижада номаълум кимсанинг ўзлигидан асар ҳам қолмайди. Чунки Шайхнинг бу солган назари оқибатида номаълум кимсанинг жамики камчиликлари йўқолган, буни эса мисни олтинга айланганига ўхшатиш мумкин эди. Бу эса камдан кам рўй берадиган ва ёки умуман мумкин бўлмаган ноёб бир иш эди. Достонда ушбу ҳолат шундай тасвирангган:

*Солики фоний анга солиб назар,  
Ўзлукидин қўймади рангу асар.  
Бу сифат ноқисни тақмил айлади,  
Мисни олтун бирла табдил айлади.  
Рангу нақшу лавндин чиқмай киши,  
Мумкин эрмас мундоқ этмаклик иши  
Фониё, мундоқ фано ҳақдин тила,  
То бақо топқайсен ул ифно била<sup>1</sup>.*

Кўринадики, бу ерда ҳам Навоий Шайх Абулабbos қассоб мисолида ҳақиқий фақирлик қандай бўлиши лозимлигини кўрсатган. Агар Шайх Абулабbosнинг фақирлик даъвоси ёлғон бўлганида у номаълум кимсага соқолини кесиб бермаслиги мумкин эди. Бу ерда соқол ўзликнинг рамзиdir. Ундан ҳеч иккиланмасдан кечиб юбориш эса қаҳрамоннинг фақирликдаги даражасини кўрсатади.

Шунингдек, Навоий достонда Баҳоуддин Нақшбанднинг фақирлиги ҳақида бир ҳикоят асносида мушоҳада юритади. Баҳоуддин Нақшбанднинг борлиқдаги нарсаларга кўзи тушган маҳалда у ўзини ўша нарса билан қиёслаб, ўзини ундан паст кўрар экан. Масалан, бир кўринишидан поклик асари сезилмайдиган ўлик дил (жийфа қалб) инсонга кўзи тушса, бу мендан яхшироқ, чунки у вафодор, мен эса жафокорман дея ўзини камситган. Кунлардан бир кун Баҳоуддин Нақшбанд бир итни кўриб қолади. Бунда ҳам худди шундай ҳолат юз беради. Яъни Баҳоуддин Нақшбанд, бу ит изи ортиқми мен, деб, яна ўзи бунга жавобан, эй ноинсоф ахир бу бир вафодор ит аёғининг изи, сен бўлсанг вафосизлик сари қадам қўйган бир жафокорсан дея ўша итнинг изига кўз суртиб, уни ўзидан ортиқ қўрган. Бу ҳол достонда шундай талқин этилади:

*Аҳли ҳақ бу наевъ этиб салби вужуд,  
Будини бу важҳ ила айлаб набуд.  
Бўйла ошом эттилар жоми фано,  
Қолмоғондин сўнг асар ўздин яно.  
Ҳақ вужудидин бақойи топмайин,  
Жоми ваҳдатда лиқойи топмайин.  
Чун фано хайлиға дохил бўлдилар,  
Боқийи мутлаққа восил бўлдилар<sup>2</sup>.*

<sup>1</sup> Ўша жойда, 254-бет.

<sup>2</sup> Ўша жойда, 255-бет.

Навоий юқорида келтирилган байтларда ҳақиқат аҳли ўз вужудларини, яъни ўзликларини мана шундай сабаб билан, яъни ўзини ҳамма нарсадан кўра ҳам ёмон дейиш орқали йўқотаётганикларини, натижада эса улар ўзликларини йўқ этиб, фано жомидан ичиш баҳтига мұяссар бўлишмоқда, яъни фанога эришмоқда эканликларини айтади.

Шунингдек, Навоий достонда Фаридуддин Аттордан фарқли ўлароқ, фанодан кейинги бақо мулки ҳақида ҳам сўз юритган. Буни ўз даврида Е.Э.Бертельс ҳам таъкидлаган эди<sup>1</sup>.

Хулоса қиласиган бўлсақ, Навоий ўзининг “Лисон ут-тайр” достонида Фақр масаласига жуда катта эътибор берган. Чунончи, у ҳақиқий факирлик йўлига кирган соликлар образини Шайх Санъон, Шайх Абулаббос қассоб, Шайх Баҳоуддин Нақшбанд сингари сиймолар мисолида ифодалаган. Шунингдек, достонда Ҳудҳуд тимсолида ҳам фақр образи символик тарзда яратилган. Симурғ тимсолида эса Оллоҳ назарда тутилган.

Учинчи бобда кўриб чиқилган масалалар юзасидан қуйидаги хулосаларга келинди:

1. Навоий “Хамса”сига кирган барча достонларда фақр масаласи бевосита ва ёки бевосита боғлиқлик касб этган. Шундан Навоий “Фарҳод ва Ширин”, “Лайли ва Мажнун” достонларида асосий масала ишқ бўлгани учун ва бу достонларнинг қаҳрамонлари ишқ водийсида эканликлари ва ишқ водийси фақр водийсидан орқада эканлиги учун уларга фақрни бевосита қўлламаган. “Ҳайрат ул-аброр”, “Сабъаи сайёр”, “Садди Искандарий” достонларида эса фақр бевосита ҳамда тўғридан тўғри образларга жорий этилган ва шоир бу достонлар бош қаҳрамонларини фақр билан боғлиқ равища ўз ахлоқий-эстетик идеали ўлароқ тасвирлаган.

2. Алишер Навоий “Ҳайрат ул-аброр”да, асарнинг концептуал характерга эга эканлигидан келиб чиққан ҳолда, ўз ахлоқий-эстетик идеали, фалсафий кредоси сифатида фақрни белгилаб олади. Бунда у, асосан, мол-дунё ва унга муносабат, унга муҳаббат ёки дунё севгисига кўнгилдан жой бермаслик; мансаб, айниқса, шоҳлик ва фақр; бойликнинг ўткинчилиги, уни Аллоҳ йўлида сарфлаш ва унинг ажри сифатида фақрга эришиб Ҳаққа етиш мумкинлиги масалаларига алоҳида эътибор қаратилган. У ўз фикрини баён этишда Ҳусайн Бойқарони, қолаверса, умуман шоҳ ва шоҳликни мисол қилиб олади. Чунки шоҳ ва шоҳлик ҳаётда, жамиятни бошқаришда катта роль ўнайдиган муҳим мансабдор ва мансаб ҳисобланади.

3. “Сабъаи сайёр” достонида ҳам фақр Навоийнинг ахлоқий-эстетик идеали сифатида тасвирланганлигига дуч келиш мумкин. Бироқ “Ҳайрат ул-аброр”дан фарқли ўлароқ бунда фақр йўлига кирмаган, унга интилмаган шоҳ – Баҳром образи яратилган ва унинг аянчли тақдирини тасвирлаш орқали фақрнинг шоҳ учун нақадар тўғри кутқарилув йўли эканлигига урғу берилган. Шунингдек, ушбу достоннинг бир қатор ҳикоятлари, жумладан, Фаррух ҳикоятида фақр камолга эришган инсоннинг хислати сифатида тасвирланган.

4. “Садди Искандарий” достонида фақр шоҳлик билан боғлиқликда талқин этилган. Искандар тахтга ўлтирас экан, унинг олдида икки йўл турар эди: биринчиси, шоҳлик, дунёдорлик йўлидан бориш; иккинчиси, фақр йўлини тутиб, ўзини маънавий ҳаётга бағишилаш. Достоннинг бошида Искандар иккиланади, айниқса, шоҳликни гадоликка алмаштирган дарвеш билан учрашуви, Арастудан асл мақсадга етишда қайси йўл яқин қабилидаги саволига устозининг фақр йўли деб жавоб бериши ундаги шоҳликдан воз кечиб, ўзини фақр асосида маънавий-ирфоний ҳаётга бағишилаш фикрини қатъийлаштиради. Бироқ шу ўрин-

<sup>1</sup> Қаранг: Бертельс Е.Э. Неваи и Аттар / Мир-Али-Шир. –Л., 1928. –С. 71.

да Навоий томонидан идеал шоҳларга қўйиладиган талаб – уларнинг халқ талаби асосида-гина шоҳликни қабул қилишлари бадиий усули қўлланади. Натижада Искандар шоҳликни қабул қилишга мажбур бўлади ва ҳам фақр, ҳам шоҳликни баравар тутган, ҳатто, фақир-ликни шоҳликдан устун деб билган идеал шоҳ образи яралади.

5. “Лисон ут-тайр”да фақр “Шайх Санъон” қиссасида ўзининг ёрқин ифодасини топган. Шайх Санъон образини ишлар экан, Навоий уни аввал бошданоқ комиллик даражасига етган пири муршид сифатида тасвирлайди. Маълумки, тасаввуфда бу фақрсиз мумкин эмас эди. Бинобарин, Шайх Санъон фақр йўлида юқори камолот даражасига етган пир образи. Бу унинг тақдир томонидан юборилган воридот (қисматига тушган иш, қилиши албатта лозим бўлган амал)ни ҳеч иккиланмасдан, сўзсиз қабул қилишида ва тарсо қиз томонидан қўйилган талабларни бенуқсон бажаришида, айниқса, яққол намоён бўлади. Бунда фақрдаги таслим хусусияти ўз аксини топган. Шайх Санъоннинг инсон тоқатидан ташқари бўлган имтиҳондан ўтишида қазову қадар масаласи акс этган. Шайх Санъоннинг ушбу имтиҳондан ўтиши камолот масаласи туфайлидан эмас эди, зотан, у бунга муҳтож эмас. Гап шундаки, унинг ҳаётидаги маълум бир босқич айнан шу йўлдан ўтиши керак, бусиз унинг ҳаёти тугал қўриниш касб эта олмайди. Унинг ўзи ҳам буни тақдир амри сифатида қабул қиласи ва шунга монанд ҳаракат қиласи. Фақр мукаммал даражада акс этган яна бир образ – Шайх Санъоннинг содиқ муриди образидир. У ўзи йўқлигига Шайхнинг олдида бўлган ва уни мушкул вазиятда, ўз манфаатларини ўйлаб, якка ташлаб кетган бошқа муридларни айнан фақрдан бехабарлиқда айблайди. Бу эса масаланинг илдизи фақрда эканлигига ишорат қиласи. Яъни агар улар фақр сиридан огоҳ бўлганларида Шайхнинг ҳолини яхшироқ англаған бўлардилар. Унинг ўзи эса фақрда камолот касб этган ва унда фақрдаги сидқ ҳоли тўла намоён бўлади. Шайхнинг маънавий инқироз ҳолатидан қутулиши ҳам айнан ушбу образ воситасида тасвирланган (Пайғамбар (с.а.в.)нинг айнан унинг тушига кириши ва унинг дуолари мустажобидан шайхнинг нажот топиши). Буларнинг барчаси достонда фақр ҳам муҳим бадиий-эстетик омил сифатида иштирок этганлигини кўрсатади.

6. “Лисон ут-тайр”да фақр, шунингдек, Фақру фано водийси таърифида ҳамда ушбу водий тавсифига тамсил сифатида келтирилган Шайх Абулабbos қассоб, Баҳоуддин Нақшбанд ҳикоятларида акс этган. Уларда фақрдаги ўзлиқдан кечиш, ўзини ҳаммадан паст (касри нафс) деб билиш тамойиллари тасвирланган.

## ХУЛОСА

Мустақиллик даврида ҳамма соҳаларда бўлгани каби адабиётшуносликда ҳам жиддий ўзгариш ва янгиланишлар юз берди. Буни улуғ шоиримиз Алишер Навоий ижодини ўрганиш мисолида ҳам кузатишимиш мумкин. Масалан, совет давлати ҳукмронлигига ўтган 70 йил мобайнида Алишер Навоий ижодини ўрганиш масаласида гарчи анча-мунча ишлар амалга оширилган эса-да, бу улкан мероснинг ғоявий томонларини ҳаққоний тадқиқ этиш борасида тўсиқлар мавжуд эди. Шу туфайли ҳам бу даврда Навоий поэтикасининг узвий қисми бўлган, унинг ижодига қатор илҳомбахш ғоя ва образлар бахшида этган тасаввуф билан боғлиқ жиҳатлар атайн парда остида сақланди. Натижада эса мазкур йилларда бу буюк ижод соҳибининг асарлари қатида яширинган асл ғоялар тўлиқ юзага чиқмади. Бироқ Истиқлол даврига келиб аҳвол тубдан ўзгарди: ўзига мослаб ўрганиш тамойилидан бус-бутунича, қандай бўлса шундайлигича, тарихий ҳақиқатга содиқ қолган ҳолда ўрганишга ўтилди. Бу эса, шубҳасиз, эркин ижод муҳитининг самарасидир. Мана шундан келиб чиққан ҳолда ушбу монографияда Алишер Навоий ижодида факр талқини ва факир образи масалаларига эътибор қаратилди.

Монографик тадқиқотимиз давомида амалга оширилган таҳлил ва талқинлар асосида қўйидаги хулосаларга келиш мумкин:

1. “Фақир” атамаси Аллоҳнинг сифати бўлган “ал-Ганий”нинг зидди ўлароқ “Куръон”да зикр этилиб, банданинг муҳтоҷ, тобелиги ва Аллоҳнинг беҳожат, улуғлигини ифодалаб келган. “Куръон”даги ушбу эътироф мазмунан нейтрал бўлиб, ундаги факр ва фақирлик ҳам моддий, ҳам маънавийга баравар дахлдордир. Аммо кейинчалик факр банданинг Аллоҳ олдидаги ниёзмандлиги мазмунида кенг талқин қилингандиги кузатилади.

2. Пайғамбаримиз Муҳаммад (с.а.в) ҳадисида ҳам факр “Куръон”га мувофиқ мазмундадир. “Ал-фақру фахрий” – факрнинг фахрлигига сабаб, унинг банданинг Аллоҳ олдидаги муҳтоҷлигини ифодалашидадир. Гарчанд баъзи олимлар “Ал-фақру фахрий”ни ҳадис эмас деган бўлсалар-да, тасаввуф аҳли ва Навоий уни ҳадис дея эътироф этганлар. Ҳадис мазмунида факр истилоҳи маъно майдонининг кенгайганлигини кўришимиз мумкин. Зоро, моддий маънодаги қашшоқликнинг пайғамбар томонидан қоралангандиги маълум, бино-барин, моддий муҳтоҷлик фахрга сабаб бўлиши мумкин эмас.

3. Шарқ-мусулмон фалсафий тафаккурининг ажралмас қисми бўлган тасаввуф таълимотида факр тўла маънода истилоҳий мазмун касб этиб, факр деганда фақат бир маъно – инсоннинг маънавий-руҳоний муҳтоҷлиги назарда тутилган. Тасаввуфий талқинда факр – файриҳақ (мосуво)га йўқсил ва Аллоҳга ғаний бўлмоқдир. Тасаввуф аҳли мурожаат қилган ҳар бир соҳада ушбу қараш ўша соҳа эҳтиёжидан келиб чиққан ҳолда татбиқ этилган. Масалан, ахлоқий мазмунда факр – ёмон (замима) феълларга камбағал, яхши (ҳамида) феълларга бой бўлмоқдир (бунда ёмон феъл – файриҳақ, яхши феъл – Ҳақ ёки Ҳақдан тамойили асосида иш кўрилади). Ёки ирфоний мазмунда факр – Ҳаққа олиб бормайдиган ўй-фикр, илм ва амалларга камбағал, Ҳаққа яқинлаштирувчи илм ва тажрибага бой бўлмоқ ва ҳок. Хуллас, тасаввуф аҳлининг умумий эътирофига кўра, **факр – Ҳаққа етишга монелик қиласидиган барча тўсиқлар (ўзлик, кибру ҳаво, манманлик, нафс талаблари, мол-мулк ва мансаб-жоҳ орзуси ва ҳок.)дан кечиб, қўнгилни Ҳақ назаргоҳига айлантиришидир.**

4. Турли тариқатлар таълимот ва тажрибасида фақрнинг тутган ўрни турлича, лекин уларнинг барчасида у ёки бу даражада фақр ғоясига мурожаат қилинган. Нақшбандия тариқатида эса ушбу масалага алоҳида эътибор қаратилади. Агар бошқа тариқатлар фақрга мақомлардан бири сифатида қарашган бўлса, нақшбандияда фақр камолотнинг асосий йўлидири. Баҳоуддин Нақшбанд ўз таълимотининг марказига фақрни кўйган. Дарҳақиқат, Баҳоуддин Нақшбанд, Хожа Порсо, Алоуддин Аттор, Яъқуб Чархий сингари ушбу тариқат вакиллари кўз-қарашлари мисолида буни яққол кўришимиз мумкин. Бундан асосий мақсад эса мутобиъат – пайғамбар суннатига боғланиш эди. Шунингдек, нақшбандиядаги “урваи вускю”, ҳалол луқма талаби, ҳар қандай шароитда ҳам ўз меҳнати орқасидан кун кўриш ва бошқа тамойилларнинг марказида ҳам фақр туришини эътироф этиш мумкин. Ҳақ ва ҳақиқатшуносликда нақшбандия тариқатини бошқалардан мукаммалроқ деб билган Навоий битта тариқат доирасида чекланиб қолмасдан, ўзигача бўлган тасаввуф таълимотининг барча илғор томонларини ўзлаштиришга ҳаракат қилган. Бу ҳолат фақр масаласида ҳам кўзга ташланади. XV аср Хурросон ва Мовароуннахрда фаол ҳаракатда бўлган сухравардия, нақшбандия ва яссавия тариқатлари фақр масаласида яқдил эдилар. Буни ушбу тариқатларнинг ўша даврдаги вакиллари томонидан фақр ҳақида билдирилган фикрлар ва Навоийнинг фақр маслагида улар қандай даражага етганликлари тўғрисидаги қайдлари кўрсатиб турибди.

5. Фақру фано образининг Шарқ мумтоз адабиётидаги илдизи ҳам узоқ тарихга эга ва эътиборлидири. Навоийгача бўлган форсий ва туркий адабиётда ушбу образ талқин ва тасвирини шартли равишда икки гуруҳга ажратиш мумкин: 1) тасаввуфий ва фалсафий-дидактик талқин; 2) бадиий талқин ва тасвир. Шартлилик ҳар иккаласининг ҳам соғ ҳолда эмаслиги билан боғлиқдир, яъни тасаввуфий талқин бадиийликдан, бадиий талқин эса тасаввуфий асосдан холи эмас. Биринчи гуруҳга Саъдий, Аттор, Румий, Яссавий, Бокирғоний, Юсуф Хос Ҳожиб, Аҳмад Юғнакий, Сайид Қосимий асарларидаги фақр талқинларини киритиш мумкин. Ушбу гуруҳга мансуб талқинлардаги асосий хусусият уларда фақрнинг кўпроқ бадиий эмас тасаввуфий-фалсафий вазифа бажарганлигидир. Уларда образлиликдан кўра фалсафийлик биринчи планда туради. Иккинчи гуруҳга Ҳусрав, Ҳофиз, Жомий, Ҳофиз Хоразмий, Атойи, Саккокий, Гадоий, Лутфий сингари шоирлар ва улар асарларидағи фақру фано образини киритиш мумкин. Уларда фақр фақат тасаввуфий-фалсафий эмас, балки бадиий ғоя, фақир эса илҳомбахш образдир. Ушбу шоирлар ижодини текшириш натижаларидан фақр мотиви ва фақру фано образининг Навоийгача бўлган форсий ва туркий адабиётда каноний бир ғоя ва образ даражасига кўтарилганлиги маълум бўлади.

6. Навоий ўз лирикасида фақр образини кўп қўллаш баробарида унинг аҳамиятлилигига кучли эътибор қаратган. Бунинг сабаби шоир учун фақр реал ҳаётда маслак, бадиий ижодда эса бадиий-эстетик идеал сифатида кўрилганлигидадир. Навоий лирикасида фақр образи билан боғлиқ ўринлар 264 марта қўлланилган. Шундан “Хазойин ул-маоний”да 192 марта, “Бадоеъ ул-бидоя”да 114 марта, “Наводир ун-ниҳоя”да 76 марта, “Илк девон”да 58 марта учрайди. Бу яхшигина кўрсаткич. Бироқ гап фақат сон ва рақамларда эмас. Эҳтимол Навоий ўз лирикасида фақр образини бошқа образлар билан таққослаганда камроқ қўлланган бўлиши мумкин. Лекин қандай бўлишидан қатъий назар у фақир образини энг муҳим ўринларда қўллайди. Бу ушбу образнинг Навоий ижодида нақадар муҳим бадиий-эстетик идеал сифатида кўрилганлигининг далилидир. Навоий фақир образини ҳаётининг турли даврларида бирдай қўллаган. Масалан, шоирнинг 25 ёшгача ёзган лирик асарларини

ўз ичига олган “Илк девон”да фақр образи қўлланган ўринларни унинг бошқа даврларда ёзилган шу каби ўринлар билан қиёслайдиган бўлсак, улар савия жиҳатидан бир хил эканлигини қузатишимиз мумкин. Бу эса шоир яшаган муҳитда фақр масаласи анча шаклланган эътиборли масалалардан ҳисобланганлигини ва у ёшлигиданоқ ундан яхши хабардор эканлигини кўрсатади.

7. Навоийнинг соф биографик характерга эга насрый асарларини кўздан кечирадиган бўлсак, уларда Навоий тарбия топган муҳитда фақр ғоясига катта муҳабbat билан қаралганига, у маданият ва маънавиятнинг асоси сифати кўрилганига гувоҳ бўламиз. Масалан, Навоий ўзининг “Ҳолоти Сайид Ҳасан Ардашер” номли рисоласида фақр йўлига киргандарнинг кўпини кўрганлигини, лекин Сайид Ҳасан Ардашер сингарисини кам кўрганлигини айтади. Шунингдек, “Насойим ул-муҳабbat” ҳам фақрнинг Навоий замондошлари фалсафий қарашларида тутган ўрнини кўрсатиша муҳим бир асадир. Унда Навоий Ҳожа Аҳмад Муставфий, Мавлоно Ҳожи, Ҳожа Рукниддин Мехна, Мавлоно Алоуддин (ваф.892/1487), Мавлоно Шаҳобиддин (ваф.899/1494) сингари тасаввуф намояндалари фақр йўлидан боргандикларини ва ўз шогирдларига ҳам шу йўлни тутиш кераклигини уқтирганлигини ёzáди. Масалан, Мавлоно Алоуддин ҳақида тасаввуф йўлига кирган толибларга энг ишончли ва яқин йўл сифатида фақрни тавсия этганлигини айтса, Мавлоно Шаҳобиддин ҳақида эса дарвешлик ва фақр йўлида буюк ҳол ва воқеъликка етганлигини айтади. Ҳожа Авҳад Муставфий тўғрисида эса ўзи ҳақида кўп марта фотиҳалар ўқиб хайр дуоси қилганлигини ва бу дуолар ижобат бўлишидан умидвор эканлигини айтади. Бу каби мисоллардан Навоий фақрни ўзлари учун дастуриламал қилиб олган кимсаларни шахсган таниган ва улар билан мулоқотда бўлишга интилганлигини ҳамда уларнинг ўзи ҳақида билдирган фикрларини қадрлаганлигини билиш мумкин.

8. XV асрда фақирлар (дарвешлар) жамиятнинг бир бўғини ҳисобланиб, уларнинг жамиятда ўз ўрни, муайян вазифалари бўлган. Ўшбу вазифа, асосан, фақр талабларига содик қолган ҳолда ўз нафсларини жиловлаш ва шу орқали инсонларга ўрнак кўрсатишдан иборатdir. Бу эса ўша даврнинг нафақат маънавий, балки иқтисодий-ижтимоий ҳаёти учун ҳам муҳим эди. Навоийнинг талаб ва танқидлари эса уларнинг жамият олдидаги ўз вазифаларини тўлақонли бажаришларига қаратилгандир. Шунинг учун ҳам Навоийнинг соф биографик характердаги насрый ва илмий асарларида фақрлар подшо, вазир, аскару сипоҳий, давлат хизматчилари, мударрислар в.х. сингари ижтимоий гуруҳлардан бири сифатида тилга олинадилар.

9. Навоийнинг фақир образи яратилган ғазаллари кўздан кечирилганда ушбу образ қўлланилган байтлар аксарият ғазалнинг мақтаъси, яъни охирги байти ёки мақтаъдан олдинги кульминацион байтда келганлигининг гувоҳи бўламиз. Бу нимани англатади? Одатда, мақтаъдан олдинги байтларда ғазалда қаламга олинган мавзу, масала энг авж нуқтага кўтарилади, ғазалда қўйилган бадиий-эстетик, фалсафий муаммо ўз ечимини топади. Айтиш мумкинки, айнан ушбу байтлар ғазалнинг бадиий-эстетик маркази ҳисобланади. Мақтаъда эса лирик қаҳрамоннинг масала моҳиятидан келиб чиқадиган хулосавий нуқтаи назари акс этган бўлади. Фақир образи яратилган ўринлар лирик асарнинг айтганимиздек, бадиий-эстетик марказидан ўрин олиши, хулосавий нуқтаи назар акс этадиган байтларда қўлланилиши ҳам ушбу масаланинг Навоий лирикаси учун қанчалик даражада бадиий-эстетик идеал сифатида аҳамият касб этганлигининг яна бир далилидир.

10. Фақр лирик асар мавзуси, мотиви, образлари шаклланишида иштирок этувчи муҳим таркибий компонент сифатида бадиий матнда ўзлик, шукр, ризо, таваккул, сабр, қаноат, ирфон, фано сингари тасаввуфий тушунчаларни ифодалайдиган истилоҳлар билан айниқса фаол муносабатга киришади. Бунда фақрнинг ушбу тушунчалар билан боғлиқлиқдаги талқинларини кузатар эканмиз, фақр ва юқоридаги тушунчаларнинг ўзаро муносабатга киришиши бадиий образ такомилида қуйидагича иштирок этганига гувоҳ бўламиз: **ўзлик** – тасаввуф таълимотида соликнинг бу ҳаётдаги мавжудлигини, вужудий борлигини англатади ва бу борлик Ҳақ ва солик ўртасидаги парда деб тушунтирилади. Соликнинг асосий мақсади Ҳаққа етиш ва бунда ўзликдан кечишдек оғир масала шарт сифатида қўйиладиган бўлса, ушбу масалани ҳал қилишнинг йўли фақр. Бир сўз билан айтганда, ўзлик пардасидан кечишнинг ва асл мақсадга етишнинг воситаси фақр. Навоий ўз ориф лирик қаҳрамони – фақирнинг фақр йўлида юра олиши, фақр манзилларини эгаллашини тўғридан-тўғри ўзлик юқидан кечиб, ўзни енгил қилишга боғлиқ ҳолда тасвирлайди ва бунда фақр ҳамда тавфиқни ўзаро боғлиқлиқда талқин этади. Фақр – тавфиқ, асл, азалий фитрат билан боғлиқ тушунча. У касб қилинадиган, жидду жаҳд натижасида йўқдан бор бўладиган нарса, тушунча, ҳол, мақом эмас, инсон қисматида унинг тийнати ва фақр билан азалий мувофиқлик бўлиши керак. Шунинг учун ҳам фақр тамкин билан боғлиқ ҳоллар сирасига киради; **маърифат (ирфон)** – хабардорлик, олий ҳақиқатни таниш, унинг мавжудлиги ва устуворлигига бўлган қатъий, сўнмас ишонч. Маърифат касб этилганлигининг белгиси – лирик қаҳрамоннинг фақр билан шод бўлиши ва дахри дунёни тупроқ билан teng кўриши, ҳатто, тупроқданда паст билишидир. Фақр маърифатидан хабардор лирик қаҳрамон наздида дахрнинг тупроқ билан-да teng бўлиш имкони йўқ. Бинобарин, аҳли маърифат қаторига кириш учун камолот касб этишни қасд этган инсон фақр маърифатидан хабардор бўлиши лозим, зоро, фақрсиз ҳақиқий ирфонга эга бўлиш имконсизdir; **шукр** – тасаввуфда ҳам умуман олганда шукрнинг маъно-моҳияти ўзгармайди, бироқ фақат уни тушунишда бироз ўзгачалик, файриоддийлик ёки мураккаблик борлиги кузатилади. Масалан, диний ақидада неъматлар зиёда бўлиши шукрнинг омили бўлса, солик учун дунё неъматларининг камайиши шукрнинг сабабчисидир. Солик дунё неъматларидан қанчалик кўп маҳрум бўлса, ўз мақсадига шунчалик яқин боради ва айнан шу ҳолат унинг шукри учун боис ҳисобланади. Шунинг учун ҳам Навоийнинг фақир лирик қаҳрамони фақрга уни асл мақсадга яқинлаштирувчи омил бўлгани учун шукр қиласи; **таваккул** – соликнинг борар манзил номаълум, натижа ноаниқ, қийинчиликлар олдинда тоғдай оғир бўлиб турган бир шароитдаги қисман аниқликка таяниб ҳаракат қилиши. Бунда унинг асосий душмани ваҳм. Таваккал билан фақр йўлига кириб, ваҳмни енгган лирик қаҳрамоннинг оладиган фойдаси «фориғу озода»лик – маънавий-руҳоний ҳурлик; **қаноат** – фақирнинг фақат Аллоҳдан етадиган файз билангина чекланиши, дунё неъматларини эса қайд – киshan деб билишидир. Фақрда қаноат тамаъни дилдан қувиб, ҳиммат чўғини алангалатиш воситаси, тааллуқ – дунё билан алоқа ипларини узиш қуроли; **ризо** – фақр йўлида юзланадиган ҳар қандай машаққатни рад этмаслик, машаққатни неъмат деб билиб, ундан хурсанд бўлиш ва яқинлик воситасига айлантириш; **фано** – фақр йўлининг охири, асл мақсад, ҳақиқий ҳурлик мақоми, вазнисизлик ҳоли, комиллик мартабаси. Фақр талаб қилган киши фанога эришиши шарт. Бошқача айтганда, фано – комиллик ҳоли, камолот мақомидир. Кузатишларимиздан Навоий наздидаги комил инсон бевосита фақр тушунчаси билан боғлиқлиқда талқин қилиниб,

фақр – камолотнинг исми, комиллик номи эканлиги, фақр ҳолини том маънода эгаллаган, фақр мақомида ўзлигидан воз кечиб, ғуур, нафс қутқуси, жоҳ орзусиу мол-дунё ҳавасидан ўзини халос этиш натижасида ҳурлика эришган, қониъ, розий, шокир, собир, мутаваккил сифатлари билан хислатланган, ҳақиқий ирфон касб этиб, азалий ҳақиқат моҳиятига етган фақир комил инсоннинг айни ўзи эканлиги маълум бўлди.

11. Фақрнинг Навоий лирикаси ғоя ва обозлар олами ҳамда мотивлари билан алоқадорлигига диққат қиласиган бўлсак, унинг подшоҳ (шоҳ), дунё ва зоҳид образлари билан контраст боғлиқликда талқин қилинганига гувоҳ бўламиз. Бунда Навоий ҳақиқий **шоҳлик** учун фақр сирридан хабардор бўлиш талабини илгари суради, фақрдан огоҳ бўлмай туриб шоҳлик этишдан ҳеч бир самара чиқмайди, дейди. Чунки шоҳнинг салтанати – адам – йўқликка маҳкум мулк, фақр салтанати эса боқий, абадий, давомли мулк, борлиқ. Унинг абадийлиги Ҳақ васли билан белгиланади, аслида абадий фақат бир нарса – Ҳақ васли бор, фақр эса унга олиб боради, Ҳаққа восил қиласи, фақр салтанатининг абадийлиги Ҳақ васли билан шартланган. Фақр туфайли жаҳон мулкини бир хасдан-да паст кўрган шоҳ – Навоий идеалидаги подшоҳ. Бунда фақрнинг ижтимоий-ахлоқий, сиёсий-маънавий функцияси намоён бўлади, подшоҳлик институтида фақр хукмдор ахлоқини такомиллаштирувчи муҳим компонент сифатида қатнашади. Бунда подшоҳ ҳақида баҳс юритган шоир унинг инсон кўнглини “мулки афлок” билан тенг қўйиш, диққатни мулкирлик ва нафс дағдағаларидан кўнгил овлаш ва адлу инсоф, инсонпарварликка томон қаратиш хислатларини кўрсатиб ўтади. Шу сабабли ҳам Навоий фақрда гадоликни шоҳликдан устун деб билади. Чунки фақрнинг асосида жамъ, ваҳдат ётади, шоҳликнинг асосида эса тафриқа, касрат. Шу сабабли ҳам ушбу тазодий манзарада мутафаккир шоирнинг устуворлиги фақр томон йўналган; дунё – Навоий лирикасида образ даражасида ишланган тушунчалардан саналади. У – ғаддор, буқаламун, бешафқат, бевафо, мурдор, мардуд, муттасил безовталиқ, ташвиш, ғафлат, бало манбаи – мана дунёга берилган сифатларнинг айримлари. «Дунёву мофиҳо» – дунё ва унинг ичидаги нарсалардан воз кечиши ёр васлини орзу қилган лирик қаҳрамоннинг матлаби экан, фақр – буни амалга ошириш воситаси, механизми. Чунки фақрда дунё ҳою ҳавасидан кечиши – дастлабки талаб. Бунинг маҳсули эса эҳтиёжсизлик – маънавий-руҳий эркинлик, ҳурлиқ. Васлга йўл очадиган ҳурлик эса Навоий лирик қаҳрамонининг ягона матлаби; Навоийнинг фақр йўлини тутган лирик қаҳрамони риё ва макрга йўл очадиган намойишкорона зуҳдни касб қилиб олган зоҳидни танқид қиласи экан, уни ўз зуҳди қобигида чекланганликда, асл мақсадни зуҳдга алмашганликда, асл мақсад фақат гўшанишинликдан иборат деб билганликда, натижада зуҳдни васл йўлидаги парда-тўсиққа айлантирганликда айблайди. Зоҳид зуҳдни, фақир эса фано – камолот ва Ҳақ васлини мақсад қилиб олганлиги учун ҳам Навоийнинг лирик қаҳрамони тараққийпарвар образ ҳисобланади.

12. Навоий “Хамса”сига кирган барча достонларда фақр масаласи бевосита ва ёки бевосита боғлиқлик касб этган. Шундан Навоий “Фарҳод ва Ширин”, “Лайли ва Мажнун” достонларида асосий масала ишқ бўлгани учун ва бу достонларнинг қаҳрамонлари ишқ водийсида эканликлари ва ишқ водийси фақр водийсидан орқада эканлиги учун уларга фақрни бевосита кўлламаган. “Ҳайрат ул-аброр”, “Сабъаи сайёр”, “Садди Искандарий” достонларида эса фақр бевосита ҳамда тўғридан тўғри образлар талқини жараёнига татбиқ этилган ва шоир бу достонлар бош қаҳрамонларини фақр билан боғлиқ равишда ўз ахлоқий-эстетик идеали контекстида тасвирлаган.

13. Алишер Навоий “Ҳайрат ул-аброр”да, асарнинг концептуал характерга эга эканлигидан келиб чиққан ҳолда, ўз ахлоқий-эстетик идеали, фалсафий кредоси сифатида фақри белгилаб олади. Бунда у, асосан, мол-дунё ва унга муносабат, унга муҳаббат ёки дунё севгисига кўнгилдан жой бермаслик; мансаб, айниқса, шоҳлик ва фақр; бойликнинг ўткинчилиги, уни Аллоҳ йўлида сарфлаш ва унинг ажри сифатида фақрга эришиб Ҳаққа етиш мумкинлиги масалаларига алоҳида эътибор қаратилган. У ўз фикрини баён этишда Ҳусайн Бойқарони, қолаверса, умуман шоҳ ва шоҳликни мисол қилиб олади. Чунки шоҳ ва шоҳлик ҳаётда, жамиятни бошқаришда катта роль ўнайдиган муҳим мансабдор ва мансаб ҳисобланади.

14. “Сабъаи сайёр” достонида ҳам фақр Навоийнинг ахлоқий-эстетик идеали сифатида тасвирланганлигига дуч келиш мумкин. Бироқ “Ҳайрат ул-аброр”дан фарқли ўлароқ бунда фақр йўлига кирмаган, унга интилмаган шоҳ – Баҳром образи яратилган ва унинг аянчли тақдирини тасвирлаш орқали фақрнинг шоҳ учун нақадар тўғри қутқарилув йўли эканлигига урғу берилган. Шунингдек, ушбу достоннинг бир қатор ҳикоятлари, жумладан, Фаррух ҳикоятида фақр камолга эришган инсоннинг хислати сифатида тасвирланган.

15. “Садди Искандарий” достонида фақр шоҳлик билан боғлиқликда талқин этилган. “Садди Искандарий”нинг асосий воқеалари баёни бошланган 15–19 бобларда фақрга достон концепциясини, бадиий ғоясини шакллантирувчи, унга йўналиш берувчи масала сифатида мурожаат қилинган. Искандар тахтга ўлтирар экан, унинг олдида икки йўл турар эди: биринчиси, шоҳлик, дунёдорлик йўлидан бориш; иккинчиси, фақр йўлини тутиб, ўзини маънавий ҳаётга бағишилаш. “Садди Искандарий” достонининг фақр талқини нуқтаи назаридан аҳамиятлилиги унда шоҳлик масаласининг ва подшоҳ ахлоқи муаммосининг фақр билан боғлиқликда ҳал қилинганлиги билан белгиланади. Навоий ҳам ўз достонида анъ-анавий равища Искандарни идеал подшоҳ сифатида тасвирлар экан, унинг идеаллигини фақр билан асослайди. Мажозий подшолик – дунёга эга бўлиш, ҳақиқий шоҳлик – фақр мулкини эгаллашдир. Бу ҳақиқий комил подшонинг ҳиммати, кимгадир ҳиммат ёр бўлса, у ўзига дунёга подшоҳ бўлишдан кўра фақр мулки подшолигини сўрайди. Чунки, дейди Навоий, фақр кўйи гадосини Худо шоҳлар шоҳи қилиб яратган. Достоннинг бошида Искандар иккilanади, айниқса, шоҳликни гадоликка алмаштирган дарвеш билан учрашуви, Арастудан асл мақсадга етишда қайси йўл яқин қабилидаги саволига устозининг фақр йўли деб жавоб бериши ундаги шоҳликдан воз кечиб, ўзини фақр асосида маънавий-ирфоний ҳаётга бағишилаш фикрини қатъийлаштиради. Бироқ шу ўринда Навоий томонидан идеал шоҳларга қўйиладиган талаб – уларнинг ҳалқ талаби асосидагина шоҳликни қабул қилишлари бадиий усули қўлланади. Натижада Искандар шоҳликни қабул қилишга мажбур бўлади ва ҳам фақр, ҳам шоҳликни баравар тутган, ҳатто, фақирликни шоҳликдан устун деб билган идеал шоҳ образи яратилади.

16. “Лисон ут-тайр”да фақр “Шайх Санъон” қиссасида ўзининг ёрқин ифодасини топган. Шайх Санъон образини ишлар экан, Навоий уни аввал бошданоқ комиллик даражасига етган пири муршид сифатида тасвирлайди. Маълумки, тасаввуфда бу фақрсиз мумкин эмас эди. Бинобарин, Шайх Санъон фақр йўлида юқори камолот даражасига етган пир образи. Бу унинг тақдир томонидан юборилган воридот (қисматига тушган иш, қилиши албатта лозим бўлган амал)ни ҳеч иккilanmasдан, сўзсиз қабул қилишида ва тарсо қиз томонидан қўйилган талабларни бенуқсон бажаришида, айниқса, яққол намоён бўлади. Бунда

фақрдаги таслим хусусияти ўз аксини топган. Шайх Санъоннинг инсон тоқатидан ташқари бўлган имтиҳондан ўтишида қазову қадар масаласи акс этган. Шайх Санъоннинг ушбу имтиҳондан ўтиши камолот масаласи туфайлидан эмас эди, зотан, у бунга муҳтоҷ эмас. Гап шундаки, унинг ҳаётидаги маълум бир босқич айнан шу йўлдан ўтиши керак, бусиз унинг ҳаёти тугал кўриниш касб эта олмайди. Унинг ўзи ҳам буни тақдир амри сифатида қабул қиласи ва шунга монанд ҳаракат қиласи. Фақр мукаммал даражада акс этган яна бир образ – Шайх Санъоннинг содик муриди образидир. У ўзи йўқлигига Шайхнинг олдида бўлган ва уни мушкул вазиятда, ўз манфаатларини ўйлаб, якка ташлаб кетган бошқа муридларни айнан фақрдан бехабарликда айблайди. Бу эса масаланинг илдизи фақрда эканлигига ишорат қиласи. Яъни агар улар фақр сиридан огоҳ бўлганларида Шайхнинг ҳолини яхшироқ англаган бўлардилар. Унинг ўзи эса фақрда камолот касб этган ва унда фақрдаги сидқ ҳоли тўла намоён бўлади. Шайхнинг маънавий инқироз ҳолатидан қутилиши ҳам айнан ушбу образ воситасида тасвирланган (Пайғамбар (с.а.в.)нинг айнан унинг тушига кириши ва унинг дуолари мустажобидан шайхнинг нажот топиши). Буларнинг барчаси достонда фақр ҳам муҳим бадиий-эстетик омил сифатида иштирок этганлигини кўрсатади.

17. Фақр “Лисон ут-тайр” сюжет линиясида ҳикмат, қиссадан ҳисса усули тақозосига кўра иллюстрация сифатида келтирилган киритма ҳикоятлар бадииятида ҳам катта ўрин тутганлигини Шайх Абулабbos қассоб ва унинг соқоли, Шайх Баҳоуддин Нақшбанд ва ит изи каби ҳикоятларда кўриш мумкин. Шайх Абулабbos қассоб мисолида ҳақиқий фақирлик ўзлик ёки унинг муҳим дея қабул қилинган таркибий қисми (соқол)дан воз кеча олишда намоён бўлса, Баҳоуддин Нақшбанд мисолида ҳақиқий фақирлик вафо талқини билан боғлиқликда тасвирланган. Уларда фақрдаги ўзлиқдан кечиш, ўзини ҳаммадан паст (касри нафс) деб билиш тамойиллари акс этган.

## ФОЙДАЛАНИЛГАН АДАБИЁТЛАР РҮЙХАТИ

- 1.Шавкат Мирзиёев. Буюк келажагимизни мард ва олижаноб халқимиз билан бирга қурамиз. – Т.: Ўзбекистон НМИУ, 2017. –464 б.
- 2.Абдуллоев А. Адабиёти форсу точик дар нимаи аввали асри XI. – Душанбе: Дониш, 1979. – 288 с.
- 3.Абдурахман Джами. Эпоха, жизнь, творчество. Сб. ст. –Душанбе: Ирфон, 1965. –224 с.
- 4.Абдураҳмони Чомӣ. Лавоийҳ. ЎзР ФА ШИ. 503-III рақамли қўллёзма. –16 в.
- 5.Абдураҳмони Чомӣ. Асарҳои мунтаҳаб. Дар панҷ ҷилд. Назм. Ҷилди яқўм. Ғазалиёт. – Душанбе: Ирфон, 1964. – 608 с.
- 6.Абдуқодиров А. Навоий ва нақшбандийлик. –Хўжанд, 1994. – 100 б.
- 7.Абдуқодиров А. Тасаввуф ва Алишер Навоий ижодиёти: Филол. фан. д-ри. ...дисс. – Т., 1998. – 295 б.
- 8.Абдуқодиров А. Амир Алишер Навоий. 1-китоб. –Хўжанд: Нури маърифат, 2003. – 156 б.
- 9.Абдуғафуров А. Навоий сатираси. –Т.: Фан, 1966. –314 б.
- 10.Абдуғафуров А. Навоий ижодида сатира. –Т.: Фан, 1972. –260 б.
- 11.Абдуғафуров А. Эрк ва эзгулик куйчилари. – Т.: Адабиёт ва санъат нашриёти, 1979. –160 б.
- 12.Абдуғафуров А. Буюк бешлик сабоқлари. –Т.: Faғur Fулом номидаги Адабиёт ва санъат нашриёти, 1995. –184 б.
- 13.Абдуғафуров А. Қалб қаъридаги қадриятлар. –Т.: Ўқитувчи, 1998. –216 б.
- 14.Абулмуҳсин Муҳаммад Боқир ибн Муҳаммад Али. Баҳоуддин Балогардон. – Т.: Ёзувчи, 1993. – 208 б.
- 15.Абулҳасан Али бин Усмон бин Абу Али ал-Жуллобий ал-Хужвирий ал-Газнавий. Кашф ул-маҳжуб. Ба саъӣ ва эҳтимом ва тасҳиҳи марҳуму мағфуру мабрур Валентин Жуковский (нашри сароҳ). – Л., 1926. – 672 [608+64] бет (форс тилида).
- 16.Адабиёт назарияси. II жилдли. I жилд. –Т.: Фан, 1978. – 416 б.
- 17.Адабиётшунослик энциклопедияси (Тузувчи Ҳ.Болтабоев). – Т.: Мумтоз сўз, 2015. – 664 б.
- 18.Айний С. Алишер Навоий / Айний С. Асарлар. 8 томли. Т.8. –Т.: Faғur Fулом номидаги Адабиёт ва санъат нашриёти, 1967. 228–378-бетлар.
- 19.Алишер Навоий. Илк девон (1466 йили кўчирилган қўллёзманинг факсимил нашри). Нашрга тайёрловчи Ҳ.Сулаймон. –Т.: Фан, 1968. –156 [144 (а, б,) саҳифа+12] б.
- 20.Алишер Навоий. Ситтаи зарурия. Туҳфат ул-афкор. Нашрга тайёрловчи Ҳ.Сулаймон / Адабий мерос (Хужжат ва тадқиқотлар). 1-китоб. –Т.: Фан, 1968. 260–264-бетлар.
- 21.Алишер Навоий. Муқаммал асарлар тўплами. 20 томлик. 1–20 томлар. – Т.: Фан, 1987–2004.
- 22.Алишер Навоий. Ғазаллар, шарҳлар. – Т.: Камалак, 1991. – 176 б.
- 23.Алоуддин Аттор, Муҳаммад бин Муҳаммад Бухорий. Рисолаи тасаввуф. ЎзР ФА ШИ. 890-VI рақамли қўллёзма. – 71 в.
- 24.Алоуддин Аттор, Муҳаммад бин Муҳаммад Бухорий. Мақомоти аржуманд ва мақолоти судманди ҳазрати Хожа Баҳо ул-ҳақ вад-дини Нақшбанд. ЎзР ФА ШИ. 502-VII рақамли қўллёзма. – 84 в.

- 25.Аристотель. Поэтика (Поэзия санъати ҳақида). – Т.: Адабиёт ва санъат, 1980. – 152 б.
- 26.Атойи. Девон. Нашрга тайёрловчи С.Сайфуллоҳ. – Т.: Фан, 2008. – 530 [376+154] б.
- 27.Афсаҳзод А. Лирика Абд ар-Рахмана Джами: проблемы текста и поэтики. – М.: Наука, 1988. – 326 с.
- 28.Баранов Х.К. Арабско-русский словарь. – М., 1977. – 944 с.
- 29.Бартольд В. Мир-Али-Шир и политическая жизнь / Мир-Али Шир. Сб. ст. –Л., 1928. –С. 100–165.
- 30.Бертельс Е.Э. История персидско-таджикской литературы. Избранные труды. Т.1. –М.: Наука, 1960. – 560 с.
- 31.Бертельс Е.Э. Суфизм и суфийская литература. Избранные труды. Т.3. –М.: Наука, 1965. – 528 с.
- 32.Бертельс Е.Э. Навои и Джами. Избранные труды. Т.4. –М.: Наука, 1965. – 496 с.
- 33.Бобур, Заҳириддин Муҳаммад. Бобурнома. – Т.: Юлдузча, 1989. – 368 б.
- 34.Бозорова Н. Алишер Навоий ғазалларида кўнгил образи: Филол. фан. номз. дисс. – Т., 2002. – 135 б.
- 35.Бозорова Н. Алишер Навоий ғазалларида кўнгил образи. – Т.: Фан, 2009. – 144 б.
- 36.Бойбулатов Ж. Ўзбек адабиёти ва чигатойчилик // Қизил Ўзбекистон. –1929. 13, 14, 15 май.
- 37.Бойқаро. Девон. Рисола. –Т.: Адабиёт ва санъат, 1968. – 168 б.
- 38.Бохарзий, Абулмағоҳир Яҳё. Аврод ул-аҳбоб ва фусус ул-одоб. Ба кӯшени Э.Афшор. –Техрон: Донешгоҳи Техрон, 1345 (ҳ.ш.) (форс тилида). – 224 с.
- 39.Брагинский И.С. Заметки к изучению творчества Джами / Абдурахман Джами. Эпоха, жизнь и творчество. Сб. ст. –Душанбе: Ирфон, 1965. –С. 34–78.
- 40.Брагинский И.С. Из истории таджикской и персидской литературы. Избр. работы. – М.: Наука, 1972. – 524 с.
- 41.Бухорий, Абу Абдуллоҳ Муҳаммад ибн Исмоил. Ҳадис: Ал-жомиъ ас-саҳиҳ (Ишонарли тўплам). 4 китоб. 1-к. –Т.: Қомуслар Бош таҳририяти, 1991. – 560 б.
- 42.Бухорий, Абу Абдуллоҳ Муҳаммад ибн Исмоил. Ҳадис: Ал-жомиъ ас-саҳиҳ (Ишонарли тўплам). 4 китоб. 2-к. –Т.: Қомуслар Бош таҳририяти, 1996. – 624 б.
- 43.Бухорий, Салоҳ бин Муборак. Аниս ут-толибин ва уддат ус-соликин. ЎзР ФА ШИ қўлёз-ма № 8288. – 175 в.
- 44.Веселовский А. Историческая поэтика. – М.: Высшая школа, 1989. –408 с.
- 45.Восточная поэтика. Специфика художественного образа. –М.: Наука, 1983. – 264 с.
- 46.Воҳидов Р. XV асрнинг иккинчи ярми – XVI асрнинг бошларида ўзбек ва тожик шеърияти. –Т.: Фан, 1983. – 144 б.
- 47.Воҳидов Р. Алишер Навоий ва илоҳиёт. – Бухоро, 1994. – 208 б.
- 48.Гадоий. Девон. –Т.: Адабиёт ва санъат нашриёти, 1973. – 148 б.
- 49.Гёте И.В. Об искусстве. –М.: Искусство, 1975. – 624 с.
- 50.Жалолов Т. “Хамса” талқинлари. –Т.: Бадий адабиёт нашриёти, 1960. – 144 б.
- 51.Жумаева С. Ўзбек мумтоз шеъриятида рақам рамзлари ва уларнинг маъно талқини (XII–XV асрлар). –Т.: Фан, 2010. –
- 52.Жомий, Абдураҳмон. Мақсади дил... –Т.: Адабиёт ва санъат, 1989. – 208 б.
- 53.Жўрақулов У. Фитратнинг тадқиқотчилик маҳорати: Филол. ф.н. ... дисс. – Т., 1998. – 158 б.

- 54.Жўрақулов У. Алишер Навоий “Хамса”сида хронотоп поэтикаси: Филол. ф. д. ... дисс. – Т., 2016. – 428 б.
- 55.Зеҳнӣ Т. Санъати сухан. –Душанбе: Ирфон, 1978. – 328 с.
- 56.Зоҳидов В. Улуғ шоир ижодининг қалби. –Т.: Ўзбекистон, 1970. – 496 б.
- 57.Из истории суфизма: источники и социальная практика. –Т.: Фан, 1991. –148 с.
- 58.Имод. Шарҳи “Лавойиҳ”. ЎзР ФА ШИ. 890-IX рақамли қўлёзма. – 46 в.
- 59.Исҳоқов Ё. Алишер Навоийнинг илк лирикаси. – Т.: Фан, 1965. – 136 б.
- 60.Исҳоқов Ё. Навоий поэтикаси (“Хазойин ул-маоний” асосида). –Т.: Фан, 1983. – 168 б.
- 61.Исҳоқов Ё. Нақшбандия таълимоти ва ўзбек адабиёти. –Т.: Абдулла Қодирий номидаги Халқ мероси нашриёти, 2002. –120 б.
- 62.Каримов А. Бадий образнинг кўп маънолилик хусусиятлари // ЎТА. 1990. №5. 21–26-бетлар.
- 63.Каримов Ғ. Баркамоллик. –Т.: Маънавият, 1999. – 144 б.
- 64.Кафка Ф. Замок: Роман; Новеллы и притчи; Письмо отцу; Письма Милене: Пер. с нем. –М.: Политиздат, 1991. – 576 с.
- 65.Керимов Г.М. Аль-Газали и суфизм. –Баку: Элм, 1969. – 112 с.
- 66.Классическая литература Востока. Сб. ст. –М.: Наука, 1972. – 236 с.
- 67.Комилов Н. Тасаввуф ёхуд комил инсон ахлоқи. 1-китоб. –Т.: Ёзувчи, 1996. – 272 б.
- 68.Комилов Н. Тасаввуф. Тавҳид асрори. 2-китоб. –Т.: Ёзувчи, 1999. – 208 б.
- 69.Комилов Н. Маънолар оламига сафар. – Т.: Тамаддун, 2012. – 316 б.
- 70.Кошифий Ҳ.В. Футувватномаи сultonий ёхуд жавонмардлик тариқати. –Т.: Мерос, 1994. – 112 б.
- 71.Кошонӣ, Иззуддин Маҳмуд бин Али. Мисбоҳ ул-ҳидоя ва мифтоҳ қифоя. Ба тасҳеҳи Ҷалолиддин Ҳумоӣ. –Техрон: Чопхонаи Мажлис, 1323 (ҳ.ш.) (форс тилида). – 432 с.
- 72.Крымский А.Е. История Персии, её литературы и дервишской теософии. Том I. – М., 1915. – 224 с.
- 73.Кубро Н. Тасаввуфий ҳаёт. –Т.: Мовароуннаҳр, 2004. – 264 б.
- 74.Курбанмамадов А. Эстетика Абдурахмана Джами. –Душанбе: Дониш, 1984. – 144 с.
- 75.Курбанмамадов А. Эстетическая доктрина суфизма. –Душанбе: Дониш, 1987. – 108 с.
- 76.Литература Востока в средние века. Часть II. –М.: Изд-во Моск. ун-та, 1970. – 464 с.
- 77.Литературный энциклопедический словарь. – М.: СЭ, 1987. – 750 с.
- 78.Лосев А.Ф. Проблема символа и реалистическое искусство. –М.: Искусство, 1976. – 368 с.
- 79.Лосев А. Ф. Знак. Символ. Миф. –М.: Изд-во МГУ, 1982. – 479 с.
- 80.Лоҳиҷӣ, Шайх Муҳаммад. Мафотиҳ ул-эъҷоз фи шарҳи “Гулшани роз”. Бо муқаддимаи Кайвон Сомиъӣ. –Техрон: Маркази нашри интишороти Саъдӣ, 1374 (ҳ.ш.) (форс тилида). – 384 с.
- 81.Лутфий. Сенсан севарим... –Т.: Адабиёт ва санъат, 1987. – 464 б.
- 82.Маллаев Н. Ўзбек адабиёти тарихи. –Т.: Ўқитувчи, 1976. – 664 б.
- 83.Мир-Али-Шир. Сборник к пятисотлетию со дня рождения. –Л.: Изд-во АН СССР, 1928. – 176 с.
- 84.Мирзоев А.М. Рудаки и развитие газели в X-XV вв. –Сталинабад: Таджикгосиздат, 1958. – 72 с.

- 85.Мирзоев А.М. Камал ад-Дин Бинаи. –М., 1976. – 480 с.
- 86.Муллахўжаева К.Т. Алишер Навоий ғазалиётида тасаввуфий тимсол ва бадиий санъатлар уйғунылиги (“Бадоеъ ул-бидоя” девони асосида): Филол. фан. номз. ... дисс. –Т., 2005. – 148 б.
- 87.Мустамалий Бухорий, Исмоил бин Мұхаммад. Шархи таъарруф. Чилди З. –Лакхну: Нувал Кишвар, 1328 (форс тилида).
- 88.Мухаммедходжаев А. Мировоззрение Фаридиддина Аттара. – Душанбе: Дониш, 1974. – 116 с.
- 89.Мухаммедходжаев А. Идеология накшбандизма. – Душанбе: Дониш, 1991. – 192 с.
- 90.Мұхаммад бин Мунаввар. Асрор ут-тавҳид фи мақомоти шайх Абу Саид. –Спб., 1899. – 112 с.
- 91.Мұхаммад Ғиёсiddин. Ғиёс ул-луғот. Ч.1. –Душанбе, 1988. – 384 с.
- 92.Мұхаммад Ҳусайній. Мактубот. ЎзР ФА ШИ. 9351-І рақамли қўллўзма. – 205 в.
- 93.Навоий ва адабий таъсир масалалари. Тўплаб, нашрга тайёрловчи С.Ғаниева. –Т.: Фан, 1968. – 368 б.
- 94.Навоий асарлари луғати. Тузувчилар: П. Шамсиев ва С. Иброҳимов. –Т.: Адабиёт ва санъат, 1973. – 784 б.
- 95.Навоийнинг ижод олами (Мақолалар тўплами). –Т.: Фан, 2001. – 200 б.
- 96.Носиров О. Ўзбек адабиётида ғазал. –Т.: Адабиёт ва санъат, 1972. – 134 б.
- 97.Носиров О., Жамолов С., Зиёвиддинов М. Ўзбек классик шеърияти жанрлари. –Т.: Ўқитувчи, 1979. – 184 б.
- 98.Ойбек. Навоий гулшани. –Т.: Бадиий адабиёт нашриёти, 1967. – 152 б.
- 99.Ойбек. Адабий-танқидий мақолалар. МАТ. XIII том. –Т.: Фан, 1979. – 512 б.
- 100.Орзивеков Р. Ўзбек лирик поэзиясида ғазал ва мусаммат. –Т.: Фан, 1976. – 120 б.
- 101.Османов М.-Н.О. Стиль персидско-таджикской поэзии IX-X вв. –М.: Наука, 1974. – 272 с.
- 102.Отойи. Танланган асарлар. Нашрга тайёрловчи Э.Рустамов. –Т.: Бадиий адабиёт, 1958. – 200 б.
- 103.Очилов Э. Навоий ғазалларида комил инсон тимсоли // Ўзбек тили ва адабиёти. –2001. –№1. 7–14-бетлар.
- 104.Потебня А.А. Теоретическая поэтика. –М.: Высшая школа, 1990. – 342 с.
- 105.Пригарина Н.И. Образное содержание бейта в поэзии на персидском языке / Восточная поэтика. Специфика художественного образа. –М.: Наука, 1983. – С. 94–112.
- 106.Пригарина Н.И. Индийский стиль и его место в персидской литературе (вопросы поэтики). –М.: Восточная литература РАН, 1999. – 328 с.
- 107.Поэзия и проза Древнего Востока. Сборник. –М.: Художественная литература, 1973. – 735 с.
- 108.Проблемы теории литературы и эстетики в странах Востока. Сб. ст. –М.: Наука, 1964. – 340 с.
- 109.Проблемы восточного стихосложения. Сб. ст. –М.: Наука, 1973. – 184 с.
- 110.Проблемы канона в древнем и средневековом искусстве Азии и Африки. Сб. ст. –М.: Наука, 1973. – 256 с.
- 111.Раджабов М. Абдурахман Джами и таджикская философия XV века. – Душанбе: Ирфон, 1968. – 318 с.

- 112.Ражабова Б. Навоий ижодида Амир Темур сиймоси. -Т.: Муҳаррир нашриёти, 2019. - 72 б.
- 113.Рамазонов Н. Навоий лирикасида фақр талқинига доир // Ўзбек тили ва адабиёти. -1999. -№6. 47–50-бетлар.
- 114.Рамазонов Н. “Насойим ул-муҳаббат” ва унинг манбалари // Ўзбек тили ва адабиёти. -2001. -№1. 14–19-бетлар.
- 115.Рамазонов Н. Навоий лирикасида фақир образи // «Алишер Навоийнинг ижодий мероси ва унинг жаҳоншумул аҳамияти» мавзусидаги илмий-назарий анжуман маъruzалари тезислари. -Тошкент-Навоий: Фан, 2001. 23–25-бетлар.
- 116.Рамазонов Н. “Насойим”нинг ўзига хос хусусиятларига доир / Навоийнинг ижод олами (Мақолалар тўплами). -Тошкент: Фан, 2001. 157–182-бетлар.
- 117.Рамазонов Н. Бир рубоий тарихи // ЎзАС. 2004 йил 23 сентябрь.
- 118.Рамазонов Н. Навоий насрода фақр талқини / “Мумтоз адабиёт масалалари” (Мақолалар тўплами). 1-китоб. -Тошкент, 2006. 83–88-бетлар.
- 119.Рамазонов Н. Адабиётшунослиқда фақр талқини ҳамда унга муносабат масаласи // Ўзбек тили ва адабиёти. -2010. -№6. 47–60-бетлар.
- 120.Рамазонов Н. Фақир образининг Навоий лирикаси образлари билан ўзаро боғлиқлиги // Ўзбек тили ва адабиёти. -2011. -№1. 15–26-бетлар.
- 121.Рамазонов Н. «Ҳамса» қаҳрамонлари ва фақр маслаги / «Навоийнинг ижод олами» илмий мақолалар тўплами (2-китоб). -Тошкент: Фан, 2011. 97–109-бетлар.
- 122.Рамазонов Н. Навоий ижодида фақр талқини ва фақир образи (монография). -Т.: Фан, 2015. – 192 б.
123. Рамазонов Н.Н. Фақр концептининг Навоий лирикасидаги бадий функциясига доир // «Алишер Навоий ижодий меросининг умумбашарият маънавий-маърифий тараққиётдаги ўрни» мавзусидаги анъанавий халқаро конференция материаллари (2019 йил 4–6 февраль, Ўзбекистон, Навоий ш.). -Тошкент: Фан, 2019. -Б.207-212.
- 124.Рамазонов Н.Н. Алишер Навоий ижодида фақрнинг бадий талқинига доир // «Алишер Навоий ва XXI аср» мавзуидаги халқаро илмий-назарий анжуман материаллари (2019 йил 9 февраль, Ўзбекистон, Тошкент ш.). -Тошкент: «Navoiy universiteti» nashriyot-matbaa ui, 2019. -Б.126–132.
- 125.Рамазонов Н.Н. Алишер Навоий лирикасида фақр концептининг бадий талқини // “Тил, адабиёт ва тарих масалалари” (илмий мақолалар тўплами). №1. -Тошкент: Фан, 2019. -Б.66–72.
- 126.Рамазонов Н.Н. Абдураҳмон Жомий ва Алишер Навоий лирикасида фақр талқининг қиёсий таҳлили // Материалы международной научно-практической конференции “Социально-экономическое и культурное сотрудничество Таджикистана и Узбекистана: история и современность”. Республика Таджикистан, г. Худжанд, 21–22 июня 2019 г. -Худжанд: Нури маърифат, 2019. -С.522–527.
- 127.Рафиддинов С. Мажоз ва ҳақиқат (Атойининг поэтик маҳорати). -Т.: Фан, 1995. - 160 б.
- 128.Раҳмонов В. Шеър санъатлари. -Ленинобод, 1972. – 180 б.
- 129.Рейснер М.Л. Предварительные соображения о содержании термина “ринд” в литературе на фарси XI–XIV вв. / Иран. История и культура в средние века и в новое время. -М., 1980. -С. 74–82.

- 130.Рейснер М.Л. Эволюция классической газели на фарси (X–XIV века). –М.: Наука, 1989. – 224 с.
- 131.Рипка Ян. История персидской и таджикской литературы. – М: Прогресс, 1970. – 448 с.
- 132.Румий, Жалолиддин. Маснавий маънавий. Форсийдан Ўзбекистон халқ шоири Жамол Камол таржимаси. –Т.: Meriyus, 2010. – 846 б.
- 133.Румй, Чалолиддин. Девони кабир. Ҷилди аввал. –Душанбе: Адиб, 1992. – 432 с.
- 134.Румй, Чалолиддин. Маснавий-и маънавий. Бо иҳтимоми Р.А.Николсон. – Техрон: Али Акбари илмий, 1334. – 832 с.
- 135.Рустамов А. Навоийнинг бадиий маҳорати. –Т.: Адабиёт ва санъат, 1979. – 214 б.
- 136.Рустамов Э. Узбекская поэзия в первой половине XV века. –М.: Издательство Восточной литературы, 1963. – 368 с.
- 137.Сажжодий, Сайид Жаъфар. Фарҳанги мусталиҳоти урағои мутасаввиға ва шуаро. –Техрон, 1332 ҳ. – 814 с.
- 138.Сайид Қосимий. Маснавийлар мажмуаси. –Т., 1992. – 240 б.
- 139.Саккокий. Танланган асарлар. Иккинчи нашри. Нашрга тайёрловчи Қ.Муниров. –Т.: Ўздавнашр, 1960. – 72 б.
- 140.Салоҳий Д. Навоийнинг шеърий услуби масалалари. – Т.: Фан, 2005. – 176 б.
- 141.Саррож ат-Тусий, Абу Наср. Ал-лумъа фит-тасаввуф. Нашрга тайёрловчи Р.Никольсон. –Лейден: Брилл, 1914 (араб тилида). – 672 с.
- 142.Серикова Л.Н. Малые формы лирики Алишера Навои (китъа, рубаи, фард). –Т.: Фан, 1981. – 96 с.
- 143.Стеблева И.В. Поэтика древнетюркской литературы и её трансформация в раннеклассический период. –М.: Наука, 1976. – 212 с.
- 144.Стеблева И.В. Семантика газелей Бабура. –М.: Наука, 1982. – 328 с.
- 145.Сулаймон Боқирғоний. Боқирғон китоби. Нашрга тайёрловчилар И.Ҳаққул, С.Рафьиддин. –Т.: Ёзувчи, 1991. – 80 б.
- 146.Султон И. Навоийнинг қалб дафтари. –Т.: Адабиёт ва санъат, 1969. – 414 б.
- 147.Суҳравардий, Абу Ҳафс Умар. Авориф ул-маориф. –Қоҳира: Ал-мактабат ут-тижорият ул-кабир. Санасиз. – 576 с.
- 148.Теория литературы. Основные проблемы в историческом освещении. Кн. 1. Образ, метод, характер. – М.: Изд-во АН СССР, 1962. – 452 с.
- 149.Тимофеев Л.И. Теория стиха. – М.: Гослитиздат, 1939. – 232 с.
- 150.Тимофеев Л.И. Основы теории литературы. – М.: Просвещение, 1976. – 448 с.
- 151.Тримингэм Дж. С. Суфийские ордены в исламе. Пер. с англ. А.А.Ставиской, под ред. и с предисл. О.Ф.Акимушкина. –М.: Наука. Главная редакция восточной литературы, 1989. – 328 с.
- 152.Туркияда яссавийшунослик. – Т., 1999. – 60 б.
- 153.Türkçe sözlük. С.İ. –Ankara, 1988. – 656 s.
- 154.Uludağ S. Tasavvuf terimleri sözlüğü. – Istanbul, 1995. – 604 s.
- 155.Уч булбул гулшани [Тўплам: «Юсуф ва Зулайхо» (Дурбек); «Гулистони бит-туркий» (Сайфи Саройи); «Хусрав ва Ширин» (Кутб Хоразмий)]. –Т.: Адабиёт ва санъат нашриёти, 1986. – 648 б.

- 156.Фазылов Э.И. Староузбекский язык. Хорезмские памятники XIV века. Том I. –Т., 1966. – 650 с.; Том II. –Т., 1971. – 778 с.
- 157.Фарҳанги забони тоҷикӣ. Иборат аз ду ҷилд. Ҷилди II. –М.: СЭ, 1969. – 952 с.
- 158.Ферузонфар, Бадиъуззамон. Аҳодиси “Маснавий”. – Техрон: Донишгоҳи Техрон, 1334 (ҳ.ш.) (форс тилида). – 256 с.
- 159.Фитрат А. Ўзбек адабиёти намуналари. 1-жилд. – Самарқанд-Тошкент: Ўздавнашр, 1928. – 316 б.
- 160.Фитрат А. “Фарҳоду Ширин” достони тӯғрисида // Аланга. 1930. №1-2.
- 161.Фитрат А. Аҳмад Яссавий / Яссавий ким эди. Тӯплаб нашрга тайёрловчи ва сўз боши муаллифи Б.Дўстқораев. –Т.: АҚодирий номидаги халқ мероси нашриёти, 1994. 18-33-бетлар.
- 162.Фитрат А. Яссавий мактаби шоирлари тӯғрисида текширишлар / Яссавий ким эди. Тӯплаб нашрга тайёрловчи ва сўз боши муаллифи Б.Дўстқораев. –Т.: АҚодирий номидаги халқ мероси нашриёти, 1994. 33-38-бетлар.
- 163.Форобий. Шеър санъати. –Т.: Адабиёт ва санъат, 1979. – 68 с.
- 164.Хожа Муҳаммад Порсо. Таҳқиқот. ЎзРФА ШИ. 1411 рақамли қўллўзма. – 336 в.
- 165.Хоразмий. Муҳаббатнома. –Т.: Ўззадабийнашр, 1959. – 72 с.
- 166.Хоразмий, Ҳофиз. Девон. Нашрга тайёрловчилар Ҳ.Сулаймон, Ф.Сулаймонова. Икки китобда. I китоб. – Т.: ЎзКП МК нашриёти, 1981. – 303 б.; II китоб. – 301 б.
- 167.Хусрави Деҳлавӣ. Мунтахабот. –Сталинобод: Нашр. дав. Тоҷикистон, 1960. – 400 с.
- 168.Шайхзода М. Алишер Навоий лирикасининг баъзи бир поэтик усуслари ҳақида (“Ғаройиб ус-сиғар” девони бўйича) // Ўзбек адабиёти масалалари. Адабий-танқидий мақолалар тўплами. –Т.: Ўздавнашр, 1959. 238-254-бетлар.
- 169.Шайхзода М. Ғазал мулкининг сultonи / Асарлар. VI томлик. IV том. –Т.: Адабиёт ва санъат, 1972. – 372 б.
- 170.Шамси Қайси Розӣ. Алмӯъчам. –Душанбе: Ирфон, 1991. – 400 с.
- 171.Шарафиддинов О. Алишер Навоий. –Т.: Адабиёт ва санъат, 1971. – 188 б.
- 172.Шарафиддинов О. Алишер Навоий поэтикасининг баъзи масалалари // Ўзбек тили ва адабиёти масалалари. –1968. –№4. 33-38-бетлар.
- 173.Шарипов Ш. “Лисон ут-тайр” ҳақиқатлари. –Т.: Маънавият, 1998. – 160 б.
- 174.Шомуҳамедов Ш. Форс-тожик адабиёти классиклари. –Т.: Ўздавнашр, 1963. – 200 б.
- 175.Эргашев К. Некоторые аспекты государственной деятельности Алишера Навои. –Т.: Фан, 2009. – 40 с.
- 176.Эркинов С. Навоий “Фарҳод ва Ширин”и ва унинг қиёсий таҳлили. –Т.: Фан, 1971. – 276 б.
- 177.Юсуф Ҳос Ҳожиб. Қутадғу билиг. –Т.: Фан, 1971. – 964 б.
- 178.Яссавий, Аҳмад. Ҳикматлар. Нашрга тайёрловчи И.Ҳаққулов. –Т.: Адабиёт ва санъат, 1991. – 256 б.
- 179.Яссавий, Ҳожа Аҳмад. Девони ҳикмат. Нашрга тайёрловчи Р.Абдушукуров. –Т.: Faғur Fулом номидаги нашриёт-матбаа бирлашмаси, 1992. – 208 б.
- 180.Ўзбек адабиёти тарихи. V томлик. II том. XV асрнинг иккинчи ярми. – Т.: Фан, 1977. – 460 б.
- 181.Ўзбекистон халқлари тарихи. I жилд. –Т.: Фан, 1992. – 188 б.

- 182.Ўзбек тилининг изоҳли луғати. 5 жилдли. Ж. 4. –Т.: “Ўзбекистон Миллий энциклопедияси” давлат илмий нашриёти, 2008. – 608 б.
- 183.Қуръони карим. Таржима ва изоҳлар муаллифи А.Мансур. –Т.: Чўлпон, 1993. – 544 б.
- 184.Қушайрий А. Рисолаи Қушайрий. – Истанбул, 1991 (турк тилида). – 192 с.
- 185.Қўнуқ, Аҳмад Авни. “Фусус ул-хикам” таржима ва шарҳи. IV жилд. –Истанбул, 1992 (турк тилида).
- 186.Ғаниева С. Алишер Навоий (ҳаёти ва ижоди). – Т.: Фан, 1968. – 148 б.
- 187.Ҳайитметов А. Навоий лирикаси. –Т.: Фан, 1961. – 296 б.
- 188.Ҳайитметов А. Навоийнингижодий методи масалалари. – Т.: Фан, 1963. – 176 б.
- 189.Ҳайитметов А. Навоий даҳоси. –Т.: Адабиёт ва санъат, 1970. –176 б.
- 190.Ҳайитметов А. Шарқ адабиётинингижодий методи тарихидан (Х-XV асрлар). –Т.: Фан, 1970. – 336 б.
- 191.Ҳайитметов А. Навоийхонлик сұхбатлари. –Т.: Ўқитувчи, 1993. – 216 б.
- 192.Ҳайитметов А. Темурийлар даври ўзбек адабиёти. –Т.: Фан, 1996. – 160 б.
- 193.Ҳайитметов А. Адабий меросимиз уфқлари. – Т.: Ўқитувчи, 1997. – 240 б.
- 194.Ҳакимов М. Алишер Навоий лирикаси ва халқ оғзаки ижоди. – Т.: Фан, 1979. – 196 б.
- 195.Ҳамадоний, Хожа Юсуф. Ҳаёт мезони (Рутбат ул-ҳаёт); Одоби тариқат; Коинот ва инсон ҳақида. –Т.: Мовароуннахр, 2018. – 224 б.
- 196.Ҳасанов С. Навоийнинг етти тухфаси. –Т.: Адабиёт ва санъат, 1991. – 192 б.
- 197.Ҳаққулов И. Занжирбанд шер қошида (Навоий сабоқлари). –Т.: Юлдузча, 1989. – 224 б.
- 198.Ҳаққул И. Шеърият – руҳий муносабат. – Т.: Адабиёт ва санъат, 1990. – 240 б.
- 199.Ҳаққул И. Тасаввуф ва шеърият. – Т.: Адабиёт ва санъат, 1991. – 184 б.
- 200.Ҳаққул И. Ирфон ва идрок. –Т.: Маънавият, 1998. – 160 б.
- 201.Ҳаққул И. Навоийга қайтиш (2-китоб). –Т.: Фан, 2011. – 200 б.
- 202.Ҳаққул И. Навоийга қайтиш (3-китоб). –Т.: Тафаккур, 2016. – 224 б.
- 203.Ҳожиаҳмедов А. Шеърий санъатлар ва мумтоз қофия. – Т.: Шарқ, 1998. – 160 б.
- 204.Ҳолот ва суханони Шайх Абусаид бин Фазлуллоҳ бин Абулхайр. Муаллифи номаълум. – СПб., 1899 (форс тилида). – 176 с.
- 205.Ҳомидов Ҳ. Кўҳна Шарқ дарғалари. – Т.: Шарқ, 1999. – 352 б.
- 206.Ҳотамов Н., Саримсоқов Б. Адабиётшунослик терминларининг русча-ўзбекча изоҳли луғати. – Т.: Ўқитувчи, 1979. – 368 б.
- 207.Ҳофизи Шерозӣ. Қуллиёт. –Душанбе: Ирфон, 1983. – 672 с.
- 208.Ҳофиз Шерозӣ. Ғазаллар. –Т.: Бадиий адабиёт, 1958. – 272 б.
- 209.Ҳусайнӣ А. Бадойиъ-ус-санойиъ. –Т.: Адабиёт ва санъат, 1981. – 400 б.

**Маърифат РАЖАБОВА**

**АЛИШЕР НАВОЙНИНГ  
ШЕЪРИЙ ДУРДОНАСИ**

## ЖАВОҲИРОТ – МАШАҚҖАТЛАР МЕВАСИ

XV асрнинг 80-йиллари Амир Низомиддин Алишер Навоийнинг ижтимоий фаолияти учун масхулдор йиллар бўлди. Султон Ҳусайн Бойқаро сарвари бўлган давлатда муҳрдор, вазири аъзам, Астробод вилоятининг ҳокими мартабаларида жуда маҳорат билан раҳбарлик қилган буюк мутафаккир давлатдорлик сиру синоатлари, сарой муҳити, унинг қувончу изтиробларининг мағз-мағзигача етиб борди.

Мусулмон минтақа халқлари адабиётидауч юз йилликижодий тараққиёт йўлини бошидан кечирган хамсачилик анъанасининг адабий, тарихий мўъжизаларини теран ўзлаштирган ва шундай қутлуғ анъанани туркийзабонлар бадиий сўзсанъатига олиб кириш учун маънавий-руҳий жиҳатдан етилган муаллиф айни адабий ҳодисанинг иккинчи қўш қаноти – давлатчиликнинг ижтимоий – сиёсий қирралари ҳақида ҳам мукаммал тарихий маълумотга эга бўлди. Бир сўз билан айтганда, улуғ шоир ҳамон ягона ҳисобланган туркий «Хамса»сини авлодларга мерос қолдириш учун тўла маънода шай эди. Эслатилганомиллар туфайли 1483-1484 йилларда «Ҳайрат ул - абфор», «Фарҳод ва Ширин», «Лайли ва Мажнун», «Сабъаи сайёр», «Саддий Искандарий» қаби дурдоналардан таркиб топувчи ўлмас«Хамса» дунёга келди. Айни ана ўша йилларда Алишер Навоийнинг «Бадоеъ ул-бидоя», «Наводир ул-ниҳоя» девонлари ва «Ҳазойин ул-маоний»нинг тамал тошини ташкил қилувчи гўзал туркий мисралар улуғ шоир ижодининг муҳлисларига тақдим этилди.

80-йиллар Алишер Навоийни салоҳиятли форсигўй шоирсифатида форс-тоҷик адабиёти намояндаларига таниширишдажиддий қадам бўлди.

Савод чиқаришни Куръони каримдан бошлаган ва 5-6 ёшларидаёқ бу муборак илоҳий сарчашманинг «Таборак» сурасиғача бўлган қисмини» мукаммал ўзлаштиришга улгурган Алишер Ҳазратлари исломий сарчашмалар билан мунтазам машғулликни сира тарқ этган эмас. Жаноби Расули Акрамнинг «Оллоҳ таоло....илмини юксалтирганларни бу дунёда ярлақаб, мартабасини улуғ қилгай...», «Ё раббий илмимни зиёда қилгайсен...» қаби доно ҳикматлари ҳамиша Алишер Навоийнинг қулоқлари остида акс садо бериб, уни ҳадислар оламига чорлаб турган (Абу Абдуллоҳ Мухаммад ибн Исмоил ал-Бухорий. Ал-жомеъ ас-саҳиҳ, 4 жилд. – Тошкент: Қомуслар бош таҳририяти. 1991. 28-29-бетлар).

Успиринлик овонидаёқ Куръони карим ва Ҳадиси шарифга нисбатан уйғонган катта иштиёқ улуғ шоирнинг деярли барча бадиий, илмий, тарихий яратмаларида ўзининг ёрқин изларини қолдирган деса, мутлақо хато бўлмайди. XV аснинг 80-йилларига келиб айнимуҳаббат ҳадислар таъсирида мустақил асарлар бунёд этиш даражасигакўтарилди. Улуғ шоирнинг жаноби Расули Акрамнинг ахлоқ-одобга доир қирқ ҳадиси заминидаиншо этилган «Арбаин»и унинг бу йўлдаги дастлабки қутлуғ қадами ҳисобланади. «Муқаддима»ю «Хотима» ва қирқ қитъадан таркиб топувчи мазқурасар туркий **арбаиннавистликнинг** нодир намунасидир. Гарчи Алишер Навоий «Арбаин»и учун пири комил Нуриддин Абдураҳмон Жомий «Чиҳил ҳадис»ини она тилига ўгириш иштиёқиижобий турткиберган бўлса-да, у Алишер Навоий соҳир қаламининг нечоғликбаландлигидан нишонадир. 80-йилларда (XV) Хуросон давлатининг Балх вилоятида содир бўлган тарихий воқеалар – Ҳазрат Али муқаддас оромгоҳининг топилиши, тадқиқ этилиши, бу гавжумжараёнларга Амир Низомиддин Алишер Ҳазратларининг иштироки ўз самарасини кўрсатди. Ҳадисчиликка нисбатан буюк мутафаккир қалбида яшаб келаётган чўғлар аланга тусини олди, шоирқалбини ларзага солиб, унга қалам ушлатди. Зикри ўтган мураккаб ижодий жараёнлар ўзидан дарак бера бошлади. Таянч исломий сарчашмаларга бўлган юксак ишқ тарихий воқеалар билан омехталалиб «Назм ул-жавоҳир»ни дунёга келтирди. Ислом дунёсида «Асадуллоҳ» шарафли унвонига лойиқ қўрилган Ҳазрат Алиибн АбуТолибининг мазмунан бўлиқ, ҳажман сиқиқ, ўта сайқалланган арабтилидаги насрой ҳикматлари «Назм

ул-жавоҳир» таркибидан жой олган 268 рубоийга ғоявий-маънавийасосвазифасини адо этди. Аслини олганда, мазкур дурдона рубоийларни Ҳазрат Али ҳикматларининг ўзбек тилидаги шеърий таржимаси деб қўяқолиш у қадар тўғри эмас. Чункипрезидент Ислом Каримов бафоят ўринлитаъкид этгандек: «Агар бу зотни авлиё десак, у – авлиёларнинг авлиёси, агар бу зотни мутафаккир десак, мутафаккирларнинг мутафаккири, шоир десак,-шоирларнинг сultonидир» мақомидаги Алишер Навоий фақатгина таржимон мақомида фаолияткўрсатиши мумкин эмас эди. «Назм ул-жавоҳир» бағридақелган рубоийлар эса Ҳазрат Алининг ижтимоий-сиёсий, ахлоқий-маънавий, фалсафий-таълимий қарашларига XV аср Хурросонидаяшаган улуғ Навоийнинг бафоят гўзалумумбашарий ғоялари омехталашиб шеърий дурдоналарининг бадиий барқамоллигини таъмин этган.

Айримлари таъкидланган мураккаб ижодийжараёнлар хусусида ҳукмингизга ҳаволаэтилаётган Маърифат Ражабованинг «Алишер Навоийнинг шеърий дурдонаси» рисоласидамароқ биланмуҳокама юритилади. Мазкуррисолагақадарҳам навоийшуносликда «Назм ул- жавоҳир»нинг фазилатларихусусида мулоҳаза юритилган, турфа фикрлар баён этилган. Филология фанлари номзоди Маъмура Рашидованинг «Алишер Навоий «Назм ул-жавоҳир» асарининг матний тадқиқоти» сарлавҳали диссертацияси ёзилиб, ёқланган. XX асрнинг охирги йилларида Маърифат Ражабова эса ўз номзодлик диссертацияси мавзууни «Алишер Навоий «Назм ул-жавоҳир» асарининг манбалари ва бадиияти» тарзида танлади. Салкам етти йилга чўзилганизланишларнинг ҳосиласи сифатидессертация матни яратилди ва ҳимояқилинди (2006). Муҳими, Маърифат мазкур асар билан шуғулланишни изчил давом эттиради.

Филология фанлари номзоди Маърифат Ражабованинг рисоласи ўшашеърий дурдоналарнинг тарихий-филологик таҳлилига бағишлиланган. Ёш олима «Мақаддима», «Хотима» ваучфаслдан таркиб топувчи рисоласида Алишер Навоий шеърий дурдоналарининг яратилиш тарихи, ўшарубоийларнинг дунёга келишида ижобий туртки берган Ҳазрат Али насрий ҳикматлари, уларнинг бадиий адабиётга кўчиши, алоҳида тўплам ҳолига келтирилиши, форсийдаги насрุ, назмдаги таржималари хусусида кенг илмий мулоҳаза юритиши ўйлидан боради. Эътиборингиздаги китоб Маърифатнинг ўн йиллик илмий-ижодий изланишларининг масхули эканлиги инобатга олинса, муаллифнинг ўз тадқиқотманбаига нечоғлик иштиёқ ва ихлос билан ёндашганлигини пайқашқийин эмас. Китоб фасллари ва бобчалари сарлавҳаларининг бадиийнома қўйилиши ҳам муаллифнинг ўшажозиб дурдоналарга юксак иштиёқидан сўзлайди. Рисоладаги янабир жиҳатни алоҳида таъкидлагим келади. Умидли олима ўз ўтмишдошларига муҳаббат ва назокат билан муносабатда бўлади. Уларнинг ўзига қадар баён этилган фикрларини қадрлайди. Илмий фаолиятда масалага бундай муносабат зарур омил ҳисобланади.

Ҳазрат Али насрий ҳикматлари ва Алишер Навоийнинг рубоийлари қиёсланган саҳифалар завқ билан ўқилади. Китоб саҳифаларида ғоявий-бадиий таҳлилнинг ёнма-ён олиб борилиши унинг фазилатидир.

Мен Маърифат Ражабованинг «Алишер Навоийнинг шеърий дурдонаси» рисоласи нуқсонлар, мунозарали ўринлардан мутлақо холи деган фикрдан йироқман. Қўлингиздаги китоб Маърифатнинг бу борадаги илк қадами бўлганлиги учун ҳам унда қусурларнинг учрашитабиий. Сизнинг холисона ва қуянчаклик билан баён этишингиз муқаррар бўлган қимматли фикрларингиз шоиртабиат тадқиқотчани руҳлантиради ва уни улуғ Навоий ҳақида гўзал мақолаю китоблар яратишга ундаиди.

**P.Ж. Воҳидов**

## МУҚАДДИМА

Истиқлол ўзбекадабиётшунослигига кенгаистиқ боллий ўлни очи берди. Халқимизнинг бой маънавий мероси, ўлмас қадриятлари, асрий анъаналари қайта тикланмоқда.

Маънавиятимизнинг ўлмас хазинаси бўлмиш мумтоз асарлар ҳамда уларнинг яратувчилари ижодига бўлган қарашларимизда ижобий маънодаги ўзгаришлар рўй берди. Мамлакатимиз Президенти И.А.Каримов таъкидлаганидек, «Мустақиллигимизнинг дастлабки кунлариданоқ аждодларимиз томонидан кўп асрлар мобайнида яратилиб келинган ғоят улкан, бебаҳо маънавий ва маданий меросни тиклаш давлат сиёсати даражасига кўтарилган ниҳоятда муҳим вазифа бўлиб қолди. Биз маънавий қадриятларни тиклашни миллий ўзликни англашнинг ўсишидан, халқнинг маънавий сарчашмаларига, унинг илдизларига қайтишдан иборат узвий табиий жараён дебҳисоблаймиз» (И. А. Каримов. Буюк келажак сари. Тошкент. Ўзбекистон. 1999, 524-бет).

Мустақиллик даврида яратилган тадқиқотларда сифат ўзгаришлари юз бериб, қизил империя даврида назардан четда қолган, таъқиқланган, қораланган асарларни холисона баҳолашга, уларни асл манбалари билан қиёсий ўрганишга бўлган қизиқиши ортмоқда. Аждодларимиз томонидан яратилган маънавий-маданий меросни яхлит ҳолда ўрганиш ва чегириб ташланган «парчаларини» тиклашнинг давлат сиёсати даражасига кўтарилиши халқимизнинг асрлар давомида яратган бой маънавий меросига, унинг жаҳон халқлари маданияти ва адабий-бадиий тафаккури тараққиётига қўшган ҳиссасини тўғри баҳолаш имконини берди. Жумладан, истиқлолдан кейинги давр навоийшунослигининг ривожирўй бераётганана ўша ўзига хос янгиланишлари билан ажралиб туради. Улуғ шоир Алишер Навоийнинг асрлари ўзининг ғоявий-маънавий замини бўлмиш мусулмон оламининг муқаддас китоблари Куръони карим ва Ҳадиси шарифлар билан боғлиқ ҳолда ўрганила бошланди.

Куръон фақат ислом динининг асоси бўлиб қолмай, балки фалсафий, ҳуқуқий, ижтимоий-сиёсий, ахлоқий-маънавий масалаларни атрофлича қамраб олган бебаҳо ғоявий-маънавий сарчашма ҳамdir. Шундан ислом оламида барча фанларнинг, жумладан, бадиий сўз санъатининг тараққиёти ҳам Куръони карим ва Ҳадиси шариф билан узвий боғлиқ ҳолда тадқиқ этилади. Айни таъкиддан ўзбек мумтоз адабиёти вакиллари, жумладан, Алишер Навоий маънавий меросининг ҳам таянч манбаи ана ўша муқаддас сарчашмалар эканлиги аёнлашиб қолади.

Истиқлол неъмати сифатида Алишер Навоийнинг шариати исломия ва илоҳиётга даҳлдор «Сирож ул-муслимин», «Муножот» асрларини ўрганиш, уларнинг мазмунмоҳияти билан улуғ шоир ижоди муҳибларини таништириш авж олди (Бу ҳақда қаранг: Р. Ж. Воҳидов. Алишер Навоий ва илоҳиёт. Бухоро нашриёти. 1994, 24-44 бетлар).

Бироқ бугунги навоийшуносликда ечимини кутаётган муаммолар ҳам кам эмас. Ана шулардан бири шоир ижодий меросида алоҳида ўрин тутган, аммо етарлида ражада илмий тадқиқ этилмаган «Назм ул-жавоҳир» («Шеърий дурданалар») асарининг манбалари ва бадиияти масаласидир. Шоирнинг бу асардаги фалсафий, ахлоқий, ижтимоий-сиёсий, диний, маърифий қарашларини теран илмий тадқиқ этиш унинг дунёқарashi хусусида яхлит тасаввур ҳосил қилиш имконини яратади.

«Назм ул-жавоҳир»нинг ўрганилиши унинг яратилиши пайтида ёқ бошланганини машхур тарихчи Гиёсиддин Хондамир «Макорим ул-ахлоқ» асарида қайд этган ва ёзган эди: «...Ва шу каби, «Наср ул-лаоли»нинг туркийча таржимасида икки юз олтмиш рубоий назм қилгандирларки, унинг ҳар тўрт мисраси бир хил қофия ва бир хил радиғлидир.

Кўринишича, ул ҳазратдан илгари ҳеч ким туркий тилда рубоий айтмаган, ҳар тўрт мисраси қофиядош ва радифдош бўлганига нима етсин»(Хондамир. «Макорим ул- ахлоқ» Тошкент: F. Фулом номидаги АСН. 1967, 136-бет). Юқоридакўчирилган иқтибосда муносаралиқайдлар мавжуд. Биз шу каби нуқталаргаиш давомида ўрни-ўрни билан муносабат билдириб боришмизни назарда тутиб, «Муқаддима»даулар хусусида тўхталмадик.

«Назм ул-жавоҳир» улуғ шоирнинг ўрганилиши нисбатан кеч бошланган асарлари сирасига киради. Мазкур манзума Алишер Навоий таваллудининг 525 йиллиги муносабати билан чоп этилган шоир асарлари 15 жилдлигининг 15-китобида қисқартирилган ҳолда нашр қилинди (Алишер Навоий. Асарлар. XV жилдлик. XV жилд. Тошкент: F. Фулом номидаги БАН. 1968, 15-51 – бетлар). Асарни таниқли матншунос проф. П. Шамсиев нашрга тайёрлаган. Мазкур нашрдан «Назм ул-жавоҳир»нинг насрый муқаддимаси, ҳар бир рубоийнинг бунёдгакелишда ижобий туртки берган Ҳазрат Алининг ҳикматлари тушириб қолдирилган.

«Назм ул-жавоҳир» ҳақида бир қатор илмий мақолалар эълон қилинди. Жумладан, юқоридагинашрга академик А. П. Қаюмов сўзбоши ёзиб, унда Навоийнинг мазкур жилдга кирган тўртта асари қаторида «Назм ул-жавоҳир» ҳақида ҳам айrim фикрлар билдиради. ЎзРФА Тил ва адабиёт институтининг ташабbusи билан нашр этирилган беш жилдлик «Ўзбек адабиёти тарихи» китобининг II томидаҳам «Назм ул-жавоҳир»га доир маҳсус мақола мавжуд (195-201-бетлар). Мазкур мақола муаллифи С. Фаниева асарнинг аҳамияти, унинг ёзилиши сабаблари, мазмун-мундарижаси хусусида анча кенгмулоҳаза юритади. Навоийшуносолима С. Фаниева мақоласи руҳидан гўё Ҳазрат Алининг «Насруллаолий» асари борлиги ҳақида тасаввур пайдо бўлади. Назаримизда, бунга Навоийнинг «Назм ул-жавоҳир» муқаддимасида «Ҳазрати Амир «Наср уллаолий»си таржимаси азиматин қилдим», - деган фикри туртки бўлган кўринади. Аммо мавзууни чукурроқ ўрганиш натижасида маълум бўладики, тўпламнинг «Наср уллаолий» номи билан шуҳрат пайдо қилиши Ҳазрат Али вафотидананча кейинги даврларга тўғри келади.

Адабиётшунос Т.Faфуржонова «Назм ул-жавоҳир» номли мақоласида бу асарнинг ЎзРФА Абу Райҳон Беруний номидаги Шарқшунослик институтида сақланаётган, XIX асрга мансуб тўртта қўлёзма нусхаси ҳақида маълумот беради (Т. Faфуржонова. Назм ул-жавоҳир. Навоий ва адабий таъсир масалалари. Мақолалар тўплами. Тошкент: Фан. 1968. 344-351-бетлар).

И.Хусанхўжаев «Алишер Навоий таълим-тарбия ҳақида» (1963. 89-129-бетлар) номли рисоласида «Ҳазойин ул-маоний», «Ҳамса», «Маҳбуб ул-қулуб» асарлари қаторида «Назм ул-жавоҳир»дан ҳам кўплаб мисоллар келтиради.

Адабиётшунос М.Ҳакимов «Навоий афоризмларининг манбаларига доир» (Адабий мерос. 1971 йил. № 2,88-90-бетлар) мақоласида «Назм ул-жавоҳир» асарида рубоийлар фольклордаги ҳикматли сўзлар замирида юзага келган, тарзидаги баҳсталаб фикрни илгари суради. Алишер Навоийнинг ўзи асарида таъкидлашича, «батахсис «Наср уллаолий»ким, ул Ҳазрат (яъни, Ҳазрати Али – М.Р.) нинг валоят дарёсидин чиққан самин луълулар...»яъни, ҳикматларнинг ҳар бирини бир рубоийда талқин этади (Алишер Навоий. Муқаммал асарлар тўплами. 20 томлик. XV том. Тошкент: «Фан» 1999, 127-бет. Бундан кейин шу манбадан келтирилган иқтибослар охирида МАТ ва тегишли жилд ҳамда саҳифа кўрсатиб борилади).

Адабиётшунослар С. Фаниева ва И.Ҳаққуловларнинг ушбу асарга доиришларида ҳам қимматли маълумотлар мавжуд.

М. Рашидованинг «Алишер Навоий «Назм ул-жавоҳир» асарининг матний тадқиқоти» мавзуидаги номзодлик диссертацияси «Назм ул-жавоҳир»нинг илмий-танқидий матнини

яратишгабағишланганлиги биланаҳамиятлидир. Мазкур тадқиқот «Назм ул-жавоҳир» асари матнидаги қўпгина баҳсли ўринларга аниқлик киритган бўлса-да, улуғ шоир 20 жилдлик «Муқаммал асарлар тўплами»нинг XV жилдида улардан деярли фойдаланилмаган.

Қўлингиздаги рисолада илк тажриба сифатида «Назм ул-жавоҳир» асарини кенг филологик таҳлил этишга ҳаракат қилинади. Бунинг учун муаллиф қиёсий таҳлил тамойилларигатаянишнимиқсадга муюғиқ ҳисоблайди.

Шайх Саъдий ҳикматларидан бирида таъкидлаган эди:

*Ҳеч гули мақсуд дар инбўстон,  
Чи да на шуд бе мадади дўстон.*

Мазкур байт мағзидаги мазмун ҳукмингизга ҳавола этилаётган рисолага ҳам дахлдордир. Унинг юзага келишида ўзларининг беминнатқўмакларини даригуттмаган академик Б. Валихўжаев, профессорлар А. Ҳайитметов, Ҳ. Ҳомидий, Р. Воҳидов, И. Ҳаққул, Д. Салоҳий ва БухДУ ўзбек адабиёти кафедраси жамоасига самимий миннатдорчилик билдиришнимуаллиф инсоний бурч ҳисоблайди.

Қўлингиздаги рисоланорасолик вамунозарали ўринлардан ҳам холиэмас. Бунингучун Сиз зуккокитобхонгаузрайтар эканмиз, кейинги фаолиятимизда ас қотадиган самимий фикр-мулоҳазаларингиздан умидвормиз.

## 1 - ФАСЛ

### НАСРДАГИ ЖАВОҲИРОТНИНГ НАЗМДАГИ ЖИЛОСИ

#### 1.1 Тарихийлавҳалар – шеърий дурданалар манбай

«Назм ул-жавоҳир» ҳақидаги дастлабки маълумотлар Хондамирнинг «Макорим ул-ахлоқ» асарида учрайди. Унда ушбу асар Ҳусайн Бойқаронинг Навоийнинг юксак салоҳиятини муносиб баҳолаган «Рисола» асарига жавобан ёзилганлиги таъкидланади. Бу ҳақда Алишер Навоийнинг ўзи ҳам «Назм ул-жавоҳир» муқаддимаси сўнгидай дейди: «...чун «Наср ул - лаолий»ни назм силкиға тортилди, отин «Назм ул - жавоҳир» қўюлди» (МАТ. XV жилд, 136-бет) Дебочадаги ишоралардан равшанлашадики, Ҳазрат Алининг мусулмон минтақа халқлари ўртасида кенг ёйилган ҳикматларининг шуҳрати XV аср Ҳиротилмий - адабий муҳитини ҳам четлабўтмаган. Шоҳ ва шоир сифатидамазкур муҳитнинг барқарорлигини таъмин этган Ҳусайн Бойқаро Алишер Навоийдан «Наср ул-лаолий» гажавобия айтишни сўрайди. Руҳан ва ғоявий-маънавий жиҳатдан шундай ишниуддалашга тайёр бўлган Алишер Навоий таклифни мамнунят билан қабул қиласи ва ишодий ишга киришади. Айримлари эслатилган жиҳатлар заминида улуғ шоирнинг «Назм ул-жавоҳир» асари яратилди.

Навоийшунос олим С.Фаниева «Назм ул-жавоҳир» яратилишини Шарқ шеъриятидаги маърифий-ахлоқий мавзудаги ҳадиси шарифларни қитъа ёки рубоий шаклида шеърга солиш анъанасига боғлаганида мутлақо ҳақ эди (С. Фаниева. Ҳар нуктага бир тарона. Ином ал-Бухорий сабоқлари. 2002, №3, 210-212-бетлар) Олим Е.Э.Бертельс тадқиқотларига суюнган ҳолда Рашидиддин Ватвотнинг «Наср ул-лаолий»дан 100 та ҳикматнинг арабча нусхасини келтириб, уларни форсий назмга согани, бу анъана Навоий замонасида ҳам давом эттирилиб, Дарвеш Ашраф Хиёбоний (ваф. 1459) Ҳазрати Алининг 100 та ҳикматини шеърга солиб «Сад панди Али» деб номлаганини қайд этади. Аёнлашадики, Ҳазрат Алининг араб тилида, насрда яратилган ҳикматларни шеърда, форсийдабадий ифодалаш адабий анаънага айлана борган. Форс - тожик адабиётидаги муҳим адабий ҳодисалардан хабордор бўлган Алишер Навоий туркий адабиётдаги мазкур бўшлиқнитўлдириш мақсадида «Назм ул-жавоҳир»ни замондошларига тухфа этади.

Навоийшунослигимизда Ҳусайн Бойқаронинг «Рисола», Алишер Навоийнинг «Назм ул-жавоҳир» имуқаддимасидаги ишораларга таянган тадқиқотчилар ушбу асаннинг яратилиши тарихи, унинг юзага келишига доир айрим фикр – мулоҳазаларини баёнэтишган. Аммо масалага чуқурроқ кириб борсак, бу хусусдаги манзаранинг янада кенгайиши имконияти борлиги маълум бўлади. Яъниқуидаги яна бир ҳолат, бизнингча, «Назм ул-жавоҳир» асарининг яратилишига туртки берган омил ҳисобланади.

1944 (1325 (х.к) йилда афғон олими Ҳофиз Нурмуҳаммад Каҳгадоий Кобулда «Тарихи Мазори Шариф» номли китоб чоп эттирган<sup>1</sup>. Мазкур китобнинг кейинги нашри «Тарихчай мазори Шоҳ авлиё» сарлавҳаси билан чопэтилган (нашр йили ва жойи кўрсатилмаган). Зикри ўтган китобкўпгина тадқиқотлар учун далиллар манбаи бўлиб келмоқда. Унда ёзилишича, Султон Ҳусайн Бойқаро ҳукмронлигининг 1481-1482 йилларида бири Ҳиндистоннинг Мўлтон шаҳриданва иккинчиси Балхнинг ўзидан топилган – икки қадимий китобга («Тарихчай мазори Шоҳ авлиё») асосланиб, Али ибн Абу Толибмуборак жасадининг

<sup>1</sup> Қаранг: Исмат Ҳидоят. Жомӣ ва Навоӣ дар Балх // Овози тожик. – 1992.5-май

Балх вилоятида эканлигидан воқиғ бўлишади. Китобларнинг ёзилиш давридан келиб чиқадиган бўлсак, Ҳазрат Али қабринингсалжуқийлардан Султон Санжар даврида (1118-1157) Балхда экани маълум бўлади. Бу китобларнинг Мўлтон нусхасида ёзилишича, Ҳазрат Алиниң қабри дастлаб 530/1136 йилда топилган экан. Аммо мўғуллар хужуми (1223) оқибатида бу ҳақиқат мутлақо унutilган ва қабр жойлашган ер йўқолиб кетган. Авлод алмашган. Ҳазрат Али қабри ҳақидаги гапларга маҳаллий аҳолиафсона деб қарай бошлаган эди. Шу йилларда Балх вилояти ҳокими бўлган Мирзо Бойқаро<sup>1</sup> мазкур топилмалар ҳақида Ҳиротга маълум қиласи. Эслатилганвоқеалар «Тарихчай мазори Шоҳ авлиё» китобида қўйидагича ўз ифодасинитопган:

«Кунларнинг бирида Мирзо БойқароҲирот дорус-салтанасига бу воқеанинг тафсилоти ёзилган мактуб йўллаб, уни таъмир этиш учун кўрсатма берилишини сўради. Олий даражали Султон (Хусайн Бойқаро) ушбу шарҳу тафсилларга ишонқирамай, уни таҳқиқ этиш учун амири кабир АлишерниБалхга юборади<sup>2</sup>. (Тарихчай мазори Шоҳ авлиё. 45-бет).

«Тарихчай мазори Шоҳ авлиё» асарининг муаллифи муқаддас оромгоҳнинг аниқланиши, тадқиқетилишига алоқадор жараёнлар тафсилотига кенгўринберади. Ҳофиз Нурмаҳаммад Каҳгадойибу боради ёзади: Вазири равшанзамир, яъни, Амир Алишер Шери худонинг (Ҳазрат Алиниң) дидоридан қўзига нур олиб, ҳақиқий аҳволни батамом мушоҳада қилиб кўрди, ожизликдан лолу илҳақлиқ билан Ҳирот саройига батафсил хабар юборди (Ўша китоб, 45-бет).

Воқеалар баёнидан равшанлашадики, Балх таассуротлари Алишер Навоий тафаккуридан мастаҳкамўрин эгаллаган ва шоир қалбинижунбушга келтиради. Ҳиротга, Хусайн Бойқарога юборилган мактубга иловақилинган қўйидаги сатрлар фикримизга ёрқиндалидир:

*Базми май дар коми дардошоми Балх омад падид,  
Ин ҳама оғоз аз анжоми Балх омад падид.  
Ҳеч кас анқоу Мағрибро шикори худ накард,  
Шод бош, эй дил, ки андар доми Балх омад падид.  
Гавҳаре ғойиб шуд андар қаъри дарёи Нажаф,  
В-ин замон аз қуббатул - исломи Балх омад падид.  
Шомиёнро баъд аз ин қадри Алий пайдо шавад,  
К-ин фурӯзон шамъ андар шоми Балх омад падид.  
Сонии ҳулди барин, яъни мазори шоҳи дин,  
Дар мақоми лозим- ул-икроми Балх омад падид.  
Айни оби зиндагӣ аз Куфа межустанд ҳалқ,  
Эй Скандар, бин, ки андар жоми Балх омад падид.  
Рав Фонӣ, базми ирфон аз мозори шоҳ жўй,  
Сиккаи шоҳаншаҳӣ бар номи Балх омад падид».*

Мазмуни:

*Дардкаш Балх комида май базми пайдо бўлди,  
Бу бошланишларнинг бари Балхнинг тугашида пайдо бўлди.  
Ҳеч ким Мағриб анқосини ўзининг ови қилмади,  
Шод бўл, эй дил, у Балх домида пайдо бўлди.  
Нажаф дарёси тубида гавҳар ғойиб бўлди,  
Ва шу замон Балх қуббатул исломидан пайдо бўлди.*

<sup>1</sup> Кўп вақт Балхни идора қилган вилоят ҳокими. Хусайн Бойқаронинг акасиваф. 892/1487).

<sup>2</sup> Бу ва бундан кейинги мутаржими кўрсатилмаган форсий парчалар бизнинг таржимамиизда бериб борилади.

Шундан кейин шомликларга Алининг қадри билиндики,  
 Балх шомида фурӯзон шамъ пайдо бўлди.  
 Аъло беҳиштнинг кейингиси яъни дин шоҳининг мозори,  
 Балх лозим ул-икром мақомида пайдо бўлди.  
 Халқ тириклик сувини Куфадан излар эди,  
 Эй Сикандар, қара у Балх жомида пайдо бўлди.  
 Бор Фоний, ирфон базмини шоҳ мазоридан изла,  
 Шаҳаншоҳ сиккаси Балх номига пайдо бўлди» (Ўша китоб, 45-бет).

Ҳиротдан Балхга дарҳол Ҳусайн Бойқаро бошчилигида Абдураҳмон Жомий, Мавлоно Муъин, Ҳусайн Воиз Кошифий, Саъдуддин Тафтазонийлар бир дунё одам билан етиб келишади. Ҳусайн Бойқаро баланд овоз билан илтижоли ғазал айтган ҳолда қабр тепасига келади.

«Ассалом, эй боргоҳи Шоҳимардон, ассалом,  
 Қиблатуннос, ҳаснулхалқ, “ма мин лиланом”.  
 Боргоҳи подшоҳ, Аллоҳу акбар, ин чӣ жост,  
 Саждагоҳи авлиё, субҳонака, Аллоҳумму чи ном.  
 Ҳукми «валяттаваффу фавотуф» дар ин боргоҳ,  
 Фиҳи оётун, ояте дар шони ин олимақом.  
 Ҷун асал фиҳи шифоун, - гуфт линнос он ҳаким,  
 Мисли зайтун муборак ҳаст баҳри хосу ом.  
 Бар дарат омад гадои бенаво (Султон Ҳусайн),  
 Раҳм кун бар ҳоли инмуштоқ, эй шоҳи киром».  
 Мазмуни:  
 Ассалом, эй Шоҳимардон боргоҳи, ассалом,  
 Қиблатунноси, ҳаснулхалқ “ма мин лила” ном.  
 Подшо қасри, Аллоҳу акбар, бу қандай жой,  
 Авлиё саждагоҳи, субҳонака Аллоҳум қандай ном.  
 Бу қасрда “валяттаваффу” ҳакам,  
 Фиҳ оёт, бу олимақом шаънига бир оят.  
 Ул ҳаким асалдай фиҳшифо деди,  
 Ҳаммага зайдундай муборакдир,  
 Эшигинга бенаво гадо Султон Ҳусайн келди,  
 Эй шоҳи киром, раҳм айла бу муштоқнинг ҳолига (Ўша китоб, 46-бет).

Барчалари ҳаяжонда. Ҳусайн Бойқаро Ҳазрат Али хокини Ҳиротга олиб кетишга қарор қилганини билдиради. Аммо уламоларнинг маслаҳатига кўра, бу ишни нораво билиб, фикридан қайтади. У бу ерда салтанат ҳисобидан муҳташам мақбара қуришга фармон беради. Бундай масъулиятли ишни машҳур уста Муҳаммадхон Баннойига топширади. Мазори Шарифда ҳозир ҳам сақланаётган ҳашаматли мақбара айниана ўша даврга мансуб обидадир.

Навоийнингшу муносабат билан, ўша кезлари, Ҳазрат Алининг қабри жойлашган Балх вилоятига қарашли Ҳожа Хайрон мавзеъини обод қилишга ўз ҳиссасини қўшгани манбалардан маълум. Ўшалардан бири бугунги кунда Ноиб Муҳаммад Алихон саройи номи билан машҳур. Навоий мақбара ва унинг атрофидаги иншоотларнинг доимий маблағ билан таъминланиши учун атрофдаги 300 жеридан ўзлаштириб, вақф қилдириб

беради. 891/1492 йилда Алининг мазори устида салобатли иморат барпо қилинади. Ана ўша илк обидалар Мазори Шариф шаҳрининг шаклланиши учун асос вазифасини ўтайди. 1497 йилда Алишер Навоий Бадиъззамон Мирзо саркашлигини бартараф этиш учун Балхга келганида, Амударёдан «Наҳри шоҳий» номи билан бир ариқ қаздириб, Хожа Хайрон қишлоғи атрофини обод қилиш, Ҳирот хожалари (халифалар авлоди)дан минглаб кишининг бу ерга келиб жойлашишига бош бўлади (Ўша китоб, 43-47-бетлар).

Эслатилган воқеалар муносабати билан Абдураҳмон Жомий бири 31 ва иккинчиси 15 байтли қасида ёзади<sup>1</sup>. Абдураҳмон Жомий қасидаларидан бирида келтирилган қуйидаги байт Ҳазрат Али қабрининг қайта топилишига даҳлдор бўлгани учун ҳам уни келтирамиз:

*Ба соли ҳашт саду ҳаштоду шаш дар Балх шуд пайдо  
Мазори Ҳайдари сафдар имоми дуняву уқбо (Ўша китоб, 47-бетлар).*

Мазмуни:

*886 йилда Балхда бўлди пайдо,  
Жасур ва бу дунёю охиратнинг имоми Ҳайдарнинг (Шер) мозори.*

Мазкур байтда келган 886 йил ҳижрий-қамарий 1481-1482 мелодий йилга тўғри келади. Кўринадики, Мозори Шариф шаҳрининг шаклланишида асос вазифасини ўтаган муҳташам обида Ҳусайн Бойқаро салтанатининг гуллаган даврида бунёдга келган.

Юқоридаайримлари эслатилаган тарихий тафсилотларнинг шоҳидибўлган ва улардан ўта таъсирланган Алишер Навоий янги бирасар яратиш учун жиддий тайёргарлик қўра бошлайди. Сал кам уч йилга чўзилган ғоявий-маънавий, руҳий жараёнлар ҳосиласи сифатида 1485 йилда «Назм ул жавоҳир» улуғ шоирижодининг муҳибларига туҳфа этилади.

Навоийшунослиқда Балхда Ҳазрат Али мазорининг топилиши воқеасига бошқача қарашлар ҳам йўқ эмаски, уларга муносабат билдириласлик бизчиқарадиган хулосалар салмоғига соя солиши мумкин.

Чунончи, профессор Э.Шодиев Алишер Навоийнинг Балхга бориши воқеасини бошқача талқин қиласиди<sup>2</sup>. «Тарихи Мазори Шариф»даги ишораларга таянган навоийшунос олим муқаддас мозорнинг тафтиш этилишига оид жараёнларни тўғри шарҳлагани ҳолда табаррук қадамжога Ҳусайн Бойқаронинг ташрифини изоҳлашда чалкашликка йўл қўяди. Олимнинг фикрича, Ҳусайн Бойқаро Балхга Ҳазрати Али мозори тавофи учун эмас, балки Балх ҳокими Аҳмад Муштоқ исёнини бостириш учун борган бўлиб чиқади. Масалага бундай муносабат тарихий ҳақиқатга рост келмайди.

Алишер Навоий «Назм ул-жавоҳир» асарининг матни, нашри, ўрганилишига доир навоийшунослиқда амалга оширилган ишларгамуносабат билдириш, ютуқ ва мунозарали ўринларга оз бўлса-да, тўхталиш мақсадга муофиқдир.

Назардан ўтказилган талайгина мақолаларда «Назм ул-жавоҳир» Ҳазрат Али «Наср ул-лаолий» асарининг таржимаси тарзидағи фикрлар тез-тез кўзга ташланади. Кузатишларимиздан аёнлашадики, масалага бундай қараш у қадар тўғри эмас.

Аввало Ҳазрат Алининг араб тилидаги насрый ҳикматларига нисбатан «Наср ул-лаолий»

<sup>1</sup> Ҳоғиз Нурмуҳаммад Каҳгадоийнинг «Тарихчай мозори Шоҳавлиё» китобида келтирилган Абдураҳмон Жомийнинг Ҳазрат Алига бағишлиган қасидаларини бевосита таҳдил жараёнига тортмаганимиз учун уларнинг матни келтиришни лозим топмадик.

<sup>2</sup> Қаранг: Э. Шодиев. Алишер Навоий Балх шаҳрида. ЎТА. 1989. №2, 8-13-бетлар.

номи муаллиф томонидан қўлланилмаган эмас. Бундай сарлавҳа IX асрда Ҳазрат Али ҳикматларинибир жойга тўплаган машҳур олим ва адаб Ал-Жоҳиз томонидан қўйилган. XIII асрда Рашидиддин Ватвот бу тўплам таркибидан юзта ҳикматни ажратиб олган, уларнинг ёнигаўзининг форсий шеърий талқинини қўшиб, уни бойитган. Аммо асарнинг анъанавий номи «Наср ул-лаолий»ни сақлаб қолган.

Алишер Навоийнинг «Назм ул-жавоҳир» рубоийлар туркумини Ал-Жоҳиз тўплами билан фақатгина арабий ҳикматлар бирлаштириб туради. Рашидиддин Ватвот асари билан «Назм ул- жавоҳир» ўртасида эса айримшаклий-услубий белгилар жиҳатидан умумийлик кўзга ташланади, холос. Яъни, Рашидиддин Ватвот билан Навоийларнинг ҳар иккиси ҳамсарлавҳа вазифасида келган бир арабий ҳикматтаъсиридабири форсий ва иккинчиси туркий тилда рубоийлар туркуминияратган. Бироқ Алишер Навоий «Назм ул - жавоҳир» таркибидаги тўртликларни бунёд қилишда қўпгина форсий манбаларга мурожаат қилган бўлса-да, Рашидиддин Ватвот тўпламидаги насрый ҳикматларни айнан эътиборга олмаган кўринади. Чунки Ҳазрат Али ҳикматларининг форсий нусхалари Ватвотгача ва ундан кейин ҳам турфа талқинларда тарқалган эдики, Алишер Навоийуларга мурожаат қилиши имкониятига эга бўлган. Амр ибн Баҳр ал-Жоҳизнинг «Наср ул-лаолий» си билан «Назм ул-жавоҳир»да кўзгаташланадиган айрим ғоявий-услубий муштаракликлар улуғ ўзбек шоири мазкур манбадан ҳам фойдаланган бўлиши мумкин деган хulosага йўл очади. «Наср ул-лаолий»нинг Рашидиддин Ватвот таржима - шарҳи билан «Назм ул-жавоҳир»ни эсаулар таркибидаги бармоқ билан санаарли уйғунликларгина боғлаб туради.

«Наср ул-лаолий»нинг айрим қўлёзмалари билан «Назм ул-жавоҳир» нашрларининг қиёсий таҳлилидан қуйидагича манзарааёнлашади. «Макорим ул-ахлоқ»да «Назм ул-жавоҳир» таркибидаги рубоийларнинг сони 260 та тарзида кўрсатилган бўлса, мазкур манзуманинг 1965 йилдаги нашрида 254 та ва 1999 йилдаги босмасида эса 255 та ҳолида учрайди. Зикри ўтганбундай бир қатор хилма-хилликлар «Назм ул-жавоҳир» нусхаларининг назардан ўтказишни тақазо этади.

Кўриб ўтганимиздек, «Назм ул-жавоҳир», дастлаб, Алишер Навоий асарлари 15 жилдлигининг 15-жилдида қисқарган ҳолданашр қилинган эди. Асарнинг муқаддима қисми ва ундаги йигирмадан зиёд рубоийлар бу нашрдан тушириб қолдирилган. Асар муқаддимасинингматни илк бор 1991 йилда «Ўзбек тили ва адабиёти» журналининг биринчи сонида навоийшунос С.Фаниева томонидан шарҳу изоҳлар билан бирга нашр қилинди. Навоий «Муқаммал асарлар тўплами» 20 жилдлигининг 15-жилдидаги матн ҳам шу олима томонидан тайёрланган. Мазкур нашрдан ўрин олган «Назм ул- жавоҳир» муқаддима, 255 арабий ҳикмат ва шунча рубоийдан иборатdir. Рубоийлар матни ҳар иккала нашрда ҳам деярли ўзгаришларсиз такрорланади. Маълум бўладики, муқаммал нашрда ҳам эски нашрда мавжуд хатоликлар сақланиб қолган. 20 жилдликда рубоийлар учун асос бўлган арабий ҳикматлар аслияти транслитерация шаклида келтирилган. Уларнинг таржималари китобнинг изоҳ қисмида берилади. Аммо ўзбекча таржималар қўпгина хатоликлар билан амалга оширилган. Биз матнни нашрга тайёрловчиларнинг бу соҳадаги улкан хизматларини юксак қадрлаганимизҳолда, «Назм ул-жавоҳир»нинг муқаммал нашрида китобхон ва рубоийлар туркуми кейингитадқиқотчиларини чалғитиши мумкин бўлган айрим ноаниқликлар ҳақида фикр юритмоқчимиз.

Таъкидлаш жоизки, мумтоз адабиёт намуналарининг қўлёзмалари ва уларнинг бугунги нашрлари ўртасидаги тафовут ўша бадиий яратманинг илмий-танқидий матнини амалга ошириш билан бартараф этилади. Бизнинг бу таъкидимиз у ёки бу асарнинг муаллиф дастхати ёхуд ўша ижодкор назаридан ўтган нусхаси мавжуд бўлмаган ишларга дахлдор. Катта илмий-ижодий меҳнат талаб қиласидаги ва унинг натижаси ўлароқ юзага келадиган

матнинг илмий-амалий вазифаси ҳам худди шундан иборатдир. Мана шундай хайрли иш адабиётшунос М.Рашидованинг «Алишер Навоий «Назм ул-жавоҳир» асарининг матний тадқиқоти»<sup>1</sup> мазуидаги номзодлик диссертацияси орқали амалга оширилди. Илмий-танқидий матнни тузиш учун «Назм ул-жавоҳир»нинг Туркиядаги Тўпқопи, Тошкент, Париж нусхалари қиёслаб ўрганилган вабу уч қўлёзма нусхадаги фарқлар кўрсатиб берилган. Шундай қилиб, илмий-танқидий матндан асар таркибининг муқаддима, 268 рубоий ва хотимадан иборат эканлиги маълум бўлиб қолади. «Назм ул-жавоҳир»нинг илмий-танқидий матни билан улуғ шоир «Муқаммал асарлар тўплами»дан ўрин олган рубоийлар қиёслангандан, улар орасида ҳам маълум фарқлар борлиги кўзга ташланади. Жумладан, улуғ шоир муқаммал асарлари нашридан унинг ўн уч рубоийси тушириб қолдирилган.

«Назм ул-жавоҳир»нинг муқаммал нашри билан илмий-танқидий матн ўртасидаги фарқлар сўзларнинг алмашинуви; мисраларда сўзнинг тушиб қолиш ҳолати; ҳарфлар алмашинуви; мисралар ўрнининг алмашиниши, араб тилидаги парчаларнинг мазмуниниберишда кузатиладиган айрим ноаниқликларда яққол кўзга ташланади. Бундай хилма-хилликлардан айримларини қуидаги таҳлиллар жараёнида кўрсатишга ҳаракат қиласиз:

**1. Матнда сўзларнинг алмашиниши натижасида маънога таъсир қиласидан ўзгаришлар:** Жумладан, 57-рубоийни ўқиймиз:

**Хулқ чиройлилиги ғаниматдир.**

*Бадхўйки ўз қилгани раҳматдур анга,  
Ором ҳалойиқ сари тухматдир анга,  
Ким хўйи ямон бўлса, машақатдур анга,  
Ким хўйи аниң яхши, ғаниматдур анга (МАТ. XV жилд, 146-бет).*

М.Рашидова тузган матнда ушбу рубоийнинг биринчи мисраси «Бадхўйки ўз қилгани заҳматдур анга» тарзида берилган. «Муқаммал асарлар тўплами»да эса заҳмат (озор, алам, кулфат) раҳмат сўзи билан алмаштирилган. Бизнингча, рубоий матнидаги мазмун «раҳмат»дан кўра «заҳмат» сўзини талаб қиласи. Сўзнинг алмашиниши рубоий мазмунига салбий таъсир қиласи.

«Муқаммал асарлар тўплам»идаги 60-рубоийнинг 4-мисрасида ҳамхудди шундай ҳолатни кўришимиз мумкин:

**Дўстларнинг яхшиликка бошлагани яхшироқдир.**

*Асҳоб аросида аниң бил шарлиқ,  
Ким, шар сори айлагай далиловарлиқ,  
Яхши ул эрурки, айлабон боварлиқ,  
Қилғай санга яхшилик сори ёварлиқ (МАТ. XV жилд, 146-бет).*

Рубоийнинг охирги мисрасидаги «ёварлиқ» сўзи илмий-танқидий матн учун фойдаланилган барча нусхалар ва илмий-танқидий матнда «раҳбарлиқ» тарзида берилган. Навоий бу икки сўздан қай бирини қўллаган бўлиши мумкин? Бу саволга Ҳазрат Алининг рубоий учун ғоявий асос бўлган «Дўстларнинг яхшиликка бошлагани яхшироқ» ҳикмати

<sup>1</sup> (Рашидова М. «Алишер Навоий «Назм ул-жавоҳир» асарининг матний тадқиқоти» Филол. фанлариномзоди ... дисс. -Т.: 1990. -164 б.)

ойдинлик киритади. «Ёварлик» (ёрдамчилик, мададкорлик) сўзи ҳикматнинг тўлиқ мазмунини шоир кутганидек рўёбга чиқара олмайди. Илмий-танқидий матнга кўра бу сўз кўлёзма нусхаларнинг бирида рубоийнинг учинчи мисрасида келади. Унда бу рубоийнинг иккинчи байти қуйидаги кўринишга эга:

*Яхши ул эрурки, айлабон боварлик,  
Килғай санга яхшилик сори раҳбарлик.*

Бундай ҳолатларни «Назм ул-жавоҳир» таркибидағи келган<sup>24</sup>, 53, 69, 153, 184 - рубоийларда ҳам кўришимиз мумкин.

Зикриётгандай «тахир»ларни асар муқаддимасида ҳам кузатишимиз мумкин. Мазкур «Муқаддима»дааслиятдаги «ажз» (кучсиз, заифлик, ожизлик, бечоралик) сўзи мантиққа зид равишда «азиз» каломи биланалмаштирилган МАТ. XV жилд, 124-бет). Масалага ташқариданқараганда, бундай таҳир «аҳамиятсиздай» кўриниши мумкин. Бироқ мавзуга Алишер Навоий нуқтаи назаридан ёндашилса, «ажз» сўзининг қуйидаги талқинлари ойдинлашиб қолади.

Улуғлик ва буюклиқ Қодири қудратгагина хосдир. У яратган жамики маҳлук ва маҳлукотлар Унинг олдида ожиз ва эҳтиёжманд. Жумладан, инсон ҳам. Ҳақ субҳонаҳу таоло мўъжизалари ичиди инсонни буюклиқ ва мукаррамлик сифатлари билан безади. Бироқ Яратганинг бу халифаси ҳам унинг марҳамати ва қудрати қаршисида ожиз зотдир. Ажзу ниёз – “ожиз, кучсиз, эҳтиёжманд”лар ҳамиша Унга муҳтоҷ. Равshan бўлаётирки, Алишер Навоий асар муқаддимасида «азиз» сўзини эмас, «ажз» сўзини қўллаган. Улуғ шоир яширин талмехга таяниб ўз фикрини мустаҳкамлайди. Жумладан, Қуръони карим “Нисо” сурасининг 28- ояти каримасида Аллоҳ бу хусусидақуидагича марҳамат қиласи: «Аллоҳ сизларга (шариат аҳкомларини) енгиллатишини хоҳлайди. Ахир, инсон заиф яратилгандай!» (Қуръони карим маъноларининг таржима ва тафсири. Абдулазиз Мансур таржимаси. -Т.: “Тошкентислом университети” нашриёт- матбаа бирлашмаси. 2004. 83 – бет).

## 2. Матнда сўзларнинг тушиб қолиши натижасида вужудга келган хатоликлар:

Маълумки, муаллиф мақсадини китобхонга етказувчи, асар гўзаллигини таъминловчи омил – сўздир. Шоир мисраларда фойдаланган ҳар бир сўз унинг мақсад ва муддаосини амалга оширувчи қурол ҳисобланади. Мисралардан тушириб қолдирилган биргина сўз эса маънонинг ўзгаришига, мантиқнинг бузилишига ёки муаллиф ёритмоқчи бўлган ғояни англаб етишга монеълик қилишга олиб келиши мумкин. Айниқса, шеърий матнда юқорида тилга олинган бу қусурларнинг устига вазн сакталиги ҳам юзага келиб қўшилади. Худди ана шундай ҳолатларни «Назм ул-жавоҳир»даги 58, 93, 81, 165, 250- рубоийларда кўришимиз мумкин.

Масалан:

*Ким [ ] ила бўлса тийра авқотлиғи,  
Бор лозими умр тулининг ётлиғи.  
Бот бўлғай ажал бисотиға мотлиғи,  
Золимға уқубатдир ўлим ботлиғи (МАТ. XV жилд, 165-бет).*

Рубоийнинг биринчи мисраси илмий-танқидий матнда: «**Ким зулм ила бўлса тийра авқотлиғи**» тарзида берилган. Нашрда мисрадаги «зулм» сўзи тушириб қолдирилган. Мисрадаги сўзининг тушиб қолиши эса шоир айтмоқчи бўлган фикрни ўзгартирган ва вазн

сакталигини юзага келтирган. Чунки «қайғули, баҳтсиз, ғам-ғуссалы онлар умр учун ётдир», - деган хуносага келган шоир, биринчи байтда унинг сабабини таъкидлаб кўрсатади. Бу зулмдир. Рубоий учун ғоявий асос бўлган Ҳазрат Алининг «Зулмнинг уқубати – ўлимнинг тезкорлиғи» ҳикматидан кўзланган мақсад ҳам золимнинг зулмини қоралашдир.

### 3. Ҳарфларнинг алмашиниши натижасида вужудга келган ўзгаришлар:

«Муқаммал асарлар тўплами» нашрида сўз таркибидаги маълумҳарфнинг алмашиниши (о-а, а-и, у-ӯ) сўзга ўзга бир мазмун бериши ёки сўзниң маъно англатиш хусусиятини йўқотишга олиб келган. Масалан, «Назм ул-жавоҳир» муқаддимасидаги қўйидаги рубоийга эътибор қиласайлик:

Ул шамъки «Ваззухо» қуёш юзи дур,  
Мазоғ била сурма чекилган қўзи дир,  
Анинг сариким, ўзи улу ул ўзи дур,  
Борча «инна минка анта минни» сўзи дур (МАТ. XV жилд, 123-бет).

Биринчи мисрадаги «Ваззухо» («Чошгоҳ қунига қасам» маъносида) Қуръони каримдаги, пайғамбаримиз шахсиятлари хусусидаги 93-сурә ва ундаги 1-оятнинг номидир. Иккинчи мисрадаги «мазоғ» сўзи ҳам илмий-танқидий матнда ва луғатдагидек «мозоғ» тарзида берилса, бунинг маъноси ҳам пайғамбар шахсиятига бориб боғланади. Нашрда сўз таркибидаги ҳарфнинг алмашинишидан муайян калиманинг маънолари ўзгарган. Жўмладан, юқорида келтирилган сўз (мозоғ) «Фиёсл-луғот» да шундай изоҳланади: «Мозоғ» қўйидаги ояти каримага ишорадир: «мо зоғ ал-басару ва мо тағо» яъни, Ул ҳазрат меъроҳ кечаси (Оллоҳга) яқинлик мақомида туриб, бошқа нарсаларга назар ташламадилар ва худо ҳукмига ноғармонлик қўлмадилар» (Муҳаммад Фиёсүддин. Фиёс ул-луғот. Иборат аз се жилд. Жилди I. – Душанбе: Адаб, 1987. саҳ. 219).

Демак, шоирнинг “Ан-Нажм” сураси 17-оятида зикр этилган (“Мо зоғал басару ва мо тоғо” - Пайғамбарнинг кўзи (четга) оғғани ҳам йўқ, ўз ҳаддидан ошгани ҳам йўқ) «мозоғ» сўзидан кўзлаган мақсади - Муҳаммад алайҳиссаломнинг кўзларини мадҳ этишдир. Нашрда сўз таркибидаги биргина ҳарфнинг (о-а) алмашиниши, уни таянч мақсаддан мутлақо узоқлаштирган ва талмех санъати ҳам «йўқолиб қолган».

Пайғамбаримизнинг яна бир машҳур ҳамда жуда кўп бадиий асар ва тадқиқотларда учрайдиган «Али мендан ва мен Алидан» ҳадислари борки, унинг мазмуни юқоридаги робоийнинг тўртинчи мисрасига жо этилган. «Муқаммал асарлар тўплами»нинг изоҳ қисмида «Мен сенданман, сен мендадурсан» тарзида берилиб, ноаниқликка йўл қўйилган. Бу ҳадисни тўғриангламоқ учун мазкур робоийнинг учинчи мисрасидаги «Анинг сариким» сўз бирикмасини илмий-танқидий матнагидек қилиб «Анинг  билаким» (яъни, Али билан) деб тузатсак, «Анинг билаким, ўзи – ул ва ул ўзи дур» шаклига келади ва ўзидан кейинги мисрадагиҳадис «инна минка, анта минни» («чиндан ҳам сендан, сен мендан») деган чалкаш бир бирикма эмас, «Ана минка ва анта минний» яъни, «Мен сендан ва сен мендан» деган маъно чиқади.

«Назм ул-жавоҳир» муқаддимасидаги «Ҳал ато алал-инсони ҳийнун мин ад-дахри лам якун шайъан мазкуран» (“Инсон” сураси, 1-оят) («Аниқки, инсон узра қачондир тилга олгулик нарса бўлмаган вақт (муддат) кечган») ояти каримаси муқаммал нашрда «Ҳал оти алал-инсона ҳийна мин ад-дахри лам якун шайъан мазкуран» тарзида берилгани асарни нашрга тайёрлашда, лоақал, Қуръони каримга қаралмаганидан далолат беради. Қолаверса, мазкур ояти карима кетидан келган робоийнинг 3-мисрасида бу сўз «Ҳал ато» тарзида тўғри ёзилган.

#### 4. Рубоий мисралари ўрнининг алмашиниши натижасида содир бўлган ўзгаришлар:

Маълумки, рубоий ҳарбир мисраси ўзига хос вазифани бажаради. Шоир биринчи мисрада айтмоқчи бўлган фикр, ғоянинг қисқа ва лўнда ифодаси - тезисини берса; иккинчи мисрада биринчи мисрадаги фикрни янада теранлаштиради. Рубоийнинг учинчи мисраси шоирнинг якуний хулоса ясаси учун замин ҳозирлайди. Тўртинчи мисра якуний хулоса сифатида юзага келади. Мисралар ўрнининг алмашиши рубоийнинг қурилишига салбий таъсир ўтказишдан ташқари, шоир ғоявий ниятини ўқувчига аниқ етказишида ҳам монелик кўрсатади. Масалан:

**Сабр соҳиби, албатта, муродига етади.**

*Ҳар кимки фалак зулму инодиға етар,*

*Сабр айлаган охир эътиқодиға етар,*

*Чун бўлди сабур, тангри додиға етар,*

*Собир киши оқибат муродиға етар (МАТ. XV жилд, 180-бет).*

**Ушбу рубоий илмий-танқидий матнда:**

*Ҳар кимки фалак зулму инодиға етар.*

*Чун бўлди сабур тенгри додиға етар,*

*Сабр айлагон охир эътиқодиға етар,*

*Собир киши оқибат муродиға етар.*

тарзида берилган. Рубоий «Сабр соҳиби, албатта, муродига етади» ҳикматининг шеърий талқини сифатида юзага келган. Мисраларнинг илмий-танқидий матндаги тартибида фикрлар изчиллиги қарор топган.

Мисралар ўрнининг алмашинуви оқибатида содир бўладиган ғализликларни мукаммалнашрдаги 6, 119, 144-рубоийларда ҳам кўришимиз мумкин.

#### 5. Араб тилидаги парчаларнинг мазмунини беришда кузатиладиган айрим ноаниқликлар:

«Назм ул-жавоҳир» муқаддимасида Жаноби Расулуллоҳнинг «Мен илмнинг шаҳриман, Али эса унинг эшигидир» (Ана мадинат ул-илми ва Алийон бабуҳа) (Илмий – танқидий матн. 2-бет) деганҳадислари «Муқаммал асарлар тўплами» нашрининг муқаддимасида «Ана мадинат ал-олам ва ала бобиҳа» – «Мен оламнинг марказиман (шаҳримдан) ва унинг эшиги менинг устимда» деган ноаниқбир тарзда ифодаланади (МАТ. XV жилд, 228-бет): Яна бир мисол «Шарр ун-носи ман ятқийҳ ин-носу» ҳикмати «Кишиларнинг ёмонроғи - халқдан ўзини олиб қочувчисидир», (МАТ. XV жилд. 157-бет) деб таржима қилинган. Бу жумла мазмунидан кўз ўнгимизга одамови, одамларга қўшилмайдиган киши гавдаланади Аслида эса, «Кишиларнинг ёмони халқ ундан ўзини олиб қочувчи (эҳтиёт бўлувчи) одамdir» маъносида келган. Буни, Навоий рубоийсидаги биринчи мисранинг ўзиёқ тасдиқлаб турибди: «Эл қочса бирордин эл ямони бил они...». Шундай англашилмовчиликларни асар «Муқаддима»сида ҳам кўришимиз мумкин.

Хулоса ўрнидатаъкидлаш жоизки, биз айримларини қайдқилганимиз қусурлар Алишер Навоий мукаммал асарлари янги нашрларида инобатга олиниб, бартараф этилса, биринчидан, улуғ шоир ижоди муҳибларига муносиб тухфа ҳозирланган; икинчидан, буюк мутаффакирнинг мунааввар руҳини шод этган бўлур эдик.

## 1.2 ҚАЛБЛАРНИ УЙГОТГАН НАСРИЙ ГАВҲАРЛАР

«Наср ул-лаолий ҳақида сўз бошлишдан олдин, унинг жанрини белгилаб олиш лозим кўринади. Ўзбек адабиётшунослигида Ҳазрат Алининг бу асарда жамланганихчам, сайқалланган жумлаларнинг жанри «ҳикмат» тарзида талқин этилади. Эрон олимлари уларни «калимоти қисор» деб атайдилар. Эронда чоп этилган «Форсий адабиётшунослик терминлари луғати» («Фарҳангномае адабиёти форсий»)да «калимоти қисор»га шундай изоҳ берилади: «Калимоти қисор» – қисқа сўзлар, сиқиқ, мазмундор жумлалар шаклида бўлиб, мақоллар каби панд-насиҳат, эзгуликка даъват ёки фалсафий фикрларни ифодалашга хизмат қиласди». (58-бет)

Ўзбек тилшунослиги ва адабиётшунослигида бундай ҳикматли жумлаларни афоризмлар тарзида аташ анъанаҳисобланади. «Наср ул-лаолий» таркибидаги ҳикматларни биринчилардан бўлиб М. Ҳакимов «афоризим» истилоҳи билан атаган. Кейинги йилларда яратилган ишларда айни жумлаларни «ҳикмат»ибораси билан қайт этиш одаттусига кираётир.

Яссавийшунос Н.Ҳасановнинг бу саволга манбалардан тўплаган жавоблари қуйидагича: «Ҳикмат - «фикрлаш малакасининг ўрта ҳолда бўлиши; тадбиқ ила амалга ошуви тажриба билан эришилган тўғри билим; Ҳаққа мувофиқ сўз; ҳамма нарсанинг энг мукаммали; ҳикмат Оллоҳнинг лашкари бўлиб, у орқали Оллоҳ авлиёларнинг қалбларига қувват бағишлайди (Ҳасанов Н. Яссавийшуносликка бир назар // Ўзбек тили ва адабиёти. 2001. № 4сон. – Б. 42- 45.-бет) Олимнинг изланишлар маҳсулига таяниб Ҳазрат Алининг қисқа сўзларини афоризмлар ёки ҳикматли сўзлардеб атасак хато бўлмайди.

Маълумки, «Назм ул-жавоҳир»даги арабча афоризмларнинг муаллифи Ҳазрат Али ислом халифаларидан тўртингчиси эди. Абул Ҳасан Али ибн Абу Толиб ибн Абдулмуталиб ибн Ҳошим ал-Қурайший 600 милодий йилда Маккан мукаррамада таваллуд топган. Доғруғли мазкур халифа пайғамбаримиз амакиларининг ўғли бўлган. Бунинг устига, арабларнинг қурайш қабиласи, ҳошимийлар хонадони фарзанди Ҳазрат Али ёшликларидан пайғамбаримиз (с.а.в.) қўлларида тарбияланган. Ҳазрат Али пайғамбаримизга ўғил қадар яқин қадрдан бўлишлари билан бирга, куёв (кенжা қизлари Фотиманинг эри) ҳам эди. Алишер Навоий «Назм ул-жавоҳир» асарининг бир рубоийда бу хусусида шундай дейди:

*Дарёйи улуму меҳри буржси карам ул,  
Оlam танининг жонию жонони ҳам ул.*

Султони расул бирла қадам барқадам ул, Фарзанду рафиқу куёву ибн-амм ул (МАТ. XV жилд.124-бет).

Ёшликларидан пайғамбаримиз тарбиясини олган Ҳазрат Али учун Муҳаммад Мустафонинг ҳар бир сўзлари, хатти-ҳаракатлари, юриш-туришлари, ибратли хулқлари тарбия мактаби вазифасини ўтади. Тарихий манбалар гувоҳлигича, Ҳазрат Али шиҷоатли, жасур, паҳлавон инсон бўлган. Шунинг учун баъзи манбаларда уни «Асадуллоҳ» (Аллоҳнинг шери) деган сифатловчи билан атаганлар. Унинг ҳақидаги маноқиблар мусулмон дунёсидакенг тарқалган. Ҳазрат Али доимий равишда илм ўрганишибилан шуғулланиб, ислом оламининг мўътабар сиймоларидан бири даражасигакўтарилид. Аллома шариат қонун-қоидаларини, дини ислом, унинг тарихи ва аҳкомларини, фалсафа ва мантиқни пухта эгаллаган. Ҳаттоимом Газзолий ҳам ўзининг «Кимёи саодат» асарини унинг жумлалари билан бошлияди. Машҳур Шайхи Раббоний «Иҳъё улум ад-дин» асарида ўз илоҳий – ирфоний ғояларини далиллаш учун Ҳазрат Али арабийшеъларига тез-

тез мурожаа. қилади. Рус шарқшунос олими В.Наумкиннинг айтишича, Фаззолий ҳам тасаввуф маслагининг бошқа издошлари каби Ҳазрат Алиниң «Иъраф нафсақ, таъриф раббак» - («Ўзингни танисанг, Раббингни танийсан»), - деган ҳикматига алоҳида эътибор қилган(Наумкин В.В. Предисловие к кн. Абу Хомид ал-Газзолий «Воскрешение наук о вере». - М.: Наука,1980. с. 50). Ашаддий сўфийлар бу гапни пантеистик руҳда талқин қилганлар,- деб ёзади олим. Демак, тасаввуф намояндалари орасида Ҳазрат Али ҳар жиҳатдан намунали инсон, файласуф назариётчи сифатида ҳам тан олинган.

Юқорида Расулуллоҳга нисбат берилган:(Ана мадинат ул-илми ва Алийон бабуҳо)«Мен илмнинг шаҳриман, Али эса унинг эшигидир», - деганҳадислари Ҳазрат Алиниң Мұҳаммад Мустафо назарида буюк илмий салоҳиятга эгаликларини ва илмни бошқаларга етказа олишда бобидагимоҳирлигини яна бир карра тасдиқлади. Зотан, Ҳазрат Алини ислом дунёсида пайғамбаримиз илоҳий таълимотининг оташин тарғиботчиси сифатида жуда қадрлаганлар. Жумладан, XYIIасрнинг буюк файласуф шоири Бедилнинг:

«Ду тоқ манзари раҳмат, ҳам меҳроб абруյаш,  
Ду мисраъ дар илми наби лабҳойи хандонаш».  
(Қошининг қайрилма меҳроби раҳмат манзарининг иккى тоқи каби,  
Табассумли лаби гўё пайғамбар илмидан иккى мисра янглиғдир),

байтида унинг бу хислати жуда ўринли қайд этилган.

Ҳазрат Али халифа бўлиши билан бирга ўз даври халқига ва келгуси авлодларга оташин нутқу даъватларидан ташкил топган ўгитлар, йўл-йўриқлар ва ҳикматлар билан бирга, шеърлар девониниҳам мерос қолдирган. Ана шундай қимматли маънавий меросга Алишер Навоийдай нуктасанж муршид бефарқ бўлолмасди. У мусулмончилик қонун-қоидалари, ҳақ-хуқуқлари, комил инсон тарбияси, ижтимоий-маънавий ҳаёт масалалари, фарзанд хулқу одоби, ота-онани ҳурмат қилиш, илм олиш заҳмати, тил ва сўз қудрати сингари жуда кўп масалаларни қамраб олган Ҳазрат Али ҳикматларини назмий талқинда туркийзабон китобхонларга тақдим қилиш орқали ўз ижодий меросини «Назм ул-жавоҳир»дек ажойиб бир асар билан бойитади.

Ислом динининг олам узра ёйилишида фидойилик кўрсатган, унинг барқарорлигини юксак даражада қадрлаган ва шу йўлда жонини фидо этган Ҳазрат Али қолдирган ҳикматлардан кўзланган бош мақсад ҳам исломий эътиқодни улуғлаш, жамиятда соғлом турмуш тарзига эришиш, инсон аталмиш буюк мўъжизани иллатлардан холи кўришдан иборат бўлган. Холис ниятли кишилар қалбида бу динга муҳаббат уйғотиш, уларда иймон ва эътиқод билан бирга хушахлоқийлик ва гўзал инсонийликни мустаҳкамлашга ҳисса қўшиш, инсонни баркамол қилиб тарбиялаш, ҳаётий муаммоларни ҳал қилишда исломнинг беназир дунёвийлик касб этишини тарғиб қилиш унинг таянч мақсади эди. Салоҳиятли тўртинчи халифа қолдирган ижодий мерос ислом олами қалам аҳлига, шу жумладан, Алишер Навоий учун ҳам улкан ғоявий сарчашмавазифасини ўтади.

Ҳазрат Али ижодий мероси орасида эл назарига тушган«Наср ул-лаолий» асари ўзбек адабиётшунослигида маҳсус тадқиқот манбаи бўлган эмас. Алишер Навоийнинг «Назм ул-жавоҳир»ига доир мақолаларда эса бу асарнинг фақатгина номи тилга олиб ўтилаверган, холос. Бунинг биринчи сабаби «Наср ул-лаолий»нинг араб тилида ёзилгани, ислом дини тарихига алоқадорлиги бўлса; иккинчидан, «Назм ул-жавоҳир»нинг нашр нусхаларидан арабий ҳикматларнинг тушириб қолдирилганлигидир. Аслида, Алишер Навоий асаридан қисқартирилган ана шу арабий ҳикматлар «Наср ул-лаолий»нинг тўла матни ҳисобланади.

Улар «Назм ул-жавоҳир»нинг қўлёзма нусхаларида ҳар бир рубоий олдидан арабий ҳикмат тарзида келган. Эндиликда Алишер Навоий «Мукаммал асарлар тўплами»да «Назм ул-жавоҳир»нинг нисбатан тўла нашрэтилиши шарофати билан «Насруллаолий» таркибидаги насрий ҳикматлар улуғ шоиррубоийларига сарлавҳалар тарзида берилиши туфайли Ҳазрат Али фалсафий-адабий меросининг тўлиқ матнига эга бўлдик. Бу даъвомизни асослаш ва мазкур асарнинг юзага келиши тарихини аниқлаш учун унинг Республика изқўлёзма хазиналарида сақлананаётган мўътабар нусхаларига мурожаат қиласиз.

ЎзРФА Абу Райхон Беруний номидаги Шарқшунослик институти хазинасида бу асарнинг тўртта қўлёзмаси мавжуд бўлиб, улар 4146, 7706, 8949, 2261 -рақамлари остида сақланмоқда. Улар қуйидагилар:

1) 4146-рақамли қўлёзма. Мазкур китоб кўп қисмлиажмуадан иборат бўлиб, унинг таркибидан бошқа рисолалар ҳам ўрин олган. Қўлёзманинг 17-20-варақларида: «Наср ул-лаолий мин каломи амир ал-мўъминин Али» деб номланган сарлавҳа остида ҳикматлар жойлаштирилган. Бу қатра ҳикматлар мажмуада (биринчи сўзнинг биринчи ҳарфи бўйича) араб алифбоси тартибига риоя қилинган ҳолда берилади. Ҳикматлар сони 275 бўлиб, уларнинг кетма-кетлиқда келиши тартиби «Назм ул-жавоҳир» тартибидаги рубоийларнинг жойлаштирилишибилан бир хилдадир. Қўлёзма таркибида 247 ҳикмат «Назм ул-жавоҳир»дан ўрин олган.

Қўлёзма «»Кишининг иймони аҳдигавафо қилишидан билинади; Фалокат етгандаёрдамга келган киши – бироданинг» каби ҳикматлар билан бошланади. Ҳикматлар фақат араб тилида берилганлиги сабаблиунинг ўшақўлёзма бағрида келган бошқа рисолалардан фарқлаш у қадар қийин эмас. Тузилишига кўра, ҳикматларматни саҳифада бир устун қилиб ёзилган ва улар қатъийкетма-кетлиқда берилиб, ғуж тўрт нуқта билан бир-биридан ажратилган.

Қўлёзмада ёзилишича, мажмуа 1236 ҳижрий (1821 м.) йилда Низомиддин ибн Мир Муҳаммад ал-Балхий ал-Мазорийал-Хиравий томонидан қўчирилган.

2) 7706-рақамли қўлёзма. Унинг 1- 6-варақларидан «Наср ул-лаолий» таркибидаги 286 панднома ўрин олган. Улар араб алифбосисирасида (ҳикмат ибтидо топувчи сўзнинг бош ҳарфи) жойлаштирилган. Мажмуадаги ҳикматлар мазмунига кўра «Назм ул-жавоҳир»га асос бўлган афоризмлар экани кўриниб турибди. Нусха 1277 ҳижрий (1861 м.)да настаълиқ хати билан қўчирилган. Котиби Аҳмад Осий.

Асарнинг бошланиши соддагина: Бисмиллоҳдан кейин: Ҳаза китобу «Наср ул-лаолий» мин мақулоти Ҳазрат Али каррамаллоҳу важҳаҳу мураттабан мин ҳуруф ил-ҳижо яъни «Бу Ҳазрат Али алифбо тартибида берилган сўзларидан иборат «Наср ул-лаолий» китобидир», дейилгач ҳикматлар бошланади.

Ҳикматлар шу тахлит кетма-кет бериб кетилаверади. Уларни алифбо тартиби бўйича, дастлабки сўздаги биринчи ҳарф билангина бир-биридан ажратиб олиш мумкин. Чунки қўлёзмада пандномаларни бир-биридан жратиб турувчи бошқа бирор белги қўйилмаган. Араб тилида берилган ҳикматларнинг қаторлари орасида ва ҳошияларда уларнинг насрдаги форсий таржимаси ёки айрим сўзларнинг маъноси қистирма шаклида бериб борилади. Саҳифаларда китобатнинг бирор қатъий бир тамойилга бўйсундирилмагани кўриниб турибди. Айтидан, аввал матн, сўнгра эса, сатрлар орасига, ҳошияларга майда ҳарфлар билан форсий таржима ёзиб чиқилган.

Қўлёзмани қиёсий ўрганиш шуни кўрсатадики, мазкур нусхадаги ҳикматларнинг 248 Алишер Навоий «Назм ул-жавоҳир»ида келтирилган. Навоий рубоийлар мажмуасидаги бҳикматгина бу нусхада учрамади.

3) 8849 - рақамли қўлёзма. Наср ул-лаолий» бу мазкур китобнинг 66-68 - варақларида «Мақулоти ҳазрати амир ал-мўминин Али каррамаллоҳу важҳаҳу» номи биланжойлаштирилган. Тўпламда бисмиллоҳдан кейин «Қола Али (к.в.) Ҳарфи алиф» ишорасидан сўнгҳикматлар бошланиб кетган.

Ушбу нусхадаги ҳикматлар сони 289 тани ташкил қиласди. Ҳикматлар араб алифбоси сирасида жойлаштирилган. Мажмууда дастлаб пандномаларнинг арабча кўриниши, сўнг форсча насрый таржимаси ва ўша ҳикматларнинг бир байтдан иборат форсий тилдаги назмийшарҳи ҳам берилган. Аммо бундай тартиб қўлёзмада изчил давом этмайди. Ҳикматларнинг ким томонидан назмга солингани ва кўчирилгани ҳақида қўлёзмада маълумот йўқ. Нусха чиройли настаълиқ хатида ёзилган. Ҳажми 8 варақ.

Юқорида келтирилган уч қўлёzmани ўзаро солишириш жараёнида шу нарса маълум бўладики, «Наср ул-лаолий»нинг араб тилидаги ҳикматлари миқдор нуқтаи назаридан катта тафовутга эга эмас. Бироқ енгил таҳрирга учраган ўринлар, оз бўлса-да, учраб туради.

Кўринадики, «Наср ул-лаолий» қўлёзма нусхалари таркибидаги ҳикматлар сон билан М.Рашидова илмий-танқидий матни ўртасидаги рақамлардажиддий тафовутлар кузатилмайди.

4) 2261- рақами остида сақланаётган қўлёзма. Бу нусха «Наср ул-лаолий» – сад калимаи Али бо таржимаи Рашид Ватвот» - «Наср ул-лаолий» – Алининг юз калимаси, Рашид Ватвот таржимасида» деб номланган. Асарда арабий ҳикматлар ва уларнинг форсийдаги назмий таржима-шарҳи берилган. Қўлёзма тавсифини бир мунча кейинроққа суришимизнинг муайян изоҳлари бор. Ҳазрат Али ҳикматларини форсий шарҳлашга қўл урган Рашидиддин Ватвот аслият матнига ўта эркин муносабатда бўлади: ҳикматларни саралайди, ажратиб олингандарини мавзуларга кўра тасниф қиласди вақатъий низомга таяниб, уларга форсий талқин беради. Изланишлар ва Рашид Ватвот эътирофидан аёнлашадики, биз таъкид қилган “саралаш” жараёниаслида Ал –Жоҳиз томонидан амалга оширилган экан.

Қўлёзма ҳажми 18 варақ. Матн чиройли қилиб ишланган жадвалга олинган бўлиб, арабча ҳикмат йирик ҳарфларда, сулсада, форсий тўртликлар эса настаълиқ хатида, баъзида текис ва баъзида қиялатиб ёзилган хаттотлик санъатинамунасиdir.

Шуни ҳам айтиб ўтиш керакки, «Наср ул-лаолий»нинг бу қўлёзмасидаги ҳикматлар «Назм ул-жавоҳир»да мутлақо учрамайди. Бир вараққина ҳажмдаги форсча муқаддимадан сўнг берилган ҳикматларнинг сони 94 бўлиб (100 та эмас), дастлаб унинг араб тилидаги кўриниши сўнгра икки байтдан иборат форстилидаги шеърий таржима-шарҳи келтирилган.

Қўлёзма матни, айниқса, унинг муқаддима қисми билан танишув «Наср ул-лаолий»га доир кўпгина жиҳатларга ойдинлик киритишда муҳим аҳамият касб этади. Шуни назарда тутиб, ундан бир парча келтиришни лозим топдик:

«...мўъминлар амири ва тақводорларнинг имоми Али ибн Абу Толиб... шундай фасоҳати ҳам бор эдики, дурдоналарнинг гумбази унинг нафасидан ғайратда ва чаракловчи юлдуз унинг сўзларидан ҳайратда... Бу умматнинг нодири ва бу миллатнинг ажойиби бўлган Амру Баҳр ул Жоҳиз раҳматуллоҳ... амир ал-мўъминин Али алайҳиссалом ҳазратларининг мажмуасидаги айтилган гапларидан, юз калимани ихтиёр қилди (танлади)...».

Тузилиш тартиби: Ихчам ҳикмат; форсча назмий таржима-шарҳ. Қўлёзмадабарча ҳикматлар бошдан-оёқ эслатилган ана шу тартибда берилган. Қўлёзманинг муқаддимасида келтирилишича, ҳикматларни Ал-Жоҳиз танлаган. Ватвот эса уларнинг ҳар бирини форсий тўртлиқ - (қитъа)ларга айлантирган. Юқорида келтирилган далиллардан маълум бўладики, Ҳазрат Алининг ҳикматли сўзлари «Назм ул-жавоҳир»гаётibkelгунгақадар узоқ йўлни босиб ўтган ва Бу ҳақда турли қарашлар ўртага ташланган. Жумладан, XVII

асрда яшаган эрон адиби Маликушшуаро Баҳор «Назм ул-жавоҳир» рубоийлари учун асос бўлган ҳикматларнинг Алишер Навоий томонидантланланишига шубҳа билан қарайди. (Маликушшуаро Баҳор. Сабкшуноси. Жилди II. Техрон). Олима С. Фаниева эса бундай қарашга қўйидагича муносабат билдиради. Чунончи, «Ҳар нуктага бир тарона» (Фаниева С. Ҳар нуктага бир тарона // Имомал-Бухорий сабоқлари. - 2002. № 3.-210-212-бет) мақоласида у Алишер Навоий «Амир ал-мўъминин Ҳазрат Али ҳикматли сўзлари мажмуасидан 268 та ҳикматни саралаб оладива ҳар бирининг мазмунини бир рубоийда талқин этади», - дейди. Ёки: «Ҳар бирин тўрт дурри гавҳар дегил» деб номланган бошқа бир мақоласида олима ёзади: «Асарда («Назм ул-жавоҳир»да) барча авлодлар учун долзарб бўлган, бутун бир ахлоқий тизимга дахлдор масалалар бўйича ҳикматлар сараланган» (Фаниева С. Ҳар бирини тўрт дурри гавҳар дегил // Имомал-Бухорий сабоқлари . - 2001 № 3. -211-214-бет). С. Фаниева ҳар иккала мақоласидан Ҳазрат Али ҳикматларининг танловчиси ваёша дурдона ғояларнинг рубоийларда акс эттирувчиси Алишер Навоийдир тарзидағи холоса балқиб юзагачиқади. Эҳтимол, шундайдир. Ҳар қалай, қўллэзма нусхалар билан амалга оширилганмуқоясалар бу масалани янада жиддийроқ тадқиқ этиш лозимлигини тақозо қиласди...

Хуллас, Ҳазрат Али ҳикматларининг «Назм ул-жавоҳир» гача етиб келиш жараёнини қўйидагича тасаввур қилиш мумкин:

Мазкур ҳикматларнинг илк намуналари «Каломи амир ал-мўъминин Али» (араб тилида) тарзида номланган;

Амр ибн Баҳр ал-Жоҳиз (вафоти 868 милодий) «Қисқа ҳикматлар»ни ажратиб олиб, сайланма тузган (араб тилида);

Шариф ар-Розий (Х аср) «Алининг сўзлари»ни тўплаб, «Наҳж ул-балоға» (араб тилида) номи билан яхлит ҳолга келтирган. Мазкур тўпламдан 498 ҳикмат ўрин олган.

Рашидиддин Ватвот Ал-Жоҳиз асарини аслият (арабча), таржима ва шеърий тафсири (форсча) билан «Наср ул-лаолий» ёки «Сад калима» номи билан янги тўплам бунёд этган.

Алишер Навоий «Наср ул-лаолий» таркибидаги 268 ҳикматни туркий рубоийларшаклида назмий таржима қилиб, унга «Назм ул-жавоҳир» деб ном беради.

Ҳазрат Алининг ҳикматли сўзлари Х аср охирлариға келиб, олим ва шоир Шариф ар-Розий томонидан «Наҳж ул-балоға» номи билан бир тўпламга йиғилади. Мажмуадан ўрин олган ҳикматларнинг ғоявий сарчашмаси Қуръони карим ва Ҳадиси шарифдан қувват олган диний-дунёвий пандномалардан иборатdir.

«Наҳж ул-балоға» асари ҳақида таниқли арабшунос олим И.М.Фильшинский ҳам тўхталиб, қўйидаги фикрларни ёзган: «Алининг маъруза, ваъз ва ҳикматли сўзлари Х аср охирларида олим ва шоир Шариф ар-Розий (970-1016) томонидан «Наҳж ул-балоға» тўпламига йиғилган (Фильшинский И.М. Арабская классическая литература. - М.: Наука, 1965. с. 107). И. Фильшинский таъкидича, илм оламида узоқ вақт бу асар шоир Шариф ар-Розийнинг ўз қаламига мансуб деб ҳисобланган. Аммо кейинги йиллардаги араб олимларининг изланишлари натижасида «Наҳж ул-балоға» нингайни Ҳазрат Алига мансублиги маълум бўлиб қолди.

«Наҳж ул-балоға» нингшуккуху шуҳрати ислом дунёсидашу қадар баландки, унга мурожаат этган муҳаққиқларбу асарни Қуръоннинг «издоши», Қуръоннинг «укаси» деб ҳисоблайдилар. Дарҳақиқат, мазкур ҳикматлар мажмуаси илмий, тарихий ва адабий аҳамияти нуқтаи назаридан беназир ҳисобланади. Қадим замонлардан шу кунгача унга араб ва форс тилларида кўплаб шарҳлар ёзилган. Унинг насрю назмда ва форс тилида хилма-хил таржималари юзага келган. Мажмуанинг форс тилига қилинган бу шарҳу таржималаридан бальзилари аслиятга мувофиқлиги, илмий – адабий теранлиги, фасоҳату балоғат билан иншо қилиниши жиҳатидан қадрлидир.

ХХ асрда ҳам “Наҳж ул-балоға”гақизиқиши кучайди. Эрон адиби ва олимий Жавад Фозил 1321-1330 (х.ш) йиллар орасида бу асарни таржима қилиб, шарху изоҳлар билан таъминлаб, нашр эттироди.

Маълум бўладики, Шариф ар-Розий асар таркибини ўз завқига мослаб жойлаштирган. Қўлёзма нусхаларда қисқа ҳикматлар 275, 292 миқдорида бўлса, «Назм ул-жавоҳир»да эса уларнинг 268 тарзида эканлиги Навоий замонасигача бу афоризмлар яна бир карра сараланганидан далолат беради. «Наҳж ул-балоға» пандномаруҳида таълиф этилгантўла маънодаги таълим-тарбиявий асардир. Пандномалар доимо жамиятнинг ахлоқий тараққиётига хизмат қилиб келган маънавий хазина ҳисобланади. Ҳазрат Али ҳикматларининг (шунингдек, «Насрул - лаолий»нинг ҳам) таянч манбаи «Наҳж ул-балоға» бўлиб, унинг ҳозирги замон форс тилига қилинган таржимаси анча мукаммал ва нашрдаги ҳажми 755 бетдан иборатdir. «Наҳж ул-балоға» фақатгина салмоқли ҳажми билангина эмас, балки «қисқа ҳикматлар»га жуда бойлиги нуқтаи назаридан ҳам эътиборга лойиқдир. Биз айрим жиҳатларини қайд қилганимиз мажмуамазкур асарнинг форсийдаги йигирманчи нашри ҳисобланади. Нашрдан «Наср ул-лаолий» учун танлаб олинган ҳикматлардан ташқари, Қуръон ва Муҳаммад расууллоҳ, тавҳид, пешво ва миллат, давлат арбоблари, ишқ, жанг, ахлоқ, имом Ҳасанга васият (ва ҳоказо) кабифасллар ўрин олган. Айниқса, «Нажоту панду насиҳат», «таҳсину ҳикмату насиҳат», «Алининг айтганлари», «қатра сўзлар» («калимоти қисор») сингари фасллари катта ахлоқий – маънавий аҳамиятга моликдир.

Алқисса, «Назм ул - жавоҳир»нинг яратилиш тарихи ва нашрлари, «Наср ул-лаолий» қўлёзмалариникузатишимииз натижасида қуйидаги хуносаларга келинди:

- «Назм ул-жавоҳир» Ҳазрат Алиниг ижтимоий-фалсафий, маънавий-ахлоқий мавзудаги ҳикматларини рубоий жанрида назмий таржима қилишасосида яратилгандир;

- Алишер Навоий «Назм ул-жавоҳир»га ўз замонасида кенг тарқалган Ҳазрат Али ҳикматларининг арабча нусхаларини асос қилиб олади;

- Мумтоз асарларнинг нашрларини амалга оширишда (муаллиф дастхати ёки унинг назаридан ўтган нусхаси бўлмаган тақдирда) илмий- танқидий матн асосий таянч вазифани ўтамоғи лозим;

- Ҳазрат Алиисломий ғояларнинг тарғиботчиси, ўзининг ижтимоий- фалсафий, маърифий-ахлоқий қарашлари билан ислом оламида мустаҳкам ўрин эгаллаган файласуф назариётчидир;

- “Наср ул-лаолий” панд-насиҳат, эзгуликка даъват ёки фалсафий фикрларни ифодаловчи ҳикматлар мажмуидан иборат. Худди шундай гапни “Наҳж ул - балоға” ҳақида ҳам айтиш мақсадга мувофиқдир.

## II - ФАСЛ

### ЛЕК БОРИДИНҒАРАЗ ИНСОН ЭДИ.

#### 2.1. Илоҳиётданранг олган мисралар

Ислом янги қарор топган пайтларда амир ал-мўъминин Али ибн Абу Талиб ўзининг адабий мероси билан янгича – исломий ахлоқ мезонлари ва тамойилларининг вужудга келишида муҳим илоҳий-ирфоний вазифаниадо этди. Зоро, Ҳазрат Алининг илоҳий-ирфоний, ижтимоий-фалсафий, ахлоқий-маърифий қарашлари ифодаланган ҳикматлари исломнинг таянч сарчашмаларига асосланган бўлиб, ўшаларнинг мантиқий давоми сифатида юзага келган. Алишер Навоийнинг «Назм ул-жавоҳир» асари эса Ҳазрат Алихикматларининг янги тарихий шароит ғоялари билан бойитилган, сайқал топган мантиқий давомидир. Бу ижодий жараёнда Ҳазрат Али илгари сурган ғоялар Алишер Навоий томонидан ривожлантирилди, туркий халқларнинг орзу – истаклари, эзгулик бобидаги ширин туйғулари билан бойитилган. Уларда ҳаётий ҳақиқат ва илоҳийғоялар қоришиб кетади.

Шунингдек, «Назм ул-жавоҳир»нинг муваффақиятини таъминлаган илоҳий-исломий манбалардан Алишер Навоий жуда кўп асарларида самарали фойдаланганлиги ҳам бу улкан ижодий тажрибани умумий йўналишда кузатишва шоирнинг айни бир асар доирасидаги маҳоратини аниқлашга имкон яратади. Зоро, Алишер Навоий ижодида Қуръон ва Ҳадисгамурожаат қилишулуғ шоирнинг «Арбайн», «Тарихи анбиё ва ҳукамо», «Сирож ул-муслимин», «Маҳбуб ул-қулуб» асарларида, айниқса, яққол кўзга ташланади. «Назм ул-жавоҳир»нинг яратилишида маънавий туртки берган Ҳазрат Али ҳикматлари ҳам бевосита Қуръон ва Ҳадислар таъсирида юзага келган ва уларга ғоявий, бадиий, услугбий жиҳатдан жуда яқинdir. Адибнинг ўй-хаёллари, ҳис-туйғулари, қарашлари бўй кўрсатган асарларининг барчасида одам ва олам дарди, коинот гултоҗиинсон ҳаёти ва унинг манфаатлари ётади. «Ҳайрат ул-аброр», «Назм ул-жавоҳир», «Арбайн», айниқса, рубоий ва қитъалар каби кичик шеърий жанрлар, насрый асарларидан «Маҳбуб ул-қулуб» жамият аъзолари орасида эзгулик уруғини сепиш ва ундириш, инсонни комил ва фозил қилиб тарбиялаш ниятида яратилган.

Инсонни номаъқул хислатлардан фориғ кўриш, унинг комиллик сифатларига эга бўлиши ғоялари Алишер Навоий ижодининг ўқ илдизини ташкил қиласди. «Назм ул-жавоҳир» ҳам шоирнинг айни шу ният ва муддаосини рўёбга чиқариш мақсадида яратилган асарларидан биридир. Асар юксак инсоний хислатларни тарғиб қилувчи ахлоқий мавзулардаги рубоийлардан ташкил топган. Зоро, академик Б.Валихўжаевнинг ўринли таъкидича: «Комил инсон Алишер Навоий ижодида таянч нуқта бўлиб, жамиятнинг иқтисодий, ижтимоий ва маънавий ҳаётига оид барча муаммоларни ҳал қилиш унинг воситасида амалга ошади»(Валихўжаев Б. Комил инсон, комил жамият - Навоий талқинида // Ўзбекистон адабиёти ва санъати. -2002, 23 январь).

Алишер Навоий ижодида бундай ғоявий қатлам, шу жумладан, «Назм ул-жавоҳир»да ҳам ўз-ўзича, осмондан тушиб қолгани йўқ, албатта. Навоийгача бўлган араб, форс ва туркий адабиёт яхлит олиб қаралса, унда жамиятни баркамол кўриш орзуси унинг алоҳида аъзолари камолотига жуда-жуда боғлиқ эканини ҳис этиш қийин эмас.

Алишер Навоий ҳамана ўша эзгу ниятни рўёбга чиқариш учун бор адабий тажриба ҳамда

маҳоратини ишга солди. Шу боисдан ҳам улуғ шоирнинг «Ҳайрат ул-аброр»да келтирилган оламнинг яратилишидан мақсад инсоннинг яратилиши экани ҳақидаги қуйидаги мисралари ҳозирги кунда англаб етилган ҳақиқат сифатида ҳеч бир эътиroz уйғотмайди:

*Ганжинг аро нақд фаровон эди,  
Лек боридин ғараз инсон эди(МАТ. VII жилд, 21-бет).*

Инсонни деб олам яратилган экан, бу олам ичра мавжуд барча нарсалар унинг манфаати учун хизмат қилиши керак. Сарҳадсиз олам ичида инсоннинг ўзи ҳам бор, албатта. Мантиқан олганда, инсон ҳам инсон учун яратилган. Бошқача қилиб айтганда, инсон зоти бир-бирисиз яшай олмайди. Бирга яшаш эса одамдан инсонийлик сифатларини тақозо этади.

Инсонийлик қирралари эса ҳадду-худудсиздир: барчага меҳр-шафқат назари билан қараш, каттагахурмат, кичикка иззат, ҳожатбарорлик, мардлик, саховат, ҳиммат, ростгўйлик, адолат, мурувват...

Алишер Навоий ўз замонасининг инсонларига чексиз меҳр кўргузган ва улкан мурувват соҳиби бўлган зот эди. У инсондаги энг асосий фазилатни одамийликда деб уқтирган. Одамийликни оддий халққа манфаат етказиш, умумташвиш – тараддулари билан яшашда кўрган мутафаккир шоир бу фазилатни бутун ижодида тараннум этган:

*Одамий эрсанг демагил одами,  
Оники йўқ ҳалқ ғамидин ғами(МАТ. VII жилд, 240-бет).*

«Ҳайрат ул-аброр»даги айни оҳорли мисралар асрлар оша жарангдор акс-садо бериб келди. Истиқлол йўлидан шаҳдам одимлаётган Она – Ўзбекистон учун ҳам улуғ шоирнинг ўша шоҳ мисралари бағридаги умумбашарий мазмун ғоят қадрли ва замондошdir.

Навоийшунос олимларнинг хулосаларига кўра, улуғ шоир ижодиётида олижаноб инсоний фазилатлар икки йўналишда юзага чиқади: бири – мавъиза, панд-насиҳат руҳидаги шеърлар орқали; иккинчисибадий образлар қиёфасида намоён бўлади.

Шунингдек, улуғ шоирнинг «Ҳайрат ул-аброр», «Маҳбуб ул-қулуб», «Назм ул-жавоҳир» каби қатор бадиий яратмаларида ҳам юқорида таъкидланган ҳамма замонлар учун долзарб инсоний фазилатлар диққат марказида тутилади.

Чунончи, «Ҳайрат ул-аброр»нинг ўн учинчи мақолатида Навоий одамлар ғамини ейишни соддагина қилиб «нафъ расонлиғ» (наф етказиш) тарзида атаб, атрофлича шарҳлаб беради. Мақолат сарлавҳасидаёқ шоир бундай сифатга эга бўлган кишиларни тилидан бол томиб таърифлайди:

«Саҳобдек нафъ расонлар бобидаким, арақи пешоний била райоҳин зеболари бошиға гавҳар афшон бўлурлар. Ва булат аро барқдек хандонлик юзларида пайдо. Ва шабнам тўкилган чинордек обилаи кафи даст била ерга паст бўлган хасу хошокни сероб қилурлар. Ва чинордек дилсўзликлари аҳволларида хувайдо»(МАТ. VII жилд, 233-бет).

Бу мақолат тўлалигича «нафъ расонлиқ»қа бағишиланган:

*Нафъдин эл вирди дуо жонингга  
«Ямқусу фил арзи» сенинг шонингга.  
Қайда адо айлагасен бу сипос  
Ким, сени деб хайри башар, хайри нос.*

Нафъ етқурмакка шиор айладинг,  
Үзунгга ул нафъни ёр айладинг.  
Нафъинг агар халқа бешак дурур,

Билки бу нафъ ўзунгга кўпрак дурур (МАТ. VII жилд, 233-234-бет). Одамларга нафъни тегадиган инсонлар фаолиятини шоир илоҳий манба – Қуръоннинг «Раъд» сураси 17-оятидаги «Одамларга фойдали бўлган нарса эсаерда қолур » деган илоҳий жумла билан асослаган(Қуръони карим. 251-бет).

Шу ўринда «Назм ул-жавоҳир» муқаддимасида« Аниқки, инсон узра қачондир тилгаолгулик нарса бўлмаган «вақт» муддат кечган» (Инсон сураси, 1-оят) илоҳий қаломи билан бошланганини эсга олайлик. Унда шоир «Инсон зоти ҳаётида зикр этишгаарзигуликхеч нарсабўлмаган замонлар ҳам бўлган»лигини ёдга олиш билан, ҳозирги пайтга келиб, ҳаётнинг инсондан талаби ўзгача экани ҳақидаги фикрга бошлаб киради ва бу талабларни шеърий дурдоналар тарзида эътиборимизга ҳавола қиласди. Унда инсон зотининг ижтимоий ҳаётдаги ўрнига ишоратан, ўзаро муносабатларда бепарво бўлмасликка чақиради. Бирорга яхшилик қилишни инсоннинг зийнати деб атайди:

Кишининг мулоҳимлиги (эҳсондан сўнг) иккинчи совғадир.

Эҳсонки бирорга сийрату сон келди,  
Ашқоли сипеҳр олдида осон келди.  
Эҳсон ҳар неча зеби инсон келди,  
Инсонда тараб иккинчи эҳсон келди<sup>1</sup> (40-бет).

Бирорлардан яхшилик кўрган инсонларнинг барчаси бўлмаса-да, муайян қисми, барибир, Навоий айтганидек, имкон қадар мурувватли бўла боради. Бундан, албатта, ўша шахснинг ўзига ҳам манфаат етиши, шубҳасиздир. Бу хусусда Навоий «Ҳайрат ул-аброр»да ёзади:

Қатрае гар баҳрға сочти саҳоб,  
Баҳр қилур қатрасини дурри ноб (МАТ. VII жилд, 234-бет).

Навоий, шу билан бирга, бу асарида ҳар қандай фазилатлар инсон билангина гўзал эканини ҳам алоҳида қайд этади:

Холки руҳсор уза марғуб эрур,  
Ул доғи руҳсора била хўб эрур(МАТ. VII жилд, 235-бет).

Алишер Навоий «Ҳайрат ул-аброр»да халқ орасида унинг машаққати юкини кўтарувчиларгина комил инсон деб аталишини таъкидлайди ва бунга расулуллоҳнинг ижтимоий фаолиятини ибрат қилиб кўрсатади:

Зумраи инсон аро комиле,  
Келди машаққат юкини ҳомили.  
Ушбу бийик мартаба қадрини бил,  
Бўйла улуғ манзала шукрини қил.

<sup>1</sup> Раширова М. «Алишер Навоий «Назм ул-жавоҳир» асарининг матний тадқиқоти» Филол. фанлариномзоди ... дисс. -Т.: 1990.164 б. Бундан кейинги «Назм ул жавоҳир»дан келтирилган парчалар шу манбадан олинади ..

Шукр недур – нафъ фузун айламак,  
Базл камандини узун айламак(МАТ. VII жилд, 239-бет).

Инсонларга фойда етказиш фақат саҳоватва эҳсон қилишдангина иборат эмас. Бундай хайрия ишларига инсоннинг имкони бўлмаса-чи?

Бўлмоқ агар қўп эса ҳам базлсоз,  
Бергали ар айламамак бўлса оз.  
Хайр муюссар гар эмас эл била,  
Нафъ тегурмак ҳам эрур тил била(МАТ. VII жилд, 239-бет).

Кўл била муруват кўрсата олмасанг, тил билан одамларнинг кўнглини кўтариш, уларга маънавий манфаат етказиш ҳам мумкин. Шоир нафъ еткаришнинг фақат моддий эмас, балки, маънавий томонига урғу бериш билан меҳрибонлик сари йўл очади, дейишимиз мумкин. Зотан, меҳрибонлик кўпроқ тил билан амалга оширилади. Тил билан етказиладиган нафни Навоий мароқ билан улуғлаб, ёзади:

Ганж бериб бўлмас экин тутса кўз,  
Улча қилур вақтида бир яхши сўз.  
Сўз била куфр аҳли мусулмон бўлиб,  
Сўз била ҳайвон деган инсон бўлиб. (МАТ.VII жилд, 239-240-бет).

Энди тасаввур этайликки, тил билан нафъ етказиш ҳам бир банданинг қўлидан келмади. Унда:

Сўз била нафъ ўлмаса эл пешаси,  
Яхши керак кўнгилда андешаси.

Ёки:

Нутқи била етмаса баҳшойиши,  
Зикри эрур табъиға осойиши (МАТ.VII жилд, 240-бет).

Яъни, сўз билан нафъ еткура олмаган киши, лоақал қўнглини тоза, пок тутмоғи лозим. Бундай киши Аллоҳнинг зикрини қилиб, бу билан кўнглига таскин бериб ўтириши мумкин.

Кўриб ўтганимиздек, Навоий бундай нафъ расонликдан ҳеч киши четда қолмаслигини уқтирилади. Айни пайтда у барчанинг олдида бир хилда талаб ҳам қўймайди (мол, тил, пок кўнгил, зикр билан). У ҳаёт ҳақиқатини ҳисобга олган ҳолда ҳукм чиқаради. XY аср турмуш тарзи манзараларини ҳисобга олган улуғ шоир ўша имкониятлар доирасида бадиий мушоҳада юритади. Алишер Навоийнинг яна бир қатъий таъкиди “Ҳайрат ул-аброр”нинг 18 – мақолатида ифодаланган:

Яхшилик ар айламасанг иш чоғи,  
Айламағил бори ёмонлиқ доғи (МАТ.VII жилд, 299-бет).

«Ҳайрат ул-аброр»дашоир юқоридаги инсоний сифатларни бадиий жиҳатдан таҳлил қилиб, тасниф этади (мол, тил, пок кўнгил, зикр билан бировга нафъ етказиш). «Маҳбуб ул-кулуб»да эса ўшафазилатларнинг амалиёти, ҳаётдагии фодасини ва табиий манзараларини

қаламга олади.XV асрдаги ахлоқий-маънавий ҳаёт эса улуг шоир кутган даражада эмас эди: «Ҳар кимгаки, бир хизмат қилдинг, ўн шиддатға муҳайё турмоқ керак ва ҳар кишига юз мулоямат кўргуздунг, минг ғилзат ва кудуратға сало урмоқ керак... (МАТ. XIVЖИЛД, 78-бет). «Маҳбуб ул-кулуб»даги бу танbih бошдан оёқ ўта куюнчаклик билан ёзилган. Буюк адибнинг бу борадаги бошқа фикрларидан ҳам алам руҳи сезилиб туради. Шоирнинг «Назм ул-жавоҳир» асарида ҳам айни ана ўша руҳнинг ҳукмронлигини сезиш қийин эмас.

Маълумки, Куръони каримда қилинган ҳар бир яхшилик мукофотсиз, ёмонлик эса, жазосиз қолмаслиги таъкидланади. «Анъом» сураси 160-оятида зикр қилинишича, «Кимки (бир) ҳасана (савобли иш) қилса, унга ўн баробар(кўпайтириб ёзилур). Кимки (бир) ёмон (гуноҳ иш) қилса, фақат ўша (гуноҳ) миқдорида (бир гуноҳга яраша) жазоланур. Уларга ноҳақлик қилинмагай» (Куръони карим. 150-бет) Навоий «Назм ул-жавоҳир»даги мисраларининг моҳият-мазмуни бosh сарчашма билан нақадар уйғун эканлигиниқўидаги мисраларда равшан кўришимиз мумкин:

**Кишининг зулми ўзини хор қилади.**

Даврон кишига зулм фузун айламагай,  
То они таъбе раҳнамун айламагай.  
Эл зулм ила халқни забун айламагай,  
Ким зулми-ўқ они сарнигун айламагай (84-бет).

«Назм ул-жавоҳир»даги аксарият рубоийларда тил одоби ҳақида фикр юритилади. Навоий тил инсонга берилган олий, илоҳий неъмат эканлигини таъкидлар экан, одам бошига баҳт ҳам, бало-ю оғатларнинг ҳам ўша восита (тил) орқали ёғилишиниқатъият билан эслатади.

Ушбурубоийлар туркумига бундай олижаноб ғояларнинг Куръони карим ва «Наср уллаолий»дан кўчганлигини ҳис қилиш қийин эмас. Жумладан, «Зумар» сурасининг 60-оят каримасида ўқиймиз: «Қиёмат кунида Аллоҳ шаънига ёлғон сўзлаган кимсаларни юзлари қорайган ҳолда кўрасиз» (Куръони карим. 465-бет). Кўринадики, ёлғончилик инсон атворидаэнг ёмон иллат сифатида нафрат билан тилгаолинади. Жумладан, қуйида келтириладиган рубоийда ҳам ўша етакчи ғоянинг устиворлигиниқўришимиз мумкин.

**Инсонга бало тилдан келур.**

Сўздин кишиким ғаму бало ҳосилидур,  
Ҳар нуктада тили деса бало дохилидур.  
Бесирфа деган кишига тили қотилидур,  
Алқисса, кимсанингбалоситилидур (30-бет).

Тил ва ундан чиқадиган сўзларнингхилма-хил жилолари «Назм ул-жавоҳир» рубоийларида атрофлича ёритилади. Навоий ўша тўртликларида тил – ғарип дилларни шод ва маҳбуб қилувчи, ўзгалар кўнглига озору ситам берувчи ҳамда барча яхшилик ва ёмонликларнинг дояси деган хulosага келади. «Назм ул-жавоҳир» таркибидаги бошқа биррубоийди эса инсонийликнинг жуда нозик қирралари қаламга олинади.

**Ўлмайдиган зотулуғдир.**

Гардунки, ҳалойиқقا вафоси йўқ аниңг,  
Жавр ичра кичик-улуққа поси йўқ аниңг.

Ҳар кимки, кичик бўлса бақоси йўқ анинг,  
Сен они улуғ билки, фаноси йўқ анинг (50-бет).

Рубоий мисралари мағзида «Ўлмайдиган зот улуғдир» ҳикматли сўзи сингдирилганdir. Бу билан улуғ шоир Аллоҳнинг абадийлиги таъкидлаш, Унинг Зотиниулуғлаш йўлидан боради ва илохий сифатларни унинг халифасига ибрат қилиб кўрсатади. Қуръони Карим «Қасас» сурасининг 88-оятида ўқиймиз: «Аллоҳга қўшиб бошқа «илоҳ»га илтижоқилманг! Ундан ўзга илоҳ йўқдир. Унинг «юзи»дан бошқа барча нарса ҳалок бўлувчиидир(Қуръони карим. 396-бет).

Албатта, бу талқинлардан бир тарафлама ва нотўғри хulosага келмаслик керак. Чунки Аллоҳни улуғлаш – атроф - муҳитни, табиатнинг гултоғи – инсонни шарафлаш ҳисобланади. Алишер Навоийнинг Ҳазрат Али ҳикматларига мурожаат қилишдан кузатган бош мақсад-муддаоси ҳам ҳаётсеварлик, инсонпарварлик ва юксак одамийликни улуғлашдан иборатдир.

Қуръон сураларида намоз, рўза, закот каби исломий амалларни бажариш ҳар бир иймон эгаси учун фарз эканлиги уқтирилади. Ҳақ ошиғи бўлишни истаган бандалар тунда ибодат қилишлари кераклиги илоҳий китобнинг оятларида бот-бот таъкидланади. Чунки намоз солиҳ банданинг Яратувчига шукронасидир. «Инсон» сурасининг 26-ояти каримасида «Яна кечанинг бир қисмида ҳам Унга сажда қилинг ва узун тунда унгатасбиҳ ҳам айтинг!»(Қуръони карим. 2004. 580-бет) каби илоҳий жумлаларни ўқиймиз. Бинобарин, Алишер Навоий Қуръони каримнинг мазкур ояти каримасидан ўз бадиий-фалсафий ғояларини тарғиб этишда моҳирона фойдаланган. Шунингдек, «Назм ул-жавоҳир»даги рубоийларда ҳам улуғ шоирнинг шундай майли ёрқин қўзга ташланади:

**Тунги намоз кундузга ҳусндири.**  
Кўп қилма намоз амрида бепарволиғ,  
Ракъат била қил оҳ хадангин ёлиғ.  
Қилсанг кеча саждаға жабин фарсолиғ,  
Кундузунга ул намоз эрур зеболиғ (76-бет).

Алишер Навоийнинг «Назм ул-жавоҳир»да ахлокий масалаларни ёритишда исломий сарчашмаларга таяниши тасодифий эмас, албатта. Улуғ шоир бундай уриниши билан икки улкан мақсадни рўёбгачиқаради: Биринчи сабаб: Қуръони карим, пайғамбаримиз ҳадислари ва Ҳазрат Алининг сўзларига мурожаат қилиш орқали шеър табарруклигини оширишдир. Иккинчидан, исломий манбаларнинг инсонпарварлик моҳиятини улуғлаш, шариат аҳкомларига мурожаат қилишдан мурод инсонни руҳий-маънавий камолотга, покланишга даъват қилиш эканлигини уқтиришдан иборатдир.

Юқорида келтирилган бадиий парчалар таҳлилидан кўриниб турибдики, Алишер Навоий назму насрда битилган асарларидаумуминсоний ғояларнинг кўз илғамас уфқларигача ёритиб берган. Илоҳий манбаларга руъжу туфайли ўшауфқларнинг миқёси янада кенгайиб кетган. Натижада, одамийлик, саховат, ҳиммат, карам, меҳр, мурувват, футувват (мардлик), сабру қаноат каби ўзаро узвий боғлиқ бўлган ёндош тушунчалар – фазилатларнинг амалиётидан ҳосил бўладиган инсонлараро ўзаро алоқадорлик ҳодисаси муайян бир тизим тусини олади. Айни йўналишдаги тадқиқотлар ўз навбатида инсоний муносабатларнинг моҳиятини очишда мисли кўрилмаган натижалар беради.

## 2.2 НУРЛИ ҲИҚМАТЛАР – ТЕРАН МАЬНО АСОСИ

Ҳадис ислом оламида Қуръони каримдан кейинги иккинчи муқаддас ғоявий-маънавий, ижтимоий-хуқуқий манба ҳисобланади. Ислом дунёси халқлари тарихи, маданияти, фалсафаси ва адабиётида ҳадисларнинг таъсири бениҳоя каттадир. Ушбу манба мусулмон дунёси илм аҳли томонидан чуқур ўрганилган ва бу билан «муҳаддислик» деган маҳсус бир соҳага асос солинган. Ҳадисларда ислом дини арконлари, яъни фарз, вожиб, суннат, ҳалол, ҳаром, макруҳ кабилар хусусида тушунча беришдан ташқари, умуминсоний фазилатларни улуғлаш ва тарғиб қилиш, ҳалоллик, поклик, хайр-эҳсон, ҳиммат, сахийлик, биродарлик ва бошқа кўпгина мусулмончилик ахлоқи мезонлари, яъни, ахлоқ-одобга доир кўрсатмалар ҳам талқин қилинади. Ҳадис илми ислом тарихидаги бир қатораҳкомларга аниқлик киритиши, уларни мазмунан ривожлантириши, юксак ахлоқий-маънавий, руҳий-фалсафий жараёнларни ривожлантириши билан ҳам аҳамиятлидир. Шудан бўлса керак, зикри ўтган мусулмончиликка эътиқод қўйган халқларнинг маданияти равнақида таянч ғоявий -маънавий сарчашмаларнинг ҳаётбахш таъсири ёрқин назарга ташланади.

Ҳадисларда ифодаланган ҳаётсеварлик, халқпарварлик, адолатпарварлик ислом дунёси бадиий адабиётига қудратли таъсир кўрсатиб келди. Ҳадисларнинг таъсири остида умрбоқий асарлар дунё юзини кўрди. Бундай бадиий яратмаларнинг исломий ғоялар билан йўғрилиши уларнинг ғоявий таъсирчанлиги ва бадиий балоғатининг ҳади аълосигаетказилишида муҳим омил бўлиб хизмат қиласи. Шундай экан, ўтган мингийллар давомида таълиф қилинган бадиий асарларни ўша таянч сарчашмаларнинг ҳаётбахш таъсири ва улардан олинган иқтибосларсиз тасаввур қилиб ҳам бўлмайди.

Исломий манбаларнинг Алишер Навоий ижодидаги ўрни ҳақида гапириб, навоийшунос олим А. Ҳайитметов, хусусан, шундай ёзади: «Ва ниҳоят, Навоий ижодининг яна бир муҳим манбай диний ва суфий адабиётлардир... Аммо Навоийнинг диний адабиётга муносабати, диний адабиётлар, хусусан, Қуръон ва ҳадислар шоир ижодининг доимий ва муҳим манбалари бўлгани, ўз даври ижтимоий-сиёсий ва маданий-маънавий масалаларини улуғ шоир кўп вақт шу асарларига суюниб ҳал этганлиги шу пайтгача деярли ўрганилмади, ҳатто бундан кўз юмиб келинди» (Ҳайитметов А. Алишер Навоий ижоди манбалари ҳақида //Алишер Навоийнинг адабий маҳорати масалалари. Мақолалар тўплами.- Т.: «Фан», 1993. - 3 - 13-бетлар).

Ҳадислар ислом Шарқи мумтоз адабиётда ахлоқий-таълимий мавзунинг маънавий заминларидан бири сифатида кенг қўлланилиб келинган. Ҳадислар таркибига халқ оғзаки ижодидан кўпгина ҳаётбахш туйғулар кириб қолганидек, бундай исломий-илоҳий ҳикматлар ўз навбатида халқ оғзаки ижодига ҳам, ёзма бадиий адабиётгаҳам катта таъсир кўрсатиб келди. Ҳадислар ҳаёт сабоқларини талқин этишда бевосита Қуръони каримдан озиқланиб келгани сабабли ислом оламида эътибори бениҳоя юксак бўлган. Улар ислом дунёсининг турли соҳаларига – Ислом қонуншунослиги ва шариатга, фалсафа, сиёсат, диний ва дунёвий ахлоқ қоидаларига, санъатга ва айниқса, адабиётга, хусусан мусулмон минтақа мумтоз шеъриятига катта таъсир кўрсатган маънавий сарчашмадир.

Муҳаммад (с.а.в)дан «Кимки менинг ҳадисларимдан 40 тасини ёд билса, қиёмат куни менинг шафоатим остида бўлади», - деган ҳадис етиб келган. Шу ҳадисга биноан мусулмонлар ҳадислардан 40 тасини ёдлаб олишга ва уларни атрофдагиларга етказишга интилганлар. Ҳадислар иймонли инсон дилига яқин бўлгани учун ҳам араб, форс ва туркий тиллардаги адабиётлар уларни ўзининг мағз-мағзига сингдириб олди. Зотан, бир ҳадисда айтилганидек, «Мендан ривоят қилинган бирорта ҳадисни эшитганларингизда, дилларингизга таниш, баданларингизга таъсир қиласи. Ҳадисларни сифадиган

бўлса, демак, у менинг айтган ҳадисимдир. Аммо эшитган ҳадисларингиз бунинг аксиdek бўлса, демак, у менинг айтган ҳадисим эмасдир» (Ахлоқ-одобга оид ҳадис намуналари. -Т.: «Фан», 1990. 26-бет). Ҳадисларнинг бундайкафолатланиши уларга асосланган асарларнингғоявийлиги, бадиияти ва халқчиллигини таъминлайди, албатта. Мұҳаммад Мустафо (с.а.в.) ўз ҳадисларининг тарқалишига, улар орқали жамиятда эзгулик уруфи сочилишига катта умид боғлаганлар. «Бизнинг сўзларимизни эшитиб олиб, ўзгартирмаган ҳолда одамларга етказадиган кишининг юзини Тангри ёруғ қилсан! Бевосита биздан эшитган одамдан кўра кўпроқ ғойибона ривоят қилувчилар (келажак авлод) орқали эшитган кишилар ҳадисларимни яхшироқ сақлайдиган бўлиши мумкин» (Ўша китоб, 26-бет). Чиндан ҳам, пайғамбаримиздан кейин бу ҳадисларга бўлган қизиқиш ортса ортди, аммо, камаймади. Айниқса, қалам аҳли ўз асарларида ҳадислардан моҳирона фойдалана бошладилар.

Бадиий адабиётда ҳадислардан фойдаланишнинг кўринишлари кўп. Қуйида уларнинг энг кўп оммалашган шаклларига тўхталиб ўтамиш. Чунончи:

**1. Насрий ва шеърийасарлар мазмунига мос келган ўринларда иқтиbos шаклида ўзгаришсиз киритилган ҳадислар.** Бунда муаллиф улардан ўзи илгари сураётган ғояга китобхонни ишонтириш, ўша парчаларнинг таъсирчанлиги ва табарруклигинитаъминлаш воситаси сифатида фойдаланади. Жумладан, Носируддин Рабғузийнинг «Қисаси Рабғузий» асарида бундай мисоллармисоллар кўпгинаучрайди. «Қиссас» муаллифи ўшандай ўринларда ҳадисларни ўзгаришсиз араб тилида қўллайди Намунасифатида қўйидаги иқтиbosни келтирмоқчимиз: Қола Расулуллоҳи (а): ал-ажалату мин аш-шайтон ва аттаъани мин ар-Раҳмон. (Аллоҳнинг элчиси деди: шошилиш шайтоннинг иши ва шошилмаслик Раҳмоннинг ишидур) (Рабғузий Носируддин Бурҳонуддин. Қисаси Рабғузий. Биринчи китоб. -Т.: Ёзувчи, 1990. 12-бет).

Бир ҳадиснинг ўзи турлимуносабат биланмуайян муаллифнинг бир асарининг турли ўринларида хилма-хил мақсадларда қўлланилиши ҳоллари ҳам кузатилади. Жумладан, Алишер Навоийнинг «Маҳбуб ул-қулуб» асарида «Бир соатлик адолат инсу жинснинг (олтмиш йиллик) ибодатидан яхшидир» ҳадиси уч ўринда уч талқинда ишлатилганligини кўрамиз.

Шеърий мисраларга мазмунан мувофиқлаштирилган ҳадисларни ҳам Алишер Навоий ижоди мисолида ҳам кўплаб кузатиш мумкин.

*Булардин гар аъло гар адно дуурур,  
Ким, андин халойиққа ийзо дуурур.  
Шаҳ ўлтурмас авлодур ул элни бот  
Ки, дебдор набий «иқтилсо ал-муъзиёт (МАТ. XIV жилд, 16-бет).*

Ёки:

*Халойиққа ийзо аларға сибот,  
Набий дедиким: «Үқтул ул-муъзиёт» (МАТ. XIV жилд. 39-60).*

Ёки:

*Ул шамъки, «Ваззуҳо» қуёш юзи дур,  
Мозоғ била сурма чекилган қўзи дур,  
Анинг билаким, ўзи улу ул ўзи дур,*

Борча «Анна минка ва анта минний» сўзи дур (Илмий танқидий матн. 2-бет).

**2. Ҳадисларни бадиий адабиётда акс этишининг бошқа бир кўриниши уларнинг ҳаётбахш таъсириостида назмий ва насрий парчаларнинг вужудга келишидир.** Туркий адабиётда ҳадиларга мурожаатнинг зикри ўтган шаклини X-XII аср адабиётинамуна-

ларидаёқучратиш мумкин. Масалан, Аҳмад Юғнакий ўзининг «Ҳибат ул-ҳақойиқ» асарида қаламга олинган ҳар бир мавзуни бадиий ифодалашда ўшандай услугга таяниб иш кўради. Бундай услугий жилони достоннинг «Илм манфаати, жаҳолат зарари ҳақида» фасли адибнинг ўз сўзлари, фикру ғояси бўлса, унинг кетидан келадиган «Илм ўрганиш ҳақида Алай-ҳиссаломнинг айтганлари» ҳамда «Тангрининг мўъжизалари, жоҳилликдан тийилиш, худонинг расулига содик бўлиш ҳақида пайғамбар алай-ҳиссаломнинг айтганлари» фасллари ушбу фикрларни тасдиқлашга хизмат қиласди. «Жаноби Расули Акрамнинг айтганлари» руқни остида келган фасллар асарнинг деярли ярмини ташкил қиласди. «Ҳибат ул-ҳақойиқ» ҳадисларнинг ижодий таъсирида яратилган мустақил асар бўлса-да, унинг сатрларида Муҳаммад Мустафоҳадисларида келган умумбашарий ғояларнинг сингдирилиши етакчилик қиласди. Шоир танлаганбундай услуг у яратган шеъриймисраларнинг ғоявий – бадиий таъсиранлигини оширишга хизмат қиласди.

Ҳадисларинсонниахлоқанпокваруҳанбалоғатгаётказишдамуҳимомилҳисобланганлиги туфайли адиблар бундай илоҳий-ирфоний сарчашмаларга тез-тезмурожаатқилишган. Эслатилгазаминда бадиий адабиётда ахлоқий-маънавий йўналишдаги 40 ҳадис таъсирида «Чиҳил ҳадис» (Арбайн) яратиш анъанаши шаклланган

Мусулмон дунёси адабиётида «Чиҳил ҳадис», яъни «Арбайн» яратиш анъанаши кенг ривожланганлигини ЎЗР ФА Абу Райҳон Беруний номидаги Шарқшунослик институти хазинасида уларнинг 100 дан ортиқ қўлёзма нусхалари сақланаётганлигидан ҳам ҳис қилиш қийин эмас. Институт қўлёзмалар хазинасида Абу Закариё (ваф. 676/1278)нинг «Китоб ал-арбайн ҳадис» асарининг ўндан ортиқ нусхаларининг сақланаётганлиги айни анъананинг анча эрта бошланганидан далолат беради.

Улуғ мутафаккир шоир Абдураҳмон Жомий 886/1482 йилларда энг саҳих, энг мўътабар ва ёдлашга осон бўлган қисқа, ахлоқий мавзудаги ҳадислардан 40 тасини ажратиб олиб, улар мазмунини форсийда назмга солиш орқали «Чиҳил ҳадис» асарини яратди. Алишер Навоий эса устозива пири Жомийнинг фоҳаси ижозатини олиб, ўша йили муршиди комил «Чиҳил ҳадис»ини назмда форсийдан туркийга ўгириб, «Арбайн ҳадис» асарини яратади<sup>1</sup>. Шунингдек, Фузулий ҳам Жомийнинг «Чиҳил ҳадис»ини озарбайжон тилига таржима қиласди. Жомий, Навоий ва Фузулийларнинг мазкур асарлари Шарқда машхур бўлиб, жуда кенг тарқалган вауларга издошлиқ қилиш ижодий анъана тусини олган. Алишер Навоийнинг замондоши Ҳусайн Воиз Кошифий ҳам «Арбайн» яратган. Шундай қилиб, 40 ахлоқий-таълимий ҳадиснинг ҳар бириқитъя шаклида форс, ўзбек ва озарбайжон тилларида мустақил тўпламларгаайланди.

Шундай асарлардан яна бири «Ҳадиси Усфурий»дир. «Ҳадиси Усфурий» ЎЗР ФА Шарқшунослик институтининг қўлёзмалар хазинасида 7127 - рақами остида сақланади. «Ҳадиси Усфурий»нинг муаллифи Имом Муҳаммад ибн Абу Бакр Лоҳурӣ бўлиб, бу олим ҳақида етарли маълумотга эга эмасмиз. Олимнинг асосий мақсади инсон руҳияти ва ахлоқини тарбиялайдиган ҳадисларни халқقا етказишдан иборат бўлган. У ўз салаф ва сафдошларидан фарқли ўлароқ, ҳар бир ҳадиснинг мазмунига мос бўлган ҳикоятлар келтирган. Араб тилида битилган мазкур мажмуа халқ орасида «Ҳадиси Усфурий» ёки «Чиҳил ҳадиси Усфурий» номи билан шуҳрат қозонган.

«Ҳадиси Усфурий» ўтган асрнинг бошларида форс ва араб тилларини мукаммал билган табиб ваолим тошкентлик Қосимхон ибн Зоҳиджон Ҳакимаш-Шоший томонидан ўзбек тилига таржима қилинган. Ушбу китоб ЎЗР ФА Абу Райҳон Беруний номидаги Шарқшунослик институтининг қўлёзмалар хазинасида 17127 - рақами остида сақланади.

<sup>1</sup> Воҳидов Р. Шарқнинг буюк алломаси. -Т.: “Фан”, 1989. -61-68-бетлар.

Мутаржим мажмуани «Мисбоҳул-анвар» («Порлоқ машъал») деб атаган. Мазмунлиҳадислар ва ажойиб ҳикоятларни ўз ичига олган тўплам ҳадис илми иштиёқмандлари орасида тез тарқалган ҳамда «Нурли анвар» номи билан шуҳрат таратган. 1993 йилда шарқшунос олим Маҳмуд Ҳасаний «Ҳадиси Усфурий»нингматини табдил ваизоҳлар билан нашр эттирган (Муҳаммадибн Абу Бакр. Ҳадиси Усфурий. –Т.: Мувороуннахр. 2002.-95-бет). Ҳар бир ҳадисдан кейин 2–3 ёки ундан ортиқ ҳикоятлар берилиб, улар ҳадис мазмунини тўлалигича очиб беришга хизмат қиласди. Баъзи ўринларда келтирилган ҳадислар мазмунни бошқа бир неча ҳадислар билан тўлдирилган. Келтирилган ҳикоятларнингтарбиявий моҳияти шундаки, уларда охират дунёсидан хабар бериш орқали китобхонга ахлоқий ибратлар кўрсатилади. Мажмуада ислом аҳкомларининг баъзилари батафсил шарҳланади. Шунингдек, айрим фарзу суннатларга доир ҳадислар Қуръон оятлари билан мустаҳкамланади. Қувончлиси шундаки, айрим ҳадисларнинг юзага келиши билан алоқадор шарт-шароитлар тафсилоти ўшаҳикоятларда ифодасини топган. Ихчам ҳадисларнинг мазмунини теран очища кўмаклашувчи қизиқарлиривоятларилова қилинган. Мажмуа таркибида Қуръони каримдаги баъзи мураккабоятларнинг мазмунини шарҳлашгаёрдам берувчи кўпгина ривоятларҳам учрайди. «Ҳадиси Усфурий»да келтирилган барчаҳикоятлар сони 60 га яқин. Яъни, рақам билан берилган 40 та ҳадисдан ташқари, яна 20 дан ортиқрақам қўйилмаган ҳадис ва ҳикоятлар ҳам мавжуд.

Шундай қилиб, «Ҳадиси Усфурий»даги ҳикматларинсон тафаккури ва руҳиятини бойитувчи ҳикоятларда талқин этилади. Мазкур асар арбайн яратиш анъанасининг ёрқин нишонаси ва ҳадислар тарғиботининг ажойиб намунаси ҳисобланади.

### 3. Ҳадисларнинг ғоялари негизида бунёдга келган адабий ҳикматлардир. Жумладан:

Ҳадис: **Барча бало – тилдандир** (Ахлоқ-одобга оид ҳадис намуналари. –Т.: “Фан”, 1990.-68-бет). Тил югуриги бошга (халқ мақоли). Ёки:

*Тил арслон туурур, қўр эшикда ётур  
Аё эвлуг арсиқ бошингни еюр.*

(Юсуф Ҳос Ҳожиб. Қутадғу билиг. –Т.: “Фан”, 1971, 86-бет).

Ҳадис: **Чақирилган жойгагина боринг** (Ўша китоб, 12-бет). Чакирган ердан қолма, чақирмаган ерга борма (халқ мақоли).

Ҳадис: **Кураш тушиб йиқитган эмас, балки ғазаби келганда, ўзини босиб олган одам кучлидир** (Ўша китоб, 124-бет).

*Беша шерин гар забун қилсанг шижоатдин эмас,  
Нафс итин қилсанг забун оламда йўқ сендек шужоъ  
(МАТ. III жилд. 237-бет).*

### 4. Ҳадислар мазмуни асосида бунёд бўлган ҳикоятлар:

Ҳадис: Одамларни сулҳга келтириш, аразлашганларни яраштириш учун гапирилган ёлғонгапнинг зарари йўқдир (Ўша китоб, 124-бет).

*Шоҳларга ўз гапин ўтказган киши  
Лозимдир яхши гап топиб айтиши.*

(Саъдий. Гулистон. –Т.: F. Ғулом номидаги Бадиий адабиёт нашириёти, 1968. – 21- 22-бет).

Шунингдек, Навоийнинг «Ҳайрат ул-аброр» «Маҳбуб ул-қулуб» каби ўнлабийирик

асарлари таркибида бундай дилбар мисолларни кўплаб топиш мумкин.

**Қаноатли иззатдадир, таъмагир хору залил** ҳадисининг мазмуни «Ҳайрат ул-аброр»даги «Қаноат қилувчи жувонмард билан тамагир жаҳонгард» ҳикоятида илгари сурилган «Хом тамаъ даҳрда ранжур эрур» (МАТ. VII жилд. 176-бет) деган ғоя билан ҳамоҳангдир.

Масаланинг яна бир томони борки, Ҳазрат Али шеъру ҳикматлариҳам худди Жаноби Расули Акрам ҳадислари сингари эътиrozга ўрин қолдирмайдиган тарзда қабул қилинишини қалам аҳлининг уларга мурожаатдан ҳам кўриш мумкин.

Кўпгина асарлар матнидаги иқтибосларда пайғамбаримиз ҳадислари билан Ҳазрат Алининг ҳикматларини бир-биридан фарқлаш бирмунча қийин кечади. Чунки Ҳазрат Али афоризмлари ҳам айни ҳикмат жанрида тезис шаклида ёзилган бўлиб, ғоявий-услубий жиҳатдан ҳам пайғамбаримиз Муҳаммад Мустафо ҳадисларига жуда яқин туради. Чунончи: **Кимки фикрини натижаларда кўп қилса, шиҷоатлибўлмайди; Кўпинча ҳаром фойдалар заарга олиб келади; Кўп келишиш нифоқдан дарак ва кўп тортишишлик жанжалдан дарак...**<sup>1</sup>

Бу ҳикматларнинг ҳажм, ифода тарзи ва сайқалланганлиги жиҳатидан Жаноби Расули Акрам ҳадисларига яқинлиги туфайли бўлса керак, айрим тадқиқотчилар уларга нисбатан ҳам «ҳадис» атамасини қўллашади (МАТ. XV жилд.136-бет). Масалага бундай қараш умуносабат бизнингчамунозаралиҳисобланади. Чунки ҳадислар исломшунослик илмида доимо пайғамбаримиз Муҳаммад (с.а.в.) нинг шахсиятлари билан боғлиқ ҳодиса саналиб келинган.

Ҳадисларнинг бадиий адабиётга кириб бориши, мусулмон дунёсида унинг ижтимоий вазифаси билан ҳам узвий боғлиқдир. Адабиёт –ҳаёт дарслиги. Шундан бўлса керак, адабиётга ҳаётни бадиий акс эттириш вазифасини юклайдилар. Ҳаёт сабоқлари учун энг қулай ва кенг қамровлиманба эса, ислом минтақа адабиётида пайғамбаримизнинг ҳадислари бўлиб келган. «Наҳж ул-балоға» ёки «Суханони Али» тўпламитаркибидаги ҳикматлармусулмон дунёси адабиётида ахлоқий –маънавий ғояларниташибвиқу тарғиб этишда Жаноби Расули Акрам ҳадисларига ҳамдамлик қилаётганлиги фикримизнинг ёрқиндалилидир.

Таҳдилга тортилган парчалардан маълум бўладики, бадиий адабиётда ҳадисларга мурожаат адабий асарларда турли хилқўринишларда юз берган :

насрий ва назмий асарлар мазмунига мос келган ўринларда иқтибос шаклида ўзгаришсиз киритилган ҳадислар;

ҳадисларнинг ҳаётбахш таъсириасосида мустақил асарлар сифатида юзага келган шеърлар ва насрий парчалар;

ҳадисларда олға сурилган ғояларни ижодий ўзлаштириш натижасида юзага келган соғадабий ҳикматлар;

ҳадислармазмуни асосида бунёд бўлган ҳикоятлар.

Шундай қилиб, мусулмон дунёсининг муқаддас ва мўътабар китоби – Қуръон ва Ҳадислар адабиёт аҳли, жумладан, Алишер Навоий «Назм ул-жавоҳир» асари учун ҳам таянч ғоявий манбавазифасини адо этган. Қуръоний оят ва ҳадислар яратилажак бадиий асарларга бетакрор ранг ҳамда теран мазмун бахш этган. Шунингдек, мусулмон дунёси адабиётларидаги муштаракликнинг ўқ илдизлари ҳам ушбу омилга, яъни ғоявийсарчашманинг ягоналигига бориб уланади.

Қуръоний оят ва ҳадисларга мурожаатнинг барча йўналишлари Алишер Навоий

<sup>1</sup> Ҳикматлар Рашидиддин Ватвот нусхасидан олинди. Кўлёзма №2261.

ижодида ёрқин намоён бўлади. Зеро, улуғ шоир «Назм ул-жавоҳир»ни яратгунга қадар ҳам ҳадисларга мурожаатнинг барча шаклларини мукаммал ўзлаштирган, туркий адабиётда бу соҳада катта бир мактаб яратган эди.

### 2.3. ГЎЗАЛ ХУЛҚ - КОМИЛЛИК НИШОНИ

Жаҳон адабиёти тарихи ўзқобиғида ривожланиб, муайян ютуқларга эришганадабиётни билмайди. Унда жанр, мавзулар, бадиийлик тамойилларининг ташаккули ва такмили хусусида ҳам шу гапни айтиш мумкин. Бинобарин, ўзбек адабиёти ҳам ўз миллий анъаналари негизида ва форс-тожик адабиёти ҳамда у орқали кириб келган араб адабиётининг бой тажрибаларини ижодий ўзлаштириш натижасида, айниқса, Алишер Навоий даврига келиб, жаҳоншумул ютуқларни қўлга киритди.

Алишер Навоий асарларининг манбалари ҳақида гап борганда, шуни эътибордан қочирмаслик лозимки, у ўзигача бўлган араб, форс ва туркий адабий-маънавий мерос билан пухта танишиб чиққан. Уларнинг энг яхши анъаналаридан сабоқ олиб, ижодий адабий тажрибасидаривожлантирган. Улуғ шоир ўша жавоҳирот хазинасидаги ижтимоий-маънавий, ахлоқий-маърифий тарбияга оид асарларни алоҳида эъзозлади. Уларда акс эттирилган гўзал фазилатлар билан ўз қаҳрамонларини безади. Ўзи ҳам айни шу руҳдаги асарлар ёзиш билан ўша соҳанинг ривожу равнақига катта ҳисса қўшди. Бундай асарларининг барча-барчасида жамият аҳлини гўзал фазилатлар билан безангандан ҳолда кўриш нияти унга ҳамиша ҳамроҳ бўлди.

Маълумки, Қуръони карим мусулмон дунёсининг муқаддас китоби, буюк диний-дунёвий, маданий-маънавий дастуруламалидир. Унда жуда кўп масалалар инсоннинг ўз ақл-заковати, фаҳм-фаросати, топқирлигига ҳавола қилинган. Инсон ҳаётидаги катта-кичик муаммоларнинг диний ва дунёвий билимлар орқали ўз ечимини топажаги акси - ифодасини топган.

Ҳар қандай дин ўзининг дунёқараш сифатидагивазифасига кўра, доимо эътиқод билан бир қаторда фалсафа ва мураккаб ижтимоий муносабатларни ҳам ўз ичига олган ва ҳаёт ҳақидаги қамровли фан бўлиб келган. Биз унинг инсон балоғати, бадиий ижод ҳақидаги юксак аҳамиятини таъкидлаётганимиз ислом дини Арабистон ярим оролида қабилачилик даврида қарор топди. Диншунослик соҳасида ислом тарихидаги бу даврни ёритиш бўйича дунё миқёсида талай илмий тадқиқотлар яратилган.

Уларнинг барчасида исломнинг пайдо бўлишиарафасида кўчманчилик турмуш тарзини бошидан кечираётган араб қабилаларининг маданий даражаси ўта содда бўлганини бир овоздан таъкидланади. Аммо, ислом динининг шу заминда пайдо бўлиши айни шу минтақа учун ҳар соҳада катта силжишларга сабаб бўлди. Арабларнинг ислом дини туфайли бирлашишини исломшунос Е.А.Беляев «варварликдан цивилизацияга ўтиш» деб баҳолаган (Беляев В.А. Арабы, ислам и арабский халифат в раннем средневековье. – М.: Наука, 1966. 80-бет). Жоҳилият даврида арабларнинг дин ҳақидаги тасавурлари жуда заиф эди. Шундан келиб чиқадиган бўлсақ, турли худоларга топинадиган кишиларнинг ягона мафкуралари ҳисобланмиш динлари таркибидаги умуминсоний қадриятлар, муомала маданияти, ахлоқий мезонларининг ривожланиши ҳам шунга яраша суст бўлган. Жамият бўлиб уюшиш натижасида одамдан талаб қилинадиган инсоний хислатларнинг қамровини ошириб, ўзларини маънавий-маданий юксалтириш йўлида пайғамбаримиз, хулафои рошидин, улар қаторида Ҳазрат Алининг ҳам қанчалар машаққат чекканларини тасаввур қилиш қийин

эмас. Айни масала хусусида: Алишер Навоийнинг қўйидаги фикрларини эслаб ўтиш жоиз кўринади:

«Ва чун ул Ҳазрат (Муҳаммад с.а.в.) анбиёнинг хотами эрди ва андин сўнгра нубувват эшиги боғланди. Ҳар ойинеким, ноқислар тақмилиға умматининг комилу олимларниномвар эттики, бурунғи анбиё ўрниға уҳда қылғайлар ва йўлдин чиқғонларға йўл кўргузгайларки, (умматим уламоси бани исроил пайғамбарлари кабидур, ва шунингдек, уламо пайғамбарлар ворисидир) аҳодиси андин хабар берур ва ул Ҳазратдин сўнгра бузургвор асҳоби, ризвонуллоҳи таоло алайҳим ажмаин халойиққа бу раҳнамойлиғни бажо келтурдилар ва Ҳақ субҳонаҳу ва таолоға йўл кўргуздилар» (МАТ. XVII жилд. 14-бет).

Алишер Навоий берган бу таърифдан маълум бўладики, пайғамбаримиз ўгитларига кўра, уламолар пайғамбарларнинг бевосита ворислари ҳисобланади ва халқни тўғри йўлга бошлиш учун илоҳий аҳком билан амр қилинган шахслардир.

Арабларнинг ислом байроби остида бирлашуви ва қўшни маданийлашган халқлар билан қоришиб кетган ижтимоий муносабат, уларнинг сиёсий жиҳатдангина эмас, маданий соҳада ҳам юксала боришлиари учун қулай шароит яратди. Ҳар тарафлама тараққий этган Миср, Византия, Эрон ва Месопотамия каби қадимий маданият марказлари Арабистон ярим оролидан анча илгарилаб кетган эди. Юнон фалсафаси ва ахлоқининг нодир намуналари бу ўлкалардан мустаҳкам жой олган эди.

Рус исломшуноси Р.Мавлютов тўғри таъкидлаганидек, «кишилик жамияти аъзоларининг ахлоқий камолоти, тарихий тажриба кўрсатганидек, биринчи навбатда жамиятнинг ўзига баракали таъсир кўрсатади» (Мавлютов Р.Ислам.-М.:Политическая литература, 1969. с.80). Ҳар бир тарихий даврда инсонийлик талабларини ифодаловчи муносабатларгина чинакам ахлоқий тамоилларҳисобланади. Али ибн Абу Толиб замонида бундай муносабатларнинг чизгиларини белгилаб олишга эҳтиёж кучая борди. Олимнинг юқоридаги мантиқий хulosасининг тўғрилигига шубҳа йўқ. Аммо ўзининг ислом дини ҳақидаги китобини шўро мағкураси таъсири остида ёзган Р. Мавлютов бир ёқлама хulosага келади: «Исломда инсоннинг барча фаолияти фақат яратганни рози қилишга қаратилган. Жамият тараққиёти, инсоний муносабатларни такомиллаштириш динга даъват этувчиларни кам қизиқтирган» (Ўша китоб. 80-бет). Кўриниб турибдик, олим масалага чуқурроқ кириб бориб, «яратганни рози қилиш» ибораси остида нималар ётганига қизиқиб ҳам кўрмайди. Ислом дини замерида айни шу ниятжамиятни тараққий эттириш, айниқса, инсоний муносабатларни такомиллаштириш ғояси туришини исломнинг дастлабки йилларида яратилган кўплаб ахлоқий-маънавий асарлар ҳам далиллайди. Ўша маънавий дурдоналарнинг шарофати билан ислом аҳкомларнинг бадий сўз санъатида ифодаланиши соҳасида маълум тажриба юзага келди. Шу боисдан ҳам, «Назм ул-жавоҳир»га адабий манба сифатида хизмат қилган бундай асарларнинг ислом минтаقا маданиятида, араб заминида ривож топганини назарда тутиб, арабларнинг ўзида адабиётнинг ахлоқий-таълимий моҳияти қандай намоён бўлганини кузатиш эҳтиёжи пайдо бўлди.

Жоҳилия даври араб адабиётида чекланган мавзулардагина асар яратилган бўлса, исломдан кейинги йилларда арабларнинг бадий сўз санъатида кескин бурилишлар юз берди.

**Ҳикмат** қадимги арабларда ижтимоий ахлоқ мезонларини ифодалаш воситаси бўлган. Жоҳилият даврининг айрим ҳикмаларида дунёнинг фонийлиги, инсоннинг ўткинчилиги, замон аҳлиниң тор қабилачилик муносабатларига ўралашиб қолишиустунлик қилган бўлса, исломдан кейинги арабадабиётидан теран умумбашарий ғоялар жойола борди. (Фильшинский И.М. Арабская классическая литература. – М.: Наука, 1965. – с.22). Бу жанр жоҳилият давридан ислом даврига янги сифат ўзгаришлари касб этган ҳолда ўтди.

Қисқа шеър шаклидаги ҳикматлар араблар босиб олган ўлкалардагиадабиёт таъсирида такомиллашди, такмил топди. Назмий ва насрый ҳикматларкўринишида ривожланди. Насрий ва назмий ҳикматлар исломий эътиқодни қабул қилган халқлар адабиётида ҳам шуҳрат топди, янгином ва талқинларда алоҳида тўпламлар ҳолидакенгкитобхонлар оммасига тақдим этилди. Жумладан, сосонийлар даври эрон адабиётида «Анушервоннинг панд-насиҳатлари», «Луқмони ҳакимнинг юз фойдали насиҳати» каби тўпламларнингпайдо бўлиши шундан далолатdir.

Куръони каримнинг «Бақара» сураси 269-ояти каримасида «ҳикмат» сўзига шундай таъриф берилган: «У ўзи хоҳлаган кишиларга ҳикмат (пайғамбарлик ёки Куръон илми) беради. Кимга (мазкур) ҳикмат берилган бўлса, демак, унга кўп яхшилик берилибди. Бундан фақат оқил кишиларгина эслатма олурлар» (Куръони карим. 45-бет). «Ҳикмат» сўзининг Куръони карим ва луғатлардаги изоҳидан шу нарса аниқ бўладики, Ҳазрат Али Ҳақ таоло эътиборидаги ҳикмат илмидан воқиф ва ўзи ҳам ҳикмат яратা олишсалоҳиятига эгааллома эди. Ҳазрат Алининг **«Ҳикмат бу ҳақиқатдир»**, **«Ҳикматни ҳис қила олиш мӯъмин учун совғадир»** каби ҳикматларининг ўзиёқунинг айни йўналишдаги юксак иқтидоридан нишонадир. Бўлиқ ғояни сиқиқ шаклда ифодалашдан кузатилган етакчи мақсад биринчидан, ифода зеболигини, таъсирчанлигини таъминлаш бўлса, иккинчидан, инсоннинг руҳий балоғати учун ўта аҳамиятли ҳисобланган дурдона фикрларни соҳа донишмандларига эмас, балки кенг халқ оммасига етказишдан иборат эди.

Исломий адабиётда насрый ва назмий ҳикматлар жамият аҳлининг ахлоқий-маънавий тарбиясида муҳим йўриқнома мақомида фойдаланилган бўлса-да, аммо зикри ўтган соҳада асосий дастуруламал Куръони карим ҳисобланган.

Куръони карим ҳажман ихчам кўринса-да, мазмунан кўламдор, бепоёндир. Инсон ҳаётининг муайян вазиятларида дуч келинадиганбарча мақомдаги мураккаб жумбоқлар, жисмоний-руҳий зиддиятларга тўғриечим топиш учун айни илоҳий китобдаги ишораларга ҳамиша муражгаат қилинади.

Дунёнинг моҳиятини англаб етиш йўлида тинмай изланувчиларни **ҳаким** деб аташган. Манбалар Ҳазрат Алини шу мартабага муносибхалифа тарзида тилга олади. Чунончи, Мисрлик тадқиқотчи Аббос Маҳмуд Уққод буҳақдаёзади: «Али ўзидан олдинги халифалар орасида, ҳикмат ва фалсафанияхши биладиган, каломуламоси ва ислом файласуфлари, эрони ёюнони уламолар илмларига етишгунларича ундан илм олиб турилган дастлабки файласуф ва олим халифа эди» (Пайғомби Ҳазрати Али. – Душанбе: Адиб, 1992. 7-бет)

Бундай эътироф Ҳазрат Алининг дин ва давлат арбобигина эмас, замонасининг файласуф, ахлоқшунос, руҳшунос олими, оташин нотиқ, шоир ва адиби бўлганидан ҳам далолат беради.

Ҳазрат Али ҳикматларининг умрбоқийлиги Куръони карим ва Пайғамбаримиз ҳадисларига асосланганлигидадир. Уларнинг ҳаётийлиги эса умумбашарий муаммоларга эътибор берилганида ҳисобланади.

Кўп ўринларда Ҳазрат Али ҳикматларини ҳадислардан ажратишнинг қийинлиги, бир томондан, уларнинг ҳар иккиси ҳам айни ҳикмат жанрида, лўнда хulosалар шаклида ёзилганлиги, услубий жиҳатдан ҳам ҳадисларга жуда яқинлиги бўлса; иккинчи томондан, Ҳазрат Али ҳикматлари пайғамбаримиз ҳадисларининг самарали таъсири натижасида юзага келганлигидадир. Бу ҳикматлар адабиёт тарихи саҳифаларидан «Ҳазрати Алининг нутқлари», «Ҳазрати Алининг қисқа ҳикматлари», «Наср ул-лаолий», «Сад панд»лар сифатида жой олди. Бу асарлар орасида «Наҳж ул-балоға» («Балоғат йўли» – тўпловчи Шариф ар-Розий) асари ҳам бор, албатта.

«Наҳж ул-балога» асари қамровининг кенглиги кишини лол қолдиради. Жоҳилия давридан ҳали узоқ кетилмаган бир шароитда шу каби юксак савиядаги бир асарнинг юзага келиши мўъжизага тенгдир. Бу асари билан Али ибн Абу Толиб ўзининг буюк мутафаккир инсон эканини намойиш қила олган. Маданий уйғонишининг илк босқичидаарабларнинг ҳали ўзида етук асарлар ижод этиш ҳоллари кам учраб турган бўлса ҳамислом динини ёйиш мақсадида босиб олинган қўшни давлатлар - Миср, Шимолий Африка, Сурья, Ироқ, Эрон худуди зиёлилари араб тилидаги илм-фан равнақини ўз даражаларига етказиб олишганди. Улар ҳамҳикмат жанрида баракали ижод қилдилар. Умумий анъаналар, сайқалланганмавзуларпайдобўлабошлади.

Ҳазрат Али ижодининг бошқа бир қирраси унинг бой адабий меросидир. Ундан шеърлар девони<sup>1</sup> мерос қолган. Алишер Навоий мазкур девон ҳақда айни мажмуадажавоҳирот хасинаси сифатида юксак улуғлайди Ўша девон билан танишар эканмиз, Ҳазрат Али ғазал, рубоий, қитъа жанрларида ҳам, адабиётнинг ижтимоий вазифасига содик қолган ҳолда, панду насиҳат руҳида шеърлар ижод этганлигига гувоҳ бўламиз. Девон илм фазилати мадҳидан бошланиб, Имом Ҳасан ва Имом Ҳусайнга насиҳат, илм ва ақл ҳақида, жаҳл ва ҳилм, сафар фойдалари, китоблардан етадиган маънавий манфаатлар, ризқ, қаноат ва таъма, ақл ва худбинлик, инсон оғати, илм таҳсили, илму фақр, зулму дин, дин ва дунё, узр сўраш, гўзал хулқ каби мавзуларда яратилган ғазал, рубоий ёки қитъалар бағишлиш билан хотима топади. Санаб ўтилган изоҳловчи таъқидларнинг китобда ҳар бир шеърдан олдин сарлавҳа сифатида келиши Ҳазрат Али шеъриятининг девонга ўта зукколик билан жойлаштирилганлигидан нишонадир. Унда илгари сурилган ғояларнинг руҳи адибнинг қисқа ҳикматларидағи умумий кайфият билан ҳамоҳангдир. Бу тушунчаларнинг инсон ҳаётида ниҳоятда муҳимлиги уларнинг шеърларда ҳам, ҳикматларда ҳам такрор ва такрор тилга олинишига сабаб бўлгани, шубҳасиз. Жумладан, “Девон”инсоннинг ким экани, ўша пайлар арабларда расм бўлган ўз насаби билан фахрланишининг нотўғрилиги, фақат илм аҳлигинашарафга лойиқ эканини уқтириш билан бошланади:

*Муносибдур фақат фахру шараф арбоби ирфона,  
Хидоят йўлини чун қўрсатур ул муршиди доно (Девон, 3-бет).*

Бундай ақидага риоя қилган Ҳазрат Али доимиравищаилм ўрганиш билан шуғулланиб, ислом оламининг мўътабар сиймоларидан бири бўлиб етишди. Ҳазрат Али наздида илм манфаат учун бўлмаслигикерак. Бу ҳақиқат “Девон”да қуйидаги байт билан мустаҳкамланади:

*Азиз тутгил, илмдан манфаат ёки бадал қутма,  
Агарчи бир ўлиқдир, лек илмдан зиндадир дунё (Девон, 4).*

Ҳазрат Алишерларида бу тавсиялар кўп ҳолларда Оллоҳ ҳукми ва унинг Расули сўзлари билан мустаҳкамланади:

*Ҳиммату ғайрат ила нафсимга эттим тарбия,  
Билмадим тақвойи Мавлодин бўлак ҳусни адаб (Девон, 32-бет)*

Ёки:

*Тийса тилни яхшидир ҳалқ ғийбатиданҳар киши,*

<sup>1</sup> Қаранг: Ҳазрати Али ибни Абу Толиб. Девон. Жамол Камол таржимаси. -Т.: “Мувороуннаҳр”, 2005. – 309 б.

*Ки ҳаром этди китобларда буни инсонга Раб (Девон, 32-бет).*

Ҳазрат Али “Девон”идаилгари сурилган умумбашарий ғоялар мусулмон олами одамлари турмуш тарзида ахлоқий ва маърифий жиҳатдан бирликни шакллантирди, десак хато бўймас.

Адабиёт тарихида ҳар бир ёзувчи, шоирнинг ўрни унинг ўзигача бўлган адабий анъаналарга муносабати ва уни ўз даврининг нафосат талабларига мувофиқтарзда қай даражада ривожлантира олганлиги билан белгиланади. Аммо бу таъкид Навоийдекулуғ даҳо ижодкор учунбир бутун бўлиб шаклланган ўша умумий меросдан ул зоти бобаракот қанчалар баҳра олди-ю, унга қанчаларҳисса қўшди тарзида масала қўйилса, ҳар қандай зариф олим ҳам дарров жавоб қайтара олмайди, албатта. Чунки бундай мураккаб муаммо маҳсус жиддий тадқиқотларга мавзудир.

Бироқ, устоз навоийшунос А.Ҳайитметов таъкидлаганидек: «Адабий алоқалар соҳаси – Навоий ижодининг мураккаб соҳаси. Бу соҳада энди ҳамма нарса аниқ дейишга эрта. Ҳозир шу нарса аниқки, Навоий ўз салафларидан, форс-тоҷик адабиётидан кўп нарса ўрганган, лекин уларнинг анъаналарини қандай бўлса шундай такрорлаш билан чекланмаган» (Ҳайитметов А. Алишер Навоий ижоди манбалари ҳақида. Алишер Навоийнинг адабий маҳорати масалалари. Мақолалар тўплами.- Т.:“Фан”,1993. З - 13-бетлар).қабилидаги хуласалар ўртага қўйилган мавзунинг ғоят долзарблигидан далолат беради.

Шундайэкан , «Назм ул-жавоҳир» асарини яратишда ҳамАлишер Навоий Ҳазрат Али ҳикматлари доирасида чегараланиб қолмаган, албатта. Бутун онглифаолияти давомида ҳаётий тажирбалари уйғотган сабоқлар, илоҳий-ирфоний сарчашмалар ҳосиласи – маърифий қарашлар “Назм–ул жавоҳир”нинг муваффақиятли чиқишини таъминлашда катта ҳисса бўлиб қўшилган.

“Ҳайратул-аббор”, “Маҳбубул-қулуб”, “Назмул-жавоҳир” асарларидаҳлоқий мавзулар тизими бир-бирини тўлдиради, такмилига етказади. Уларнинг барчасида ижодкорнинг насиҳатомуз руҳдагиулуғ орзулариёрқин бадиий ифодасини топади.

### З -ФАСЛ

## СЕҲРГАЙЎҒРИЛГАНСАТРЛАР

### 3.1. Наср ва назм бағридаги ёғду

«Наср ул-лаолий» ҳикматлари мавзу жиҳатидан ранг- баранг бўлиб, уларда ахли башарнинг турфамуаммолари ҳақида кенг фикр юритилади. Шу боис, айни мажмуа ҳалқлароша, адабиётлароша ҳаётбахш бир чашма сифатида хизмат қилиб келган. Ўша ҳаётбахш сарчашма таъсирида яратилганасарлардан бири – «Назм ул-жавоҳир»дир. «Назм ул жавоҳир»ни «Наср ул-лаолий» билан кўламдор тарзда қиёсийўрганиш натижасида қуидагилар аёнлашади.

Ҳазрат Али «Наср ул-лаолий»даги ҳикматлар учун инсонпарвар ислом таълимоти ва ўзининг ижтимоий-фалсафий мушоҳадаларини асос қилиб олган.

Алишер Навоий «Назм ул-жавоҳир»даги рубоийлари учун Ҳазрат Али ҳикматларини асос қилиб олади. Уларни таянч исломий манбалар мазмун-моҳияти билан қувватлантирди вағоявий-бадииймукаммаллигини ҳадди аълосига етказиб қўйди.

Ҳазрат Али ҳикматлари нотиқлик санъатига, нутқнинг оҳангдорлик ва таъсирчанлиги-гаасосланган бўлиб, уларни қабул қилиш, тушуниш ўқиган ёки эшиитган одамнинг мушоҳада даражасига алоқадордир. Кутилган натижа эса ўша ҳикматхон ёхуд тингловчи инсонта-факкур ва тасаввурининг меъёрига дахлдор бўлиб қолади. Шундай экан, мазкурасарлардан кутилган маърифий натижа Ҳазрат Али замонаси билан Алишер Навоий даврида ўртасидагитафовутлар билан изоҳланадиганбосқичларда амал қилган. Алишер Навоий яшаган XV асрда (шунигдек, ҳозирги пайтда ҳам) Ҳазрат Алиниң лўнда хулосаларшаклидагиҳикматлариданвоизлик санъатида, маъруза ва даъватларда иқтиbos сифатида фойдаланиш, йирик бадиий асарларда иштирок қилувчи тимсоллар нутқида қўллаш ўзига хос анъана тусини олган.

Алишер Навоий «Назм ул-жавоҳир»иданкутилган натижа эса китобхон шуурига таъсир этиш усулига асосланган ва улуғ шоир ижоди муҳлисларини масаланинг моҳиятигаяқинлаштириш, улар тафаккури ҳамдақамров доирасиниенгайтиришга хизмат қилиб келган. Бунда ҳар бир ҳикмат мустақил асарга (рубоийга ) айланади ва маънавий ҳаётга йўлланма олади.

Фикримиз далили сифатида бир ҳикмат ва унингҳаётбахш таъсирида яратилган бир рубоийни кўздан кечираильик: **«Кишиларнинг ёмони ҳалқ ундан эҳтиёт бўладиган одамдир».**

Ҳазрат Алиниң бу ҳикмати икки нарсага диққатимизни тортади: Бири инсонларнинг ёмон тоифаси; иккинчиси – ҳар бир одамнинг шахсий хусусиятига ҳалқнинг муносабатидир. Қандай одамни ёмон деб ҳисоблаш лозимлиги Қуръони карим ва ҳадисларда такрор-такрор келади: қасамхўр савдогар, такаббур камбағал, зинокор кекса, золим подшоҳ, ғазаби тез келиб, секин қайтувчи банда, қўшнилар ёмон деган кимса ва ҳоказо.

Алишер Навоий ўз рубоийсида одамларни ўзининг ярамас қиликлари билан бездирган кишини биринчи ўринга чиқаради ва унинг авторидаги нуқсонларни бирма - бир санаб

беради:

Эл қочса бирордун эл ямони бил они,  
Аҳволида ибор нишони бил они,  
Феъл ичра улус балойи жони бил они,  
Олам элининг ямон ямони бил они (74-бет).

Шоир шеърий сатрларда қаламга олинган мавзуни ўзининг мустақил мушоҳадалари билан бойитар экан, бадкирдор одамда кўринадиган нуқсонларнинг жамиятга етказадиган касофатини ижтимоий миқёсда, ўта таъсирчан қилиб тасвирлайди. Рубоийда ҳаракат қиладиган тимсол ҳам жамият воқеалари тизимида муҳокама қилинади. Масалага бундай муносабатда бўлиш учун бош омил, бош асос эса юртбошимиз таъкидлаганидек, «Ўзбек халқининг азалдан жамоа туйғусига мойиллигидадир» (Каримов И.А. Ўзбекистон: миллий истиқлол, иқтисод, сиёсат, мағкура.-Т.: Ўзбекистон, 1996. 1-жилд. 11-б-бет). Юрт сарварининг бундай таъкиди пайғамбаримиз ўгитларига бориб тақалади. Жумладан, улардан бирида: «Икки киши бир кишидан яхши, уч киши икки кишидан, тўрт киши уч кишидан; кўпчилик билан бирга бўлинглар. Тангри умматларимни фақат тўғри йўлда боришиликка бирлаштиради» (Ахлоқ-одобга оид ҳадис намуналари. 16-бет) дейилади. Юқорида келтириладиган мулоҳазалардан келиб чиқадиган бўлсак, мазкур рубоий қаҳрамони жамият қабул қилмаган, яккаланиб қолган шахсадир. Унинг жамиятдаги «ўрни» рубоийда равшанбелгилаб берилган.

Кўчирганимиз ва бошқа ҳикматларда ҳам Ҳазрат Али ва Алишер Навоий тасвирлашга интилган мавзу – шахс қисматидир. Ўша ҳикмату рубоийларда кўзга ташланадиган шахс ўзлигини англаб етган, иймон шартларини, мусулмончилик аҳкомларини адо этган мўъмин бандадир.

Алишер Навоийнинг дикқат марказида Инсон борлигининг шахсий хусусиятлари, унинг жисмоний-маънавий ривожланганлик даражаси, турмуш тарзидаги солиҳамалларини урғу билан тасвирлаш туради. Шундан келиб чиқиб, рубоийларда яратилаётган ҳар бир тимсол инсоннинг шахс сифатидаги хулқ-автори, ҳатти-ҳаракати ёки жамиятдаги ўрни каби жиҳатларига қараб ўз баҳосини олади. Бундай «шарафли» вазифа рубоийларда афоризм келтирилган охирги мисра (ёки байт)га юклатилган. Чунончи:

**Букри кишининг сояси ҳам букридир.**  
Ким эгри эса, тузлук эмас пояси ҳам,  
Бор ўзиdek эгри суду сармояси ҳам,  
Тузлук эрмас шифоси-ю вояси ҳам,  
Ким, эгри кишининг эгридуру сояси ҳам (87-бет).

Иқтибос сифатида келтирилган рубоийнинг дастлабки уч мисрасида улуғ шоирнинг эркин мушоҳадасида етакчи ғоянинг ривожланиш жараёни кузатилади. Тўртинчи мисрада эса арабча афоризмнинг туркий таржимаси сингдирилган.

«Наср ул-лаолий» ҳикматларинитаҳлил қилганда, улардаги ҳар бир ғоявий ниятнингкүйидаги тартибда ҳаракатланиши маълум бўлади:

«Наср ул-лаолий»нинг ҳар бир ҳикматида инсоннинг бирор ҳатти-ҳаракати ёки ҳолати олинади. Бу ҳол ўқувчига маслаҳат бериш ёки уни ижтимоий фаолиятнинг маълум

бир қиррасидан воқиғ этиш тарзида ифодалаб берилади. Ҳикматнинг натижаси, одатда, атрофдагилар учун манфаат ё зааргаолиб келиши ёки панд эшитувчи нохуш ҳолатдан огоҳ қилинади.

*Эслатилган уч ҳолатни қуийдаги мисоллардақузатамиз:  
Бу замоннинг одамлари айб қидирувчилардир.  
Отангга риоят қил – болангдан қайтади.  
Нафсингга зеб берсанг, уни чарчатасан .*

Ҳазрат Алининг ҳикматли сўзлари мана шу уч йўналишдан бирига, истисносиз тарзда мувофиқ келади. Бошқача қилиб айтганда, бирор бир лавҳа олиниб, «ҳаракатга келтирилади» ва натижа ҳосил қилинади. Натижаси эса – умр баракаси, мол баракаси, қийинчиликларни бартараф этиш, балони даф қилиш, охират фойдаси, кўз равшанлиги, саломатликнинггарови (ва ҳоказолар) бўлиши мумкин.

Маълумки, ҳикмат ўз жанр табиатига кўра, қатъийлашганмазмунга эга бўлади. Ҳазрат Алининг асос учун олинган ҳикмати Алишер Навоий рубоийлари бағрида ҳаракатга келтирилади. Мисраларнинг мантиқий тадрижидаасосий ғояни далиллаш, мавзууни кенгайтириш орқали ўқувчи ҳаёт ҳақиқати сари етакланади.

Ҳикматларда илгари сурилган ғояни олиб, унинг шеърий шарҳидаги кенгайтирилиш жарайёнини кузатар эканмиз, бу икки асар ижодкорининг фаолияти ва дунёқарашида талай умумийликлар ва ўхшашликлар борлиги эътиборимизни тортади. Бундай уйғунликни жаноби Расули акрам ҳадислари ва Ҳазрат Али ҳикматларида ҳам кўриш мумкин.

Аввало, Мұхаммад Мустафо билан Ҳазрат Али ҳаёт йўллари давомида бир мақсад сари жонбозлик ила иш олиб борганлари ва олдинма-кейин яшаб ўтганлари учун дунёқараашлари, ижтимоий фаолиятлари ўртасида бир қатор умумийликлар мавжуд эди. Бундай жиҳатлардан энг мухими, жамиятни янги ахлоқий-ижтимоий тараққиёт йўлига бошлаш, ўзгарган тарихий шароитга қараб, диний-инсоний ислоҳотларни амалга ошириш ва (ҳ.к.лар) га интилишда кўринади. Ҳазрат Али бу мақсад йўлида, бир мутафаккир ва давлат арбоби сифатида, ақл ва эътиқод, инсон ва жамият ташаккули сингаримуносабатларни ҳал қилишга интилишдан четда туролмас эди. Шунданунинг фалсафий қарашларининг марказида шахс, Аллоҳ, жамият туради. Шу боис ижодкор барча фазилатларни иймон билан, мусулмончилик билан, Аллоҳ билан боғлаб талқин қиласи. Бошқача қилиб айтганда, инсоний фазилатларни иймоннинг ичидаги «жойлаштириб» қўяди. Инсоний фазилатлар иймонга боғлаб тараннум этилса, исломий жамиятда уларни барча учун мажбурий қилиб қўйиш имконияти туғилади. Бундай фазилатлардан сакрашлик киши иймонининг заифлиги тарзида қораланади.

Алишер Навоий давлат ва жамоат арбоби сифатида ўзи яшаган тарихий шароитда жамиятни соғломлаштириш, диний-инсоний муносабатларни мустаҳкамлаш, давр аҳлини ўзаро меҳр-оқибатли қилиш, ахлоқий баркамол фуқаро учун кураш вазифасини ўззиммасига олиши лозим эди. Мутафаккир ва давлат арбоби сифатида Алишер Навоий умр бўйи ана ўша улуғ вазифани шараф билан адо этиш йўлида фидоийлик кўрсатди. Унинг одамийликни мусулмончилик билан тенг қўйган ўринларида мулоҳазаларининг Ҳазрат Али қарашлари билан мувофиқ келиши кузатилади.

Шу боисдануларнинг фалсафий, ижтимоий-сиёсий қарашлари ўзлари яшаган ва ундан кейинги даврдаги мусулмон халқлари ижтимоий онги ва тафаккурининг мазмунига катта таъсир ўтказиб келди.

Алишер Навоий замондошлари ва ундан кейинги даврларда қалам сурган ижод аҳли буюк мутафаккир ижодининг айни жиҳатига эътибор берар экан, улар эътиборини жалб қилган нуқталарда Ҳазрат Али ҳикматларининг таъсири ҳам бор, албатта. Зотан, бир ҳадисда айтилганидек, «Ҳикматли сўз мўмин кишининг йўқотган нарсасидир. Уни қаердан топса, ўзлаштириб олишга ҳақлидир» . «Назм ул-жавоҳир»да «ўзлаштириб олиш»нинг ниҳоятда мураккаб бир кўринишини кузатиш мумкин.

«Назм ул-жавоҳир»нинг яратилишидаги ижодий жараён ислом минтаقا адабиётида ҳадисларнинг шеърий талқини тарзида юзага келган «Арбаин»ларга жуда уйғундир. «Назм ул-жавоҳир»даги арабча ҳикмат ва туркий рубоийдан иборат тузилишдаги бирлик, Абдураҳмон Жомий яратган ва Алишер Навоий томонидан эркин таржима натижасида юзага келган «Арбаин» биланайнан биркўринишга эгадир. Типологик жиҳатдан олиб қараганда, улардаги тизим – араб тилидаги ҳикматнингфорсий ёки туркийдаги шеърий талқиндан иборат бўлади.

Улуғ шоир исломий арбоб ҳикматларини назмга солар, улардаги инсонпарварлик ғояларини талқин этар экан, «Назм ул-жавоҳир» муқаддимасида таъкид этилганидек, рубоийлари замирида ўзиайтмоқчи бўлган сўз ва маъно гавҳарларини ҳам мисралараро сингдира борган. Ҳазрат Али ҳикматларининг ҳар бирини «назм либосида адо» этган улуғ шоир ҳар бир рубоий мисраларига қалб амри ва дил қўрини жо этди. Шу жиҳатдан олганда, фақат шеърий «либос»гина Навоийники бўлиб қолмай, мисралараро амал қилувчи бўлиқ ғоялар ҳам улуғ ўзбек шоири қаламига мансубдир.

### 3.2. БУБЎСТОН САҲНИДА ГУЛ КЎП...

«Назм ул-жавоҳир»га асос қилиб олинган ҳикматларни бадиий акс эттириш учун танланган шеърий жанр – рубоий табиатига қўра, фалсафийликка мойиллиги билан ажралиб туради. Ҳаёт воқеаларининг теран фалсафий мулоҳаза-мушоҳада қилиниши ҳикматни юзага келтирган.

Ҳикматлардалўнда ва бўёқдор ифодасини топгантавсияларнинг ахлоқ мезонлари даражасига кўтарилиши уларни илгари сураётган шахснинг ижтимоий обрў-эътибори билан ҳам боғлиқ. Али ибн Абу Толиб эса ислом оламида ана шундай обрўли зотлардан бири эди.

Имом Ғаззолий бундай обрў ҳақида ёзади: «Одатда, хушахлоқ одам ҳақида гапирганда, унинг ўқимишли, ақлли, хуштабиат, жасур, ҳалол, бағри кенг ва бошқа фазилатлар соҳиби экани назарда тутилади... » (Абу Хомид ал-Газзоли. Воскрешение наук о вере.–( Ихъай улуми- ад-дин). Перевод с арабского и комментарий В.В. Наумкина.- М.: Наука, 1980. с. 236).

Ҳазрат Али табиатидаги илмсеварлик, идрок, камтарлик, саховатпешалиқ, хушахлоқлик, талабчанлик каби инсоний фазилатларнинг ўзиёқ кўпгина ҳадис ва ривоятларга мавзу бўлиб келган. Ҳазрат Али ислом динининг юксак эътиқод сифатида шаклланишида алоҳида жонбозлик кўрсатгани учун ҳам унинг шахсини мусулмон оламида ўрнак бўларли даражага кўтарди. Ул зотнинг ҳикматли сўzlари «Назм ул-жавоҳир»да улуғ шоирнинг бадиий тафаккурини жунбушга келтирди. Айни ҳаётбахш таъсири Ҳазрат Али насрый ҳикматлари орқали аҳли башар учун ноёб назмий дурдоналарнинг туркийда юзага келишида йўл очади.

«Назм ул-жавоҳир»нинг ғоявий мазмуни ва бадиий аҳамияти хусусида илмий, илмий-оммабоп ишларда қатор ижобий фикрлар баён этилган. Ўша илмий изланишлардаги малоҳазаларни фақат «Назм ул-жавоҳир»га дахлдор дейиш қийин. Чунки XVасрнинг

80-йилларида рўшнолик кўрган шеърий дурдоналарда улуғ шоирнинг бой адабийтажрибалари ўз муҳрини босган эди.

«Назм ул-жавоҳир» асарининг ғоявий-бадиий фазилатлари хусусида мулоҳаза юритганда уларга тўла маънода эркин ижод намунаси сифатида қарашиб у қадар тўғри бўлмайди. Негаки, мазкур рубоийларнинг бунёд этилишида Ҳазрат Али насрий ҳикматларининг ижобий туртки бўлганлигини унутмаслигимиз лозим.

Ҳар бир адабий асар маълум бир тарихий давр ижтимоий ҳаёти, халқ орзу-умидларининг бадиий инъикоси сифатида майдонга келади. Дарҳақиқат, ўша асарларга диққат билан қаралса, уларда ўша бадиий яратмалар ижод этилган давр чизгилари ўз муҳрини босганлиги аёнлашиб қолади. Шунингдек, ҳар бир давр адабиётининг мазмун-мундарижаси, ғояси унда тасвирланган инсон сиймосида ўз аксини топади. Инсон сиймоси эса ўзида ижобий ёки салбий хусусиятларни ифодалаши билан ажralиб туради. Аристотель ўз вақтида бундай мураккаб ижодий жараённи лўндагина қилиб, қуйидагича изоҳлаган эди: «Санъаткорлар муайян шахсларни тасвирлайдилар, улар эса яхши ёки ёмон бўлиши мумкин» (Аристотель. Поэтика. – Т.: Ф. Гулом номидаги Адабиёт ва санъат нашриёти, 1980. 152-бет).

Шундан, адилар қадимдан ўзларининг воқеликка бўлган муносабатларини бадиий парчаларларда ҳаракатқиладиган қаҳрамон(инсон) тимсолида аксини топган ижобий ва салбий хусусиятлар орқали ифодалаганлар. Шунга кўра, ҳар бир давр адабиётининг ўз интилиш нуқтаси бўлганидек, Ҳазрат Али даврида ҳам, Алишер Навоий замонида ҳам адабиёт ўз орзусидаги қаҳрамони қиёфасида зарурий талабларни аксэттиргани табиийдир.

Ҳазрат Али ҳикматларидаги ғоя ва қарашларда давр ўз муҳрини босган бўлса-да, уларнинг аксарияти Алишер Навоий замонасида ҳам эскирмаган, ўз долзарблигини йўқотмаган эди. Зотан, даврларнинг ўлмас садоси «Назм ул-жавоҳир» таркибидағи рубоийларда насрий ҳикматлар бағридаги умумбашарий ғояларнинг XV Хуросони ҳаётидан танланган тарихий-бадиий лавҳалар билан омехта берилишида зики ўтган ҳақиқат равшан намоён бўлади.

Қўйида икки давр нафаси уфуриб турган бир рубоийга эътибор қиласайлик:

**Бу замоннинг одамлари айб қидиувчи жосуслардир.**  
Даҳр аҳлига келди аҳли номус бори,  
Қардошлар эрур макр ила маҳбус бори,  
Олингда неча қилса заминбўс бори,  
Лекин бордур айбинга жосус бори (36-бет).

Рубоийда Навоий арабча ҳикмат («Лекин бордур айбинга жосус бори») жой олган мисрага етиб боргунча, замон аҳлининг макру хийла билан машғул экани-ю лаганбардорликларигача бўлган манзараларини акс эттиради. Айни рубоий «Маҳбуб ул-қулуб»даги қўйидаги жумлаларни эслатади: «Давр бевафолари жавридин дод ва даҳр беҳаёлари зулмидин фифону фарёд» (МАТ. XIV жилд, 83-бет).

Рубоийда ҳаётбахш таъсирга манба бўлган арабча ҳикмат мазмун жиҳатидан нақадар теран бўлмасин, Алишер Навоийнинг мисраларидағи моҳият ундан-да кам эмас.

«Назм ул-жавоҳир» бағрида келган рубоийларнинг бош мавзуи инсоннинг воқеликка, жамиятга муносабатини ёритишдан иборатdir. Асардаги таянч ғояни яхшилик ва ёмонлик ўртасидаги кураш, эзгуликнинг тантанасини улуғлаш ташкил қиласи. Асарнинг бу хусусияти Ҳазрат Али қаламига мансуб ҳикматларга уйғун эканлиги билан диққатни тортади. Чунончи: «Кишининг одоби унинг бойлигидан яхшидир; Охират савоби дунёро ҳаётидан яхшидир; Дўстларнинг яхшиликка бошлагани – яхшироқдир; Кўп

**тоатдан-оз маърифат яхши; Ақлли душманахмоқ дўстдан яхшироқдир»; «Ёмон дўст – шайтондир; Яхши кишилар билан ҳамсуҳбат бўлиш – ёмонликдан асрайди; Сени ёмонликка бошлаган киши душманингдир» ва бошқалар (МАТ. XV жилд, 230-233-бетлар).**

Амонасрий ҳикматларда акс этган яхшилар бадий ифодасининг яхшилик тасвиридан фарқли бир жиҳати борки, баъзи ҳикматларда «ёмон» сўзи шахс сифатида отлашиб келади: «Ёмонга вафо – ҳаромдир; Ёмонга қайишган киши – залолатдадир; Ёмонларнинг яқинида юриш ҳам заарлидир; Ёмон билан ҳамсуҳбат бўлиш – денгиз сафари каби хатарлидир; Ёмон билан ҳамсуҳбат бўлгандан ёлғизлик яхши» (МАТ. XV жилд, 234-бет).

Ҳикматлар заминида бунёдга келган рубоийларда яхшилик ва ёмонлик тушунчалари биз юқорида таъкид этганимиздек алоҳида ажратиб берилмаган. Мажмуадарубоийларнинг жойлашуви уларнинг олдидан келган арабча ҳикматли сўзларнинг алифбо сирасида беришга асосланган. Шунинг учун мавзулар таснифотида қатъий низомга таянувчи кетма-кетлик қузатилмайди.

«Наср ул-лаолий»да олижаноб инсоний фазилатларни улуғлашдан кўра одам табиатида акс этувчи иллатларни урғу билан кўрсатиш устунлик қиласи. Айни услубийжило Қуръони каримда фоний ҳаётдан кўра охиратга кенг ўрин берилишини хотирга келтиради. Шундан бўлса керак, Алишер Навоий ҳам «Назм ул-жавоҳир»дан ўрин олган рубоийларда ҳаётнинг бебақолиги, умрнинг ўткинчилиги, одам ўз умрини яхшиликка бағишиласагина, унинг номи абадий қолиши, «олам гули» бўлган инсон учун энг муҳим неъмат олтин-кумуш эмас, балки одоб эканлигини таъкидлайди.

Гўзал хулқлар – ҳаё ва ибо, мардлик, кечиримли бўлиш, сабр-қаноат, одиллик, мулойимлик, сахийлик, меҳрибонлик, аҳдга вафо, дўстга садоқат кабилар – инсонни суврат ва сийратининг ибратидан нишонадир. Дин инсонлар ўртасида хушхулқиликни тарғиб этади. Пайғамбаримиз (с.а.в.) «Дин насиҳатдир», - дея марҳамат қиласидар. Чунки динимизнинг асл ғояси ёмон феъл-атвордан покланган – одоби гўзал хушхулқ инсонни тарбиялашдир. Шу жиҳатдан «Назм ул-жавоҳир»ни яхлит ҳолида нодир ахлоқ тарғиботига қаратилган мажмуя дегимиз келади. Профессорлар Р.Воҳидов ва М.Маҳмудовларнинг «Назм ул-жавоҳир»да Алишер Навоийнинг нафосат ва ахлоққа доир фикрлари ўзининг бадий ифодасини топади» тарзидағи таъкидлари ҳақиқатга яқинлиги билан эътиборни тортади (Воҳидов Р., Маҳмудов М. Маънавият – комиллик саодати. – Т.: Маънавият, 1997. – 161-бет).

Асарда мавзу қўлами жиҳатидан хилма-хил йўналишлардаги насрий ҳикматли сўзларнинг қамраб олиниши бесабаб эмас, албатта. Улуғ шоир давр аҳлини иллатлардан холи кўриш ва лоқайдликка кескин зарба беришни истайди. Покланган инсон эса, дин ва иймон нуридан баҳраманд бўлишга сазавордир.

Чунончи, «Назм ул-жавоҳир» даги дастлабки ҳикмат ва рубоий вафо ҳақида. Табиийки, улар ҳам иймон нури билан йўғрилган.

### **Амонати йўқ кишининг дини ҳам йўқдир.**

*Ким олам аро диёнати йўқтур онинг,  
Дин нуктасида фатонати йўқтур онинг,  
Диндор улким, хиёнати йўқтур онинг,  
Йўқ дин ангаким, амонати йўқтур онинг (116-бет).*

Кўринадики, рубоийда иймон ва дин тушунчалари бир баҳона бўлиб, барча инсоний фазилатларнинг қамраб олиниши кишини ҳайратга солади. Яъни, аҳдига вафо – иймон;

ҳаё, вафо, саховат – иймон; олий ҳимматлилик – иймон амалларидан ҳисобланади. Бошқача айтадиган бўлсак, иймон – қалбга қувват; иймон – яхши уйқу, иймон - огоҳлик, иймон – поклик ...

Дин ҳақидаги ҳикмат ва рубоийни қуидагича талқин қилиш мумкин: бурчни ўташ – диндан; кишини дўст тутиш – диндан; мурувватсизлик ва иймонсизлик – динсизлик, диннинг йўқлиги эса адашишдир. Мисолларга мурожаат қилайлик:

*Кишининг иймони аҳдига вафо қилишида билинади.  
Иймони онингки қуфрига сотир эрур,  
Чиннукта демакка ул киши қодир эрур,  
Ҳар кимсаки, иймон ишида моҳир эрур,  
Иймонини билки, сўзидин зоҳир эрур (34-бет).*

Назм ипига маржондек тизилган юқоридаги ҳикматли сўз рубоийда атрофлича шарҳланган. Кўриб турганимиздек, рубоийда Ҳазрат Алидаги «аҳдига вафо» ғоясидан бошқа яна бир қанча олижаноб фазилатлар ҳам қамраб олинади. Улар таянч ғоянинг олмос қирраларини очища фаол иштирок этмоқда. Шу билан бирга, учта мисрада «иймон» сўзи келяптики, бундай услубий жило ҳам қаламга олинган мавзунинг кенгроқ очилишига хизмат қиласди.

**Иймоннинг учдан бири ҳаё, учдан бири вафо, учдан бири сахийликдир**  
*Уч қисм ила иймонға бино фаҳм айла,  
Аввалғисини онинг ҳаё фаҳм айла,  
Иккинчисини доғи вафо фаҳм айла,  
Учунчини билмасанг, сахо фаҳм айла (44-бет).*

Ҳаё, вафо ва сахийлик – иймон биносининг устунлариидир. Бу гўзал хулқлар инсонларни доим яхшилик сари етаклайди, ёмон ишлардан сақлайди. Расууллоҳ (с.а.в): «Ҳаё фақат яхшилик келтиради», - деган ҳадислари орқали эса ҳаёнинг яхшиликни ҳаракатга келтирувчи куч сифатидаги қудратини таъкидлаганлар. Бу ерда ҳам - аҳдга вафоиймоннинг яна бир нишонаси сифатида келтирилган. «Аҳдга вафо қилмаганларнинг дини йўқ», - дея ҳукм чиқарадилар аҳдга вафода ибрат бўлган зот - Расули акрам (с.а.в).

Тўртинчи мисрадаги саховат эса, аввало, рубоийда айтилганидек, иймон етуклигининг белгисидир. Ўзгалар муҳаббатини уйғотовувчи ҳам, шараф ва мартаба орттирувчи ҳам, сени севикили қилғучи ҳам саховатдир. Мазкур рубоийдаги асосий ҳикматнинг очиб берилишидаги Навоийнинг хизматларидан бири, кўриб турганимиздек, араб лафзидаги қофиядош сўзларни сақлаб қолгани ҳолда, етакчи ғоянинг ёдда қоларлик тарзда, гўзал шаклда тақдим этилишида намоён бўлади.

**Нимаики топсанг, саховат қил ҳикмати шарофати билан саховатга даъват қилувчи қуидаги рубоий дунёга келган:**

*Майдони сахо ичра жалодат қўргуз,  
Топқонни берур амириға одат қўргуз,  
Бухл айласа, нафсинғға адоват қўргуз,  
Ҳар нимаки топилса, саховат қўргуз(47-бет).*

Ислом тарихида Ҳазрат Али ўзининг саховатпешалиги ва жавонмардлиги билан машхур

бўлган. Бу ҳақда Расули Акрамнинг «Сен умматимнинг жавонмардоғисан», - деган мазмундаги ҳадислари ҳам сақланиб қолган.

Иккинчидан, ушбу рубоий ҳикматда келган мавзу (садақа)нинг бошқа ёндоинсоний фазилат (саховат)га ўсиб ўтиши жараёнига ҳам мисол бўла олади.

Ҳазрат Али бошқа ҳикматларида тури муносабатлар билансаховатни қаламга олади. У шу йўналишдаги бирҳаётй хулоса тарзида қўйидаги ҳикматни бунёд этган:

**Кишиниунинг олижаноблиги (саховати)га қарабзиёратқил.**

*Ёрингни тонир ишда маҳорат айла,  
Диққат била ҳолига басорат айла,  
Мукрим эса, изҳори башорат айла,  
Жудиға қўра они зиёрат айла (66-бет).*

Саховатнинг қирралари бўлмиш хайр-эҳсон, садақа қилиш инсонни безайдиган гўзал сифатлардан ҳисобланади. Қуръони карим «Бақара» сурасининг 262-ояти каримасида бу хусусда ўқиймиз: «Молларини Аллоҳ йўлида сарфлаб, кейинчалик берган нарсалари кетидан миннат ва озор етказмайдиган кишилар учун Парвардигорларидан мукофот бордир. Уларга хавф ҳам бўлmas ва улар ташвиш ҳам чекмаслар» (Қурони карим. 44-бет). Мазкур оятлардаги гўзал мазмун Ҳазрат Алининг ҳикматли сўзларида қуйидаги кўринишда, қисқа ва лўнда тарзда ифодаланган. Ўзбекча мазмуни: «Нимаики топсанг, саховат қил», «Миннат билан қилинган садақанинг гуноҳи савобидан кўпроқ бўлади», «Эҳсон қилсанг, уни хоксорлик билан такрор эт», «Молнинг яхшиси Аллоҳ йўлида сарфланганидир», «Садақа-умрни узайтиради» каби ҳикматларнинг туркийдаги шеърий талқинигакиришар экан, Навоий уларни, одатдагидек, кенгайтириб, қўшимча ҳаётй далиллар билан бойитиш йўлидан боради.

**Молнинг яхшиси Аллоҳ йўлида сарфланганидир.**

*Молингки эрур, комуҳаво йўлида харж,  
Жоми маю лаҳни жонфизо йўлида харж,  
Бордур ёмон айламак риё йўлида харж ,  
Яхшиси эрур бўлса, худо йўлидахарж (55-бет).*

Кўринадики, улуғ шоир инсон меҳнат билан нимаики топса, уларнинг барчасини эзгулик йўлида, янада аниқроқ айтадиган бўлсак, худо йўлида сарфлаши зарур, деган ғояни олға суради. Бу ерда Ҳазрати Али ғоясини тарғиб этиш билан бир қаторда, молни бемаъни ишларга сарфланиш (исрофдан) ҳолларидан тийилишга чақириқ ҳам бор.

Исломий рух берилган бу умуминсоний қадриятлар Ҳазрат Али даврининг ижтимоий-ахлоқий тарбияси учун ниҳоятда муҳим аҳамият касб этган. Айниқса, янгича – исломий - ахлоқий муносабатлар юзага келаётган шундай бир даврда бу хилдаги ҳаётй кўрсатмаларга эҳтиёж жуда кучли бўлган. Исломий эътиқодни қабул қилган кишилар турли ҳаётй вазиятларда нима раво-ю, нима нораво эканини айни Қуръон, Ҳадис ва пандномалардан олганлар. Бундай асарлар ахлоқий тараққиётнинг янада юксалишига катта таъсир кўрсатиб келган.

Тил одоби Алишер Навоийнинг таълимий қарашларида ўзак масала ҳисобланади. Туркий адабиётда бу мавзу Юсуф Хос Ҳожиб, Аҳмад Юғнакийасарларида кенг ёритилган.

Таъкидлаш жоизки, Алишер Навоий мушоҳадалари ҳам юқорида номлари зикр қилинган ижодкорлар қарашларининг бойитилган, сайқал топган кўриниши эканлиги билан диққатга моликдир.

Алишер Навоий рубоийларининг бирида тил одоби хусусида ёзади: **Инсоннинг балоси тилдандир.**

*Сўзидин кишига ғаму бало ҳосилидур,  
Ҳар нуктада тили деса бало дохилидур,  
Бесирфа деган кишига тил қотилидур,  
Алқиссанги балоси тилидур (40-бет).*

Бундай уйғунликнинг ўқилдизлариниисломий сарчашмалардан излаш панд бермайди. Чунки барча замонларда яшаб фаолият кўрсатган қаламкашлар учун айни хазина интилиш ва савод чиқариш манбаи ҳисобланган.

Ширинсўзлилик, мулойимликгўзал хулқлардандир. Ширинсўзлилик кўнгилларга шодлик ва хурсандчилик баҳш этувчи эзгулик, яхшиликлардандир. Фарид дилларни осмон қадар юксакка кўтарувчи илоҳий қудрат ҳам ширинсўзлилик ва мулойимлиқдир. Камтар, хушфеъл, нозик табиатли бўлмоқ инсоний фазилатdir. Бу фазилат қуйидагича назм қилинган:

**Сўзингни юмшоққил – севимли бўласан.**  
*Хўб эл била суҳбат тутубон хўб ўлғил,  
Яхшини талаб қилғилу матлуб ўлғил,  
Ширин сўз ила халқча марғуб ўлғил,  
Юмшоқ де ҳадисингниу – маҳбуб ўлғил (102-бет).*

Инсон учун энг гўзал зийнат адаб ва ҳаё, сабр ва қаноат, ҳалоллик ва сахийлик каби ахлоқий фазилатлар эканлиги ҳикматли сўзларда ўз аксини топганки, Алишер Навоий рубоийларида ёмонлик тарафида турувчи бандаларқалби ҳам мана шундай гўзал ахлоқ билан забт этилади деган орзу бор. Қуйидаги ҳикматли сўз ва дилбар рубоийфикримизни тасдиқлайди:

**Кишиларнинг безагиодобдир.**  
*Зевар кишига не тоҷу не афсар бил,  
Ул зевар адаб била ҳаё дархур бил,  
Ҳар кимки адабсиздур ишин абтар бил,  
Алқисса, эранларга адаб зевар бил (51-бет).*

Инсондаги шахсий хусусиятларнинг ривожланганлик даражасинибелгилашда, рубоийлардан кўриниб турганидек, фақат ўша фазилатларнинг ўзигина кифоя қилмайди. Балки ҳар бир инсондаги ўзига хос хусусиятларни вужудга келтирувчи, унинг ривожланишига, ўзгаришига туртки бериб турувчи ҳолатларга эътибор ҳам катта аҳамиятга эга бўлади. Алишер Навоий бу омилларга, кўп ҳолларда, рубоийнинг дастлабки мисраларидан жой ажратади ва кейинги мисраларни асосий foяни насрый ҳикматларнинг бадиий таржимасини ифодалашга қолдиради.

Рубоий ўздавридаги инсон борлиғининг энг муҳим кўрсаткичларини қамраб олган.

Инсоннинг шахсий сифатлари, ижтимоий малакаларини ривожлантиришда энг муҳим омил – унинг ўзлигини англаб етиши экани мазкур рубоий руҳиданяққол кўриниб туради. Ўз табиатида нима яхши-ю, нима ёмон эканини идрок этиш инсоннинг ўзлигини англаб етиши, унинг ўзига хос хусусиятларининг шаклланишига чинакам мадад беради.

«Назм ул-жавоҳир» рубоийларидағи ахлоқий қарашларда инсоннинг ўзлигини англаб етиши йўлида илмнинг қудрати, жаҳолатнинг зарари, тилни тийиш, кибр ва ҳасаднинг иллати тўғрисидаги фикрлар ҳам муҳим ўрин тутади. Зеро, ўқувчи баркамол инсон тарбиясида зарур бўлган сифат ва хислатларни «Назм ул-жавоҳир» таркибидағи рубоийлардан англаб олиши ҳам униилм-маърифат сари бошлайди. Шунга асосланган ҳолда, эътиборни юксак инсоний фазилатларга бағишлиланган ҳикматлар орасида ажralиб турган – баркамол инсоннинг маънавий сифатларидан бири – илм-маърифатга, билим олишга даъват қилувчи ҳикматли сўзларга қаратмоқчимиз.

Куръоннинг кўпгина оятларидаги сингари пайғамбаримиз ҳадисларида ҳам мўъмин-мусулмонларни билимли, маърифатли, ўқимишли бўлишга даъват; илмнинг динни мустаҳкамлаш, эътиқодни поклашдаги таъсири; инсон ҳаёти ва жамиятдаги ўрни, унинг фазилати ҳақида ажойиб фикрлар мавжуд. Бу масалада Ҳазрат Али қарашлари ҳам Куръону Ҳадисга ҳамоҳангдир. Алишер Навоий Ҳазрат Алиниң илм ва илм олишга даъват қилувчи, илм ва ирфон аҳлини улуғловчи ҳикматларини таржима қилиш орқали, ўзининг ахлоқий-таълимиy, илоҳий-ирфоний қарашларини рубоийлар мағзига сингдира боради.

Чункиилм – миллатнинг фаровон яшаши, диннинг мустаҳкамланиши учун керак бўлган маънавий хазинадир. Бу хазинадан олинган, мўъмин ва мўъминаларнинг дину миллат, халқ, фан фойдасига ярайдиган маънавий бойликни ўрганишга сарфланган вақти – ҳар қандай тоатдан афзалдир. Боиси, ҳар қандай тоатнинг боши маърифатдир. Қолаверса, тоатдан ҳам, илму маърифатдан ҳам мақсад – инсон руҳий-маънавий камолоти ҳисобланади. Бу масалада Ҳазрат Али қарашлари пайғамбаримиз Расули акрамнинг «Бир соат илм ўрганиш кечаси билан намоз ўқиб чиққандан афзалдир», «Бир кун илм ўрганиш уч ой рўза тутгандан яхшироқ» (Муҳаммад пайғамбар қиссаси. Ҳадислар. –Т.: "Камалак", 1991. 93-бет) деган ҳадислардаги фикрларига ҳамоҳангдир. Айни шу хусусда айтилган қуйидаги ҳикматли сўзнинг Алишер Навоий томонидан назмга солинишига шарҳига эътибор қилайлик:

### **Кўп тоатдан - оз маърифат яхши.**

*Ирфон аҳлига эл ниёзи яхши,  
Таъзим ила лутфидилнавози яхши,  
Гармаърифат ўлса, чорасози яхши,  
Тоат қўпидин, маърифат ози яхши (73-бет).*

Маълумки, Навоий яшаган, зиддиятларга тўла даврдаги илм аҳлига бўлган муносабат шоирни қониқтирилган эди. Шу боисдан ҳам, Навоий амалий фаолияти билан илм аҳлига доимо кўмак бериб келди. Рубоийда жамият аъзоларидан илм-ирфон аҳлига эътиборда бўлиш, уларга меҳрибончилик кўрсатиш кераклиги таъкидланиши ҳам бежиз эмас. Шу билан бирга, шоир ҳаётдаги барча ноҷорликларнинг чораси маърифатдир, деган холосага келади ва бу билан Ҳазрат Али ҳикматида қўтарилган муаммо доирасини янада кенгайтиради.

Ҳар қандай илм амали билан гўзал, албатта. Олимнинг илмидан эл баҳраманд бўлиши

даркор. Расули Акрамнинг «Илмга амал қилувчилардан бўлингиз; унитилдас сўзловчилардан бўлмангиз», -деган ҳадисларида маърифатни фақат қуруқ (амалсиз) қабул қилмасдан, балки уларни ҳаётга тадбиқ қилиш шарт эканлиги, олинган билим билан халққа хизматда бўлиш кераклиги таъкидланса; Ҳазрат Алиниңг **«Китобларни йиққандан кўра, (ундаги нарсаларни) хотирангда сақлаганинг яхшироқдир»** ҳикматли сўзида асосий дикқат илм толиби китобдан олган билимини меҳнат ва шижаот орқали хотирада сақлагани маъқулдир, деган фикрга қаратилган.

Бу ҳикматни Алишер Навоий назм ипига қуйидагича тизади:

*Дониш тилабон ҳар сори кетгайсен,  
Хифз айламасанг варақ йиғиб нетгайсен,  
Саъй айлаки, ҳифзи ганжига етгайсен,  
Йўқулки, кутуб саъй или жамъ этгайсен (89-бет).*

Аллоҳнинг абадийлик, улуғлик ва буюклик каби сифатлари Қуръони каримнинг талайгина сураларида таърифланади. «Назм ул-жавоҳир» рубоийларида Аллоҳнингбундай ноёб сифатларини улуғлаш билан бирга, Унга тоат-ибодат ғаниматлиги, бу эса қалба қувват, кўзга нур бўлиши таъкидланади:

**Душманга тоатҳалоқатдир.**  
*Тут ҳақ тарафи қасби саноат қилмоқ,  
Ҳақдин неки юзланса, қаноат қилмоқ,  
Жон топмоқ эрур дўстқа тоат қилмоқ,  
Душманга ўлумдурур итоат қилмоқ(83-бет).*

«Назм ул-жавоҳир»нинг қатор рубоийларида адолатли бўлиш, золим бўлмаслик, ноҳақлик қилмасликкаби сифатлар гўзал инсоний ахлоқ тарзидаулуғланади. Алишер Навоий рубоийларида буулуғ ғоялар талқинида ҳам бош сарчашмага уйғунликяққол сезилиб туради :

**Золим умрининг сояси қисқадир .**  
*Золимки, шиор этти жафо поясини,  
Ўз воясинистаб олди эл воясини,  
Қайдин топқай ҳаёт сармоясини,  
Ҳақ айлади қисқа умрининг соясини(86-бет).*

Мазкур рубоийда бадиий ифодасини топган ғоя «Ҳайрат ул-аброр» достонида шу мавзулардаги қарашлар билан ҳамоҳанглик касб этади. Жумладан, бундай ҳолатни қуйидаги парчада равshanҳис қилиш мумкин:

*Улки зарар шевасини тавр этар,  
Элга демаким, ўзига жавар этар.  
Улки ушотур босибон шишани,  
Қилмас аёқ заҳмидин андишани...  
Кимки фалак сори отар тошини,  
Тош ила озурда қилур бошини(МАТ. VII жилд.234-236-бетлар).*

Кўринадики, юқоридаги мисраларда тилга олинадаган одам инсонлар орасига зулм уруғини сочиб, ўша муҳитда ўзи ҳам мавжуд эканини унутиб қўяди. Бу ўзи сузиб кетаётган кемани тешиш билан баробардир. «**Киши зулм қилса, ўзи хор бўлади**», «**Мазлумнинг ранж-уқубати зое кетмайди**», «**Золимнинг зулми уни ҳалокатга йўллайди**» бу каби ҳикматларнинг «Хамса»да ҳам қўлланилгани Алишер Навоийнинг бундай дурдона ҳикматларга жиддий эътибор қараганлигидан далолатдир.

Алишер Навоий ўзининг «Хамса», «Маҳбуб ул-қулуб» каби шоҳасарларида мамлакатнинг обод, юртнинггинч, ҳалқнинг фаровон яшашида шоҳларнинг адолатли бўлиши тўғрисидаги олижаноб ғояларни илгари сурди. Адолатли шоҳнинг илмли, фозил бўлиши хусусидаги Ҳазрат Алиниңг ҳикматли сўзидаги ғоя Алишер Навоийнинг қўйидаги рубоийсида юксак бадиий такмилини топади:

**Илмли шоҳга завол йўқдир.**

*Ҳар кимдаким, илм қийлу қоли бўлмас,  
Илм аҳлига сўз дерга мажоли бўлмас,  
Олим мулкининг интиқоли бўлмас,  
Шаҳ олим агар бўлса, заволи бўлмас (103-бет).*

Ҳазрат Али ҳам милодий 656-661 йиллар орасида халифалик қилиб, ислом дунёсини бошқарган. Ижтимоий-сиёсий ҳаётни йўлга қўйиш, унинг маромини белгилаш ишини зиммасида сақлаш ниҳоятда мушкул иш. Манбалардан маълумки, Мадина аҳли халифа Усмон вафотидан кейин маслаҳатлашиб, бу ўринга Ҳазрат Алидан бошқа муносиб номзод йўқлигини тушунадилар. Али бу ишнинг қийинчилик ва масъулиятини ҳис этган ҳолда, аввалига халифаликни зиммасига олишга кўнмайди. Таклиф дарҳол рад этилади. Али ўзининг бу қарорини шундай изоҳлайди: «Халифалик иши қалбларни титратадиган, ақлни шоширадиган амалларга тўла. Бунинг устига, мен олий мақом, мартаба йўлида ҳақдан кечадиган, ўзбилармон кишилар тоифасининг гина-кудуратларию инжиқликлариға қулоқ тутадиган одам эмасман. Қолаверса, халифаликка мени ўтқазиб, кейин ўзингиз пушаймон бўлиб ўтирасиз». Одамлар бўш келишмади. Қарорлари қатъий эканини билдиришди. Ҳазрат Алиниңг ўшандай таклифгакўнмай бошқа иложи қолмади. Аммо, бир кеча-кундуздаёқ уни бу ишга кўндирганларнинг кўпчилиги қилган ишларидан пушаймон бўлишди. У ўзининг дастлабки тадбирларини эълон қилганида, молпарастларларзага келди. Ҳаром ва эгри йўллар билан топилган бойликлар эса эгаларидан тортиб олинадиган бўлди. Пайғамбар замонасидан 24 йил ўтган бўлса ҳам, Ҳазрат Али ўша-ўша дадил, шижаотли, қатъиятли, элга қайишадиган инсон эди (Пайғоми Ҳазрати Али.3-5-бет). Дарҳақиқат, Ҳазрат Али ибн Абу Толиб қатъиятли, чўрткесар, адолатталаб, билимдон инсон бўлган. Ундаги бу сифатларни қадрлаб, хулафои рошидин замонасида Ҳазрат Алини Ироқда қозиликни ишониб топширишган эди (Бекмирзаев И. Ҳанафий мазҳабида қозилик қилиш шартлари. Шарқ машъали 2004. № 1,2,13- 15-бетлар).

Ҳазрат Алиниңг юртни бошқариш ҳақидаги «**Шоҳларнинг давлати адолатда**» ҳикматидаги ғояни Алишер Навоий ривожлантиради вагўзал рубоий яратишга эришади:

*Шаҳ уббаҳату ҳашматидур адли била,  
Иқбол доғи шавкатидур адли била,  
Оlam эли амниятидур адли била,*

Султонларнинг давлатидур адли била (59-бет).

Шеърий сатрлардан аёнлашаётирки, насрий ҳикматдаги таянч ғоягаасосланган улуғ шоир уни такомиллаштиради, ўз замонасидаги адлуadolатга доир қараш ва лавҳа билан бойитган ҳолда шеърхонгатақдим этади.

Илм инсонни гумроҳлик ва нодонлиқдан халос этиш билан бирга, ёмон хислатлардан қутилиш, яхшиликка юз тутишга ҳам ўргатишни қўйидаги рубоийда янада равшанроқ кўрамиз:

*Омий кишининг зоҳидлигигумроҳликдир.*

*Гар бор эса ҳақфа даргоҳлиғи,*

*Илм ортуқум икки жаҳон шоҳлиғи,*

*Оlam фисқида бордур огоҳлиғи,*

*Оми киши зуҳди бўлди гумроҳлиғи (68-бет).*

Ҳақўз севган бандаларига икки дунё саодатини инъом этади. Илм ана шундай улуғ саодатнинг қалитидир. Шунинг учун ҳам Алишер Навоий илм эгаллашникини жаҳон шоҳлигидан устун қўяди. Рубоийнинг дастлабки байтини мутолаа қилган сезгир китобхон унда икки олам сарвари Мұхаммад Мустафонинг «Кимки дунё саодатини тиласа, тижорат қилсин, кимки охиратни ўйласа, ибодат қилсин. Кимки икки дунёда баҳтиёр бўлишни истаса, илм ўргансин», - деган ҳадисларининг мазмуни сингдирилганлигини (яширин талмех) англаб етади.

«Назм ул-жавоҳир»да юқорида қайд этилган ҳикматлардан ташқари, «Илмнинг камоли ҳилмдадир», «Илм мажлиси жаннат боғига ўхшайди», «Илмнинг заволи мақтанишдир», «Илмнинг даражаси сифатидадир» каби ҳикматларнинг ҳам назмий шарҳи берилган. Ҳикматли сўз ҳамда рубоийларда тарғиб қилинган мақсад ва моҳият битта: инсонларни илм ўрганишга, унга умрни баҳшида қилишга даъват, олинган билим билан ҳалққа хизматда бўлиш лозимлиги таъкидланади. Шу билан бирга, ўрганилган илмларни бошқаларга ўргатишда баҳиллик, хасислик, манманлик қилиш нодуруст хислат эканлиги уқтирилади.

Хуллас, илм ва илм олишга даъват икки буюк сиймо – Ҳазрат Али ва Алишер Навоий томонидан ўзига хос услубда ҳикматли сўз ва рубоий орқали тарғиб қилинади. Ҳикматли сўз ва рубоийни мутолаа қилган китобхон кўз ўнгиди Ҳазрат Али ва Алишер Навоийлар эса донишманд инсон, илм-маърифатнинг ҳомийси ҳамда тарғиботчиси сиймосида гавдаланади.

Инсон тарбиясида одоб-ахлоққа доир фикрлар Ҳазрат Али томонидан содда, мазмунан аниқ, шаклан муҳтасар тарзда берилган бўлса; Алишер Навоий уларни ифодали, бўёқдор, чиройли, ёқимли ва таъсирчан қилиб, бадиий акс эттиришга интилган. Ҳар иккала буюк маънавий арбобнинг илм-маърифатни эгаллашга қаратилган даъватлари бугунги кунда истиқлол ва унинг истиқболи учун чуқур билимли, заковатли, бой маънавиятли авлодларни тарбиялашда муҳим ғоявий-адабий манбаҳисобланади.

«Назм ул-жавоҳир»да қаламга олинган мавзуулар доирасида тасаввуфий тушунчаларни эслатувчи – мулојимлик, юмшоқ феъллилик, одоб, нафсга қарши туриш, ёмонга ҳам яхшилик қилиш, авлиёларни эслаш, заифларнинг ҳолидан хабар олиш, ботиний ҳусн, тавозеъ каби тушунчалар силсиласи борки, уларни кейинги асрлар тариқат маслаги

ғояларининг ривожланишига туртки бўлган ҳикматлар дейиш мумкин. Булар орасида кейинчалик сўфийлик фалсафасида мустаҳкам ўрин олган «нафс» тушунчаси бирмунча кенг муҳокама қилинади:

*Нафсингдан қочишинг, шердан қочишингдан кўрафойдалироқдир.  
Ким кинавар ўлса, иста ондин қочмоқ,  
Нечунки, зарурдур ёмондин қочмоқ,  
Эр ўғлиға нафси гинарондин қочмоқ,  
Анфаъдурким, шери жаёндин қочмоқ(114-бет).*

«Назм ул-жавоҳир»даги арабча ҳикматлар орасида «Нафсингга қарши тур - дам оласан», «Нафсга безак берма - уни чарчатасан», «Нафсинг ғалаба қилса, ҳақ йўлини тут», «Кимки нафс ёмонлигидан омон қолган бўлса, ғалаба қилибди» кабиларда ўртага ташланган фикрлар Аҳмад Яссавий ижодида ҳам акс-садо берган:

*Бўлуб нафсингга тобе банд этарсан тушса душманни,  
Сенга йўқ нафсдек душман, қила олсанг ани қил банд*

(Аҳмад Яссавий. Ҳикматлар.- Т.: F. Гулом номидаги Адабиёт ва санъат нашириёти, 1991. 10-бет).

Бу мисраларнинг юқорида келтирилган Ҳазрат Али ҳикмати таъсирида юзага келгани яққол кўриниб турибди.

Шулар билан бир қаторда, манбаларда Ҳазрат Али бу дунё лаззатларидан воз кечган зоҳид, ботинан ва зоҳиран Аллоҳ таолонинг ишқи билан ҳаёт кечирган шахс бўлган, дейилади. Шулардан келиб чиқиб, Ҳазрат Алини тасаввуф силсиласининг бошланиши-сарҳалқаси дея талқин қилиш кўпгина манбаларда қайд этилган. Чунончи, «Сияр ул-актоб»да ёзилишича, Ҳазрати Алига 12 та сўфийлик тариқати бориб тақалар экан. Уларнинг силсилаи иродатлари: Алиунинг халифаси Ҳасан Басрий, Фузайл Иёз, Иброҳим Адҳам, Жунайд Бағдодий<sup>1</sup>.

«Назм ул-жавоҳир»даги рубоийларда ҳам, унга манба ҳисобланган «Наср ул-лаолий» ҳикматларида ҳам ислом дини арконлари, шариат қонун - қоидлари тарғиби билан бирга одоб ва ахлоқ, ҳалоллик, поклик, саховат, ҳиммат, илм олиш, эҳсон, шарм - ҳаё, нафси тийиш, дўстга садоқат, ота - онани қадрлаш, фарзанд тарбияси, қаноатли бўлиш каби ижтимоий - майший, ахлоқий-маърифий масалалар ҳам қамраб олинади.

Умуман олганда, Алишер Навоийнинг «Назм ул-жавоҳир»ни 1485 йилда ёзганини ҳисобга олсақ,унда қаламга олинган хилма-хил мавзуулардан қўпларини «Ҳамса» таркибидаги достонларда, «Ҳазойин ул-маоний» ниташкил этган девонларидан ўрин олган шеърларида ҳам ривожлантирганлигига ҳосил қилиш мумкин. Алишер Навоий қолдирғанмаънавий мерос яхлит олинганда, баркамол инсон қиёфаси манзараларининг миқёси янада ортади. Улуғ шоирнинг зикри ўтган ҳикматли сўзларга қўл урганининг сабабларидан бири, улардаги буюк мутафаккирга манзур бўлган чуқур фалсафийлик бўлса; иккинчиси, садоқатли мураббий сифатида ислом оламида улуғ шахс ҳисобланган Ҳазрат Алиниг нуфузидан эзгу ғояларни тарғиб этишда фойдаланишидир.

Одоб-ахлоқ мавзуудаги асарлар Алишер Навоий замонаси ва ундан кейинги давр адабиётида жуда кенг тарқалди. Уларда Ҳазрат Али ва Алишер Навоий ўртага ташлаган ибратли ахлоқий мезонларга бот-ботмурожаатқилингандигини ҳис қилиш қийин эмас.

<sup>1</sup> Сияр ул-актоб. Кўлёзма, Тошкент Давлат ислом университети кўлёзмалар фонди. З а бет.

### 3.3.СҮЗ САНЬЯТИ ФОЯ БИЛАН ЖОЗИБ

Ҳар қандай ижодкор ўз олдига қўйган мақсадига ҳаётдан танлаган воқеалари, улардан сизиб чиққан сабоқларни муносиб шаклдамукаммал бадиий ифодалай олсагина эришади. Алишер Навоий Ҳазрат Али насрый ҳикматларини ўзбектилга эркин ижодий таржимада бадиий акс эттириш учун рубоий жанрини маъкул кўрди. Академик шоирFaфур Гулом ўринли таъкидлаганидек, «рубоий олам-олам мазмунларнинг жавҳарини йифиб, тўртта сатрга сиғдира олиш маҳорати...»дир (Faфур Гулом. Адабий – танқидий мақолалар. I жилд. – Т.: “Фан”, 1971. 417-бет).

«Наср ул-лаолий»нинг кўпгина арабий ва форсий нусхалари билан танишган ва каттамаънавий завқ олган улуғ шоир «Назм ул-жавоҳир» дебочасида ёзади: « Ва паришон хотирға ва ошуфта замирға бу орзу кўп дағдаға солур эрдиким, туркий тили била мен ҳам ул лаолийни [инжуларни] ороста қилғаймен» (МАТ.128-бет).

Алишер Навоий асрлар оша исломий манбалар билан бир қаторда авлодлар эътиборидан тушмай келаётган насрдаги арабча дурдона фикрларни алоҳида эътиборга олади ва уларни туркийзабон китобхонларга назм либосида етказиши ўз олдига мақсад қилиб қўяди. Чунки назм ўзининг жозибадорлиги, рангин ва равонлиги, дарсхонасининг кенглиги билан ўқувчини фикрий мушоҳадага тортади, унга қучли таъсирикўрсатади.

Навоийнинг «Назм ул-жавоҳир» асари муқаддимасида шеърий баён тарзининг устунликлари хусусида: «Инна мин аш-шеъри ла-ҳикматан ва инна мин ал-баёни ла-сехран»яъни, «Ҳақиқатан ҳам шеърда ҳикмат бор, баёнда (нотиқ нутқида) – сеҳр», - дейилган ҳадисини келтиради ва уни «назмда балогат ва насрда фасоҳат таърифида» айтилганини таъкидлайди. Шу билан бирга Алишер Навоийни «ҳикмат» ҳам, унинг қаватларидағи «сеҳр» ҳам қизиқтиради. Муаллиф ўз айтганларини китобхонга етказиши бадиий тасвир воситалари, шеърий санъатлар ва назмнинг барчаунсурларидан моҳирона фойдаланади. Устоз навоийшунос А.Ҳайитметовнинг ёзишича: «Навоий прогрессив адабиётнинг доимий назарий принципи – формага нисбатан мазмуннинг биринчилигига фақат лирик асарларида эмас, балки майда лирик асарларида ҳам доим риоя қилган» (Ҳайитметов А. Навоийнинг ижоди методи масалалари. –Т.: Ўзбекистон Фанлар Академияси нашриёти. 1963. 70-бет). Аммо бундай таъкид асарнинг шаклий жиҳатини иккинчи даражага суриб қўйиш деган гап эмас.

«Назм ул-жавоҳир» рубоийлари бадииятининг шаклий жиҳатлари ҳақидаги фикрларни ҒиёсиддинХондамирнинг «...Вашу каби, «Наср ул-лаолий»нинг туркийча таржимасида 260 рубоий назм қилгандирларки, унинг ҳар тўрт мисраси бир хил қофия ва бир хил радифлидир. Кўринишича, ул ҳазратдан илгари ҳеч ким туркий тилда рубоий айтмаган, ҳар тўрт мисраси қофиядош ва радифдош бўлганига нима етсин» тарзидаги мулоҳазаларига муносабат билдириш масадга муофиқдир. (Макорим ул-ахлоқ. 50-бет). «Макорим ул-ахлоқ» мутаржимлари М.Фахриддинов ва П.Шамсиевлар Хондамир таъкидига қўйидагича изоҳ беришади: «Навоийга қадар бир неча ўзбек шоирлари туркий тилда рубоий айтганлари маълум. Лекин Хондамир бу ерда маълум даражада муболаға қилган кўринади, афтидан, сермаъно ва энг гўзал рубоийларни Навоий яратган, демоқчи бўлса керак» (Ўша китоб. 50-бет). Туркий тилда Навоийгача Ҳофиз Хоразмий ва Лутфий рубоийлари ҳам машхур бўлганини ҳисобга олсак, Хондамирнинг юқоридаги мулоҳазалари Навоий рубоийлари ғоявий - бадиий жиҳатидан маҳоратининг баландлигига берилган юксак баҳоси деб ҳам қараш мумкин.

Алишер Навоийгача форсий адабиётда рубоий ўзининг барча жанрий белгилари билан

тўла шаклланиб, барқарорлашиб улгурган эди. Эҳтимол, шунинг учун бўлса керак, бу адабиёт анъаналари билан яқиндан таниш бўлган Алишер Навоий ижодида фалсафий тўртлик талабларига жавоб бера олмайдиган бирорта рубоийни деярлиучратмаймиз.

Навоийшунос А.Ҳайитметовнинг маълумотича, «Навоийнинг «Муншаот» асарида 56, «Маҳбуб ул-қуслуб»да 10, «Мажолис ун-нафоис»да 16 рубоийси бор. Шоирнинг насрый ва илмий филологик асарларида ҳаммаси бўлиб, фақат ўзбек тилида 100 дан ортиқ рубоийси бор. Бу эса «Хазойин ул-маоний»даги рубоийлар миқдорига яқинлашиб қолади. Унинг девонларига ёзган дебочаларидаги, «Назм ул-жавоҳир»даги рубоийларининг ҳаммасини «Хазойин ул-маоний» ва «Девони Фоний»даги рубоийлар билан қўшганда, Навоийнинг ўзбек адабиёти тарихида энг йирик рубоийнавис бўлгани англашилади» (Ҳайитметов А. Навоийхонлик сұхбатлари. –Т.: Ўқитувчи, 1993.144-бет).

Алишер Навоий Ҳазрат Али ҳикматли сўзларини шеърга солишда кенг ижодий имконият ва катта адабий тажрибага эга эди. Шу ижодий тажриба ва илмий салоҳият унинг рубоийлари муваффақиятини таъминлаган таянч омилdir.

Навоийшунос С.Фаниева «Назм ул-жавоҳир»да «Ҳазрат Алининг 218ҳикматининг ҳар бири рубоийда тўрт мисраси қофия ва радифли қилиб берилади» (Фаниева С. Ҳар бирини тўрт дурри гавҳар дегил //Имомал-Бухорий сабоқлари. - 2001 № 3.-211-214-бет), - деб ёзади. Хондамир (рубоийларнинг ҳаммаси қофия ва радифли деб) ҳисобдан адашган бўлиши мумкин. Аммо гап фақат рақамларда эмас. Аввало, шунча рубоийнинг тўрттала мисрасини қофияланадиган қилиб, рубоийи тарона шаклида беришнинг ўзи ҳам шоирдан каттагина ижодий тажриба, шеърий маҳорат талаб қиласи. Зоро, «Ижодкорнинг салоҳияти шеърларда кўлланилган қофияларнинг ғоявий моҳиятини, тимсоллар қиёфасини очишдаги аҳамияти, қофия учун танланган сўзларнинг маънавий теранлиги, оҳангдорлиги, жило ва жозибаси билан ҳам белгиланган» (Ҳайитметов А. Навоийхонлик сұхбатлари. –Т.: Ўқитувчи, 1993. 115-бет).

Дарҳақиқат, "Назм ул жавоҳир"даги рубоийларда қофия ҳам, радиф ҳам мазмунни имкон қадар тўлароқ очиб беришга хизмат қилдирилган.

Рубоийлар бадииятининг шаклий хусусиятларидан яна бири ундаги мисраларнинг жойлашувидир. Юқорида айтганимиздек, рубоийнинг ҳар бир мисраси ўзига хос вазифани бажаради. Шоир биринчи мисрада айтмоқчи бўлган фикр, ғоянинг қисқа ва лўнда ифодасини берса; иккинчи мисрада, кўпинча, биринчи мисрадаги фикрнинг қутбларини кенгайтиради. Рубоийнинг учинчи мисраси шоирнинг якуний хулоса ясаси учун замин ҳозирлайди. Тўртинчи мисра якуний хулоса сифатида юзага келади.

Рубоий жанрининг ана шу маромига мувофиқ асосий ғоя ташувчи ҳикматли сўз – Ҳазрат Али афоризмини Алишер Навоий рубоийнинг охирги мисрасида (баъзан байтида) беради. Қолган мисралар эса улуғ шоирнинг эркин ижодининг маҳсулидир. Айни мисралар жасоратли халифа ҳикматлари Навоийни нималарга илҳомлантирганини кузатиш имкониятини беради. Чунончи:

### Ким сукутсақласа, надомат қилмайди.

Ҳар кимсаки, нуктаси фаровон бўлмас,  
Тил ранжига қолмоқлиғи имкон бўлмас,  
Кўп сўзла гучиға гайри нуқсон бўлмас,  
Ҳаркимки ҳамуш бўлди, пушаймон бўлмас (105-бет).

Бу ўринда насрий ҳикмат – тўртингчи мисрага келтирилади. Бундай ҳолларда Навоийда ҳикматда ифодаланган ғояни ўзининг теран фалсафий мушоҳадалари билан бойитиши имконияти янада кенгаяди. Масалан, таҳлилқилаётганимиз рубоийнинг учинчи мисраси Ҳазрат Алининг «Гапнинг айби узунлигидадир» деган ҳикматининг шеърий ифодасидир. Кўринадики, Алишер Навоийда биргина ҳикмат доирасида ўз ғоявий ниятини етарли даражада бадиий ифодалаш имкони бўлмаган ва улуғ шоир яна бир ҳадисга мурожаат қилиш орқали тасаввур доирасини янада теранлаштириш йўлидан борган. Шунингдек, рубоийларда кўзга ташланадиган “ўхшаш” сатрлар улуғ шоир топқирлиги, маҳорати туфайли турфа маънолар ташийди.

**Гапнинг айби узунлигидадир.**

*Бермас татвил чун сухандон сўзга,  
Қил муҳтасар улча бўлғай имкон сўзга,  
Қўп айб топар кимса фаровон сўзга,  
Чун чекти узоққа, етти нуқсон сўзга (88-бет).*

Олдинги рубоийнинг учинчи мисраси билан кейинги рубоийнинг тўртингчи мисраси мазмунан уйғунлигига қарамай, турлича ифода шакли шарофати билан мустақилмаъно ташувчи мисраларга айланган.

Яна шундай рубоийлар ҳам борки, уларнинг етакчи ғояси кейинги икки мисрани банд қиласи. Бундай ҳолларда, шоирнинг эркин мушоҳада юритиш имкониятлари бирмунча чекланиб қолади. Бироқ улуғ шоир ана ўшандай “танг” вазиятдан чиқиб кетади. Бунинг учун унга чексиз тафаккури ва баланд бадиий завқи кўмакка келади.

*Умринг аввалида ўтган иш(хато)ларингни умринг охирида тўғрила.  
Куллуқ ишида қисмати авқот айла,  
Чун умрға эътимод йўқ бот айла,  
Умр аввалида ҳисоби оғот айла,  
Умр охирида қазои мофот айла (41-бет).*

Буўринда Алишер Навоий Ҳазрат Али ҳикматини иккимисрагажойлаштиради. Рубоийнинг колган икки мисрасидан жуда унумли фойдаланган улуғ шоир мазмунни ҳайратомуз кенгайтиришга эришади.

Бандалик ишида вақтни тақсимлаб қўйиш ғояси «Назм ул-жавоҳир»дан олдин «Ҳайрат ул-аброр»нинг 17- мақолатида ҳам тилга олинган .

*Умр қунин қисмат этибдир қазо,  
Ҳар чоғи бир ишга қилиб иқтизо (МАТ. VII жилд. 289-бет).*

Муқаддимавий маснавий сатрларидағи тасвирга кўраумр кунларини тақдирнинг ўзи қисмларга ажратиб қўйган бўлса, «Назм ул-жавоҳир» таркибидаги рубоийда «Бандалик ишида вақтни тегишли ишларга ажратиб қўйиш» лозимлиги айтилиб, ўқувчини етакчи ғоя мазмунини англашга тайёрлайди. Шоирнинг иккинчи мисрада келтирган далили ўта ишончли: киши ўз умри қанча давом этишини билмайди. Рубоий ниҳоясида етакчи ғоядаги фикрнинг ифодаси учун «қилинмай қолган ишни бажариш» маъносидаги «қазои мофот»

иборасини қўллаб, пухта, мустақил маънодаги мисра яратишга эришади.

«Назм ул-жавоҳир» асарининг тилиҳақида гапириладиганбўлса, муаллиф ўз замондошлари учун тушунарли, равон варангин бадий мушода юритиш йўлидан борганлигини пайқаш қийин эмас.

Алишер Навоий «Назм ул-жавоҳир» таркибидаги рубоийларда қофияи таронани қўллаш, кўпгина рубоийларнинградифли бўлишини таъминлаш орқали асарнинг бадий таъсиранлигиниянадаширган. Шуманда проф А. Рустамов ўринли қайд қилганлариdek: «Навоий асарларида бадий воситалар кам ҳам эмас, ортиқча ҳам эмас» (Рустамов А. Навоийнинг бадий маҳорати. –Т.: Ф.Ғулом номидаги Адабиёт ва санъат нашриёти, 1979. – 28-бет). Зоро, Алишер Навоий рубоийларининг таъсирили ва жозибали чиққанининг сирларидан бири ҳам шунда.

### Туғилиш ўлимнинг элчисидир.

Танға ҳаёт жомидуркомрасон,  
Бўл танға нишот комидин жомрасон,  
Жонға ҳам ўлим сўзидин бурун оромрасон,  
Ким туғмоқ эрурўлумгапайғомрасон(64-бет).

Рубоий мисраларида ком (истак, тилак, мақсад), жом (қадаҳ), ором (хузур, ҳаловат), пайғом (хабар) сўзлари оҳангдош бўлиб, ҳеч қандай ўзгаришсиз такрорланувчи «расон» (сўз бирикмасида – етказувчи) радиф вазифасида келган. «Назм ул-жавоҳир» нашрларида «расон»нинг қофиядош сўзларга қўшилиб ёзилиши натижасидаунинг радиф вазифасида ишлатилишини дарров пайқашқийин. Бироқмасаланингмоҳиятига теран муносабатда бўлган улуғ шоир «расон»ни радиф ўрнида қўллаш орқали Яратган Қодир Эгамга илтижо қилиб барча эзгуликларга етказишни сўрайди.

### Кишининг ҳаёсиунинг пардасидир.

Авжи шараф узра офтоб ўлди ҳаё,  
Бўстони саодатға саҳоб ўлди ҳаё,  
Мазмум хасоилғаҳижоб ўлди ҳаё,  
Эл айбиғагўёки ниқоб ўлди ҳаё (51-бет).

Рубоийдаги “ўлди ҳаё” радифи икки жиҳати билан аҳамиятлидир: Биринчидан, рубоийдаги асосий ғояни ташувчи сўз бирикмаси сифатида қўлланган бўлса; иккинчидан, бу сўз рубоий оҳангдорлигига таъсиранлигини таъминлаган. Худди шундай фикрни асардаги бошқа радифли рубоийларга нисбатан ҳам айтиш мумкин.

Рубоийларнинг шаклий белгиларидан яна биривазндири. Алишер Навоий «Мезон ул – авзон»да бу ҳақда ёзди: «Рубоий вазниким, ани «ду байтий» ва «тарона» ҳам дерлар, ҳазаж баҳрининг «ахрам» ва «ахраб» идаистисрож (танлаб олиш) қилубтурлар» (МАТ. XVII. 157-бет). Рубоий жанри талабларига жавоб берадиган шеърўзига хосбарқарор хусусиятларга эга бўлмоғи лозим (Адабиётшунослик терминлари луғати. Ўқитувчи нашриёти. – Тошкент. 1970. 190-бет). «Назм ул-жавоҳир» таркибида келган рубоийларда улуғ шоирнинг ўз назарий қарашларига жиддий эътиборқилганлигини кўрсатади. Мажмуадан жой олган 268 рубоийнинг ҳазаж баҳрининг «ахрам» ва «ахраб» шахобчаларида бунёд этилганлиги ҳам ўшандай хulosагакелиш асосини беради. Жумладан, қуйидаги рубоий кўп учрайдиган

рубойи вазнларидан «ҳазажи мусаммани ахраби макфуфи солими абтар» вазнида битилган рубоийни мисолга олайлик.

**Хукмронликнингмустаҳкамлиги адолатдадир.**

Адл айла/ки, ул ҳалқ /ҳаёти бўл/миш,  
Хуш ул ки/шиким, адл/ сифоти бўл/миш,  
Ҳам мулқ/ била адл/ жиҳоти бўл/миш,  
Ҳам адл / била мулқ/ саботи бўл/миш (45-бет).

Вазни:

*Мафъулу/мафоийлу/мафоийлун/фаъ*

Рубоийни ўқигандаги, ҳар бир мисранинг охирги рукни «миш»да урғу ҳосил бўлиб, ишонтирувчи бир оҳанг яратади.

**Сўзнинг яхшиси – қисқасидир.**

Ҳар кимса/ки сўз демак/ шиорида /дурур,  
Маъно гу/ли нутқининг /баҳорида /дурур,  
Сўзким де/масун улки их/тиёрида /дурур,  
Сўз яхши/лиғи чу их/тисорида /дурур (49-бет).

Вазни «ҳазажи мусаммани ахраби мақбузи макфуфи ажабб» (Мафъулу/ мафоилун/ мафоийлу/ фаал).

Кези келганда шуни ҳам айтиб ўтиш керакки, улуғ шоир Мукаммал асарлари нашрида бу рубоий «Ҳар кимки» деб бошланади. Бу эса «мафъулу» рукнини бера олмайди ва вазнда сакталик ҳосил бўлади.

«Назм ул-жавоҳир» таркибида шундай рубоийлар ҳам учрайдики, улардан бир мисраси бир вазнда ва қолган уч мисраси бошқа ўлчовда келади. Бунга Шарқ ҳалқлари адабиётидаги ҳол деб қаралади. Чунончи, асар муқаддимасида сўз таърифида айтилган рубоийга диққат қиласи:

Сўздурки /нишон берур /ўлукка жон/дин,  
Сўздурки /берур жонға /хабар, жонон/дин,  
Инсонни/ сўз айлади /жудо ҳайвон/дин,  
Билким, гу/ҳари шариф/роқ ийӯқ он/дин (5-бет).

*Мафъулу/мафоилун/ мафоийлу/ фаъ*  
*2-мисра: Мафъулу/мафоийлу/ мафоийлун/ фаъ*

Бу рубоийнинг асосий вазни «ҳазажи мусаммани ахраби мақбузи солими абтар» бўлса; 2-мисра «ҳазажи мусаммани ахраби макфуфи солими абтар» вазнида ёзилган.

“Назм ул -жавоҳир” рубоийлари бадииятининг маъновий жиҳатларига келсак, ҳикматга асосланган бадиий яратманинг бағрида ахлоқий қарашлар бадиият либосида пишиқ сингдириб борилган. «Назм ул-жавоҳир» ўз даври адабиётигаянги адабий ҳодиса сифатида кириб келди.

Ҳазрат Али ҳикматлари атрофидаги ижодий изланишлар натижасида ўзига хос услубий тамойиллар шаклланиб борган. Чунончи, «Назм ул-жавоҳир» рубоийларининг панд-насиҳат руҳида ёзилган бошқа шу хилдаги шеърлардан фарқи шуки, уларни ўқигандаги, китобхонкўз

ўнгига уч образ гавдаланади: улардан иккитасимураббий ва биттаситингловчитимсолидир (Айни шу услугий жило «Арбаин»ларга ҳам тааллуқлидир). Навоий замонасида шеърий пандномачиликнинг бу шакли туркий адабиётда янги ҳодиса эди.

Таъкидлаш жоизки, ҳикматга асосланган шеърий асарларда ҳаракат қиладиган қаҳрамоннинг хулқий жиҳатларига алоҳида урғу қилинади. Бошқача айтганда, ижодкор бундай шеърларда нафосатдан кўра, одоб бобидаги орзуларини биринчи ўринда кўяди. Шундан, панднома рубоийларидағи қаҳрамоннинг сиймоси диёнатли, ҳалолу пок инсон қиёфасида гавдаланади. Айни пайтда, мазкур шахснинг аниқ тарихий шароитда фикрий бедорлик, парҳезкорлик, дўстлик, меҳр-мурувват, раҳм-шафқат каби инсоний хислатлар соҳиби сифатида тасвирланиши кейинги даврлар адабиётида инсонга муносабат ўша замон исломий ва умуминсоний қадриятлари асосида шаклланиб борганидан далолат беради.

Воқеликни бадиий акс эттиришда, тасвирий воситаларнинг ўрни бекиёс каттадир. Улар орасида бадиий санъатлар асарда муаллифнинг ғоявий ниятини рангин юзага чиқариш, муддаосини китобхонга тўлиқ етказиш, унинг қалбида завқ уйғотишида беминнат хизмат қилади. Бадиий санъатларнинг бундай хос хусусиятлари ҳақида фикр юритган мумтоз шеършунос аллома Атоуллоҳ Маҳмуд Ҳусайнин «Бадойиъ ус-санойиъ» асарида шундай ёзади: «Умуман, барча гўзалликларнинг асоси улдурким, нутқ ул тарзда адо этилгайким, маънони англашга анинг латофати, таркиби ва соғломлигига ҳеч халал етмагай» (Атоуллоҳ Ҳусайнин. Бадойиъу-с-санойиъ. –Т.: F. Ғулом номидаги Адабиёт ва санъат нашриёти, 1981. – 35бет).

Шеъриятда умумбашарий муаммоларни тараннум этиб келган Алишер Навоий «Назм ул-жавоҳир» рубоийларида ҳам ўз орзу-интилишларини, муқаддас оятларнинг мазмунини сақлаганиҳолда, илоҳий қалом билан бадиий сўзни уйғунлаштириш орқали ифода этади. Асадаги қайси бир рубоийни кузатмайлик, уларнинг мағзида ояти карималар ёки ҳадислар мазмунни мужассамлигининг гувоҳи бўламиз. Буни биз ҳикматли сўзларнинг таржима-шарҳи жараёнида, рубоий мисралари мағзида, Ҳазрат Али ҳикматларининг мазмунни сингдирилиши билан бирга, пайғамбаримиз ҳадисларини «талмех» сифатида келтирилишида кузатишимиз мумкин.

«Гиёс ул-луғот»да келтирилишича, «Талмех» деб ўз сўзлари мағзида Куръони мажид оятлари ва ҳадислардан намуналар келтириш» (Муҳаммад Гиёсүддин. Гиёсул-луғот. Иборат аз се жилд. Жилди I. – Душанбе: Адиб, 1987. с.205) тушунилган. Бу санъатдан мисралар бадииятини таъминловчи қудратли восита сифатида фойдаланиб келинган. Қуйидаги рубоийда Расули Акрамнинг «Илму ҳунарни Хитойдан бўлса ҳам бориб ўрганинг», - деган муборак ҳадисларига ишора қилиниши билан бирга, Ҳазрат Алининг афоризми мазмунига омехта, уйғун бирикма ҳосил қилинган:

**Диннинг рахнаси олимларнинг ўлимиdir.**  
Илм ўлди шараф дин аро ҳар ойинға,  
Бормоқ бўлур ўргангали они Чинға.  
Динда уламо мужиб эрур тазийинға,  
Ўлмоқлик аларга рахна солди динға (44-бет).

Икки пурмъино ҳадисга ишора қилинадиган бу рубоий мисралари мағзида Навоийнинг ўзи «диннинг зийнатлашуви уламо, олим сабаблидир», - деган ғояни илгари суради. Бу фикрни асослаш учун эса юқоридаги ҳадис ва ҳикматдан моҳирона фойдаланади ва ўша

хайрли ҳаракатларида талмех санъати восита вазифасини адо этган.

Кўринадики, исломий манбалардаги услубийбелгилар пандномаадабиётига, жумладан, «Назм ул-жавоҳир»га ҳам кўчиб ўтганлиги кузатилади. Проф. А.Хайитметов таъкидлаганидек, «Пайғамбар ҳадислари мусулмон мамлакатларида адабиётнинг равнақига, хусусан, панд-насиҳат жанрининг ривожига каттаижобий таъсир кўрсатди. Бадий адабиётнинг панд-насиҳат билан боғлиқ жанрларига оид асарларида Куръон ва ҳадислардагидек, бевосита инсонга мурожаат қилинади, инсон ва унинг хулқ-ахлоқи масалалари диққат марказида туради» (Хайитметов А. Алишер Навоий пандномаларида бадиият // Тил ва адабиёт таълими. 1996. № 1.39-бет).

Чиндан-да шу тарз шарофати билан асардаги учинчи шахс – ўқувчи билан доимий алоқа сақлаб турилади.

Асарда кўп қўлланган бадиий санъатлардан яна бири ташбеҳдир. Икки нарса ёки тушунча ўртасидаги ўхшашликка асосланган бу маънавий санъат мазмунга халақит бермаслиги, балки уни янада тушунарлироқ бўлиб очилишига хизмат қилиши лозим. Шу боис, ташқи белгилар билангина икки нарсани бир-бири билан ўхшатиб юбора бериш мумкин эмас. Шунингдек, руబойларда ташбиҳларнинг ғуж бўлиб келишиҳоллари ҳам қузатилади:

**Кимки соғ бўлсабой (ўша) дир.**

*Гардунки эрур тиғзан жоҳилдек,  
Ҳар қун анга узундурур бир йилдек,  
Тонгдин оқшомға қон тўкар қотилдек,  
Солимлиғин андин эл ғанимат билдик (90-бет).*

Бу ўринда фақат етакчи ғояни ташувчи (Ҳазрат Али ҳикмати) мисрагина ташбиҳсиз қолган, холос. Қолган (Навоийнинг ўзига тааллуқли) мисраларда мушабиҳ – гардуннинг сифати; ҳолати ва қиласидаги ишини кўрсатишдамушабиҳун биҳнинг турли кўринишлари қўлланилган ва улар ҳар бирининг мантиқий асосга эга экани кўриниб турибди.

Равшан бўлаётирки, адабий асардаги тўла маънодаги жозибадорлик, нафосат ва ғоявий-маънавий таъсирчанлик бадиий санъатлар туфайли шаклланаркан, ўша юксак шавқдан китобхонни ҳам баҳраманд этади. Ана шундай бадиий санъатлардан яна бири тазоддир. Арабча «тазод» сўзининг луғавий маъноси «зид қўйиш, қаршилантириш» демакдир.

Бу шеърий санъатдавоқеа-ҳодиса –инсон ва ашёдаги ҳаракат, ҳолат, сифат ҳамда хусусиятларни бир-бирига муқобил қўйиш орқали қаршилантирилади. Тазодга мурожаат қилиш орқали ижодкорда тасвирланиши лозим бўлган ижтимоий ҳаёт воқеа-ҳодисаларини тўлиқ ёритиш имконияти пайдо бўлади. Тазод санъати «Назм ул-жавоҳир» асарида ўзига хос тарзда намоён бўлади.

Таъкидлаш керакки, бу зиддиятли қутбларни бир-биридан алоҳида ҳолда тасаввур қилиш мумкин эмас. Чунки, биз яхшиликни ёмонлик дунёси мавжудлиги учун қадрлаймиз. Бу муқобил тушунчаларнинг ёнма-ён келиши илоҳий заминга эга бўлиб, уларнинг сирру синоати Қодири қудратнинг ўзигагина аёндир. Буни Қуръони каримдаги муқаддас оятлар мисолида ҳам кўришимиз мумкин. «Ҳижр» сурасининг 23-ояти каримасида марҳамат қилинган: «Албатта, биз (барча жонзотни) тирилтиurmiz ва ўлдиurmiz» (Қуръони карим. 263-бет) илоҳий жумлалардаги ҳаёт ва ўлим ҳамда «Вал лайл» сурасининг 1,2-ояти карималаридағи «Қасамёд этаман қоплаб келаётган тун билан, ёришиб келаётган кун билан» (Қуръони карим. 595-бет) муқаддас сатрларидаги кеча-кундуз ўз хусусиятлари

билин бир-бирига муқобилдир. Буюк салоҳият соҳиби Алишер Навоий ўша илоҳий сарчашмадан моҳирона фойдаланиб, инсоннинг руҳий дунёсида кечадиган қарама-қарши ҳолатларни тасвирлаш орқали олам ва одам дардини бадиий акс эттириб, олижаноб инсоний хусусиятларни улуғлашга қўл уради. «Назм ул-жавоҳир»да ушбу эзгу мақсадни рӯёбга чиқаришда тазод санъатига қайта-қайта ва муваффақиятли тарзда мурожаат қилиниши кузатилади.

**Сени менсимаган киши – сенга ёрдам беради.**

*Дард аҳлиға лутфи жонғизо қўргузгил,  
Эл қилса ёмон, яхши жазо қўргузгил,  
Йўқ, ёринга сидқ ила сафо қўргузгил,  
Ким, айласа хасмлиқ вафо қўргузгил (112-бет).*

Таъкидлашжиозки, «Назмул-жавоҳир» рубойларида қўлланган тазод санъати инсоннинг ахлоқий-маънавий оламидаги мураккаб руҳоний жараёнларни бадиий акс эттириш учун хизмат қилган.

Тазод санъатидан моҳирона фойдаланган Алишер Навоий рубоийда қўйилаётган муҳим ижтимоий-ахлоқий масаланинг зид қирраларини таъкидлаб қўрсатиш билан бирга, муқобил тушунчалар орқали ифодаланаётган ғояга китобхоннинг эътиборини жалб қиласди. Қуйидаги рубоийда ҳам шоирнинг худди ана шу маҳорати қўзга ташланади.

**Юмшоқ сўз қалбларни ромқилади.**

*Ҳар кимки, чучук сўз элга изҳор айлар,  
Ҳар нечаки ағёрдурур, ёр айлар,  
Сўз қаттиғи эл қўнглига озор айлар,  
Юмшоғи қўнгилларни гирифтор айлар (102-бет).*

Ҳазрати Али ҳикматида «юмшоқ сўз»нинг оқибати ҳақидагина гап боради. Алишер Навоий мисраларида эса, унинг қутбий жиҳати-«қаттиқ сўз»нинг оқибати тўртинчи мисрадаги Ҳазрат Али афоризми билан мазмунан муқобил қўйилади ва тазод санъати юзага келтирилади. Айтиш жоизки, санъат санъат учун эмас, балки шоир ғоявий ниятини қабариқ юзага чиқариш йўлида хизмат қилган.

Тазод бадиий санъати бир-бирига муқобил (зид) тушунчалар орқали ҳосил қилинса-да, аммо уларнинг интиҳо-хулосаси ягона. Яъни, жаҳолатни қоралаш орқали эзгуликни улуғлаш, инсонни одамийлик даргоҳига бошлишдир. Юқоридаги рубоийда ҳам шоир тазоддан фойдаланиб, комил инсон тарбиясида шириңсўзлилик, мулойимлик каби фазилатлар ўзак масалалардан эканлигини таъкидлашга эришади.

Қуйидаги рубоийда ҳам Алишер Навоий тазод санъатининг гўзал намунасини ҳосил қилган. Бунинг учун бир-бирига зид маъноли сўзларни рубоий мисралари бошида такрор ҳолда қўллаш шоирнинг ижодий имкониятини кенгайтириб юборади:

*Золимнинг охри қўрқинчлидир.  
Одил қўзига бу каъба, ул дайр ўлмас,  
Золимға жафо қилурда эл ғайр ўлмас,  
Одилға бажуз хайр сори сайд ўлмас,  
Золим кишининг оқибати хайр ўлмас (88-бет).*

Шоирнинг муқобил (одил, золим) сўзларни такрор ҳолда қўллашдан мақсади, уларнинг моҳиятини, ифодаланаётган ғоянинг аҳамиятини ўқувчига аниқ ва равshan етказишдан иборат. Алишер Навоийнинг асосий ғоявий нияти одилликни улуғлаш, золимликни қоралашдир. Рубоийда тазод санъати фикрни жозибали ва таъсирчан, ғоявий мақсадни ёрқин юзага чиқариш омили сифатида хизмат қилган. Рубоийлардаги яна бир хусусият шундан иборатки, тазод моддасининг ўрни алмашиниб туради. Баъзан, радифли рубоийларда унинг қофия ўрнида кела олиши шеърий сатрларга жозибадорлик бахш этиб, уларнинг эсда қолиш имкониятини янада оширган. Чунончи:

Бас кимсаки, меҳнат ичра солди ғам они.

Ким, яхши тафоъул айлади хуррам они (42-бет).

Ёки:

Ҳар важҳ ила нотавонға ҳамсуҳбатлиқ,

Қўп яхшики, комронға ҳамсуҳбатлиқ (105-бет).

Байтлардаги ғам, хуррам, нотавон, комрон қофияли сўзлари тазод санъатини ҳосил қилган. Бу сўзлар иштирокида вужудга келган тазод фикрнинг бафоят гўзал суратда намоён бўлишига қўмаклашган. Шу ўринда юқоридаги бадиий парчалар учун хос яна бир хусусиятни таъкидлаш жоиз кўринади. Хоҳ насрый ва хоҳ назмий парча бўлсин, уларда муайян тасвир воситаси соф ҳолда учрамайди. Албатта. Алоҳида олинган бадиий санъат бошқа бир тасвир воситаси билан қоришиқ ҳолда келиб, шоир ғоявий ниятини китобхонга равshan кўрсатишда ёрдам беради. Айни ҳодиса тазод санъати учун ҳам бегона эмас. Буни юқорида таҳдилга тортилган «Назм ул-жавоҳир» рубоийлари мисолида ҳам кўриш мумкин.

«Назм ул-жавоҳир» асарида бундан бошқа бадиий тасвир ва ифода воситалари, бадиий санъатлар ҳам кўп учрайди. Аммо шуниси аниқки, уларнинг қўлланилишида Навоий меъёр доирасидан четга чиқмаган.

Кўриб турганимиздек, Алишер Навоий мумтоз адабиётдаги катта бир мавзуни олиб, юксак бадиий шаклда акс эттира олди. Ўзи танлаган шаклнинг бадиий имкониятларидан ниҳоятда унумли фойдалангани натижасида у яратган асар ўзининг ижтимоий-бадиий вазифасини тўла адо эта оладиган ёдгорликка айланди. Кузатишларимиздан шу нарса маълум бўлди, Алишер Навоий рубоий ҳар бир мисрасининг ўзига хос вазифани бажаришини ҳисобга олган ҳолда, сатрлар жойлашувига қатъий тарзда риоя қиласди.

Асарнинг ғоявий мазмуни ва бадиий шакли таҳдилидан маълум бўладики, «Назм ул-жавоҳир»ни, Навоий айтганидек, «Наср ул-лаолий»нинг таржимаси деб олиш маълум даражада нисбий моҳият касб этади. Дарҳақиқат, Алишер Навоий Ҳазрат Али ҳикматларини асос сифатида қабул қилди. Аммо ўз ижодий асарини яратища мустақил йўл тутди. Навоий «Наср ул-лаолий»нинг насрый матнига «ўз мисралари» доирасида ниҳоятда эркин муносабатда бўлди. Бу мисраларни эркин, сайқалланган ижод намуналари сифатида қабул қилиш ҳақиқатни янада тўлароқ рўёбга чиқаришга хизмат қиласди.

Алишер Навоий Ҳазрат Али ҳикматларининг араб тилидан қилинган таржималарида ҳам мисраларга сайқал беради, уларни бадиий юксак, туркий тилда осон тушуниладиган даражага етказади. Бироқ аслиятдан мутлақо узоқлашибҳам кетмайди.

Умуман олганда, Алишер Навоийнинг «Назм ул-жавоҳир» и дунёвий-илоҳий йўналишдаги маънавий гуласта бўлиб, умумбашарий қарашларни талқин этувчи, инсонпарварлик ғояларини улуғловчи асар сифатида катта маърифий – фалсафий моҳият касб этади.

## ХУЛОСА

Рисолада таҳлил этилган тарихий - адабий маълумотлар, ўртага қўйилган мулоҳазалар VII асрнинг ўрталарида араб адабиётида лўнда фикрлар шаклидаги ҳикмат (афоризм) ларнинг юзага келиши билан ислом минтақа маданиятида янги адабиётнинг тамал тошлари қўйилгани ва унинг ривожланиши тарихида янги давр бошланганини кўрсатди. Бу даврда шаклланган тамойиллар адабий жараённинг кейинги босқичларига ҳам маълум даражада таъсир кўрсатиб келди. Пайғамбаримиз ҳадислари билан ҳам шакл ва ҳам мазмун жиҳатидан услубий умумийликка эга бўлган Ҳазрат Али ҳикматлари ҳам VII араб адабиётидан мустаҳкам ўрин олди. Айни ҳолатлар ислом дунёсида пандномачилик адабиёти тарихи айнан шу даврдан бошланишини кўрсатади. Эслатилган маънавий заминда майдонга келган «Назм ул-жавоҳир» асари Алишер Навоий даврида туркий адабиёт учун янги адабий ҳодиса бўлиб, унинг ғоявий мазмуни, бадиий қиймати ҳамда жанр хусусиятларикейнгиюз йилликлар бадиий сўз санъати тарихи учун ибрат, интилиш нуқтаси бўлиб келди.

– Ислом минтақамаданиятида сўзсанъати, Алишер Навоий сўзлари билан айтганда, Ҳазрат Али ижодидан бошланади.

Араб тилида яратилган “Наср ул-лаолий”нинг баракали таъсири асосида жуда қўп асарлар юзага келган ва улар орасида «Назм ул-жавоҳир» ўзининг тузилиши, мундарижасининг теранлиги, ғоялар миқёси, бадиий шаклининг мукаммаллиги билан ажралиб туради.

– «Назм ул-жавоҳир»нинг юзага келишида мавзуга доиртадқиқотларда қайдэтилганидек, форсий адабиётдаги Ҳазрат Али ҳикматлари асосида қитъалар яратиш анъанаси; Ҳусайн Бойқаро «Рисола» асарига жавобан арзигулик бир тухфа ҳозирлаш иштиёқигина эмас, балки Алишер Навоий замонида Балхда Ҳазрат Али қабрининг қайта топилиши воқеаси ўзига хос ижобий туртки вазифасини адо этган.

– «Назм ул-жавоҳир» таркибидаги рубоийларга асос қилиб олинган арабча ҳикматлар, Алишер Навоийнинг ақлу заковати, теран тафаккури ва соҳир қалами туфайли янгича мазмун-моҳият касб этган.

– Ҳозирги адабиёт назарияси нуқтаи назаридан, баъзида «яланғоч дидактика» ҳисобланган ҳикматларни Алишер Навоий назмга солиб, унга иккинчи ҳаёт бахш этди ва бу умумбашарий ғояларни аждодлар қалбидаяшовчанлигини таъминлаш йўлида умр сарф этди.

– Ҳазрат Али ҳикматларидағи ғоя ва қарашларга шу асарлар дунёга келган давр ўз муҳрини босганига қарамай, улардан аксарияти Навоий замонаси ва ундан кейин ҳам ўз долзарблигини йўқотган эмас. Зотан, асрлар садоси Навоий рубоийлари мазмуни билан ҳамоҳанг жаранглайди. Бу ҳамоҳанглик рубоийлардаги қадимги (Ҳазрат Али замонасидаги) асосий ғояни ташувчи мисралар билан Навоийнинг ўз даври лавҳалари бадиий ифодасига асосланган мисралари мағзидаги намоён бўлади.

– Асарнинг ғоявий мазмуни ва бадиий шакли таҳлилидан маълум бўладики, «Назм ул-жавоҳир»ни, Алишер Навоий айтганидек, «Наср ул-лаолий»нинг таржимаси деб қараш маълум даражада нисбий моҳият касб этди. Тўғри, Алишер Навоий ўзининг теран фалсафий – рубоийлари учун Ҳазрати Али ҳикматларини асос сифатида қабул қилди. Аммо у ўз асарини яратишда мустақил йўл танлади. Алишер Навоий «Наср ул-лаолий»нинг насрый матнига «ўз мисралари» доирасида ниҳоятда эркин муносабатда бўлди. Бу мисраларни эркин ижод намуналари сифатида қабул қилиш учун эса барча маънавий-хуқуқий асослар мужассам.

Хулоса ўрнидаайтиш мумкинки, ўзининг кенг қамровли маънавий меросида ўлмас умумбашарий ғоялар тарғиботчиси қиёфасиданамоён бўлган улуғ шоир ана ўша муборак садоқатига «Назм ул-жавоҳир»да ҳам содиққолган. Шундай экан, мазкурдурдоналар республикамизда кечётган таълимжараёниничуқурислоҳ қилиш, оқибат натижада баркамол шахснишакллантириш, миллий ғояни янада такомиллаштириш йўлида хизматқилишда давом этади.

**НАЗОРА БЕКОВА**

**АЛИШЕР НАВОЙ  
ШЕЪРИЯТИДА ҲАМД  
ПОЭТИКАСИ**

Бу китобни онам, Зайнаб Мухтор қизининг  
порлоқ хотирасига бағишилайман.  
Муаллиф

## КИРИШ

Миллий истиқлолгача Шарқ, жумладан, ўзбек мумтоз адабиёти шўролар мафкураси тазиёки остида «дунёвий адабиёт», «феодал-сарой (клерикал) адабиёти», «диний-мистик адабиёт» тарзида сунъий равишда уч гуруҳга парчаланганди эди. Мазкур йўналишлардан фақат дунёвий (халқчил) адабиётгина ижобий ҳодиса сифатида тан олинди ва ўрганилди. Ҳатто шу дунёвий адабиёт вакилларининг ижод намуналари ҳам илоҳий-ирфоний ғоялардан «тозаланиб», марксча-ленинча мафкура тамойиллари асосида таҳлил ва талқин қилинди.

Шунга кўра, Алишер Навоийнинг «Девон»лари, «Хамса» достонлари ибтиносида келган кириш боблар-ҳамд, наът, сано, меъроj, муножот талқинига аталган маҳсус парчалар, насрый асарлари, илоҳий тавҳид мадҳ этилган «Рух ул-кудс» қасидаси, илоҳий-исломий ҳукмлар талқинига бағишиланган «Сирож ул-муслимин», «Муножот» каби асарлари, илоҳиётга доир қарашлари маҳсус тадқиқ этилмади. Ҳатто асарлари таркибидаги кириш ҳамдлар «қирқиб», нашр этилди. Шунинг учун бугунга қадар улуғ шоирнинг ҳамд йўналишидаги асарлари нисбатан кам ўрганилди.

Бу масаланинг ўз изоҳлари борлиги аён, албатта. Алишер Навоийнинг ҳамд ғазаллари «унинг лирикасидаги ўткинчи ва тобеъ бир кайфият» сифатида эътироф этилди. Таниқли адабиётшунос олим Мақсад Шайхзода ҳазрат Навоийнинг ҳамд ғазалларини мафкура тазиёклари (дахрий тузум учун заарали маънавий унсур сифатида бутунлай йўқотиб юборилиши)дан сақлаб қолиш мақсадида атайнин шундай баҳолашни лозим деб топган<sup>1</sup>.

Ҳолбуки, улуғ шоир девонларидаги деярли ҳар бир ҳарф туркуми (араб алифбоси сирасида жойлаштирилган шеърлар) ҳамд ғазал билан бошланади.

Шундай бўлишига қарамай, Алишер Навоий ижодининг илоҳий-ирфоний манбалардан озиқланганлиги эътироф этилган эди. Бу айниқса, Е.Э.Бертельс, Ойбек, А.Рустамов, Ҳ.Сулаймон, А.Ҳайитметов, Б.Валихўжаев, Н.Комилова, Р.Воҳидов, С.ўаниева, Ҳ.Неъматов, И.Ҳаққулов, Э.Шодиев, Ё.Исҳоқов ва яна бир қатор олимларнинг ишларида ёрқин кўзга ташланади.

Ҳамд ғазаллар ва «Ситтаи зарурия» қасидалар туркуми эса шоирнинг кам ўрганилган асарларисирасигакиради. «Ситтаизарурия» габўлган қизиқишаrimizning 60-йилларидан жонлана бошлади. Форсийда битилган, 724 байтдан иборат «Ситтаи зарурия» («Олти зарурат») нинг тўла матнини профессор Ҳамид Сулаймон улуғ шоирнинг Париж Миллий кутубхонасида 285-рақами остида сақланётган қўлёзма девони асосида арабий ва крилл имлосида 1968 йилда «Адабий мерос» мажмуасида нашр эттириди<sup>2</sup>.

Орадан йигирма беш йил ўтгач, бу йўлни тожик адабиётшуноси Али Муҳаммадий давом эттириди, яъни қасидалар туркуми Душанбеда (1993 йил) араб ёзувида «Ирфон» нашриётида улуғ ўзбек шоири форсий шеърлар бир жилдлик сайланмаси таркибида чоп этилди<sup>3</sup>.

<sup>1</sup> Шайхзода М. Асарлар. 6 томлик. IV том. Тошкент: Адабиёт ва санъат, 1972, 181-бет.

<sup>2</sup> Адабий мерос. Ҳужжат ва тадқиқотлар. Тошкент: Фан, 1968, 199-282-бетлар.

<sup>3</sup> Фони Амир Алишер. Девони форси (мунтакаб). -Душанбе: Ирфон, 1993.

Бу қасидалар туркуми 70-йилларда маданий меросга ленинча муносабат тамойиллари нұқтаи назаридан үрганилганки, бундай муносабат асар туб моҳиятини очиш имконини бермаган.

М.қодированинг «Алишер Фоний қасидалари» мавзудаги номзодлик диссертацияси собық мағкура даврида айни мавзуда яратылған илк яхлит тадқиқот саналади. Тадқиқотчининг диссертациясидаги мана бу фикрлар ҳам бизнинг юқоридаги таъкидимизни тұла күвватлайды: «... үша даврнинг вакили бўлган Навоийнинг ҳар бир нарсага ҳам диний-фалсафий муносабатда бўлиши табиий бир ҳол эди. Чунки феодал жамиятiga хос бўлган социал ҳақсизлик, шоир атрофидаги омманинг қашшоқлиги, кўпинча, унда диний тафаккур ва тушкунлик ҳолатини кучайтирмаслиги мумкин эмасди, албатта. Навоийдаги бундай ҳолат, Лениннинг таъбири билан айтганда, ёмонликнинг туб сабабини тушунмаслик ва ундан қутулиш йўлини тўғри кўролмасликнинг натижасидир». Масала равshan, қизил мағкура қуршовидаги фаннинг бундан ошириб бир нима дейиши душвор эди. Бироқ XX асрнинг охирги йилларига келиб вазият юмшай бошлади. Парчаланиш олдида турган собық иттифоқ мағкура жиловини қўлдан чиқарди. Ҳақ гапни айтиш ҳаракати бошланди.

Атоқли навоийшунос Алибек Рустамовнинг «Шоирнинг биринчи ғазали» мақоласи шу йўлдагидастлабкижидий қадам бўлди. У «Гаройибус-сифар» девонидаги жойлаштирилиши ўрнига кўра биринчи ғазалнинг бадиияти, рамзий тимсоллари, ишқнинг май билан ўндан ортиқ ўхшаш томонлари ва оқибати жиҳатларига кўра, тамоман зид фарқларини, ҳар бир байтнинг зоҳирий ҳамда ботиний маъноларини кенг таҳлил қилди<sup>1</sup>.

Истиқлол туфайли Алишер Навоий меросининг таянч ғоявий манбалари-Қуръони Карим, Ҳадиси шариф ва тасаввуф таълимоти эканлиги эътироф этилди. Улуғ шоир таваллудининг 550 йиллиги муносабати билан янгича талқиндаги мақолалар эълон қилинди ва «Алишер Навоий. ғазаллар» сарлавҳали алоҳида китоб чоп этилди<sup>2</sup>.

Мустақиллик адабий меросимизни янгича йўналишда үрганиш истиқболларини очиб берди. Зеро, Юртбошимиз таъкидлаганлариdek: «Биз маънавий қадриятларни тиклашни миллий ўзликни англашнинг ўсишидан, халқнинг маънавий сарчашмаларига, унинг илдизларига қайтишдан иборат узвий табиий жараён ҳисоблаймиз»<sup>3</sup>.

Миллий ўзликни англаш, умуминсоний қадриятларни улуғлаш эса мустақил юртнинг баркамол авлодига юксак маънавий руҳ бағишлийди. Шунинг учун мустақил жамиятимизда баркамол авлод (шахсни шакллантириш) тарбияси давлат сиёсати даражасига қўтарилиган жиддий масала сифатида қайта-қайта эътироф этилмоқда.

Алишер Навоийнинг ҳамд ғазаллари ва «Руҳул-кудс» қасидасида ҳам худди ана шу юксак ғоялар бадиий ифодасини топади. Аллоҳга ҳамд воситасида инсоний поклик улуғланади. Яратганинг онгли халифаси (инсон) ўз маънавий-руҳий қиёфасини такомиллаштириб, бойитиб яшамоғи, солиҳ амаллар соҳиби бўлмоғи зарур. Шундай бўлмас экан, унинг бошқа маҳлукотлардан фарқи қолмайди. Навоий ҳазратлари ҳамд йўналишидаги асарларининг мағз-мағзига ана шу улуғ ғоя сингдирилгандир.

Истиқлолдан сўнг мумтоз адабиётнинг таянч ғоявий манбалари асосида асарларнинг исломий-ирфоний маъно қирралари кашф этила бошланди. «Алишер Навоийнинг адабий

<sup>1</sup> Рустамов А. Шоирнинг биринчи ғазали || Шарқ юлдузи, 1987, 3-сон, 175-179-бетлар.

<sup>2</sup> Алишер Навоий. /азаллар, шарҳлар.-Тошкент: Камалак, 1991.

<sup>3</sup> Каримов И.А. Улуғлари эъзозланган юрт завол кўрмагай || Халқ сўзи, 2001, 25 август.

маҳорати масалалари» номли мақолалар тўплами нашр этилди. Шоирнинг илоҳиётга доир муносабати ва асарлари ҳақида янгича талқиндаги биринчи яхлит рисола навоийшунос Раҳим Воҳидовнинг «Алишер Навоий ва илоҳиёт» китоби ўқувчилар қўлига тегди. Р.Воҳидов ва М.Маҳмудовларнинг «Маънавият-комиллик саодати» рисоласида Алишер Навоийнинг нисбатан кам ўрганилган «Ситтаи зарурия», «Фусули арбаа» қасидалар туркумининг ғоя ва мавзулар олами хусусида жиддий мулоҳазалар билдирилди. Проф. Р.Воҳидовнинг «Ситтаи зарурияда татаббуъ» мақоласида мазкур туркумнинг ғоявий илдизлари татаббучилик анъанаси, қасидаларнинг ёзилиш тарихи ҳақида кенг маълумот берилади<sup>1</sup>. Проф. Нажмиддин Комиловнинг «Фақр нури порлаган қалб» рисоласида «Ситтаи зарурия» таркибидаги қасидалар, уларнинг бадиияти, татаббучилик анъанаси хусусида қизиқарли фикрларни ўқиш мумкин<sup>2</sup>.

Алишер Навоийнинг ҳамд ғазалларига доир гарчи маҳсус илмий тадқиқотлар ёзилмаган бўлса-да, муайян муносабат билан шундай шеърлар ҳақида фикр-мулоҳазалар ўртага ташланган. Жумладан, Р.Воҳидов, Ҳ.Неъматов ва М.Маҳмудовлар томонидан ҳамкорликда ёзилган «Сўз бағридаги маърифат», З.ўаффорованинг «Навоийнинг ҳамд ва наът ғазаллари» рисоласида, Ш.Сирожиддиновнинг «Навоий ғазалларида Оллоҳ мадҳи» мақоласи ва Дилором Салоҳийнинг «Алишер Навоий поэтик услубининг тадрижий такомили» мавзуидаги докторлик, Ҳусниддин Эшонқуловнинг «Алишер Навоий шеъриятида самовий тимсоллар» мавзуидаги номзодлик диссертациясида улуғ шоир ҳамд ғазалларининг баъзи қирралари ҳақида илмий асосга эга қимматли фикрлар билдирилган<sup>3</sup>.

қайдэтилганилмий изланишларнинг гаксариятида Алишер Навоийнинг «Ситтаи зарурия» ёхуд ҳамд ғазаллари хусусида фикр билдирилган бўлса-да, ўзбек адабиётшунослигида бу борада яхлит тадқиқот вужудга келмаган. Ҳолбуки, Алишер Навоий «Бадоеъ улбидоя» дебочасида девон тартиб беришда ҳамд ғазалларнинг ўрни ҳақида алоҳида тўхталиб ўтади. Ҳамд ғазалларни тадқиқ этиш орқали эса улуғ шоирнинг маърифий-бадиий адабиётга, Шарқ мумтоз шеърияти анъаналарига муносабати ва илоҳиётга доир қарашларининг ўзига хос жиҳатлари янада теранроқ ойдинлашади. Мазкур монографик тадқиқот достонларнинг анъанавий кириш ҳамдларидан ҳамда кучли рамзият тизимида тасвиrlанган бадиий-маърифий ҳамдлардан фарқли ўлароқ, ҳам зоҳирий, ҳам ботиний маънолари фақат Ҳаққа қаратилган, комил инсон бўлиш иштиёқидаги соликнинг турли руҳий-маънавий (босқичлардаги) кайфияти асосида ифодаланган маърифий-бадиий ҳамд ғазалларнинг ва илоҳий тавҳидга бағишланган «Руҳул-қудс» қасидасининг ғоявий-бадиий талқинини илмий ўрганишга бағишланган.

<sup>1</sup> Воҳидов Р. «Ситтаи зарурия»да татаббуъ || Бухоро университети илмий ахборотлари. 2001, 1-сон, 10-18-бетлар.

<sup>2</sup> Комилов Н. Фақр нури порлаган қалб.-Тошкент: Маънавият, 2001.

<sup>3</sup> Воҳидов Р, Неъматов Ҳ, Маҳмудов М. Сўз бағридаги маърифат.-Тошкент: Ёзувчи, 2001. Сирожиддинов Ш. Навоий ғазалларида Оллоҳ мадҳи|| Ином ал-Бухорий сабоқлари. 2001, 1-сон, 51-55-бетлар. Салоҳий Д. Алишер Навоий поэтик услубининг тадрижий такомили || филол. Фан. Док.дис.-Тошкент, 2001, 119-124-бетлар. Эшонқулов Ҳ. Алишер Навоий шеъриятида самовий тимсоллар || филология Фан ном.дис. авторлар. Самарқанд, 1999, 18-20 бетлар. /аффорова З. Навоийнинг ҳамд ва наът ғазаллари Тошкент: Маънавият, 2001, 3-8-бетлар.

## ҲАМД ҒАЗАЛЛАР ВА «РУХ УЛ-ҚУДС» ҚАСИДАСИННИГ ҒОЯВИЙАДАБИЙ МАНБАЛАРИ

### Ҳамд йўналишидаги асарларнинг тарихий асослари ва уларнинг бадиий тафаккурга таъсири

Ҳамд-исломий, шаръий тушунча бўлиб, Оллоҳга мадҳ, мақтov деган маъноларни англатади. Ҳамд сўзининг луғавий маъноси ҳақида «ўйёсул-луғот»да шундай фикр мавжуд: «Ҳамд-сутудан ва ситоиш ва ба истилоҳи хос баёни кибриё ва жалол ва азамати Ҳақ субҳонаху таолоро гўянд; ва баъзе аз муҳаққиқин чунин навиштаанд, ки ҳамд дар луғат сано кардан аст ба забон бар хубии ихтиёрии касе барои таъзими вай, чунончи гўй»<sup>1</sup>.

(Мазмуни: Ҳамд-хослар истилоҳида Ҳақ субҳонаху таолонинг буюклиги, азиму азамати и улуғлаш, мақташга айтадилар. Баъзи тадқиқотчилар (луғатшунослар) ҳамдга қуйидагича талқин берганлар: Ҳамд (луғатда) тилда, ихтиёрий равишда бироннинг яхшилигини мақтاشдир. Ёхуд уни улуғлаш, унга таъзим бажо келтириш ҳам дейиш мумкин).

Адабий тур ва жанрлар назариясига оид «Диний ва тасаввуфий турк адабиёти»да эса ҳамд «луғавий маънода ёлвориш, қулоққа сўзлаш, Оллоҳга дуо айлаш мавзуидаги манзума, шеър маъноларида ишлатилади, деб кўрсатилади<sup>2</sup>.

XV аср биринчи ярмида ижод қилган шеършунос Шайх Аҳмад Тарозий бевосита Оллоҳ ҳамдига бағишланган асарлар тавҳид ва муножот дейилишини таъкидлайди: «.. агар тенгри азза ва жаллаға ҳамд этсалар, они та в ҳ и д дерлар. Агар Тенгри ҳазратинда тазарруъ қилсалар, муножот ўқурлар»<sup>3</sup>.

Кўринадики, кўчирилган парчаларда ҳамд сўзининг маъноси бир-бирига яқин ва айни пайтда бир-бирини тўлдиради. Ҳамд тушунчасининг ўзига хос жиҳатлари, тарихи борасида яна талай илмий ишларда турлича таърифларга дуч келамиз-ки, уларнинг мазмун-моҳияти юқорида келтирилган мулоҳазаларга уйғундир<sup>4</sup>.

Демак, Оллоҳ таолонинг қудрати азимати улуғланиб, исм – сифатлари мадҳ этилган асарлар ҳамдлардир.

Исломгача ҳам ҳамдлар мавжуд бўлган. қадимги грекларнинг худолар мадҳ этган гимнлари, ҳинд ведалари, “Авесто”даги гоҳлар-Зардуштнинг бешлик қўшиқлари, жоҳилият арабларининг Лот, Узо каби илоҳлар улуғланган асарлари ҳам ҳамдлар сирасига киради. Жумладан, “Авесто”да “Ахунавайти госо”, “Авушнавайти госо”, “Сипантмийну госо”, “Ваҳуҳашашар госо”, “Ваҳийшт госолар” Зардуштнинг Ахурамазда таърифига бағишлиб айтган ҳамдларирид: «Эй Мазда! Эй, улвий оламнинг уруғи - асоси - бунёди! Эзгу ният ва Ашаҳ-Ҳақиқат билан ҳузуримизга кел, ҳаққоний каломлар воситасида Зардуштга ва жамийки солиҳ инсонларга саодатли тириклик бахш айла!»<sup>5</sup>.

Тарихий манбаларнинг гувоҳлик беришича, кўплаб Шарқ тилларида бу ном “Ухра Мазд”, “Хурмазд”, “Урамазд”, “Ахурой Мазд”, форс тилида “Ахура Мазда”, “Хурмузд” шаклида қўлланилади. Зардуштнинг (“Авесто”да) бешлик гоҳ (қўшиқ)ларида эса бу ном қуйидаги учҳолатда зикр этилади: “Ахура”, “Мазда”, “Мазда Ахура”. Ахура Мазда икки жузъдан “Ахура”

<sup>1</sup> Муҳаммад /иёсиддин. /иёс ул-луғат. Жилди 2. -Душанбе: Адиб, 1988, 283-саҳ.

<sup>2</sup> Abdurahmon Guzel. Dini – tasavvufi turk edebiyati (санасиз). Анқара. 83-sah.

<sup>3</sup> Тарозий Шайх Аҳмад ибн Худойдод. Фунун ул-балоға, нашрга тайёрловчи А.Ҳайитметов.-Тошкент: Ҳазина, 1996, 32-34-бетлар.

<sup>4</sup> Навоий асарлари луғати. Тузувчилар: П.Шамсиев, С.Иброҳимов. - Тошкент: Адабиёт ва санъат, 1972, 273-бет.

<sup>5</sup> Авесто. Тарихий-адабий ёдгорлик. -Тошкент: Шарг, 2001, 20-бет.

ва “Маздаҳ”дан таркиб топган<sup>1</sup>.

қадимги ҳинд асотирий китоби “Праҳжо - патий” ҳам “Зарвон” исмли Худолар отасига бағишлиланган ҳамд билан бошланади ва мазкур манбада эътироф этилишича, Зарвон (“Борлиқнинг Яратгувчиси”) якка-танҳо бўлган эмас. У ўз қурдати билан яна кўплаб худолар ва девлар (“браҳмана”, “дива”, асура)ни яратган эмиш<sup>27</sup>.

“Авесто”даги “Ҳурмузд яшт” (ҳамд) қасидасида эса Ахура Мазданинг жами исмлари зикр қилинган. Унда айтилишича, Ахура Мазданинг 72 номини тўқис зикр этиш воситасида иблис, девлардан халос бўлиш мумкин эмиш. Эслатиш жоизки, барча динларда ҳам Илоҳ исмларининг ранг-баранглиги ва уни бот-бот ёд этиш энг афзал амаллардан биридир. Чунончи, “Авесто”да Ахура Мазда “Доно Сарвар”, “Ҳушёр Яратгувчи”, “Фармон бергувчи”, “Солор” каби сифатлар билан таърифланган. Исломдаги Оллоҳнинг 99 исми (“Ал-асмаъ ал-хусна”) ҳам юқоридаги фикрнинг ёрқин намунасиdir.

“Авесто”да қуёш худоси Митрага бағишлиланган қасида ҳам бор:

*Ва бу аравани элтадур  
Тўрт оппоқ тулпор.  
Абадий ва учқур арғумоқ  
Руҳи билан ўсган жонворлар.  
Олд туёғи тиллодан унинг,  
Орт туёғи қумушдан унинг.  
Ва ягона бўйинтуруққа  
Боғлангандир тўртталови ҳам,  
Мутсаҳкамдир тоза шотиси,  
Илгаклидир ва чидамлидир.*

Г.А.Пугаченкова ва Л.И.Ремпель каби тарихчи олимларнинг аниқлашича, Амударёдан топилган, эрамиздан аввалги V-IV асрларга тегишли хазинада худди мана шу сўзларнинг иллюстрациясини кўриш мумкин. Унда тўртта отга қўшилган аравача устидаги иккита одам сиймоси олтин ҳайкалча тарзида ишланган.

Бу жараён аҳмонийлар даврида ҳам давом этган. «қадимги Шарқ санъати» китобидаги маълумотларга кўра, эрамиздан аввалги 8-7 асрларга тааллуқли «Бошида эчки кўтарган худо» бронза ҳайкалчада одамларга ўз тухфаларини тортиқ қилаётган ҳосилдорчиллик ва чорвачилик худоси тасвирланган.

Г.А.Пугаченкованинг ёзишича, эрамизнинг биринчи асрларида ўрта Осиёда она-замин билан боғлиқ тангрилар образини ифодалаш санъатда аввалгидай давом этган. Археологик қазилмалар жараёнида Хоразм, Бақтрия ва қадимги Сўғдиёна ерларида Кушан подшолари сиймоси зарб этилган тангалар қатори жуда кўплаб аёл тимсолларидағи худоларнинг сопол ҳайкалчалари топилган.

қанотли фаришта образи кейинчалик Шарқ поэзияси ва санъатида софлик, муҳаббат ва гўзалликнинг ўлмас, адабий тимсолига айланиб қолган.

Мазкур маълумотларга асосланиб айтиш мумкинки, исломгача ҳам халқ ўз тасавуридаги илоҳларга ҳамд, мадҳ айтган.

Диний тасавурлар, афсонавий ривоятлар, фалсафий тушунчалар, ахлоқий-эстетик қарашлар одамларнинг моддий ҳаёт тарзи ва фаолияти билан чамбарчас боғлиқ бўлган.

<sup>1</sup> Пугаченкова Г.А., Ремпель Л.И. История искусств Узбекистана. –Москва: Наука, 1969, 72-стр.

<sup>2</sup> Памятники мирового искусства. Искусство древнего востока. -Москва: Наука, 1968, 26-стр.

Шунинг учун қадимги аждодларимиз «бошида эчки кўтарган худо»ларга, «қанотли фаришта»лару аёл тимсолларида илоҳларга сифинганлар. Масалан, баъзи тарихий манбаларда ёзилишича, Сўғдиёна тангриси табиатнинг ҳаётбахш кучларини ифодалаган. У «Авесто» билан боғлиқ Анаҳита, Ашаҳ ва Хайрватат сингари худоларнинг йиғма, кейинчалик турли маҳаллий шароитларга мослаштириб гавдалантирилган қўринишидир.

Муҳаммад алайҳиссалом исломни очиқ тарғиб қила бошлаганларида бут, санам, ой, күёш, тарихий ё афсонавий мавжудотларга топинувчилар ўз тасаввур доирасидан чиқолмай, «Сен сифинишимизни даъват этा�ётган Оллоҳнинг нимага ўхшашини айт» деб талаб қилишган. Бунга жавобан, «Ихлос» сураси, «Лайса камислиҳи шайъ-ун» ва бошқа шу мазмундаги оятлар нозил бўлган. Ақидайи исломияга мувофиқ, Аллоҳ таолонинг зоти жисм каби ҳажмга эга эмас. Унинг зоти жавҳар сифатлари билан ҳам сифатланмайди. Чунки Оллоҳ шакл билан ҳам, ранг билан ҳам, алам чекиш ва лаззатланиш билан ҳам сифатланмайди. Унинг ўхшashi ҳам, шериги ҳам, тенги ҳам, мухолифи ҳам йўқ, қиласидиган ишлари ҳам маҳлуқотларидан биронтасининг ишларига ўхшамайди. Чунки Аллоҳ таоло ўз яратиқларини бевосита ва беасбоб амалга оширади. Зоро, Аллоҳнинг ҳукми шуки, бирор нарсани қилишни ирода қиласа, унга «Бўл» дейди ва у нарса бўлверади.

Тафаккур чуқурлашгани сайин инсон ўзининг ягона илоҳий қудрат олдидағи ожизлигини теранроқ ҳис қила бошлайди ва ҳар бир ишни бошлашдан олдин Худодан мадад сўрайди. Бу самимий туйғу бадиий тафаккурда ҳам ўзига хос тарзда акс этган.

Ҳар бир асарни хоҳ у илмий рисола бўлсин, хоҳ достон, Оллоҳ таоло ҳамди билан бошлаш мусулмон шарқининг азалий анъанаси ҳисобланган. Мумтоз адабиётимиз намояндалари ҳам ана шу удумга изчил амал қилиб келганлар. Бу анъананинг, яъни исломий ҳамдларнинг илдизи эса исломий ақидаларнинг барқарорлашиш даврига бориб тақалади.

Шарқ мумтоз адабиётининг кириш ҳамдлари ва ҳамд йўналишидаги асарларнинг таянч ғоявий манбаи исломий эътиқоднинг асослари Қуръони Карим, Ҳадиси шариф ва илми ақоиддир.

Биринчи туркий достон – “қутадғу билиг” ҳам 32 байтли ҳамд боби билан бошланади:

*Уған бир байат-ул қамуғдин узе,  
ўқуш ҳамду ўғди анар-оқ сазе.  
Улуғлуг идиси уған зулжалал,  
Йаратқан тўруткен ма қадир камал<sup>1</sup>.*

Юсуф хос Ҳожиб юқоридаги байтларда қодир Худонинг барчадан устунлигию беҳисоб ҳамду санолар факат Унгагина сазоворлигини, Унинг Яратувчи, бино қилувчи, зулжалол (азамат ва энг буюк) каби сифатларини улуғлайди. Шоир “Холиқ борлиги учун белги яратди. Яратган ҳар икки нарсасида воҳиднинг (белгиси) аниқдир”, -дея Ҳақ маърифатини назарда тутади.

Кузатган манбаларга асосланиб айтишимиз мумкинки, кириш ҳамдлар сингари девонидаги биринчи ғазални ҳамд руҳида ёзиш ҳам туркий адабиётда изчил анъана эди. Ҳофиз Хоразмий, Атойи каби туркий адабиёт намояндаларининг девони худди шу анъанага мувофиқ яратилган. Ҳофиз Хоразмийнинг девони 14 байтли ҳамд ва мавъиза йўналишидаги ғазал билан бошланади:

*Яратқан бори қилғали жаҳонни ўқдин пайдо,  
Жамолу ҳуснина барчани қилди ошиқу шайдо<sup>2</sup>.*

<sup>1</sup> Юсуф Хос Ҳожиб. қутадғу билиг.-Тошкент:Фан, 1971, 51-65-бет.

<sup>2</sup> Хоразмий Ҳофиз. Девон.-Тошкент: Ўзбекистон, 1981, 8-бет.

Байтнинг мазмунини шундай изоҳлаш мумкин: “Яратқан бори”–Оллоҳнинг бутун жаҳонни яратишдан мақсади жамолу ҳуснига барчани ошиқу шайдо этиш, ўз ҳуснини кўз-кўз қилишдир. Шоир машхур ҳадиси қудсий (“Кунту канзан”)га асосланиб ўз қарашларини тасаввуфий руҳда ифодалаган.

Ғазалнинг кейинги байтларида лирик қаҳрамон – шоир кофиру мусулмон, тарсою яхудий, мўмину муваҳҳид – барчаси худонинг даргоҳида тенг-кул эканлигини таъкидлар экан, Оллоҳга элтувчи йўллар хилма-хил бўлгани билан ягона моҳиятга бориб тақалишини уқтиради, сидқидил имонни улуғлайди:

*Беҳишт ичра агар бўлмаса ёди, қаъри дўзахдур,  
Анинг ёди била дўзах эрур чун жаннати аъло.*

Ҳақиқий мусулмон учун имон лаззати барча нарсадан устундир. Имон эса қўнгилда бўлади. Шоир таъбирича, агар жаннатда яшсангу қалбингда Оллоҳнинг ёди бўлмаса, у жой дўзахдир. Дўзахда яшаб, қалбинг Унинг ёди билан таскин топса, у ер жаннати аълодир. Мазкур байтдаги мантиқни шоир тазод ва тарду акс санъати орқали таъсирчан ифодалаган. Ғазалнинг кейинги байтлари мавъиза руҳида берилган:

*Тилар бўлсанг ҳақиқат мулкида сардор бўлмоқлик,  
Алиф янглиғ бўла қўргил муҳаббат лавҳида якто.*

Машхур лирик шоир Атойининг девони ҳам ҳамд ва диний-фалсафий қарашлар ифодаланган (11 байтли) ғазал билан бошланади:

*Эйки хўблар қўзгусинда ўзин изҳор айлаган,  
Ҳам ўзи ул қўзгуга боқиб мени зор айлаган<sup>1</sup>.*

“Хўблар қўзгуси”–истиоравий ибора бўлиб, байтда пок қўнгил маъносида ишлатилган. Хўблар–тасаввуфий маънода маърифат аҳли ва ирфон зухур этган комиллар. Қўнгил– Оллоҳ илми ва ишқининг хазинаси. Атойининг эътирофича, Оллоҳ ўзининг ғайбий сирларини “хўблар қўзгусинда” изҳор этади.

“Хўблар қўзгусинда” Унинг пинҳону ниҳон сирлари ҳамиша аён. Қўнгил қўзгусида интиҳосиз нурлар зухурини ҳис этган киши шу сир-асрорга “зор” бўлади. Зорлик эса– ошиқлик, ботиний илоҳий маърифатга ошиқлик–бу камолот йўлидир.

Атойи ижоди бўйича маҳсус тадқиқот олиб борган адабиётшунос С.Рафиддинов девондаги биринчи ғазал ҳусусида шундай фикр билдиради:

«Одатда XV аср қўлёзмаларида “ҳамд”дан кейин “наът” учрайди, Атойи девони қўлёзмасида эса “ҳамд”дан кейин навбатдаги алоҳида “наът” ҳусусиятига эга бўлган ғазал келмайди. Бироқ, ўша биринчи ғазалда:

*Лайлам ул меъроҷ қошинда ики ё келтуруб,  
“қоба қавсайн” иттиҳодидин хабардор айлаган.  
қил Атойининг юзин оли або ҳуснидин ол,  
Эй Мұхаммадни ики оламда мухтор айлаган, –*

<sup>1</sup> Девони. Шайхзода Атойи.-Тошкент, 1991, 6-бет.

каби “наът” руҳидаги байтлар мавжуд”<sup>1</sup>.

Биз эса бу байтларни ҳамд руҳида ёзилган, дейиш тарафдоримиз. Наът-пайғамбарни мадҳ этиш, яхши сифатларини айтиб мақташ. Далил учун байт келтирамиз:

*ўзин ўзлукдину кавнайн мулкидин қилиб хориж,  
қаю кавнайн мулки, ломакондин ҳам топиб ихрож<sup>2</sup>.*

Байт Алишер Навоий қаламига мансуб бўлиб, бунда меърож тунида пайғамбаримизнинг ўзлиқдан бутунлай қутулиб, шу юксак руҳий даражага етганликлари қаламга олинади.

Атойидан келтирилган парчада эса Худонинг мўъжизавий қудрати улуғланган. Яъни шоир таъбири билан айтганда, Муҳаммад пайғамбарни “лайлут-ул меърож қошинда ики ё келтуруб, қоба қавсайн иттиҳодидин” Оллоҳ “хабардор айлаган, “Муҳаммадни ики оламда муҳтор айлаган” ҳам-ўзи. Бу мўъжизаларнинг сабабчиси Вужуди Мутлақ. Исломий ақида-га кўра ҳам, пайғамбарлар воситасида содир бўлган илоҳий мўъжизалар Аллоҳ таолонинг иродаси билан содир бўлган. “Ислом ақоидига доир жавоҳир сўзлар” китобида ҳам бу хусусда: “Пайғамбарларнинг қадрлари қанчалик баланд ва ишлари улуғ бўлмасин, агар Аллоҳ хоҳламаса, улар бирор манфаат келтиришдан ёки бирор зарарни даф этишдан ожиздирлар”, -дейилади<sup>3</sup><sup>13</sup>. Юқорида келтирилган байтлар эса пайғамбарга берилган илоҳий мўъжизаларнинг сабабчиси-Оллоҳ ҳамдига бағишлиланган.

Мазкур мисолларга асосланиб айтиш мумкинки, девонни ҳамд ғазал билан бошлаш Алишер Навоийгача ҳам мавжуд анъана эди. Аммо ҳар ҳарф туркумининг дастлабкилари ёки дастлабкисини ҳамд ғазал руҳида ёзиш ва девонни шу асосда тартиб бериш ҳодисаси туркӣ адабиётда Навоийгача бўлган бирор ижодкор девонида кўзга ташланмайди.

### Илоҳий тавҳид илмининг бадиий адабиётдаги инъикоси

«Тавҳид соғ диний, ваҳдат ул-вужуд тасаввуфий тушунча бўлиб, моҳият эътибори билан улар бир-биридан фарқ қиласди. Тавҳиднинг ғоявий антоними-ширк, ваҳдат-касрат»<sup>4</sup><sup>14</sup>. Кенгроқ мушоҳада қилсақ, бу икки тушунча орасидаги фарқ ойдинлашади (Тавҳид Оллоҳ ягоналигини тасдиқлашдир). Агар унга кимнидир шерик деб билсақ, бу шариат нуқтаи назаридан, ширк ҳисобланади. Бу исломий ҳамдларга хос хусусиятдир. Ваҳдат ул-вужуд таълимотига асосан, коинотда ёлғиз бир Вужуд мавжуд бўлиб, барча нарса ва борлиқлар шу вужуднинг тажаллийсидан, кўпллик (олам, касрат) бирлик (ваҳдат)нинг зухурланишидан иборатдир. Зот олами-ваҳдат, У яратган олам-касрат.

Муайян бир қонуният асосида яратилган нарса-ҳодисалар ҳикматини ҳиссий-важдий тафаккур қилиш орқали Зот оламини таниш мумкин, лекин билиб бўлмайди. Шунинг учун ҳам Ҳожа Баҳоуддин Нақшбанд ҳазратлари: «Тавҳид сирриға етса бўлур, аммо маърифат сирриға етмак душвордир», – деганлар<sup>5</sup>.

<sup>1</sup> Рафиддинов С. Мажоз ва ҳақиқат (Атойининг поэтик маҳорати). -Тошкент: Фан, 1995, 19-бет.

<sup>2</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 214-бет.

<sup>3</sup> Ислом ақоидига доир жавоҳир сўзлар. -Тошкент : Мовароуннаҳр, 2002, 61-бет.

<sup>4</sup> Ҳаққул И. Ўзбек тасаввуф шеъриятининг шаклланиши ва тараққиёти|| Филол.фан.док...дис. -Тошкент, 1995, 42-бет.

<sup>5</sup> Навоий Алишер. Муқаммал асарлар тўплами. 20 томлик. 17-том. -Тошкент: Фан, 2001, 264-бет.

Тасаввуфий адабиётларда тавҳид илми, унинг турлари, даражалари кенг шарҳланган. Сўфийларнинг айтишича, тавҳид тушунчаси руҳан яшаладиган ҳол ва завққа, маърифатнинг мавқеи ва даражасига боғлиқ. Бу ҳолни яшаган кишининг ҳолати ва мақомига кўра, тавҳид тушунчаси фарқлидир<sup>1</sup>.

Илоҳий тавҳид-тавҳиднинг энг юксак, сўнгги даражаси бўлиб, «хосларнинг хослари га оид тавҳиди» дейилади<sup>2</sup>. Бу илм-вужудий тавҳид мартабасидагилар илми. Вужудий тавҳид-тавҳиднинг энг мукаммал ҳолидир, фано филлоҳ мақомига етиб, ҳаққал яқин, яъни илми мушоҳада орқали банда эришадиган энг гўзал ҳол, маънавий меърождир. Ваҳдат ул-вужуд таълимоти эса тамоман вужудий тавҳид тушунчаси устига қурилган.

Шарқ мумтоз адабиётида Ҳақнинг гўзал исмлари ва сифатлари таърифида жуда кўплаб асарлар ёзилган. Бундай майл деярли барча йўналишдаги асарларда ҳам кўзга ташланади. Мазкур ҳамдлар мазмuni фақат Аллоҳни мадҳ этишга бағишлиланган бўлса-да мақсадига ва муаллифнинг мақомига (етакчилик қилаётган ғояга) кўра, фарқланади.

Шунинг учун уларни қўйидагича тасниф қилишни лозим топдик:

шаръий – тарғибий ҳамдлар;  
маърифий – тарғибий ҳамдлар;  
маърифий – бадиий ҳамдлар;  
бадиий – маърифий ҳамдлар.

Шаръий – тарғибий ҳамдларда шаръий аҳкому қонун-қоидаларга мувофиқ Аллоҳга ҳамд айтилади. Мазкур турдаги асарларда Аллоҳга ҳамд айтиш орқали ҳар бир банда иймонли бўлиши, Оллоҳнинг биру борлигини тан олиши кабилар даъват қилинади ва асосий манба шариат ҳамда шаръий ҳукмлар ҳисобланади. Мазкур турдаги ҳамдларда ислом қонун-қоидалари улуғланади, Куръони Каримдаги баъзи оятларга ёки ҳадисларга ишора қилинади ёки улар шарҳланади. Диний йўналишдаги ва ислом аҳкомига бағишлиланган барча асарларнинг кириш ҳамдлари шаръий-тарғибий ҳамдлардир. Куръони Каримнинг саксондан ортиқ ояти каримаси Оллоҳга ҳамд айтиш хусусидадир. Оллоҳга ҳамд айтиш тўғрисидаги ҳадислар ҳам кўпчиликни ташкил этади. «Чаҳор китоб»да юқоридаги оятлар мазмuni айнан тарғиб қилинади:

*Ибтидо мекунам ба номи худо,  
Каз ду ҳарф оғариd арзу само.  
Номи ҳақ бар забон ҳамеронам,  
Ки ба хону дилаш ҳамехонам.  
Молиқу сониъу қадиму ҳаким,  
Холиқу розиқу рауфу раҳим<sup>3</sup>.*

Хожа Баҳоуддин Нақшбанд ҳазратларининг Оллоҳнинг 99 исму сифатлари таърифига бағишлиланган «Авроди баҳоия» ҳам тўлиқ шаръий-тарғибий ҳамд мавқеидаги асардир<sup>4</sup>.

Алишер Навоийнинг «Сирож ул-муслимин», «Муножот» каби асарларининг кириш ҳамдлари эса шаръий-тарғибий руҳда ёзилгандир.

Маърифий – тарғибий ҳамдлар

Бундай ҳамдларда шариатга таянган тариқат тили билан Ҳақ сифатлари, комил мусул-

<sup>2</sup> Комилов Н. Тасаввуф. II китоб. -Тошкент: Адабиёт ва санъат ҳамда Ўзбекистон, 1999. 114-бет.

<sup>3</sup> Турар Усмон. Тасаввуф тарихи. -Тошкент: Истиқлол, 1999, 127-бет.

<sup>4</sup> Чашор китоб. -Душанбе: Адиб, 1990, 5-саҳ.

<sup>5</sup> Нақшбанд Баҳоуддин. Авроди баҳоия. Нашрга тайёрловчи Г.Наврӯзова. -Бухоро: Бухоро, 2000, 40-б.

мон бўлиш орзуси нуқтаи назаридан туриб мадҳ этилади. Мазкур ҳамдлар сирасига Шарқ мумтоз адабиётида маърифий йўналишдаги барча асарларнинг кириш ҳамдлари, «кутадғу билиг»нинг муқаддима ҳамди, Аҳмад Яссавий, Сулаймон Боқирғоний, Сўфи Оллоёрнинг ҳамд йўналишидаги қарашлари киритилиши мумкин.

Аҳмад Яссавий шариат аҳкоми билан тариқатнинг руҳий-маънавий боғлиқлик аҳамиятини чуқур англаб, аркони иймон негизини яшаш тажрибаси орқали асослаб беради. Шунинг учун у туркий тасаввуф адабиётида биринчи бўлиб ирфоннинг марказий масаласи-ишқнинг маъно-моҳиятини ҳар томонлама талқин этишга муяссар бўлди ва «ошиқларнинг ибодатини энг маъқул ибодат деб билди»<sup>1</sup><sup>20</sup>. Ҳолбуки, ишқ Калимаси Қуръони Каримда учрамайди. Айни масала Шайх ҳазратларининг ҳамд йўналишидаги қарашларида қуйидагича акс этган:

*Ё илоҳим, ҳамдинг бирла ҳикмат айтиб,  
Зоти улуғ Хожсам, сифниб келдим Санго.  
Тавба қилиб гуноҳимдан қўрқиб қайтим,  
Зоти улуғ Хожсам, сифниб келдим Санго.  
Мансур янглиғ бошим бериб ишқ дорида  
Зоти улуғ Хожсам, сифниб келдим Санго<sup>2</sup>.*

Мазкур байтларда «шайхул-машойих»нинг ўзи таъкидлаганидек, Оллоҳ «ҳамди бирла» ҳикмат-диний- тасаввуфий қарашлар тарғиб қилинган. Яссавий ижодининг маърифий-тарғибий моҳиятини адабиётшунос олим Иброҳим Ҳаққулов шундай изоҳлайди: «Яссавий ҳикматлари ислом тасаввуфини туркий тилда баён этган илк ва энг таъсирчан оҳангдир. Шу боис Яссавийни миллий ва диний адабиётимизнинг илк асосчисидир дейишимиз мумкин»<sup>3</sup>.

Туркий тасаввуф адабиётининг бу тамойилини Сулаймон Боқирғоний, Сўфи Оллоёр ижодида ҳам кузатиш мумкин.

Ҳар иккала турдаги ҳамдларнинг умумий ўхшашлиги Ҳақ сифатларини улуғлаш орқали шариат аҳкомини тарғиб қилишга мўлжалланганлигидир. Дўзах азобидан қўрқув, намоз, рўза, тақво ва сидқидил тоат-ибодатни, Оллоҳга ҳақиқий қуллик ишқини улуғлаш, комил мусулмон бўлиш орқали жаннатга (баъзи ҳамдларда Ҳақ ризолигига) дохил бўлиш шариатга таянган тариқат аҳли намояндалари ижодидаги ҳамдларни бирлаштириб турувчи умумий жиҳатлардир. Аммо ўзига хос фарқли томонларнинг мавжудлиги уларни алоҳида-алоҳида тасниф қилиш асосини беради. Биринчи турдаги ҳамдлар Ислом динини, Оллоҳнинг биру борлигини тан олган ёки тан олиши лозим бўлган барча оддий бандаларга дастлабки бошланғич даъват руҳидаги ҳукмлар ифодасидир. Маърифий-тарғибий ҳамдларнинг марказида эса ислом асосларини кўр-кўронга тан олиб, тоат-ибодат қиласидиган, шариат аҳкомлари (маърифати)ни ҳис этмай, итоат қиласидиган фикрсиз банда эмас, балки Ҳақнинг санъатини ҳис қилиш ва иймон лаззатидан баҳраманд бўлиш орқали қалбий сезги майдони кенг комил мусулмон ёки комил мусулмон бўлиш иштиёқидаги мўъмин туради. Шунинг учун бундай ҳамдлар тариқат тили билан баён қилинса-да, улардаги исло-

<sup>1</sup> Исмоил Ёқут. Аҳмад Яссавий тасаввуфий қарашларининг бош асослари || Хожа Аҳмад Яссавий (мақолалар тўплами).-Тошкент, 2001., 43-бет.

<sup>2</sup> Ҳаққулов И. Аҳмад Яссавий. -Тошкент: Адабиёт ва санъат, 2001, 44-бет.

<sup>3</sup> Хожа Аҳмад Яссавий ҳаёти, ижоди ва анъаналари || Мақолалар тўплами. -Тошкент: Ўзбекистон Ёзувчилар уюшмаси ва Адабиёт жамғармаси, 2001, 47-бет.

мий-ирфоний моҳият шариатни тарғиб этишга хизмат қилади.

### Маърифий-бадиий ҳамдлар

Бу гурухга шундай ҳамдлар киритилиши мумкинки, улар моҳияттан ва ўз мақсади билан Ҳақнинг қудрати, юксак санъатини мадҳ этиш орқали м а ъ р и ф а т ғояларини тараннум қилиши, оммалаштириши мумкин. Бироқ бундай ҳамдларда маърифий-фалсафий ғоя ва фикрлар бадиий рамзлар, тимсол ҳамда образлар воситасида берилади. Мазкур ҳамдлар негизида маърифий ғоя, ахлоқий-фалсафий қарашлар тараннуми ётади. Улардаги бадиий рамзлар, тимсоллар ва образлар икки маъноли хусусиятга эга эмас, яъни мураккаб рамзий тизим асосида эмас, балки сўзларнинг ҳам зоҳирий, ҳам ботиний маъноси фақат Ҳаққа тегишилдири. Шунинг учун бундай маърифий ҳамдларнинг ҳам зоҳирий, ҳам ботиний маъноси шариат арконларига зид эмас. Алишер Навоийнинг «Ситтай зарурия» қасидалар туркуми таркибидаги биринчи «Руҳ ул-қудс»-илоҳий тавҳидга бағишлиланган ҳамд қасидаси, ҳамд йўналишидаги ғазал, рубоий, қитъа, фардларини бундай ҳамдлар сирасига киритиш лозим. Абдураҳмон Жомий, Лутфий, Атоий, Ҳофиз ва Хоразмий девонида ҳам худди шу йўналишга оид ғазаллар мавжуд.

Шарқ мумтоз адабиётида девонни ҳамд ғазал билан бошлаш анъанасини Алишер Навоий бошлаб берди ва бу ҳақда шоирнинг ўзи «Бадоеъ ул-бидоя» дебочасида шундай ёзади: «..Ҳар ҳарф ғазалиётининг аввалги ғазали Тенгри таоло ҳамди била мувашшаҳ қилинди»<sup>1</sup>.

Улуғ шоирнинг Шарқ девончилигига киритган муҳим бир янгилигининг моҳияти ана шу нуқтада аёнлашади. Алишер Навоий «Ҳазойин ул-маоний» йиғма девонлари таркибидаги ҳар бир баҳр (қофиядаги охирги ҳарфга кўра бирлаштирилган ашъор мажмуаси) «аввалғи ғазаллар» Шарқ девончилигига «ҳамд ғазал» деган янги анъанага асос бўлди. Шаърий ҳамд тушунчасини илғор ирфоний қарашлар орқали тўлдириб (соликнинг руҳий-маънавий даражасига кўра Ҳақ сифатларини улуғлаш ва Ҳаққа етиш усулини асослаш), талқин этиш Алишер Навоий ижодининг ўзига хос хусусиятидир. Мазкур турдаги ҳамд ғазалларда «қазо меъмори», «азал соқийси» каби ички ва ташқи маъноси фақат Ҳаққа тегишли сифатлар воситасида Оллоҳ ҳамди талқин этилади ва бошдан охир фақат Ҳақ исм ва сифатлари улуғланади:

*Ташналаб ўлма Навоий, чун азал соқийсидин  
«Ишрабу, ё айюҳал-атшон» келур ҳар дам нидо<sup>2</sup>.*

Маърифий-бадиий ҳамдлар маърифат-камолот босқичидан туриб ёзилади. Шунинг учун бундай ҳамдларнинг марказида шариат ва Қуръони Карим, Ҳадиси шариф асосида Оллоҳ ва унинг чексиз сифатларидан хабардорлик, ўзининг моҳияттан шу қудрат ва мўъжизавий санъат соҳиби билан бирлигини пайқаш, Яратувчи қудрати ва гўзаллигидан хабардорлиги натижасида ўзининг оддий мўъминлик даражаси билан қониқиб қолмай, комил инсон бўлиш орзусидаги солик туради. Алишер Навоий ғазал жанрининг кенг имкониятидан фойдаланиб, ҳамд ғазал воситасида Ҳаққа етиш усулини-камолот босқичларининг руҳий-маънавий илдизларини, уларнинг аҳамиятини асослаб берди. «Ҳамд ғазаллар жанрий табиати» бўлимида маърифий-бадиий ҳамд ғазалларнинг хос хусусиятлари масаласи-

<sup>1</sup> Навоий Алишер. Муқаммал асарлар тўплами. 20 томлик. 1-том. Бадоеъ ул-бидоя. -Тошкент: Фан, 1987, 21-бет.

<sup>2</sup> Навоий Алишер. Муқаммал асарлар тўплами. 20-томлик. 3-том. Ҳазойин ул-маоний. /аройиб-ус-сигар.-Тошкент: Фан, 1988, 25-бет.

га кенгроқ тұхталамиз.

### Бадий-маърифий ҳамдлар

Бундай ҳамдлар маърифий рамзларга таяниб ёзилади. Олдинги турдаги ҳамдлардан фарқли равища, буларда бадиият жуда күчли ва том маънода бадий асар сифатида ўқилиши ва ўрганилиши мүмкін. Бундай ҳамдларнинг бадий тимсоллари, рамзлари, образлари замирида «Ҳақ- Инсон» муносабатлари ётади. Бундай бадий яратмаларнинг барчаси икки маънолидир. Уларнинг зоҳирий маънолари бадий асар мазмуни билан жипс боғлиқ бўлади. Аммо бадий тимсоллар остида маърифатнинг «Ҳақ-Инсон» муносабатлари жуда юксак санъат билан яшириниб келади. Бундай бадий-маърифий ҳамдларда исломий тушунчалар, шариат арконининг тўғри акс эттирилиши зоҳирий маънолар асосида эмас, балки ботиний маърифий маъно асосида баҳоланади. Бадий-маърифий ҳамдлар ботиний маънолари шариат ақидаларига мос бўлса-да, зоҳирий маъносига кўра, расмий ислом аҳкомига зид бўлган.

Маърифий савияси ҳар хил шариат ва тариқат аҳли ўртасидаги низоларнинг бош сабаби тариқий ҳамдларнинг турлича талқин этилиши, уқилишидир. Чунки шаръий ҳамдларнинг манбай-Куръони Карим, Ҳадиси шариф. Тариқий ҳамдлар эса мазкур илоҳий сарчашмалар замирида шаклланган руҳий-маънавий асосга-Ҳақнинг тасаввуфда уқилишига таянади.

Маърифий савияси юксак-«аҳли роз»гина нозик ботиний маъно қирраларини илғай олишган. Зоҳирбин шариат аҳли эса фақат ташқи мазмунга эътибор беришган.

Тариқат аҳли жиндай хато қилса, ўз маърифий асарларининг ботиний маъноларида аркони шариат ва аҳкоми динга нисбатан зифирча хатога йўл қўйса, аёвсиз жазоланган. Мансури Халлож, Насимий, Наимий, Бобораҳим Машраблар қисматининг фожиаси негизида шу сабаб ётади. Ана ўша қатъий қоидага кўра, ҳатто Ҳофиз Шерозию Шайх Саъдийлар, Камол Хўжандиу Фузулийлар, Убайд Зоконию Носир Ҳусравлар, Жалолиддин Румиу Нажмиддин Кубролар бир неча ўлимдан сўз ва тафаккур санъати билан чиқиб кетганлар.

Ўрни келганда таъкидлаш жоизки, Шарқ мумтоз адабиёти намояндалари деярли ҳар бир бадий-маърифий ғазални ҳамд деб билишган. Чунки бундай ғазаллар қўпчилигининг ботиний маъноси Ҳақ маърифатига бориб тақалади. Ҳофиз Шерозий, Шайх Саъдий, Камол Хўжандий, Жалолиддин Румий, Амир Ҳусрав Дехлавий, Лутфий, Атоий, Машраб, Хувайдо каби даҳо сўз санъаткорларининг «Ҳақ-Инсон» муносабатларига бағишлиланган ижод маҳсули фикримизнинг ёрқин далилидир. Алишер Навоийнинг тўрт девонида мужассамланган (ҳар бир ҳарф гуруҳи бошида келган ғазаллар бундан мустасно) кўпгина шеърларини ҳам бадий-маърифий ҳамдлар сирасига киритиш лозим. Мазкур турдаги ҳамдларда Соқий, қуёш, Уммон, Сув кабилар Ҳақ рамзи сифатида келади. Ринд-соқий, булбул- гул, парвона-шамъ, гадо-шоҳ, балиқ-сув, зарра- қуёш, қатра-уммон, пашша-фил, тана-жон, са- мандар-ўт, ер-осмон каби тизимларнинг моҳияти маҳсус маърифий билим эгаларигагина маълум бўлган.

### Илоҳий-исломий сарчашмалар

Мустақиллик шарофати билан Алишер Навоий асарларининг қуръоний ғоялардан озиқланганлиги хусусида жуда кўп мақолалар, илмий тадқиқотлар яратилди. Шоир меросининг таянч ғоявий манбалари Қуръони Карим, Ҳадиси шариф ва тасаввуф таълимоти эканлиги эътироф этила бошланди. Улуғ шоирнинг илоҳий-ирфоний, ижтимоий-фалсафий қарашлари ифодаланган ҳамд ғазаллари ва «Рух ул-кудс» қасидасини ҳам бевосита илоҳий-исломий сарчашмалардан баҳра олган асарлар сифатида эътироф этиш мүмкин.

Қатор ҳамд ғазалларда ва қасиданинг насиб қисмида Оллоҳ таолонинг илоҳий қудрати туфайли тун-кун, еру осмон, ою қуёшнинг бир мунтазамлиқда ҳаракат қилиши масаласи ёритилган.

Бутун борлиқда-табиатдаги энг майда жонзотдан тортиб, баҳайбат мавжудотнинг шаклу шамойилигача- барча-барчасида Оллоҳнинг қудрати зоҳир. Тун-кун, қуёш-ой, сайёра ва юлдузлар Оллоҳнинг амрига итоат этиб ҳаракат қиласидилар. Зоро, яратмоқ ва амр этмоқ Унинг ўзигагина хосдир:

*Чи қудратест, ки дар боргоҳи чархи баланд,  
Нагашта бе сабаби ўзи зарра то байзо<sup>1</sup>.*

Мазмуни: Ажаб қудратдирки, юксак чарх қасрида қуёшдан энг кичик заррагача ўша мўъжиза туфайли пайдо бўлгандир.

Худди шу моҳиятнинг ўзи ҳамд ғазалда қуйидагича акс этган:

*Юзунг қўзгусидин оламда юз нуру сафо пайдо,  
қуёш андин аниңдекким қуёшдин зарра нопайдо<sup>2</sup>.*

Исломий таълимот, унинг муқаддас илоҳий китобида мазкур ҳақиқат қайта-қайта таъкидланади. Ана ўша илоҳий нур ҳамд ғазаллар ва «Рӯҳ ул-қудс» қасидаси байтларига ҳам чуқур сингдирилган. Шу жиҳатдан «Юнус» сурасининг 3 ва 5-ояти карималари аҳамиятлидир:

«Албатта Парвардигорингиз осмонлар ва Ерни олти кунда яратиб, сўнгра ўз аршини эгаллаган Оллоҳдир. У (Оллоҳ) қуёшни зиё сочувчи, ойни ёруғлик қилган ва сизлар йилларнинг саноғини ҳамда (вақтларнинг) ҳисобини билишларингиз учун уни (яъни ойни бир қанча) манзил-буржларга бўлиб қўйган зотдир. Ҳеч шак-шубҳасиз, Оллоҳ бу (борлиқни) Ҳақ (қонун ва мақсад) билан яратди». У зот биладиган қавм учун ўз оятларини муфасал баён қилур»<sup>3</sup>.

Ҳамд ғазаллар ва «Рӯҳ ул-қудс»да йил фасллари, тўққиз фалак, ўн икки бурж ва улар билан боғлиқ табиий ўзгаришлар, фаслларнинг мажозий-ботиний маъноларини ва самовий жисмлар билан ўзаро алоқадорлигини юзага чиқаришда Алишер Навоий Қуръони Каримнинг само ёхуд илми нужумга даҳлдор «Бақара», «Анъом», «Аъроф», «Юнус», «Хут», «Юсуф», «Раъд», «Иброҳим», «Ҳижр», «Наҳл», «Ал-исро», «қаҳҳор», «Тоҳа», «Анбиё», «Ҳаж», «Мўъминлар», «Фурқон», «Намл», «Анкабут», «Рум», «Луқмон», «Фотир», «Ёсин», «Вас-саф-фот», «Фуссилат», «қоғ», «Ва-з-зориёт», «Ва-н-нажм», «қамар», «Раҳмон», «Воқеа», «Ҳадид», «Тағобун», «Мулк», «Ал-ҳааққа», «Нуҳ», «Жин», «Муддасир», «қиёмат», «Вал-мурсалот», «Набаъ», «Ван-нозиот», «Такбир», «Иншиқоқ», «Буруж» каби сураларидан илҳом олганлиги шак-шубҳасиздир. Ана шу нуқтаи назардан ҳамд ғазаллар ва «Рӯҳ ул-қудс» қасидасининг бадиий тасвир услуги бир-бирига жуда яқиндир. Илоҳий-исломий сарчашмалар ва мазкур асарлар ҳар байтини ёнма-ён қўйиб, қиёсий таҳлил қилишнинг имкони йўқлигини инобат-

<sup>1</sup> Навоий Алишер. Рӯҳ ул-қудс. Сўзбоши, насрый баён, изоҳ ва луғат билан нашрга тайёрловчилар проф. Р.Воҳидов, тадқиқотчи Н.Бекова. -Тошкент: Ўзбекистон, 2002, 5-бет. (Бундан кейин мазкур асарга мурожаат қилинганда саҳифасини қавс ичидаги кўрсатиш билан кифояланамиз.-Н.Б.).

<sup>2</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 7-бет.

<sup>3</sup> Қуръони Карим (таржима ва изоҳлар муаллифи Алоуддин Мансур). -Тошкент: Чўлпон, 1992, 133-бет.

га олиб, муштарак байтлар асосида ҳамд ғазаллар ва «Рұх ул-қудс» қасидасида «Аллоҳ-Олам муносабати талқини» жадвалини түздик.

**Ҳамд ғазаллар ва «Рұх ул-қудс» қасидасида «Аллоҳ-олам»  
муносабатлари талқини – (қиёсий таҳлил) даги муштарак жиҳатлар**

«Рұх ул-қудс»	Ҳамд ғазаллар (ғазал тартиб ва байтининг рақами)
1-байт	ўс 242-1
2-байт	ўс 242-2
2-байт	ўс 3-2, Фк 2-4
3-байт	ўс 575-2, Нш 132-2
4-байт	Нш 393-1, Бв 2-5
5-байт	Бв 3-2
6-байт	ўс 2-4
7-8 байт	ўс 3-8  ўс 2-8
9-байт	Бв 2-5
10-байт	Нш 5-2-3,
11-байт	Фк 3-3
12-байт	Нш 393-2
13-14 байт	Нш 64-3-4, Нш 322-8
14-байт	Нш 5-4
19-байт	Фк 2-2
20-байт	Бв 242-2
21-байт	Нш 364-3
22-байт	Фк 2-2, Бв 1-6-7, Фк 3-1-3
24-байт	Бв 4-1
25-байт	Фк 3-2
26-байт	Фк 1-5
28-байт	Фк 2-4
30-байт	Нш 364-6
30-байт	Нш 575-5
34-43-байтлар	Нш 322-7-8, Нш 393-3-6, Нш 575-3  ўс 2-9
35-байт	ўс 5-5
39-байт	Нш 575-3

44-байт	Нш 575-5
59-байт	Нш 575-5
66-байт	Нш 393-2
67-байт	Нш 199-5-6
75-байт	Нш 5-6
76-байт	Фк 1-1, Бв 242-1
77-байт	Нш 575-4
82-байт	ўс 4-2, ўс 132-2, ўс 242-3-5, ўс 575-4,
108-байт	Нш 5-4, Нш 114-1-3, Нш 132-3, Нш 322-4, Нш 353-7-8, Бв 3-4, Бв 242-2

Адабиётда ҳар бир фасл муайян фазилат тимсолига айлана борар экан, Баҳор яшариш, уйғониш, файзу тароват, янгиланиш, инсон умрининг ибтидоси рамзидир. Куз эса тўкин-сочинлик, етилиш билан бирга табиат ҳамда инсон умрининг хазони - ҳаёт, яшашнинг интиҳоси (сўлиш, хазон бўлиш) рамзи сифатида Алишер Навоий нодир дурданалари бағрига сингдирилган. Бу ўринда шуни айтиш керакки, улуғ шоирнинг «Фусули арбаа» номли тўрт форсий қасидаси ҳам фасллар таърифига бағишиланган бўлиб, ундаги санъаткорона тасвир билан «Руҳ ул-қудс» қасидасининг тасвирлари (йил фасллари тасвирига бағишиланган қисми) бир-бирига жуда ўхшайди. Улуғ шоир бу тасвирлар орқали одам жисми (тўрт унсур, тўрт хилт, тўрт табъ) ва олам тузилиши (тўрт фасл) орасидаги яқинлик, боғлиқлик ва алоқадорлик каби жиҳатларига алоҳида урғу беради. Оллоҳ таоло бутун мавжудотни тасодифлар асосида эмас, балки муайян қонуният, ўзаро узвий алоқадорлик, ҳикмат занжири, ҳайратомуз интизом ва тадбир илия яратди-ю лекин ҳеч нарсага абадийликни насиб қилмади. Сабаб ва оқибат тамойиллари асосида бунёдга келган оламда барча нарсалар табиатида қарама-қаршилик ва инкорни инкор қонуни амал қиласди. Яшаш учун тинимсиз кураш эса имтиҳон дунёсида узлуксиз давом этади. Айни шу жараён қуйидаги мисраларда бетакрор ифодасини топган:

*Далел он ки ду рангист кори гулшани даҳр,  
Чи дар баҳору хазону, чи дар сабоҳу масо.*

Шоир таъбирича, даҳр гулшани ишининг икки ранглилик кўриниши далили (яъни) Баҳору Хазонда, тонг отару кечқурунда ҳам ёрқин намоёндир. «Наводир уш-шабоб»нинг 364-ғазалида худди шунга ўхшаш байтларни учратамиз:

*Жамол зевари қош айладинг, магар урдунг,  
Бу икки мисқал илиа уйла қўзгуга сайқал.  
Фироқ шомини ошиққа айладинг тиyrा,  
Агарчи анжумидин ёқтинг анда қўп машъал.  
Баҳор мошитаси саъти бирла кийдирдунг,*

*Чаман аруси юзу қаддиға ҳулию ҳулал<sup>1</sup>28.*

Дунёда ҳеч нарса абадий әмас экан, инсон ўзидан фақаттана эзгу амаллар қолдириш учун интилмоғи зарур. қуръони мажид «Қаҳф» сурасининг 45-46-ояти карималарида фасллар алмашинувини ажиб қонуният асосида яратган Оллоҳ таолонинг айни борадаги таъкиди қуидагича хабар қилинади:

«(Эй Мұхаммад одамларга) ҳаёти дунё мисолини келтиринг. (У) худди бир сув кабидурки, Биз осмондан ёғдиргач (аввал-киши ҳаётининг баҳорида) у сабабли замин набототи (бир-бирига) аралашиб-чирмашиб кетур, сүнгра (ҳаёт кузи келгач) шамоллар учиреб кетадиган хас-хашакка айланиб қолур. Оллоҳ ҳамма нарсага қодир бўлган зотdir. Мол-мулк, бола-чақа шу ҳаёти дунё зийнатидир. Парвардигорингиз наздида эса (абадий) қолгувчи яхши амаллар савоблироқ ва орзулироқ (орзу қилишга арзирлироқдир)<sup>2</sup>.

Оллоҳ меҳрибон ва раҳмли зотdir. Йилни фаслларга бўлиб, уларнинг ҳар бирига ўзига хос хусусиятларни жам қилган соҳиби қудрат бандаларига ғамхўрликни ҳеч қачон тарк этмаган. Ёзу қиш, Баҳору Куз алмашинувини таъмин этган зот улардан етадиган нозу неъматлардан хузурланиш, баҳраманд бўлиш ҳамда кези келганда фаслларнинг табиий хусусияти (иссик, совуқ, шамоллар, бўронлар, довуллар, дўлу жалалар)-офтларидан ҳам сақлашиш шароитини яратиб берган:

*Асиреки, зикрингни айлаб ҳадя,  
Берібсен халосиға юз минг ҳадоё.*

«Руҳ ул-кудс»да мазкур моҳият қуидагича акс этган:

*Паи илохи вай меваҳоу бору рутаб,  
Мизохи инсонро соҳти қарини шифо.  
Замин зи бўстон афрӯз гашт хунолуд,  
Зи теги куфр б-дон сон, ки тораки шуҳадо (46-бет)*

Унинг (баланд ҳароратнинг) иложини қилиш учун янги пишган меваларни Инсон мижозига шифо бўлишини назарда тутиб, унга яқин дўст қилиб қўйдинг. Ер боғларнинг бундай шуълантирувчи (қўринишидан) (гўё) қонга бўялди. Бу дин йўлида кофирлар тиғидан шаҳид бўлганлар (инсонлар қони) ва бошини эслатарди,-дейди шоир. Мазкур фикрларнинг асосини қуръони мажиднинг «Аъроф» сураси 74-ояти каримаси ташкил қиласди: «Сизларни Од (қавми)дан кейин халифа қилиб қўйганини ва сизларга ернинг текисликларида (ёзлик) қасрлар қуриб олишингиз, тоғлик жойларида (қишлиқ) бошпаналар йўниб (тиклиб) олишингиз учун маскан берганини эслангиз! Бас, Оллоҳнинг неъматларини эслангиз ва ерда бузғунчилик қилиб санқиб юрмангиз»<sup>3</sup>.

Оллоҳнинг юксак мўъжизавий қувватини чуқур ҳис этган шоир атроф-муҳитда юз берадётган воқеалардан ҳаяжонга тушади, қўзга равшан намоён ўша мўъжизалар учун ҳам Яратганга сифинади, Унинг қудратига таҳсин айтади:

*Ду рангу даҳ ранг чй бувад, ки ҳар варақ аз барг,*

<sup>1</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 364-бет.

<sup>2</sup> Қуръони Карим.-Тошкент: Чўлпон, 1992, 39-бет.

<sup>3</sup> Қуръони Карим.-Тошкент, 1992, 111-бет.

*Нигошта ба дусад ранг шуд зи килки қазо (15-бет).*

Икки рангу ўн ранг нима бўлибдики, баргнинг ҳар бир варагида қазо қалами билан икки юз ранг акс эттирилгандир,-дея ҳассос шоир байтда дунё ва борлиқдаги барча нарсаларнинг, хилма-хил, бетакрор ранглар, нақшларнинг бунёдкори Оллоҳ эканлиги таъкидланади. Улуғ шоир тасавурига кўра, ҳар бир рангда Унинг бир ҳикмати акс этган:

*Мунъа хилъат махзани инъоми ташрифингдин ўлди,  
Чарху тоғу баҳрга атлас ва гар хоро ва гар хаз<sup>1</sup>.*

Юқоридаги фикрлар эса Қуръони Карим “Бақара” сурасининг 138-ояти бадиий ифодасидир: «Оллоҳдан ҳам гўзалроқ ранг берувчи борми?»<sup>2</sup>.

Алишер Навоий қасиданинг 2-ва 118-байтида «Ёсин» сурасининг 82-ояти («Бирон нарсани (яратишни) ирода қилган вақтида Унинг иши фақатгина «Бўл» демоқлиқдир. Бас, у (нарса) бўлур-вужудга келур»)га ишора қиласиди: «Иннама амруҳу иза ародада шайъан ан яқула лаҳу кун фа яқун».

*Чи хомаест, ки дар коргоҳи «қун фаяқун»,  
Нагашта бе рақами е зи қатра то даръё...  
Ба пайҳ камтар аз он метавонияш, ки кунт,  
Чунон набуд, ки набувад асар аз ўпайдо (6-бет).*

Ажаб қаламдурки, бутун борлиқ дўконида қатрадан дарёгача Унинг хукми билан пайдо бўлгандир... Биргина сўз туфайли («бўл») ғайб хазинаси сирини ошкор қилдинг. Шундай бўлмаганда, ундан асар ҳам кўринмас эди. Кўринадики, улуғ шоир бу байтлар орқали Оллоҳнинг буюк меҳру саховатини, яратувчанлик қудратини ва башариятга бўлган муҳаббатини таърифлаган.

Мазкур моҳиятни иқтибос санъати асосида «Бадоеъ ул-васат»нинг 2-ғазалида ўқиймиз:

*Ироданг бирла тақдиринг ўлғай икки кавн ичра,  
Агар бўлса фано зоҳир ва гар бўлса бақо пайдо<sup>3</sup>.*

Илоҳшунослик ва инсоншуносликка оид асл ҳикматлар силсиласи акс этган «Рӯҳ ул-қудс» қасидасида инсон Рӯҳи Мутлақ энг кўп акс этган хилқат сифатида таърифланади. қасиданинг 10-23-байтларида одам жисми (тўрт унсур, тўрт хилт) ва олам тузилиши (тўрт фасл) орасидаги яқинлик, инсоннинг яратилиши, ички ва ташқи аъзолари вазифаси, мўъжизавий мукаммаллиги хусусида фикр юритилади.

*Чу соз кардй маркиби хисми инсонй,  
Зи хок таъбия соҳти ба зебу баҳо (7- бет).*

<sup>1</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 199-бет.

<sup>2</sup> Қуръони Карим.-Тошкент, 1992, 17-бет.

<sup>3</sup> Навоий Алишер. Муқаммал асарлар тўплами. 20 томлик. 5- том. Бадоеъ ул-васат.-Тошкент: Фан, 1990, 8-бет.

Улуғ шоир инсонни Ҳақ санъатининг энг юксак намунаси сифатида таърифлайди:  
Инсон жисмининг шакл, суратини турфа таркиблардан бунёд этдинг, аъзоларини зебу зийнат билан жой-жойига қўйиб, тупроқдан бебаҳо қилиб ясадинг.

Юқоридаги (10-23) байтларнинг таянч манбаи сифатида «Наба» (6-оят), «Инфитор» (7-8-оят), «Инсон» (28-оят), «Шарҳ» (4-оят), «Балад» (8-9-оят), «Тийн» (4-оят), «Вас-саффот» (11-оят), «Бақара» (29-оят), «Ҳижр» (26-оят) каби сураларни кўрсатиш мумкин. Улуғ шоир инсонни мумтоз этган илоҳий имкониятларга алоҳида урғу беради:

*Бас, он гаҳе ба улумаш чу раҳнамун гаштй,  
Наҳуст кардй таълими алламал-асмо (9-бет).*

Унинг (инсоннинг) илм ўрганиши учун раҳнамолик қилган чоғингдаёқ, дастлаб азалий исмларга амал қилиш таълимини (ўзинг) бердинг.

«Алламал-асмо» «исмларни ўргатди» демақдир. Бу бирикма «Бақара» сурасининг 31-оятидан: « Ва у зот одамга барча нарсаларнинг исмларини ўргатди. Сўнгра уларни фариштадарга рўбарў қилиб деди: «Агар халифаликка биз ҳақдормиз, деган сўзларингиз рост бўлса, мана бу нарсаларнинг исмларини менга билдиринг!»<sup>1</sup>.

Оллоҳ инсонни бошқа мавжудотлардан алоҳида ажратиб, илму ирфон хазинаси сифатида ўн саккиз минг оламни унинг учун яратган:

*Бўлуб сифатингга мазҳар жамиъ маҳлуқот,  
Алар муфассалу инсонни айладинг мужсмал<sup>2</sup>.*

«Руҳ ул-қудс»да эса олами суғро қўйидагича таърифланади:

*Дар он ажуба намудорй аз ҳама кардй,  
Амонататро ҳам додияш ба расми хифо (10-бет).*

Ўша мўъжизалар (ажойиботлар) оламида ҳамма нарсани намойиш қилдинг, омона-тингни бердинг, аммо муҳофазани ҳам ўзингга олдинг. Мазкур байтлар эса Бақара сураси 151-оятининг (Мен банда қалбига муҳаббат бўлиб кирган яширин хазинаман) ва «Лав лака», «Кунту канзан» каби қудсий ҳадисларнинг бадиий-маърифий талқинидир.

Қўринадики, ҳамд ғазаллар ҳамда «Руҳ ул-қудс» мисраларидағи ғоялар ва ояти карималардаги моҳият бир-бирига тўқис ҳамоҳангдир. Алишер Навоий тафаккурида устувор ўргашган Куръони Карим таълимоти, унинг юксак инсонпарварлик ғоялари улуғ шоир асарларига ҳаётбахш руҳ ҳадя этиб турибди. Зоро, илоҳиёт ва илоҳий олам қудратига умид боғлаб, унга сиғиниб яшаган улуғ шоир фақатгина яхшилик ва эзгуликка чорловчи илоҳий китоб оятларини асарлари мағзига сингдириш билан барча мавжудотлардан олий қилиб яратилган ҳазрати инсонни, унинг дарди, ташвиши, руҳияти ва маънавиятини куйлашни ҳамма нарсадан устун қўяди.

### Адабий манбалар ва “Ситтаи зарурия”

<sup>1</sup> Куръони Карим.-Тошкент, 1992, 15-бет.

<sup>2</sup> Навоий Алишер. Муқаммал асарлар тўлами. 20 томлик. 4-том. Наводир уш-шабоб. -Тошкент: Фан, 1989, 364-бет.

Шарқ мумтоз адабиётида Аллоҳ ва олам алоқадорлиги, боғлиқлиги талқинига бағи-шланган жуда кўп асарларда юқорида санаб ўтилган мавзулар узвий кетма-кетликда (йил фасллари, тўрт унсур, 9 фалак, 12 бурж) тасвирланади. Бу “Ситтаи зарурия”нинг бой илоҳий ва адабий сарчашмалар заминида юзага келганидан далолат беради.

Юсуф Хос Ҳожибининг “қутадғу билиг” маснавийси, Носир Ҳусравнинг “Рўшноинома” до-стони, Амир Ҳусрав Дехлавийнинг “Оlam ул-илм” ва Абдураҳмон Жомийнинг “Жило ур-руҳ” каби қасидалари фикримизнинг ёрқин далилидир. Бу асарларда ҳар бир нарсада Оллоҳ-нинг құдрати намоён белиши, У яратган мулки борлиқ мавжудотларида занжир ҳалқалари каби бир-бирига узвий боғланиб, турфа жиҳатлардан ўзаро алоқадорликда амал қилиши ҳодисасига алоҳида урғу берилади. Бу алоқадорликнинг асосий негизи барча нарсалар Инсон ва унинг руҳи Мутлақ томон тараққий этиб бориши учун яратилганлиги ҳақидаги илоҳий-ирфоний қарашларга бориб тақалади.

Жумладан, “Авесто”да осмон жисмларига алоҳида аҳамият берилган ҳамда уларга илоҳий құдратнинг мўъжизаси сифатида қаралган.

Қадимги аждодларимизнинг нужумий тасаввурлари таъсири “Рұх ул-қудс”даги ўн икки буржнинг бирма-бир тасвирида ҳам яққол кўзга ташланади:

*Ба буржи дигар Ақраб ба жунбиш овардй,  
Чу каждуме, ки қунад хона дар қадим бино.  
Фарози буржи дигар соҳти камонхона,  
Ки чарх тири бало афканад сўйи дунё (21-бет).*

Бошқа бир буржда Ақрабни ҳаракатга келтирдинг, Чаёндайки, қадимий услубда ўзига хона бино қилсин. Бошқа бир буржни баланд Камонхона қилиб ясадингки, чарх ундан дунёning турли тарафларига бало тифини ёғдиради, дея улуғ шоир Оллоҳнинг құдратини таъриф ва тавсиф этади.

Мазкур байтларда буржларнинг номи билан уларнинг халқ тасаввуридаги хосиятлари ва ердаги воқеалар билан алоқадорлиги ҳисобга олиниб, чиройли ташбеҳлар ҳосил қилинган.

Оллоҳ-олам алоқадорлиги, боғлиқлигининг ихам тасвирини «қисаси Рабғузий»да ўқиймиз<sup>136</sup>. Мумтоз адабиётда жуда кўп эътироф этилган мазкур фикрларни Носириддин Рабғузий муҳтасар баён қилган. Бунда Яратувчининг чексиз ақл-заковат соҳиби эканлиги ва буюк яратувчанлик хусусияти яққол кўзга ташланади.

Исломий қарашлар ва Оллоҳ-олам муносабатларини руҳий-важдий тафаккур қилиш жараёнида туғилган мушоҳадаларга таяниб, баъзи достонларда оламнинг тузилишига доир маҳсус боблар ажратилган. Жумладан, етти сайёра ва ўн икки буржга маҳсус боб бағишлиган Юсуф Хос Ҳожиб «қутадғу билиг» достонида ўн икки буржни етти сайёрадан ажратиб кўрсатади ҳамда уларнинг айримлари жуфт-жуфт, айримлари эса тоқ эканлигини қайд этиб, уларнинг уттаси-баҳорги, уттаси ёзги, уттаси-кузги ва ниҳоят уттаси-қишки юлдузлар деб эътироф этади. Дунё тўрт унсурдан ташкил топгани сингари буларнинг ҳам уттаси олов, уттаси-сув, уттаси-шамол ва уттаси-тупроқ эканлиги ҳақида бадиий мушоҳада юритади.

Амир Ҳусрав Дехлавийнинг «Оlam ул-илм» қасидасида ҳам худди шундай тасвир усули устувор:

<sup>1</sup> Рабғузий Носируддин Бурхонуддин. қисаси Рабғузий. Биринчи китоб. -Тошкент: Ёзувчи, 1990, 12-бет.

*Зўҳра табъам дар вабол аз пеши ин ақрабвашон,  
З-он чу ақраб хештанро худ қафое мезанам<sup>1</sup>.*

«Ситтай зарурия» таркибидаги биринчи қасиданинг «қасидаи «Рұх ул-қудс» и дар тавҳиди Бори таоло» деб номланишининг ҳам муҳим асослари бор. Илоҳий-исломий қарашларга мувофиқ, Аллоҳнинг яккаю ягона Яратувчи эканлигини мадҳ этиш учун асарларнинг дастлабки кириш қисмлари «Оллоҳ таоло тавҳиди»га бағишлиланган. Жумладан, Низомий Ганжавий «Хамса»сининг маҳсус бир кириш қисми «Дар тавҳиди Бори» («Бори таоло тавҳиди ҳақида») деб номланади<sup>2</sup>38. Юқорида таъкидлаганимиздек, жамики нарса ва ҳодисаларнинг муайян бир уйғунликда доимий ҳаракатда эканлиги ягона буюк Рұхнинг мүйжизавий қудрати ҳосиласи сифатида талқин этилади:

*Чу гул сад пора қун худро дар ин боғ,  
Ки натвон тандуруст омад бад-ин боғ (23-бет).*

«Рұх ул-қудс» қасидасида ҳам гул тимсоллари тасвирига кенг ўрин берилади. Улуғ шоир райхон, сунбул, нарғис, лола, ёсмин каби гул тимсоллари орқали сулук аҳлининг күнглида порлаган илоҳий нур ва унинг турли гўзал шаклларда жилва қилишига ишора қиласи.

Алишер Навоий «Насойим ул-муҳаббат»да Носир Хусрав ҳақида маълумот берганда фақат «Рўшноинома» асарини тилга олади. Адибнинг 592 байтдан иборат бу маснавийси Оллоҳ-олам алоқадорлиги, боғлиқлиги талқинига бағишлиланган бўлиб, унда диний, фалсафий, маърифий, ижтимоий-ахлоқий қарашлар юксак шоирона назокат билан куйланади. Кузатишлар асосида шунга гувоҳ бўлдикки, мазкур маснавийнинг ғоялар ва мавзулар олами мундарижаси Алишер Навоийнинг «Ситтай зарурия» қасидалар туркумига жуда ўхшайди.

“Ситтай зарурия” “Рўшноинома”га “Аллоҳ-олам алоқадорлигига доир жамики нарса-ҳодисаларни узвий кетма-кетлиқда тасвирилаш нуқтаи назаридан яқин туради. Аммо Навоийнинг мақсади бу масалаларни фақат ёритишгина эмас, балки Аллоҳ-олам алоқадорлигини таъминловчи Ҳақ қудрати яширинган илоҳий тизимлар чегарасини ва уларнинг бир-бирiga боғлиқлигини аниқ, равshan ифодалашдир. қасидалар кўпинча дақиқ маъноларни, ишораларни нозик англовчи кишилар савиясига мослаб, юксак дид билан яратилган. “Ситтай зарурия” туркуми ҳам ана шундай юксак бадиий асардир. Чунки шоир “Ситтай зарурия” – “Олти зарурат” орқали бир неча олтилик тизимида ишора қиласи.

“Ситтай зарурия” таркибидаги биринчи қасиданинг, яъни умумий олтилик тизимиning бирламчи асосини Рұх ташкил этади. Шунинг учун асар “Рұх ул-қудс” деб номланган. Мутлақ Рұх ва ундан ажралган руҳнинг яна Унга қайтиш (уруж) асослари ифодаланган. Рұх куввасидаги б жиҳат, асос Фаридуддин Атторнинг “Илоҳийнома”сидаги “Рұхга мурожаат қилиб дегани” қисмida бирма-бир изоҳланади: “Рұх-ажойиб бир қушсан, на ердасан, на осмонда, балки Тангри таоло ҳузуридасан. Сенинг асосингда олтита белги бор, аммо уларнинг ҳар бири бир жаҳон-алоҳида бир олам. Ҳар бири-бир соҳибқиран, бир қудрат.

*Бири Нафс белиб, унинг жойи сезги аъзолариdir.  
Бири Нафси аммора белиб, зиддиятлар, нифоқ шундан.*

<sup>2</sup> Дехлави Амир Хусрав. Осори мунтакаб. Дар чаҳор жилд. Жилди чаҳорум. -Душанбе: Ирфон, 1975, 829-саҳ.

<sup>1</sup> Низомий Ганжавий. Куллиёт. Дар панх хилд. Жилди I. -Душанбе: Ирфон, 1983, 26-бет.

Бири Ақлдир, ақл мувофиқликни, мантиқни бошқаради.  
Бири Илмдир, маълумот, билим тўплаш билан банд.  
Бири Фақрдир, фано-йўқлик истар ҳамиша.  
Бири Тавҳиддир, Ягона зот истар ва Унга интилар доим”<sup>1</sup>39.

“Олти зарурат” таркибидаги биринчи қасиданинг “Рұх ул-қудс” деб номланишининг асосий манбаи ҳам шудир. “Рұх ул-қудс” қасидаси-“Ҳайрат ул-аброр” достони сингари дастурий-муқаддимавий асар. Юқорида санаб ўтилган руҳнинг олти қувваси ҳақида “Ситтаи зарурия” туркумидаги қасидаларнинг ҳар бирида қайта-қайта (янгича тасвири усулида) изоҳланади. Чунки Алишер Навоий Оллоҳ-Оlam алоқадорлигининг барча сабабларини руҳнинг ана шу олти жиҳатига тегишли деб билади. Бу олтилик тизими таркибий қисмлари ўз навбатида яна бир неча олтилик тизимиға бўлинади, яъни Инсон ва Коинот, Инсон ва Мавжудот, Инсон ва Илоҳнинг ўзаро боғлиқлиги олам олти илоҳий кун маҳсули (“Рұх ул-қудс”да бу хусусда маълумот берилади), олти “нодир жиҳати коинот ва фақр рукнлари (“Айнул - ҳаёт” ва «Туҳфат ул-афкор» қасидасида бунга кўпроқ урғу берилади), олти иймон аркони таркибий қисмлари (“қут ул-қулуб”да аркони иймон шартлари кенг изоҳланади), жисм қафасида руҳнинг соғлом тараққий этишининг олти тиббий асоси (“Минҳож ун-нажот”да бу масалага доир асосли ишоралар бор), намоз фароизидаги олти хориж ва дохил фарзлар (“Насим ул-хулд” ва “қут ул-қулуб”да бу масалалар тасвирига кенгроқ аҳамият беришган) бир-бирига боғлиқ равишда бир илоҳий моҳиятга бориб тақалади ва шу тариқа олтилик тизими-“Ситтаи зарурия” шаклланади. Бу олтиликларнинг барчаси умумий бир илоҳий мақсадга-одам жисми қафасидаги руҳни Мутлақ Рұх томон тараққий этиб боришини таъминловчи узлуксиз тадрижий жараёнга хизмат қиласи. ўрни келганда таъкидлаш жоизки, жисмда руҳнинг соғлом тараққий этишининг олти тиббий асосига доир қатор асарлар яратилган. Шарқ табобатида олти зарур нарса (ситтаи зарурия) деган истилоҳ бор. Бу ҳақда Ибн Сино, ундан олдин ва кейин ўтган олим-табиблар ҳам ёзишган. Ана шундай табиблардан бири XV асрда Хурсонда яшаб етган Юсуфий Ҳеравийдир. У «Рисолаи ситтаи зарурия» асарида олти тиббий асос ҳақида фикр юритади. Олти тиббий заруратга доир қарашлар «Ҳакимлар ҳикояти», «Табобат ҳазинаси дурдоналаридан» каби рисолаларда ҳам кенг изоҳланган<sup>2</sup>.

Алишер Навоий ўзигача ўтган бетакрор тафаккур эгаларининг ҳар бири ижодидаги энг илфор хулосаларни теран англаб етди ва алоҳида-алоҳида хулосаларни яшаш тажрибаси орқали ижодий равишда бир ўзанга бирлаштириди. Шунинг учун бу туркумни «Ситтаи зарурия» деб номлади. Чунки Ҳаққа етишнинг асоси соғлом Руҳдир, улуғ шоир эса туркумдаги ҳар бир қасидада руҳий-маънавий покланиш тасвирига алоҳида аҳамият беради. Исо каби Руҳга айланиш шоир лирик қаҳрамонининг эзгу орзусидир. «Ҳазойин ул-маоний»да бошқа илоҳий номларга нисбатан Исо Масиҳнинг беҳад кўп тилга олинишининг асосий сабаби ҳам шунда.

«Ситтаи зарурия»ни ёзишдан мақсад Руҳнинг қудратини мадҳ этиш эди. Мазкур туркум таркибидаги ҳар бир қасидада фақру фано улуғланади. Бу юксак мақомга етган кишига эса Ҳақдан ёзга ҳеч қандай зарурат қолмайди. Улуғ шоирнинг бу хусусдаги умумий хулосасини «Фавойид ул-кибар»нинг 506-ғазалида ҳам кўришимиз мумкин.

<sup>2</sup> ттор Фаридуддин. Илоҳийнома.-Тошкент: Ёзувчи, 1994, 12-бет.

<sup>1</sup> Ҳакимлар ҳикояти. -Тошкент: Медицина, 1985, 125- б.

*Фаноий маҳз етар «Ситтаи зарурия»,  
Нединки йўққа зарурат эмас бу навъ олтоб<sup>1</sup>.*

Улуғ Навоий олтилик тизими асосидаги алоқадорлик қонуниятини «Ситтаи зарурия» қасидалар туркуми ғоялари бағрига сингдирган. қасидалар алоҳида-алоҳида олингандан мустақил асар сифатида юксак бадиий қиммат касб этади. Чунки туркум таркибидаги олти қасидадан тўрттаси-«Тухфат ул-афкор» Амир Хусрав Дехлавиййнинг «Дарёи аброр» қасидасига, «қут ул-кулуб» Анварий қасидасига, «Минҳожун нажот» Хоқоний ва Анварий қасидаларига, «Насимул ул-хулд» эса Хоқоний қасидасига жавоб, татаббуъ тарзида ёзилган. Алишер Навоий бу машҳур қасидаларнинг мавзуи ва шаклини сақлаган ҳолда, уларни мазмунан ривожлантириб, янги ғоялар, фикрлар, адабий санъатлар орқали тўлдирган, янги руҳдаги қасидаларни вужудга келтириб, ўз санъати ва маҳоратини намойиш этган.

Юқорида билдирилган мулоҳазалар қуйидаги хулосаларга келиш имконини беради:

1.Ҳамдлар мазмуни фақат Оллоҳни мадҳ этишга бағишлиланган бўлса-да, мақсадига ва етакчилик қилаётган ғояга кўра фарқланади. Мазкур жиҳатнинг ўзи ҳамд йўналишидаги асарларни шаръий-тарғибий, маърифий-тарғибий, маърифий-бадиий, бадиий-маърифий каби турларга бўлиб ўрганиш асосини беради.

2.Ҳар бир асарни ҳамд билан бошлаш Навоийгача ҳам мавжуд эди. Аммо Шарқ мумтоз адабиётининг бирор бир намояндаси ижодида бу анъана яхлит шаклда (фарддан достон-гача) намоён бўлган эмас.

Алишер Навоий Шарқ девончилиги равнақини мавзу-маъно нуқтаи назардан муайян бир тизимга солди ва ҳар бир асарини Оллоҳ ҳамди билан бошлади.

3.Улуғ шоир илоҳий-ирфоний, ижтимоий-фалсафий қараашлари ифодаланган ҳамд ғазаллари ва «Рұҳ ул-кудс» қасидасини бевосита илоҳий-исломий сарчашмалардан баҳра олган асар сифатида эътироф этиш мумкин. Ана шу нуқтаи назардан ҳамд ғазаллар ва «Рұҳ ул-кудс» қасидасининг бадиий тасвир услуби бир-бирига жуда яқиндир.

4.Шарқ мумтоз адабиётида Оллоҳ ва олам алоқадорлиги, боғлиқлиги талқинига бағишлиланган Юсуф Ҳос Ҳожибининг «қутадғу билиг», Носируддин Рабғузиййнинг «қиссаси Рабғузи», Носир Ҳусравнинг «Рўшноинома» достони, Ҳусрав Дехлавиййнинг «Оlam ул-ilm» ва Абдураҳмон Жомиййнинг «Жило ур-руҳ» каби қасидаларида мавзулар узвий кетма-кетлика (йил фасллари, тўрт унсур, тўққиз фалак, ўн икки бурж) тасвирланади. Бу эса мавзулар силсиласи худди шу тизимда яратилган «Ситтаи зарурия»нинг бой адабий манбалар заминида юзага келганидан далолат беради.

5.Алишер Навоий олтилик тизими асосидаги алоқадорлик қонуниятини «Ситтаи зарурия» («Олти зарурат») қасидалар туркуми бағрига сингдирган ва Ҳаққа етишнинг асоси соғлом Рұҳ бўлгани учун туркум таркибидаги биринчи дастурий-муқаддимавий қасидани «Рұҳ ул-кудс» деб атаган.

Туркум таркибидаги қасидалар олтилик тизими асосида бирлашиб, яхлит системани ташкил этади, алоҳида олингандан эса юксак бадиий қимматга эга ҳар бир қасида мустақил бадиий асар талабларига жавоб беради. Ҳамд ғазалларнинг манбалари, поэтикаси ва тимсollари.

<sup>2</sup>Навоий Алишер. Муқаммал асарлар тўплами. 20 томлик. 6-том. Фавойид ул-кибар. -Тошкент: Фан, 1990, 343-бет.

## ҲАМД ҒАЗАЛЛАР МАНБАЛАРИ, ПОЭТИКАСИ ВА ТИМСОЛЛАРИ

### Анъана ва ижодийлик, адабий таъсир

Ғазал Шарқ шеъриятини дунёга танитди. ўзбек мумтоз адабиётининг йирик намояндалари Атоий, Саккокий, Гадоий, Лутфий ва бошқа шоирларнинг ижодларида ғазал асосий жанр белди. XV асрга келиб ўзбек ғазалиёти Алишер Навоий номи билан боғлиқ ҳолда камолот чўққисига чиқди. Улуғ шоир ўзбек ғазалчилигини ривожлантиришда Саккокий, Атоий, Лутфийнинг ижодий ютуқларига суюнди. Форс-тожик адабиётининг уч буюк вакили-Хусрав Дехлавий, Ҳофиз Шерозий, Абдураҳмон Жомийнинг ғазалиётидан кенг кўламда сабоқ олди ва уларнинг ижодий тажрибаларига янгиликлар ҳам киритди.

Алишер Навоийнинг туркий ва форсий меросига оид ҳамд йўналишидаги ғазаллар жанрий табиати ва уларнинг бадиий-рамзий ғазаллардан фарқли жиҳатларини ойдинлаштиришга уриниш мазкур тадқиқотнинг мақсадидир.

Алишер Навоий ўз девонларининг бошқа ижодкорлар девонларидан тўрт жиддий фарқини «Бадоеъ ул-бидоя» нинг дебочасида санаб ўтади. ўша қайдларнинг иккинчи ва учинчилари бизнинг тадқиқотимизга бевосита дахлдордир, яъни «аввал битиган ғазал услуб хайсияти» ва «ҳар ҳарф ғазалиётининг аввалги ғазали Тенгри таоло ҳамди била мувашшах, ё расул алайҳиссалом наъти била муфаттах, ё мавъиза била муваззах» қилинганлигидир<sup>1</sup>.

Алишер Навоий Шарқ девончилиги равнақини мавзу-маъно нуқтаи назаридан муайян бир тизимга солди ва ҳар бир асарини (фард, рубоий, қитъа, ғазал, ва ҳ.к.) Оллоҳ ҳамди билан бошлади. қуръони мажиднинг ҳар бир ояти каримаси «Бисмиллоҳир-раҳмонар-раҳим» билан бошланади. Шоир ҳам ҳар бир ишни, муқаддас ниятни илоҳий калима билан бошлашни хуш керади. «Ҳайрат ул-аброр»нинг мазкур илоҳий калима талқини билан бошланганлиги фикримизнинг ёрқин далилидир. Навоийгача ҳам мазкур анъана (ҳар бир асарни ҳамд билан бошлаш) мавжуд эди. Аммо Шарқ мумтоз адабиётининг бирор бир намояндаси ижодида бу анъана яхлит шаклда (фарддан достонгача) намоён бўлган эмас.

Улуғ шоир девонларида етук шарқона фалсафий тафаккурнинг юксак ифодаси-ҳамд ғазаллар кенг ўрин эгаллайди. «Ҳазойин ул-маоний»дан ўрин олган лирик девонларнинг ҳар бирида дастлабки беш ғазал Оллоҳ ҳамдига бағишлиланган. Мазкур девонлар ичидаги элликка яқин ғазал ҳам Ҳақнинг мислсиз қурдату азимати, сирру синоати ҳақидадир.

«Ҳазойин ул-маоний» таркибидаги фардлар, рубоий ва қитъаларнинг дастлабкиси ҳамд мавқеидаги асарлардир.

«Девони Фоний» да ҳам ҳамд мавзусига мурожаат нуқтаи назаридан шу тизим устувор. Улуғ шоирнинг форсий девонида ўндан ортиқ ҳамд ғазал мавжуд. Тўплам таркибидаги рубоий, қитъа каби жанрлар ҳам Оллоҳ ҳамди билан бошланади. «Ситтаи зарурия» қасоид туркумининг биринчиси «Рух ул-қудс» ҳам худди шу тизимга мувофиқ яратилган ҳамд йўналишидаги асардир.

Кузатишларимиздан кўриниб турибдик, ҳар ҳарф туркумининг дастлабки ғазалини ҳамд билан бошлаш Шарқ мумтоз адабиётида Алишер Навоий номи билан боғлиқ анъанадир. қолган барча турдаги ҳамдлар эса Навоийга қадар ҳам мавжуд эди. Навоийшунос олим Мақсуд Шайхзода таъкидлаганидек: «Буюк Навоий ўз даврида тор лириканинг имкониятлари чекланганлигини сезгани учун бу анъанавий қафасни синдирмоқчи бўлиб,

<sup>1</sup> Навоий Алишер. Муқаммал асарлар тўплами. 20 томлик. 1-том. Бадоеъ ул-бидоя. -Тошкент: Фан, 1987, 21-бет.

лириканинг тематик ва ғоявий сарҳадларини кенгайтиради»<sup>1</sup>. Бундай майлдан кузатилган мақсад лириканинг имкониятлари кенглигини исбот қилиш ва ҳамд мавзуидаги шеърлар такомилини намойиш қилиш эди.

Навоийшунос олим А.Ҳайитметов таъбири билан айтганда, «исломга ўз даврининг бирдан-бир ягона ва одамларга ҳақ йўлни кўрсатувчи, гўзаллик ва муҳаббатга чорловчи мафкура сифатида қаради, тушунди, изоҳлади ва унга амал қилди»<sup>2</sup>.

Маълумки, Шарқ мумтоз адабиётида девон тартиб беришнинг икки хил (қасида билан бошлиш; кичик лирик асарларни алифбога асосланган маҳсус тартибда жойлаштириш) анъанаси мавжуд эди. Ҳазрат Жомий эса ана ўша анъанавий йўлни давом эттирган.

Масалага ойдинлик киритиш мақсадида Алишер Навоийнинг «Хамсат ул-мутаҳайирин»да ҳар бир девонни маҳсус номлар билан аташ ғоясини ҳазрат Жомийга ишора этгани ва улуғ муршид буни қимматли маслаҳат сифатида қадрлаб, ундан амалий фойдаланганлигини алоҳида таъкидлаш жоиздир: «... Сиз дағи бу девонларга муносиб отлар қўйсангиз деб эдим. Алар қабул қилдилар, икки кундан сўнгра яна алар хизматиға еттим: жувз қўюнларидан чиқариб фақирға бердилар; девонлар учун феҳрист (режа, мундарижа-Н.Б.) битиб эрдилар ва ҳар бирин мавсум бир қисмға қилиб эрдилар ва бу ишға фақир боис бўлғонимни дағи зоҳир қилиб эрдилар ва ҳоло куллиётларида давовин ибтидосида битирлар ваул феҳристда ҳамд ванаътдин сўнгра мундоқадо қилибдурларким: «... давовини мутафарриқа (тарқоқ-Н.Б.) аз қасоид ва ғазалиёт жамъ омада буд ва дар ин вало аз таърихи ҳижрати набавия то такмили миата тосиа се сол пеш (ҳ. 897-м. 1491.-Н.Б.) боқи намондааст, муҳиб ва мўътақиди дарвешон, балки маҳбуб ва мўътақиди эшон Низомул-миллати ваддин Амир Алишер ҳиммати шариф бар он овардааст, ки давовини қасоид ва ғазалиётро ки адади он ба се расидааст»<sup>3</sup>4. Юқоридаги фикрлардан маълум бўладики, Алишер Навоийнинг таклифидан сўнг ҳазрат Жомий камтарлик билан таъкидлаган «мутафарриқа давовин»ига муқаддима битилган ва муайян бир тизимга солинган. Бу воқеа юқоридаги маълумотга кўра, 1491 йил (Жомийнинг айтишича, ҳижрий (йил ҳисобида) тўққиз юзга тўлишига уч ийлдан ортиқ қолмаган)да содир бўлган. Алишер Навоийнинг ilk девони эса 1478-1479 йилларда тартиб берилган<sup>4</sup>.

Мутакаллим даҳоларнинг ижодий тажрибаларида муштараклиқ, ҳамкорлик, ҳаммаслаклик таъсиrlари Алишер Навоий девонларида ҳам яққол кўзга ташланади.

Агар девонни ҳамд ғазал билан бошлиш Шарқ мумтоз адабиётида муайян қоидага кирган анъана бўлганда, Алишер Навоий «Бадоеъ ул-бидоя» дебочасида уни фақат ўзининг тўпламига хос хусусиятлар қаторида санамаган бўлар эди. «Хамсат ул-мутаҳайирин»даги маълумотларга кўра, Абдураҳмон Жомий бу ҳақда «куллиёти»нинг феҳристида ёзади.

Аммо бошқа бир ҳақиқатни ҳам эсдан чиқармаслик лозим. XV аср Шарқ имкониятлари доирасида масалага баҳо берадиган бўлсак, Алишер Навоий нечоғлик буюқ бўлмасин, катта минатақадаги барча адабий ҳодисалардан тўла хабардор бўлиши қийин эди. Шу маънода, улуғ шоир қайдларини нисбий ҳодиса сифатида қарашиб ва баҳолаш панд бермайди.

Алишер Навоий ўз девонидаги ўрнига кўра биринчи ғазалнинг мажмуадаги бошқа ғазаллардан айрича, ўзига хос услугда яратилганлигига алоҳида урғу беради ва буни ҳам ижодиётiga хос хусусият сифатида эътироф этади. Кузатишларимиз шуни кўрсатдики, Абдураҳмон Жомий девонидаги биринчи ғазал ҳам Мир Алишернинг «Ашрақат мин акси

<sup>1</sup> Шайхзода М. Асарлар. 6 томлик. IV том. -Тошкент: Адабиёт ва санъат, 1972, 118-бет.

<sup>2</sup> Ҳайитметов А. Исломий эътиқод ва буюқ ижод маҳсули || Имом ал-Бухорий, 2001, 1-сон, 41-43-бетлар.

<sup>3</sup> Навоий Алишер. Муқаммал асарлар тўплами. 20 томлик. 15-том. Хамсат ул-мутаҳайирин. -Тошкент: Фан, 1999, 68-69-бетлар.

<sup>4</sup> А.Абдуғафуров. «Ҳазойин ул-маоний» жумбоқлари (4-мақола)|| Ўзбек тили ва адабиёти. 1998, 6-сон, 7-бет.

шамсил-каъси анвор ул худо» мисраси билан бошланадиган ғазали каби Ҳақ санъатининг васфи талқинига бағишлилангандир. Шунингдек улуғ муршиднинг кейинги икки ғазали ҳамда девони таркибидаги ҳар ҳарф турқумининг баъзи шеърлари ҳам Ҳақ сифатлари улуғланган ҳамд мавқеидаги ғазаллар ҳисобланади.

Ҳар бир ижодкор ўзича кенг бир дунё. Аммо Алишер Навоийнинг бадиий ижод олдига қўйиган талаби беҳад кўп миқёсли эди.

Шоир «Бадоеъ ул-бидоя» дебочасида бу хусусда муфассал тўхталади. Улуғ сўз санъаткори шеър сехри воситасида турли дунёқарашдаги, ҳар хил тоифадаги жамият аъзоларини ягона мақсад, холис муддао билан яшашга даъват этади. Бундай хulosага келишимизнинг муҳим асослари бор. Шуниси қизиқки, зикри ўтган девон дебочасини синчиклаб ўқиганда қўйидаги фикр диққатимизни тортиди: «Ҳар ҳарф ғазалиётининг аввал битиган ғазал била ўзга ғазаллар орасида услугуб хайсиятидан тафовут риоят қилмайдурурлар»<sup>16</sup>.

Шоир бу таъкид орқали («аввал битилган ғазал») девонлардаги ўрнига кўра биринчи жойлаштирилган ғазалларга ишора қилмоқда.

«ўаройиб ус-сиғар»даги 1-ғазалда Ҳақ Яратган энг мукаммал мўъжиза Ко м и л и н с о н улуғланади. «Наводир уш-шабоб»нинг дастлабки ғазалида эса Ҳақ яратган мавжудотлардан Инсонни алоҳида ажратиб турувчи ва унинг моҳиятини белгиловчи и ш қ таърифланади. Чунки Инсон Ҳақни таниш, англаш масъулиятини бўйнига олган. Мазкур ғазал худди шуғоя талқинига бағишлиланган:

*Чу жилва айлади ул ҳусн истабон ошиқ,  
Салойи ишқин этиб оғариниши чира нидо.  
Пари қабул эта олмай ани, магарки мен,  
қилиб отимни залуму жаҳул бирла адo<sup>2</sup>.*

Ишқнинг инсон тақдиридаги ўрни, унинг «тарихи» эса Куръони Каримнинг “Аҳзоб” сураси 72-оятида берилган:

«Биз бу омонатни осмонларга, ерга ва тоғу тошларга қўндаланг қилган эдик, улар уни кўтаришдан бош тортдилар ва ундан қўрқдилар. Инсон эса уни ўз зиммасига олди. Дарҳақиқат, у (ўзига зулм қилгувчи ва нодон эди), яъни бу омонатнинг нақадар вазмин юқ эканлигини бутун коинот билди ва уни кўтаришга қурби етмаслигини сезди, аммо инсон ўзи билмаган ҳолда ўша мушкул вазифасини ўз зиммасига олди»<sup>3</sup>.

Бу «омонат юки»ни бўйнига олганида Инсон «залуму жаҳул» эди. Чунки, ишқ йўли руҳий-маънавий риёзатdir.

Улуғ шоир мазкур ояти каримадан атиги икки сўзнигина олиш орқали Инсон ва уни мумтоз этган ишқ туйғусининг илоҳий тарихига ишора қилган. Яна бир жиҳати шундаки, бу восита ила қуръоний ғоялар ҳам тарғиб этилмоқда.

Илоҳий-ирфоний қарашларга кўра, одамни яратишдан мақсад кўнгилнинг қудратини намойиш этиш эди. «Бадоеъ ул-васат»нинг 1-ғазалида Ҳақ ўзини пинҳон этган, икки дунё саодати мужассам, Ҳақ илми ва ишқининг хазинаси – Кўнгил қудрати улуғланган:

*Зоҳид, кўнгулнинг хилватин матлуб ғайридин орит,  
Сен сайр қилсанг қил, керак кўнглунгга бўлса инзиво.*

<sup>1</sup> Навоий Алишер. Мукаммал асарлар тўплами. 20 томлик. 1-том. Бадоеъ ул-бидоя. -Тошкент: Фан, 1987, 21-бет.

<sup>2</sup> Навоий Алишер. Мукаммал асарлар тўплами. 20 томлик. 4-том. Наводир уш -шабоб. Тошкент: Фан, 1989, 7-бет.

<sup>3</sup> Куръони Карим . -Тошкент: Чўлпон, 1992, 427-бет.

*Десанг Навоий жон аро маҳбуб бўлғай жилвагар,  
Аевал қўнгил қўзгусидин маҳв айла нақши мосиво<sup>1</sup>.*

Шоирнинг фикрича, қўнгил қўзгусида хусни мутлақ жилвасини кўрмоқчи бўлсанг, уни дунё ғамидан озод қил, яъни қўнгил тоза бўлмаса, Ҳақ акси намоён бўлмайди. Ҳамд ғазалларнинг мундарижаси юксак илоҳий-ирфоний қарашлар асосида яратилган ва тартиб берилган. Ҳар икки девон бошида келган ғазаллардаги «фикр» (ишқ ва қўнгил) нинг мантиқий давомини «Фавойид ул-кибар»нинг 1-ғазалида ўқиймиз. Чунки ишқ қўнгилга раҳнамо бўлгач, у ғайбий олам асроридан нақш олади.

*Ишқингда бир девоналиғ, шавқингда бир фарзоналиғ,  
Ағёрдин бегоналиғ айлаб ўзунгга ошно..  
Бордур Навоий бекасе, ишқ ичра андоқум хасе,  
Чун ўртадинг они басе, дўзахда куйдурма яно<sup>2</sup>.*

Кўнгил қўзгусида Вужуди Мутлақнинг аксини кўрган ошиқ Ишқ ўтида ўртаниб, Унинг васлига талпинади ва бу дунёда ўзини бекасу бенаво ҳис қиласди. Бу-илоҳий ишқ белгиси. Ҳақ ишқида ёниш эса Комил инсон қисматидир. Шоир шунинг учун «Хазойин ул-маоний»нинг туғроси- 1-ғазалда Комил инсонни мадҳ этиб, қолган уч девоннинг ўрнига кўра 1-ғазалларини инсонни мумтоз этган тушунчалар – ишқ, қўнгил ва илоҳий ишққа мубтало –жунун ҳолатидаги ошиқ таърифу талқинига бағишиланган.

Адабиётшунос олим Алибек Рустамов «Фаройиб ус-сиғар»нинг 1-ғазалини «Алишер Навоий ижодининг дастури» дейди<sup>3</sup>.

Шоир таъбирига кўра ҳам, бу ғазал «услуб хайсияти»ни англамасдан туриб, девондаги бошқа ғазалларнинг ғоялар оламини тушуниш беҳад мушкулдир. Масалага ойдинлик киритиш мақсадида ушбу ғазалга мурожаат этишни лозим топдик. Аслида девондаги «аввалги ғазал» (шоир таъкидига кўра) Аллоҳга ҳамд билан бошланиши лозим. Бироқ девонларнинг мажмуасидаги ўрнига биноан биринчи ғазал комил инсон мадҳига бағишиланган.

Зеҳнидаги қуръоний маъною мақсад ва ғоялар тўлалиги боис, Мир Алишер бутун умрини, ижодини «рисолат дурининг маҳзани», «гулшани ишқ», «жаҳони суғро, хужаста тугро», «хок-нури пок», «боғи ризвон гули», «маҳзани ирфон»–«барчадин ашраф инсон» нинг «шариф ул-кавнайн» эканлигини энг кичик асардан-фарддан достонгача исботлашга, мадҳ этишга бағишилади.

Шунинг учун улуғ шоир девонни Ҳақнинг сифатлари ҳамди билан эмас, балки Ҳақ санъатининг энг юксак намунаси васфи билан бошлаб, инсони комилнинг асл тимсоли Муҳаммад пайғамбарга бағишиланган наът-ғазал билан тугатади.

*Сенинг мадойиҳи наътингда, ё Расулуллоҳ,  
Тамом бўлди Навоий такаллуми поки.  
Бу тўрт дафтарида ҳамду наът аро ҳалали,  
Гар этмиш ўлса аён табъу килки бебоки<sup>4</sup>.*

<sup>1</sup> Навоий Алишер. Муқаммал асарлар тўплами. 20 томлик. 5-том. Бадоев ул-васат. -Тошкент: Фан, 1990, 7-бет.

<sup>2</sup> Навоий Алишер. Муқаммал асарлар тўплами. 20 томлик. 6-том. Фавойидул-кибар. Тошкент: Фан, 1990, 7-бет.

<sup>3</sup> Рустамов А. Шоирнинг биринчи ғазали || Шарқ ўлдузи, 1987, 3-сон, 175-бет.

<sup>4</sup> Навоий Алишер. Муқаммал асарлар тўплами. 20 томлик. 6-том. Фавойид ул-кибар. -Тошкент: Фан, 1990, 438-бет.

Ирфон, ишқ, кўнгил каби инсонни мумтоз этган тушунчаларнинг асл моҳиятини ҳаётий тажрибалар орқали чуқур англаб ўтган ҳассос шоир кўр-кўронга тоат-ибодатни қоралайди ва «Кунту канзан» нинг сиру синоатини билиш учун аввало Унинг мазҳариятига дахлдор ягона марказ (Инсон)ни ўрганиш, тадқиқ этиш, мўъжизавий мукаммал санъат намунаси эканлигини англаш натижасидагина Ҳаққа сидқидил ҳамд айтиш муддаоси билан ижод қиласди.

Маълумки, улуғ шоирнинг ҳар бир ғазали ўз мазмун силсиласига, тизимига эга. Унинг ҳар бир ғазали инсон руҳиятининг муайян бир ҳолати тавсифига бағишиланади.

«Хазойин ул-маоний» туғросининг ҳар бир байтида эса камолотга етишнинг етти руҳий-маънавий риёзат мақомоти ва унинг амалий-назарий босқичи, солик қалб ҳолининг ҳар мақомда ўзгариб, Ҳаққа тобора яқинлашиб бориши руҳий тараққиётнинг натижаси эканлигига ишора қилинади.

Инсон ўзининг илоҳиёт мазҳари эканлигини Ишқ ва Кўнгил орқали англайди. Девондаги ғазалда тасаввуф таълимотининг марказий масаласи-камолотга етишнинг шартлари (ошиқ қалби ва руҳини етти даражада камолга эриштириш) кучли рамзият тизими асосида талқин этилган. Шунинг учун ҳар бир байтда жому май сўзи такрорланади.

*Ашрақат мин акси шамсил каъси анвор-ул ҳудо  
«Ёр аксин майда кўр» деб, жомдин чиқди садо<sup>1</sup>.*

«Май косасининг қуёши аксидан ҳақиқат йўлининг нурлари порлади». Май косаси-ишқу муҳаббат туфайли яратилган бутун борлиқ қуёш-Оллоҳ, акси-тажаллий тимсоли. Тасаввуфий адабиётларда ёзилишича, инсон яратилгунга қадар жамики борлиқ руҳсиз қоронғулик шаклида бўлган, уни жилолантириш учун Инсон яратилган. Шоир «ҳақиқат йўлининг нурлари порлади» дейиш орқали Оллоҳ Комил инсон воситасида тажаллий айлашига ва иккинчи мисрада моддий оламнинг жавҳари-кўнгил илоҳий исмлар мазҳари маркази эканлигига ишора қилган. Ҳазрат Жомийда бу улуғ муддао қуйидагича талқин этилган:

*Шуд дар қадаҳи саҳбо аксе зи рухат пайдо.  
қад ашрақат ад-дунё мин каъси муҳайёно<sup>2</sup>.*

«Саҳбо»да (қизил майда) юзинг акси пайдо, Дунё бизнинг қадаҳимиздан ёриди». Яъни, бунинг ботиний маъноси қуйидагича: Саҳбо қадаҳи-бутун борлиқ ва яратилмишлар мазҳари. Дунё, яъни ишқ маҳсули олам сиру синоати фақат Инсон кўнглида юз очади ва бутун борлиққа жило беради.

Мазкур ғазалда сайриллоҳ (Оллоҳ томонга сайр) қалб мақоми ва унинг даражалари тадрижий тараққиёти солик маънавий-руҳий камолотининг бирламчи шарти сифатида тасвирланган. ўзазалда ана шу даражаларга ишоралар бор. «Ёр аксин майда кўр» деб, жомдин чиқди садо. Бу талаб мақоми ва ишққа эҳтиёж сезган кўнгилнинг САДР даражасидаги ҳоли. Кўнгил ишқ орқалигина юксак даражотларга эришади ва ишқ қалити воситасида кўнгил тилсими сирлари очилади. Чунки кенгил «маърифат дунёсининг сайёхи», ҳақ назаргоҳи, унинг илми ва ишқининг хазинасидир.

<sup>1</sup> Навоий Алишер. Мукаммал асарлар тўплами. 20 томлик. З-том. Хазойин ул-маоний. /аройиб-ус-сигар.-Тошкент: Фан, 1988, 25-бет.

<sup>2</sup> Жомий А. Осор. Дар 8 жилд. Жилди I. - Душанбе: Адиб, 1986, 99-саҳ.

ўайр нақшидин қўнгил жомида белса занги ғам,  
Йўқдур, эй соқий, майи ваҳдат масаллик ғамзудо.

«ўайр нақши» (дунё ғами, нафсий эҳтиёжлар) кўнгил жомини занглатади, ғамхонага айлантиради. Илоҳий ишққа мубтало кишининг кўзига дунё талаблари фоний, қадр-қимматсиз бўлиб кўринади. Камолот сари қадам эса комилларга эргашиш ва уларни севишдан бошланади. Ишқ мақомининг биринчи шарти ҳам дўстлик. Байтда соқий (ориф, пири муғон) га мурожаатдан мурод Оллоҳ дўстларига яқинлашишдир. Пири муғон ошиқнинг маънавий покланишга белган ишончи (ишқ)ни янада тезлаштиради. Чунки орифнинг мақсади фақат Ҳаққа йўналгандир, у илму илоҳийда барчадан билимдон. Ошиқ ваҳдат майнинг «ғамзудо»лигига ҳавас қиласпти. Ҳавас эса ҳақиқий ишқнинг биринчи босқичи. Илоҳий ишқ эҳтиёжигина ошиқни иккилиқ ўртадан қўтарилиган бирлик, яъни «ғамзудо» (ғамдан пок қилгувчи, қайғуни кетказувчи) ваҳдат мақомига эриштиради. «ўайр нақши» дан нафсни тийиш, қаноат, муҳаббат каби туйғулар кўнгилнинг қа л б даражаси ҳоли ва Ишқ мақоми сифатларидандир.

Эй хуш ул майким, анга зарф елса бир синғон сафол,  
Жом ўлур гетийнамо, Жамшид ани ичкан гадо.

«Синган сафол» га ваҳдат майи мұяссар бўлса, у Жамшиднинг сеҳрли жоми сингари «гетийнамо» (жаҳоннамо)га айланади ва уни ичган гадо ўзини Жамшиддек ҳис қиласди. Жамшид Эроннинг энг улуғ мартабали ва олий даражада айш-ишрат қилган афсонавий подшоҳларидан бири. У икки жом кашф этиб қолдирган. ўшалардан бири-Жоми Жам ва иккинчиси – Жоми гетийнамо. Жамшиднинг ўша сеҳрли жомидаги май ичган билан тугамаган (Жоми Жам) ва дунёда содир белаётган барча воқеа-ҳодисаларни иккинчисидан (Жоми гетийнамо) кузатиш мумкин белган. Шоир ўз муддаосини талмех санъати орқали моҳирлик билан юзага чиқаришга мұяссар бўлган.

«Синган сафол»-бойлик ҳирсидан юз ўгириб, ишқ дардида пора-пора бўлган кўнгилнинг шиғори даражаси ҳоли ва Маърифат босқичидир.

Ишқ-камолот калити. Ҳатто гадо кўнглига илоҳий ишқдан файз етса, у ўзини шоҳдек ҳис қиласди, салтанат шоҳларига бўйин эгмайди. Аксинча дунё ғамидан озод эранларга шоҳлар эҳтиёж сезганлар. Ҳикмат, маърифат сирларидан огоҳ кўнгил-шоҳдир. Чунки энди Маъшуқи азал-Кўнгил ҳокими.

Жому май гар буйладир, ул жом учун қилмоқ бўлур  
Юз жаҳон ҳар дам нисор, ул май учун минг жон фидо.

Жому май шундай қудратга эга бўлса, у зарф учун (Жоми Жам учун) юз жаҳонни нисор, ўшандай кўнгил учун эса минг жонни фидо қилсанг арзиди. Ҳақ ҳикматидан баҳраманд кўнгилга юз жаҳонни нисор этишдан мурод комил инсоннинг бекиёс қадр-қиммати ва камёблигига ишорадир. қисқаси, ишқ ва кўнгилнинг ҳақиқий қудрати намоён белгач, маърифат сирлари очилади. Бу эса қалбнинг фуод даражаси ҳоли, Истиғно мақомининг белгиларидир.

Дайр аро ҳуш аҳли расво бўлғали, эй муғбача,  
Жоми май тутсанг, мени девонадин қил ибтидо.

«Дайр» сўзи майхона маъносида ишлатилган. Ҳуш аҳли –ишқ майдан бехабарлар. Ишқдан бехабарлар ҳамиша ҳақиқий ошиқларни ақлдан озган деб, девоналиқда айблайдилар. Ақлу ҳушдан бегона бўлмасдан ваҳдат майининг сирини англаб бўлмайди. Мазкур ғазал юқорида таъкидлаганимиздек, шоир ижодининг дастури бўлгани учун мавзулар, ғоялар кўлами жиҳатидан кенгdir. Ҳазрат Навоий ижодининг маълум қисмини маломатийлик ғоялари ташкил этади. Байтда шунга ҳам ишора бор. «Девона»–ишқ бехушлиги, кўнгилнинг ғайбий ҳақиқатлари сиридан огоҳлик, сезирликнинг олий мартабаси. Фақат огоҳ кўнгилгина Ҳақ тажаллий-гоҳига айланади. Илоҳий ишқ Руҳнинг ақл ва вужуд устидан чинакам ғолиблигидир.

Шоир сўзларнинг ҳам ҳақиқий, ҳам мажозий маъносидан маҳорат билан фойдаланган. «Дайр»нинг ҳақиқий маъноси ғайри-исломий, оташпаратларнинг ибодатхонаси. Ишқ-инсонни нафсий сифатлардан покловчи олов. Ишқ ўтида ёнган ошиқ дунёвий ҳою ҳаваслардан бутунлай қутулади. Ишқ ўти кўнгилни ўткинчи ўю ташвишлардан мосиво айлади. Шунинг учун ошиқ (мисли ўтсевар Самандар) ишқ ўтидан бошқа ўтга сифинмайди. Бу ўтда куйган ошиқ ҳақиқий ишқ мақомига эришади. Юқоридаги байтда ишқ ўти ўзлиқдан кечиш, руҳий-маънавий покланиш асоси сифатида (оташпаратлиқ олов қандай улуғланса) таъкидланмоқда. ўзлиқдан кечмай, Ҳақ васлига етиб белмайди. Шоир «дайр» (майхона) ва «муғбача» (май қуювчи бола) каби оташпаратлиқ эътиқоди билан боғлиқ сез маъноларининг нозик қирраларидан маҳорат билан фойдаланади. Ишқ ўтида поклангач, кўнгил ғайб илми хазинасига айланади. Бу Тавҳид мақоми ва қалбнинг илми ладунийга етишиш, асл моҳият марказига яқинлашиш-**сувайдо** даражаси сифатларидир.

*Токи ул майдин кўнгул жомида бўлғач жилвагар  
Чеҳрайи мақсуд, маҳв ўлғай ҳамул дам моадо.*

Илоҳий ишқнинг кўнгилни тамоман фатҳ (забт) этиши «моадо»-ўзга нарсалар, ўткинчи майда-чуйда эҳтиёжларнинг маҳв бўлиши билан якунланади. Руҳий-маънавий сатҳи бекиёс кенг кўнгилда олам ва одамни бирлаштириб турувчи илоҳий мўъжизаларнинг туб моҳияти – «чеҳрайи мақсад» жилваланади.

Бу қалбнинг илоҳий нурлар тажаллий айлайдиган жойи (даражаси) – мұхжат үл-қалб ва Ҳайрат мақоми сифатларидир.

*Ваҳдате бўлғай мұяссар май била жом ичраким,  
Жому май лағзин деган бир исм ила қилғай адo.*

Ваҳдат-бирлик, ягоналик. Жом май билан лиммо-лим тўлгач, май идишнинг муайян шаклини олади, натижада бирлик ҳосил бўлади. Бу Вужуди мутлақ билан бирлашиш, илоҳий руҳга қешилиб кетиш – Фаруғ ано мақоми. Ишқ кўнгилни ҳақиқат нурлари мазҳариятига айлантиради. Инсон ўзининг илоҳий руҳдан иборат эканлигини фаттоҳ ишқ орқали англаб етади. Бу аслиятни, ўзлиқни англаш, тавҳид нурининг манбай кўнгилнинг лубб мартабасидир.

*Сен гумон қилғандин ўзга жому май мавжуд эрур  
Билмайин нафи этма бу майхона аҳлин, зоҳидо!*

Мазкур байт орқали шоир ишқнинг моҳияти, ҳақиқати ва қудратини кенг миқёсда исботлашгаэришган тасаввуф таълимотининг тарбиявий аҳамиятига, маҳдуд қарашлардан холи эканлигига ишора қилган.

Ишқ калимаси Куръони Каримда учрамаслиги учун зоҳидлар бу сўзни қўлламаган. Бу тушунчани ёқлаган зотлар эса доимий равишда қаршиликка дуч келишган. Илоҳий ишқ ошиқни маълум дин ва диний мушоҳадалардан беҳад баланд кўтаради. Динлар, мазҳаблар, тариқатлар-Оллоҳга элтадиган йўллар. Оллоҳга элтувчи йўллар Нажмиддин Кубро таъбири билан айтганда, яратиқларнинг нафаслари ҳисобичадир. Манзил, моҳият эса битта. Шунинг учун шоир моҳият қаршисида уларнинг барчаси бир хиллигини эътироф этади. «Эй зоҳид, сен фақат тоат-ибодат билан жаннатга етмоқчи бўласан ва Оллоҳга етишнинг ўзга йўлларини инкор этасан», -дейди шоир. Тасаввуфни тор маънода тушуниш, қолипга солиш ўзни кулги қилишдир, -дейди Амир Хусрав Дехлавий:

*Дар тасаввуф расм жустан ханда кардан бар худ аст,  
Дар таяммум масҳ кардан хок кардан бар сар аст<sup>15</sup>.*

Ҳазрат Навоий матлаъда бошланган фикрни шундай хулосалайди:

*Ташналаб ўлма Навоий, чун азал соқийсидин  
«Ишрабу йо айюҳал-атшон» келур ҳар дам нидо.*

«Азал соқийси»-Оллоҳ. «Ишрабу йо айюҳал-атшон»-«ичингиз, эй ташналар». Инсонни яратишдан мақсад Кўнгилнинг қудратини кўрсатиш эди. Май (ишқ)-илоҳий тажаллий, Кўнгил ташналигини қондириб, илоҳий моҳиятга элтувчи восита. Куръони Каримнинг «Аҳзоб» сураси 72-оятида шундай дейилади: «Биз бу омонатни осмонларга, ерга ва тоғу тошларга кўндаланг қилган эдик, улар уни кўтаришдан бош тортдилар ва ундан қўрқдилар. Инсон эса уни ўз зиммасига олди. Дарҳақиқат, у (ўзига зулм қилгувчи ва нодон эди), яъни бу омонатнинг нақадар вазмин юқ эканлигини бутун коинот билди ва уни кўтаришга қурби етмаслигини сезди, аммо инсон ўзи билмаган ҳолда ўша мушқул вазифасини ўз зиммасига олди»<sup>16</sup>. Орифлар «омонат» сўзини «ишқ» деб шарҳлаганлар. Ишқ эса фақат инсонга хос бўлиб, бошқа мавжудотлар ундан бебаҳрадир.

Инсон жамики мавжудотнинг сирини билишга ташна. Маърифатга шайдо инсоннинг азалий ва абадий Ваҳдатга ташналигини ишқ қондиради. Инсонни нодонлик, гумроҳликдан кутқариб, илоҳий зотнинг бир бўлаги эканлигини англатиб, бақо оламига олиб боради.

Шунинг учун ҳар дам «азал соқийси»дан нидо келур: «Эй ташналар, ишқ майдан қониб ичингиз». Бу нидо эса инсонга Кўнгил орқали огоҳ бўлади. Матлада «жом садо»си билан бошланган фикрни шоир мақтада «азал соқий»си «нидо»си билан якунлайди. Бу инсоннинг Илоҳга ва Илоҳнинг «ҳар дам» инсонга (ҳадис: «Агар Менга томон бир қадам қўйсанг, Мен юз қадам яқин бораман») интилишига ишорадир.

Мазкур ғазал кўнгилнинг Ишқ билан ўтказган сирли ҳоллари, олами ғайб сари парвози ва Ваҳдат мақомига эришиши-Комилликка етишнинг тадрижий тараққиёти талқинига бағишлиланган. Комиллик тариқининг асоси эса Ер юзида муросаю мадора орқали тинч, осуда ҳаёт завқини суришни тарғиб қилишдир. Улуғ шоир эса бутун умри ва ижодини худди шу буюк мақсад талқину тарғибига бағишлилади. Бу фикрни шоирнинг ҳаётий фаолияти-сарой ва халқ ўртасида илиқ муҳит ўрнатиши, ота-ўғил ўртасида (Султон Ҳусайн Бойқаро ва унинг тожпараст ўғиллари) тожу тахт низоларини, мамлакат ичкари ва ташқарисидаги турли нотинч, таҳликали вазиятларни ўзаро келишув, сулҳ орқали ҳал этиши, илму ирфон аҳлига раҳнамолиги тасдиқлади.

<sup>1</sup> Дехлави Амир Хусрав. Осори мунтахаб. Дар чаҳор жилд. Жилди чаҳорум. -Душанбе: Ирфон, 1975, 812-саҳ.

<sup>2</sup> Куръони Карим. -Тошкент: Чўлпон, 1992, 297 -бет

Шунинг учун ҳазрат Жомий Мир Алишернинг ижтимоий-сиёсий ҳаётдаги нуфузини: «Мұхіб ва мұтақиди дарвешон, балки маҳбуб ва мұйтакиди эшон Низом ул-миллати ваддин-Амир Алишер» («дарвешлар дүсти ва мұхлиси, балки улар дүст тутган ва ихлос қўйган миллат ва дин қоидаларининг билимдони-Амир Алишер»), -дея фахр билан эътироф этган<sup>1</sup>17.

Улуғ Навоий ўз даврининг ижтимоий-сиёсий муаммоларига бефарқ қараб туролмасди. қолаверса, у айни турли мазҳаблар, шариат ва тариқат аҳли ўртасида низою келишмовчиликлар тез-тез содир бўлиб турган даврдаяшиб жодқилди. Шоиртасаввуфнинг турли оқимлари, тариқат намояндаларини сўз иқлимида соҳибқирон бўлишга ва шариат аҳлини эса қуруқ, сохта тоат-ибодатдан, зоҳирбинликдан, калтабинликдан қайтаришга интилган, тариқат шариатнинг юқори босқичи, уларни айрим-айрим тушуниш эса жамият ҳаёти учун хавфли эканлигини қайта-қайта уқтирган. Чунки «Ҳақ ва инсон» муносабатлари шариат ва тариқатда турлича талқин этилган. Шоир бу низоларнинг асосий сабабини моҳиятни тушунмаслиқда, маърифий савиянинг пастлигига деб билади.

Алишер Навоий девонида ҳамд, наът ва мавъиза йўналишидаги маърифий-бадиий ғазаллардан кейин бадиий-маърифий ғазаллар жойлаштирилган. Адабиётшунос олим Иброҳим Ҳаққул таъкидлаганидек: «Алишер Навоий ўзбек адабиётининг қайси жойида бўшлиқ ёки етишмовчилик сезган бўлса, ижод тажрибаси билан ўша бўшлиқни тўлдириб, камчиликларга чек қўйган»<sup>2</sup>18 .

Шоирнинг Шарқ мумтоз адабиётида ҳамд шеърлар такомили ва тараққиётидаги хизматлари (жумладан, ҳамд ғазаллари ҳам) шутомондан таҳсинга лойиқ Мураккаб рамзий тизимлар орқали ифодаланган ғазаллар ботиний моҳиятини кўпчилик тушунмаган. Ёки аксинча, юзаки тушуниш оқибатида турли ихтилофларга сабаб бўлган.

Ҳамд ғазаллар эса мураккаб рамзий тизимда ёзилган ғазаллар учун маънавий-рухий пойдевор вазифасини ўтайди. Шунинг учун Алишер Навоий санъатнинг моҳиятини халқа хизмат қилишида деб билган ва амалий фаолиятини ҳам шу асосда ўтаган. Элга нафи тегмаган бадиий ижоднинг ҳеч қандай қиммати йўқлиги ҳақида шоир «Лисон ут-тайр» нинг хотимасида шундай ёзади:

*Қуш тили бирла тақаллум қилмоғи,  
Ортуғ Осафдин, Сулаймондин доғи.  
Ким алар гар англадилар бу мақол,  
Лекин элга қилмади нафъ интиқол<sup>3</sup>.*

Шариат ва тариқатнинг комил жамият қуриш ҳамда комил инсон тарбияси учун бирбирини тақозо этадиган тадрижий, узвий, узлуксиз босқичли мантиқий жараёндан иборат эканлигини асослаб бориш, улуғ шоир ҳамд ғазалларини бирлаштириб турувчи умумий ғоядир.

11 байтдан иборат ҳазажи мусаммани солим вазнида ёзилган “Фаройиб ус-сифар”нинг 2-ғазалида эса Илоҳий ҳусн барча мавжудот ва ҳодисотнинг асоси-мабдаи сифатида таърифланади. Буни тўғри талқин этиш учун ҳар бир байтдаги баъзи сўзларни изоҳлашга тўғри келади.

<sup>1</sup> Навоий Алишер. Муқаммал асарлар тўплами. 20 томлик. 15-том. Хамсат ул-мутаҳайирин. -Тошкент: Фан, 1999, 69-бет.

<sup>2</sup> Ҳаққулов И. Тасаввуф ва шеърият. -Тошкент: Адабиёт ва санъат нашриёти, 1991, 132-бет.

<sup>3</sup> Навоий Алишер. Лисон ут-тайр. -Тошкент: Адабиёт ва санъат, 1991, 244-бет.

Зиҳи ҳуснунг зуҳуридин тушуб ҳар кимга бир савдо,  
Бу савдолар била тавнайн бозорида юз ғавғо<sup>1</sup>.

Зуҳур-тажаллий. Бутун коинот ва ундаги гўзалликларнинг барчаси Ҳаққи мутлақ сифатларининг тажаллисиdir. Савдо тушмоқ-Ҳақ ҳуснига мафтун бўлиб, унга эришиш йўлларини изламоқ. Кавнайн бозори-ҳаёт йўли, ҳаёт тарзи. Байтнинг зоҳирий маъноси: Ҳуснунгнинг ошкор бўлиши ҳар бир бошга бир хаёлни-савдони солди. Бу фикру ўйловлар туфайли икки олам бозорида ғала-ғовурлар бўлди.

Мазкур ғазал ҳамд мазмунига эга бўлганлиги учун унда Оллоҳнинг сифат қудрати рамзий маънолар орқали ифодаланган. Ғазалнинг биринчи байтида Ҳақ гўзаллигию қудратининг намоён бўлиши ва инсон онгини қамраб олиши, унинг Ҳаққа иштиёқи ҳақида сўз боради. Чунки Аллоҳ ўзининг исм ва сифатлари билан барча ашёларда тажаллий айлади.

Вужуди мутлақ ошиқларга бир кўриниш, жилва қилиш учун оламдаги барча гўзал нарсаларни яратди. Яралмиш нарсаларнинг вужудга келиши унинг ҳусни боисдир. Ҳақ ошиқлари, илоҳий ишқ савдосига йўлиққанлар Унга етишиш жараёнида “юз ғавғо” (ғавғо-Ҳаққа етиш йўлидаги руҳий-маънавий риёзатлар)ни бошдан кечирадилар. “Ғавғо” сўзини икки хил маънода талқин қилиш мумкин. Ҳаққа етиш йўлини ҳар ким ҳар хил англайди, чунки Ҳаққа элтувчи воситалар жуда кўп. Ҳодисалар остидаги моҳият эса битта. Аммо моҳият (яралмиш нарсаларда Ҳақ жамоли акси) ҳар бир кишининг руҳий-ахлоқий камолотига қараб у ёки бу даражада мушоҳада-мукошафа этилади.

Бу байтда таносуб санъати асосида (“кавнайн бозори”, “савдо”, “ғавғо”) худди шу мантиқ ифодаланган. Аллоҳ дийдорини кўриш, ундан баҳра олиш кайфияти ҳар бир кишининг даражада мартабаси, ишқу садоқатига боғлиқ.

*Сени топмоқ басе мушкулдуур, топмаслиғ осонким,  
Эрур пайдолиғинг пинҳон, vale пинҳонлиғинг пайдо.*

Байтнинг зоҳирий, ошиқона шарҳи: Сени топиш шунчалик қийин, чунки яшириндирсан, топмаслик эса осондир. Сенинг ошкорлигинг яшириндир, яширинлигинг эса аёндир.

Исломий ақидаги кўра, Аллоҳнинг тавҳиди, Унинг зот ва сифатларини ҳар қандай буюк ақл, комил инсон ҳам билишдан ожиз. Кўп ўқиб ҳам, фикру хаёл қилиб ҳам Аллоҳ зоти ва сифатининг тубига етиб бўлмайди. Шунинг учун уни “топмоқ басе мушкулдуур”. Илоҳий ишқдан бебаҳра кишилар дунё ва ундаги ҳодисаларни тасодиф оқибати, деб биладилар. Ҳақ жамоли мушоҳадасига шўнғиган ориф кўзига эса ҳамма нарса ажойиб ҳусн мазҳари ва Ҳаққи мутлақ қонунияти сифатида жилваланади. Вужуди мутлақнинг “пинҳонлиғ” сири ориф наздидагина ошкор (пайдо) бўлади. У жилва қилган ҳар бир зоҳирий нарса ботини илоҳий маърифатга дахлдор ва муқаддас эканлигини, теварак-атрофдаги жамики нарсалар маълум бир қонуният ва улуғ бир санъаткорлик асосида халқ этилганлигини англайди. Аммо Аллоҳ даргоҳининг бутун пинҳону ошкор сир-асрори фақат ўзигагина аёндир. Илоҳий китоб («Хашр» сураси 22-ояти) бунга гувоҳлик беради:

“У - Аллоҳ шундай зотдирки, хеч қандай илоҳ йўқ, фақат Унинг ўзи бордир. (У) ғайб ва шаҳодатни (яъни яширин ва ошкорна нарсаларни) билгувчидир”<sup>21</sup>.

Аллоҳтаолонинг зоти жисм каби ҳажмга эга эмас, кўзимизга кўринадиган ва кўнглимизга келадиган барча нарсалар Аллоҳ таолонинг зотига ўхшамайди. Чунки Унга ўхшаш

<sup>1</sup> Навоий Алишер. Муқаммал асарлар тўплами. 20 томлик. З-том. Хазойин ул-маоний. /аройиб-ус-сифар.-Тошкент: Фан, 1988, 25-бет.

<sup>2</sup> Куръони Карим (таржима ва изоҳлар муаллифи Алоуддин Мансур). -Тошкент: Чўлпон, 1992. 406-бет.

бирон нарса йўқдир. Пайғамбаримиз илоҳий моҳиятни англаш жараёнининг нечоғлик мушқуллиги ва бу фақат Оллоҳнинг иноятига боғлиқлигини таъкидлаб шундай деганлар: “Худовандо, агарчи манга ўн ҳисса ақл карам қилдинг, аммо у ҳуш қаники ани или сани дийдорингни кўргайман ва танурман ботинда сани бечун ва бечугуна, бемисл ва бенамуна кўрарман. Вақтеки, ақл бирла фикр этсам, сани ҳама нимарсадин жудо кўрурман ва ҳарчанд ақл югурап васлингга етолмас ва сани зеболигингни зиёдадин зиёда кўрарманки, сан бошқасан ва ажойибсан”<sup>1</sup>.

Байтда шоир Оллоҳнинг “пайдолиғи пинҳон”, “пинҳонлиғи пайдо” лигини тарду акс ва тазод санъатлари воситасида юксак бадиий маҳорат билан таътиф этган. Шоир қарама-қарши тушунчаларни ёнма-ён келтириб, кутилмаган маъно ва фавқулодда образлиликни вужудга келтирган. Шоир юқорида шарҳланган исломий ақидани оксиморон усулида маҳорат билан ифодалайди. Натижада байтда “пинҳон” сўзи “пайдо”, “пайдо” эса “пинҳон”нинг сифатловчисига айланиб, бу сўзларнинг маъноси янада кучайган. Айни пайтда 1-байтда ифодаланган “кавнайн бозори”даги фавғонинг сабаби 2-байтда аён бўлади.

Шоир 3-мисра (“Сени топмоқ басе мушқулдуур”)да Оллоҳнинг Ал-Азим (буюклигини бир ўзи билар) ва (“топмаслиғ осонким”) Ал-Алиййу (буюклигини билишдан бутун халқ ожиздир), 4-мисрада эса (“эрур пайдолиғинг пинҳон”)-Ал-Ботин (ақлинг тасаввурингдан ва идрокингдан ботиндир) ва (“пинҳонлиғинг пайдо”) Аз-Зоҳир (борлиғи саноқсиз даллилар билан ошкорадир) каби сифатларига ишора қиласди. Мазкур байт ғазалнинг шоҳ байтидир.

*Чаман оташгаҳига оташин гулдин чу ўт солдинг,  
Самандардек ул ўтдин қулга ботти булбули шайдо.*

“Чаман оташгаҳи”-борлиқ ва ундаги нарсалар, ҳаёт боғи. “Оташгаҳ”-оташдан, ўтхона. “Булбули шайдо”-ишқ аҳли, Ҳаққа етишишни истовчилар. “Оташин гул”-борлиқдаги гўзалликлар, Ҳақнинг гўзаллиги тажаллиси. ўт – ишқ. Шоир “чаман оташгоҳи”, “оташин гул”, “булбули шайдо” каби истиоравий иборалар орқали Ҳаққа етишиш риёзати, бу йўлда чекиши лозим бўлган қийинчиликлар, яъни ишқ ҳолатини тасвирлайди.

Вужуди мутлақ ошиқларга бир кўриниш, жилва қилиш учун, Навоий таъбирича, “чаман оташгоҳига оташин гулдин ўт солди”, оламдаги барча нарсаларни ишқ туфайли яратди. Илоҳий ишққа мубтало ошиқ эса ўн саккиз минг оламни яратган Оллоҳ санъатини, мўъжизаларини ҳис эта бошлагани сайин беҳисоб суратлар остидаги илоҳий моҳиятга, ваҳдатга-Ҳақ васлига талпинаверади. У “чаман оташгоҳи” (касрат)да ишқ (ўт-ҳижрон) ичра тўлғаниб, “самандардек қулга ботиб”, ишқ оловида нафсий эҳтиёжлардан қутулади. Илоҳий моҳиятни англаш-»пинҳон» сирларнинг аён (пайдо) бўлишидир. Шоир бадиий ниятни “оташин”, “оташгоҳ” каби иштиқоқ санъатини юзага келтирган сўзлар орқали ифодалайдики, бунда оламнинг яратилиш асоси ишқ (оташ) эканлигини таъкидлашни лафзий санъат зиммасига юклайди.

*Қуёшға гоҳ қизармоқ, гоҳ сарғармоқ эрур андин,  
Ки сунъунг боғида бор ул сифат юз минг гули раъно.*

Куннинг чиқиши ва ботиши пайтида қуёшнинг қизариши, заррин нурлари Ерни қиздира бошлаганда эса сариқ тус олиши барчага аён. Айни чоқда, бу ҳаракатнинг бошқарувчиси Парвардигорнинг ўзидир. Шоир бундай фикрларни асоссиз келтирмайди, албатта. Унинг

<sup>1</sup> Ислом ақоидига доир жавоҳир сўзлар. –Тошкент: Мовароуннаҳр, 2002, 53-бет.

учун таянч, ғоявий омил-илоҳий қалом бўлиб, унда шундай ояти карима мавжуд: “қуёш (бирон сония тўхтамай) ўз қароргоҳи сари жорий бўлур. Бу қудратли ва билгувчи зотнинг тақдир ўлчовидир”<sup>1</sup>.

қуёш осмонда ўхشاши йўқ само ёритқичи бўлиб кўринса-да, ижодкор мазкур ғазалда бу фикрдан тамомила йироқлигини эътироф этади. Оллоҳ яратган боғда “ул сифат юз минг гули ръяно” мавжуд. Кўринадики, шоир яна масалага исломий нуқтаи назардан ёнданиш, яккаю ягоналик фақат Яратувчига хослиги, қолган барча жисмлару инсу жинснинг жуфти мавжудлиги, улар маълум турларни ташкил этишидан келиб чиқсан ҳолда Тангрини васф этади.

*Не ишқа бўлди беором қўзгу аксиdek Мажнун,  
Юзи қўзгусида аксини кўргузмади Лайло.  
Недин юз гул очар ишқ ўтидин булбул каби Вомиқ  
Юзингдин гар узори боғида гул очмади Узро,  
Каломингни агар Ширин лабида қилмадинг музмар  
Недин бас лаъл елур Фарҳоднинг қон ёшидин хоро.*

Оллоҳ ўз ҳақиқатларини мавжуд нарсаларда зоҳир этган. Инсон Аллоҳни яратган нарсалари, сунъий ва қудратини кўриб, Уни таниши, Унга ишониши лозим.

Юз-ваҳдатни аниқ мушоҳада эттирувчи, кишини ўзига жалб қилувчи тажалли макони, ошиқни бекарор этувчи ягона зот аломатлари. Юз - имон, ёруғлик манбаи.

Лаб-ғайб (маънавият) оламидан малаклар воситасида анбиё ва орифларга нозил бўлиб, завқ ва илҳом пайтида улар кўнглидан тилига кўчадиган қалом.

5-8-байтлар талқинидан англашилмоқдаки, Лайлою Мажнун, Вомиқу Узро, Фарҳод ва Шириналарнинг бошига тушган ишқий савдоларга уларнинг гўзал ҳусни сабаб бўлгандир. Лайлою Узро юзидаги илоҳий ҳусн жилвасидан Мажнун беором бўлиб, Вомиқ шайдо булбул каби ўртнади. Бу гўзалликларнинг барчаси эса Мутлақ Вужуднинг турли сифатлари тажаллисидир. Бу байтлар мажозий ишқ ҳақиқий ишқнинг бир кўриниши эканлигини ҳам сездириб туради. Мажозий ишқ ҳам, ҳақиқий ишқ ҳам висолга ташна белган ҳар қандай ошиқнинг бошига турфа хил балоларни ёғдириши мумкин. Ушбу байтларда талмех санъати орқали Лайлою Узро юзида Ҳақ гўзаллиги, Ширин лабида Унинг қаломи, шам ўтида ҳам Вужуди Мутлақни кўриш ва чекланган тажаллилар воситасида Уни топиш, мажозий ва илоҳий ишқ орасидаги муносабатларни тўғри тушуниш ва баҳолай олиш, чекланганликда чекланмаганликни, фонийда боқийни кўра олиш ҳолати васф этилган.

*Малоҳат бирла туздунг сарвқадлар қоматин, яъни  
Ки, мундоқ зеб бирла ул алифни айладинг зебо.  
Қаноатнинг далилин инзиво қилдинг яна бир ҳам  
Далил ушбуки, қониъ ҳарфидин халқ айладинг анқо.*

Ғазалнинг 9-10-байтларида бадиий мақсад китобат ва қалб санъатлари асосида ифодаланган. Шоир анъанавий истиора орқали ёрнинг қоматини сарвга қиёслайди.

Навоий “зебо”нинг ёзилишида зеб-пардоз, зийнат сўзи алиф ҳарфининг ёнида келишидан юксак санъаткорлик билан фойдаланади.

Алиф-гўзал, сарвқад рамзи. Ҳақ алифдай қадди-қоматнинг гўзаллиги билан чегараланмай, унга зебу зийнат бағишилаганлиги натижасида зебо бўлди. “Зебо”-сўзи зеб берилган сарвқомат маъносида келган.

<sup>1</sup> Куръони Карим (таржима ва изоҳлар муаллифи Алоуддин Мансур). -Тошкент: Чўлпон, 1992, 405-бет.

Шоир мазкур байт орқали Оллоҳ барча яратиқларни ўз хуснини томоша қилиш ва санъатини намойиш этиш учун яратганлиги билан боғлиқ қудсий ҳадисларга (“Кунту канзан”, “Лавлака..”) ишора қилмоқда.

“Лисон ут-тайр”да ҳам айни шу ғоянинг ўзига хос ифода усулини кўрамиз: “У бир олижаноб шаҳаншоҳдир. Унинг бутун оламни ўзида сақловчи зоти махфий бир хазина эди. Аммо унинг бу гўзаллигини намоён килувчи кўзгу йўқ эди. У ўзининг кўринмоғини таманно қилиб, аста-секин жилвалана бошлади. Бу жилваланиш жараёнида қуёш каби юз туман минг соя ошкор этди”.<sup>1</sup>

Байтдаги “сарвқадлар” иборасидан фақат гўзаллар эмас, балки Оллоҳ дўстлари, орифлар ҳам тушунилади. Чунки қад-ваҳдат оламига таважжуҳ қилиш учун қойим бўлмоқдир.

Шоир “сарвқад” сўзи орқали инсони комилнинг яратилши билан боғлиқ илоҳий-ирфоний қарашларга ишора қилган, яъни Оллоҳ барча нарсани яратиб, ўз санъатини намойиш этади. Демак, энди Уни тушунадиган, буюк санъаткорлигини ҳис этадиган бир мавжудлик зарур эди. Аллоҳ энг охирда бекиёс санъатининг энг муқаммал намунасини - ҳақиқатлар асл моҳиятини тушунувчи Комил инсонни яратган ва гўзаллиги сирини англаш масъулиятини унга юклаган. Навбатдаги байтда бу мақсад моҳияти янада ёрқинроқ ифодаланган.

қаноат-ўзни тийиш, барига шукр қилиш. Инзиво-чекланиш, яшириниш, бехуда ташвишлардан ўзни четга олиш.

қаноат эса анқо (қоф тоғи ортида яшовчи исман бору жисман йўқ топилмас қуш) кабидир. Шоирнинг юксак маҳорати шундаки, у мана шу байт орқали Комил инсон билан боғлиқ илоҳий-ирфоний таълимотнинг асосий ўзагини ташкил этувчи “қаноат” сўзига урғу бериб, инсонни комилликка етакловчи бош мезон-қаноат, нафси тийиш, дунё молига кўнгил боғламай, нафс қутқуларидан қутулиш-Ҳақ васлини истовчилар-орифларни анқога, яъни барчага ибрат бўлгулик Комил Инсонга айлантиришини уқтиради. Байтда “анқо” сўзи орқали фано мақомига ишора қилинган.

қаноат қилган ҳар бир киши ўз нафсига шоҳдир, яъни дунёвий дарддан баланд кўтарилади. Илоҳий олам билан робита боғлайди. Шоир худди шу мақсадда “қониъ” ва “анқо” сўзларини қалб санъати асосида талқин этиб, Оллоҳнинг бекиёс, ақл бовар қилмас мўъжизавий қудрат соҳиби эканлигини алоҳида таъкидлайди ва кўнгил қушини анқога қиёслайди. Бу ҳолат шоирнинг мавъиза руҳидаги ғазалларида ҳам учрайди:

*Тилар кўнглум қуши Анқодин ўтса, нори юз водий,  
Мунунгдек сайр этарга қоғдин ортуқ саботим бор<sup>2</sup>.*

Бу байтда фано водийсига сайр эътиборда тутилган. Кўнгил қушининг фано аҳлидек анқодин ҳам “нори юз водий” ўтишга саботи етарли,-дейди шоир.

Ҳар қандай юксак мўъжиза кўнгил орқали идрок этилади. Чунки оламни яратишдан мақсад одам бўлса, одамдан мақсад кўнгил эди. қаноат инсонни орифлик, одиллик, комиллик сари етаклайди. Бу юксак сифатлар истиқболи эса кўнгилга боғлиқ.

Шоир “анқо”ни икки маънода қўллаган. Бири кўнгил қуши бўлса, иккинчиси қаноат қилиш эвазига илоҳий моҳиятга етганларнинг ноёблигига ишорадир.

Исломий ақидага кўра ҳам, тақво ва парҳезкорлик пайғамбаримизнинг энг буюк ибратли хислатлари сифатида улуғланади ва барча мўмин-мусулмонлар шунга даъват этилади.

<sup>1</sup> Навоий Алишер. Лисон ут-тайр. -Тошкент: Адабиёт ва санъат, 1991, 155-156-бетлар.

<sup>2</sup> Навоий Алишер. Муқаммал асарлар тўплами. 20 томлик. З-том. Хазойин ул-маоний. /аройиб-ус-сигар.-Тошкент: Фан, 1988, 123-бет.

Тақводору пархәзкорлиги учун ҳам Мұхаммад пайғамбарга меъреж мұяссар бўлган. Худди шу мезон бузилгани учун Одам Ато ва Момо Ҳавво жаннатдан қувилган.

Биби Марям тақволи, қаноатли бўлгани учун Жаброил алайҳиссалом одам шаклида юборилган (Марям сураси 12-17-оятлар)<sup>1</sup>.

Куръони Каримнинг барча сураларида қаноат, пархәзкорлик, тақво улуғланади. Чунки мусулмон учун бу дунё-синов майдони. Унинг жони-имон. Ҳаром ва ҳалол чегарасини тўғри фарқлаш ҳам имоннинг кучига боғлиқ. Нафсни чеклаш орқали (шоир таъбирича “инзвиво”) латиф фариштавий хусусиятлар юксалиб, чекланмаган руҳий-маънавий манзилларга имконият очилади. қуш (анқо)-руҳ тимсоли. Руҳ эса кўзга қўринмайди. Оллоҳ инсонга шундай буюк руҳий завқ имкониятини берган. Руҳий (файбий) гўзалликни эса оддий кўз билан кўриб бўлмайди. Шунинг учун шоир “анқо” (қуши) сўзига алоҳида урғу берган, яъни у қофиядош сўзлар қаторидадир. Илми ақоидда эътироф этилишича, агарда малоикалар ўзларининг асл сувратларида бўлсалар, уларни пайғамбарлардан бошқа инсонлар кўра олмайди, чунки улар латиф жисмлардир. Чунончи фазони тўлдириб турган бўлишига қарамай, ҳавони инсонлар кўра олмаганликлари каби латиф бўлган фаришталарни ҳам кўра олмайдилар. Олдимиизда оддий кўз билан кўра олмайдиган кўп жисмларнинг борлиги ҳам сир эмас.

Комил инсонлар эса қа н о а т - нафсни тийиш, ундан чекиниш эвазига ғайб олами сирридан огоҳ бўлади.

Алишер Навоий қаноат тушунчасини “Махбуб ул-қулуб” да ҳам кенг шарҳлаган: “қаноат кўнглига равшанлик етказади, кўз ундан ёруғлик касб этади..”.

Шоир юксак поэтик усуллар орқали Худонинг мислсиз қудрат соҳиби эканлигини (исломий ақидаларга асосланиб) образли ифодалаган ва байтлар моҳиятида Оллоҳнинг куйидаги сифатларига ишора ҳам бор:

*Ал-қодир-истаганини истаганидай қилишга қути етувчи.  
Ал-Алийм-бутун нарсаларнинг энг нозик тарафларини билувчиидир.  
Ал-Муқтадир-нарсаларни заҳмат ва машақатсиз бунёд қилувчи.  
Аш-Шоҳид-ҳар нарсани нозиклиги билан кўриб турувчи.  
Аш-Рофиу-қулларидан баъзиларини юксалтирувчиидир.  
Аш-Шакур-кичик амалда буюк даражса ва савоб берувчиидир.*

Ғазалнинг иккинчи-шоҳ байтидаги фавқулодда образли тасвир барча байтларда кучайиб боради, байтлар маълум мантиқий-ғоявий изчилликка эга, улар бир-бирини тақозо қиласиди. Шоҳбайтдаги ҳукмрон фикрнинг тадрижий ривожи бутун ғазал давомида кузатилади. Шоир лирикасига хос иккинчи бадиий хусусият образнинг тадрижий етилуви, такомилидир. Ғазалда бир образ атрофида навоиёна бадиий маҳорат билан турли суратлар чизилади. Шулар асосида ягона, балоғатга етган образ такомиллашади. Жумладан, биз таҳлилга тортган ғазалда ҳам айни шу мантиқ кўзга ташланади.

Шоир образдаги кескинликни ва мантиқий урғуни бўрттириб бериш мақсадида тазод усулини қўллайди ва матладаги фикрни мақтада хулосалайди:

*Навоий қайси тил бирла Сенинг ҳамдинг баён қилсун,  
Тикан жаннат гули васфин қилурда гунг эрур гўё.*

<sup>1</sup> Куръони Карим (таржима ва изоҳлар муаллифи Алоуддин Мансур). -Тошкент: Ёлпон, 1992. 209-бет.

Тангрининг номларини ҳамиша зикр этиб, бутун руҳий қувватларини Унинг идрокига сафарбар этиб, ҳамма нарсада илоҳий қудрат аксини кўрган шоир ҳайратдан “гунг эрур гўё”. Лирик қаҳрамон ҳолати муболага санъати орқали ёрқин акс этган. Шоир мазкур ғазалда Тангрининг мавжудлигини исботлаш зарурияти йўқлигини борлиқ ва унда Ҳақ санъати акс этган жамики мавжудот, наботот, ҳайвонот воситасида тасвирлайди. Чунки илоҳий-ирфоний қарашларга кўра, мақдур бўлмасдан қодир, марзуқ бўлмасдан Раззоқ сифатлари маъносиз бўлиб, бирор қиммат акс этмасди. Шунинг учун Худо “Зот” мартабасидан, турли марҳалалардан кечиб, борлиқ оламини яратган. ўз камоли ва жамолини томоша қилиш учун уларни ўзига ойна этган. Таҳлил қилинаётган ғазалда ҳам худди шу ғоя ифодаланиб, у яратиш санъати ва яралиш сабаблари талқинига бағишиланган.

### **Алишер Навоийнинг ҳамд ғазалларида қуръоний ғояларнинг бадиий талқини**

Маълумки, ислом дини икки асос устига қурилган: улардан бири Қуръони Карим бўлса, иккинчиси Ҳадиси шарифdir. Алишер Навоийнинг ҳар бир асари ана ўша маънавий сарчашмалардан озиқланади. Тафаккурида қуръоний маъно-мазмун тўлалиги боис, улуғ шоирнинг ҳамд ғазалларида, Ҳақнинг қудрату азимати улуғланган байтларида ўша илоҳий китобдаги қисса, оятларга ишора ва лавҳалар қуилиб келади. Алишер Навоийнинг ҳамд ғазалларида қуръоний ғоялар қуидаги шаклларда кўзга ташланади:

- 1) қуръондаги қиссалар ва теран ғоялардан илҳом олиш;
- 2) Талмеҳ бадиий санъати воситасида;
- 3) Иқтибослар олиш орқали.

«Тенгри каломи»ни «эъжоз» (мўъжиза) деб билган Алишер Навоий назмни ҳам худди шундай муқаддас илоҳий неъмат сифатида улуғлади:

Бўлмаса эъжоз мақомида назм,  
Бўлмас эди Тенгри каломида назм<sup>127</sup>.

Улуғ шоир шеъриятга катта масъулият билан қарайди, шунинг учун юксак мантиқий тафаккур маҳсули-байтлар мазмунига қуръоний қиссалар, оятлар сингиб, Буюк Руҳнинг мўъжизаси сифатида яна бир яхлитлик пайдо бўлади.

Кузатишларимиз шуни кўрсатдики, Алишер Навоий ҳамд ғазалларида қуръон оятларидан фақат 10-11 ўринда айнан фойдаланган. Аксарият ғазалларида эса оятларнинг мазмунидан баҳраманд бўлган. Бунинг сабабларини қуидагича изоҳлаш мумкин: **1)** Қуръони Каримдан ҳамманинг ҳам бир хил савияда хабардор эмаслиги бўлса; **2)** улуғ шоир тақорордан сақланган ва қуръоний ғоялар билан шеърини сайқал бериш билан кифояланган.

Зикри ўтган таянч тамойилларга таяниб улуғ шоирнинг ҳамд ғазалларини исломий-ирфоний ифода шаклига кўра қуидагича тасниф қилиш мумкин:

1. Талмеҳ
2. Иқтибос
3. Тафсир
4. Тазмин

Алишер Навоийнинг ҳамд ғазалларини назардан ўтказар эканмиз, уларда қуръоний нур хилма-хил шаклларда жилваланишининг гувоҳи бўламиз. Айрим ҳамд ғазаллар

<sup>1</sup>Навоий Алишер. Муқаммал асарлар тўплами. 20 томлик. 7-том. Ҳамса. Ҳайрат ул-аббор -Тошкент: Фан, 1991, 61-бет..

куръондан олинган сўз ёхуд бирикмалар билан табаррук қилинса; бошқаларида илоҳий китоб таркибида келган қисса ва ривоятларга ишора кетади.

Хуллас, ранг-баранг услубий жилолар ҳамд ғазаллар бадиияти йўлида хизмат қиласди. қуидаги байтда араб тилидан олинган иқтибос ёрдамида муламмаъ санъати ҳосил белган. Абдураҳмон Жомий шеъриятидаги бундай ҳодиса Алишер Навоий ҳамдлари учун фаол ҳодиса эмас.

«*Ло аро фи-л-вухуди илло ҳу*,  
*Маҳв шуд номи ғайру нақши сиво*<sup>1</sup>.

### Талмеҳли ҳамдлар

Мазкур йўналишдаги ҳамдларнинг ўзини ҳам иккига бўлиб ўрганиш мумкин:

- 1) оятларга ишора қилиш орқали ҳосил бўлган талмеҳлар;
- 2) қуръоний қиссалар воситасида вужудга келган талмеҳлар.

Улуғ шоир илоҳий китоб оятларидағи сўзлардан бирини келтириш орқали китобхонга етказмоқчи бўлган маънога қувват бериш билан бирга ўша сатрлар табаруклигини ҳам оширишга эришади. Ҳамд ғазалларида қўлланган бундай услубий жило Оллоҳнинг исм ва сифатларини мадҳ этиш, Ҳақ васлига мушарраф бўлиш иштиёқидаги инсоннинг руҳий-маънавий камолот қирраларига диққатни қаратиш имконини яратди. Чунки соликнинг Ҳақни уқиши, англаши учун руҳий тараққиёт зарур. Ундаги маънавий-руҳий ҳол юксалган сайин Ҳақ маърифати сиру синоатидан огоҳлик даражаси кучайиб, тобора мақсадга яқинлашиб боради.

Чекмай малак лутфунг қуни жуз зикр ила тасбих уни  
Одам дебон қаҳринг туни ҳар дам «зalamno раббоно»<sup>2</sup>.

Юқоридаги байтда эса Одам ва Ҳаввонинг жаннатдан қувилгани билан боғлиқ «Аъроф»нинг 7-оятига ишора қилинган:

«Энди албатта уларга, билган ҳолимизда, (қилиб ўтган ишлари ҳақида) сўйлаб берурмиз. (Зотан) Биз ғойиб-йўқ эмас эдик, (балки барча нарсага гувоҳ бўлиб турган эдик)»<sup>3</sup>30.

Нафс хоҳишида ўзларига зулм қилганлар Оллоҳнинг қаҳрига дучор бўладилар. Улуғ шоир илоҳий китобда келтирилган Одам тақдиридаги энг аянчли адашишни кўрсатиш орқали инсоният ўзининг ожиз нуқталарига ҳамиша фикру тахайюл билан қараши, ҳар қандай ҳолатда ўз нафсини жиловлаши, бу эса абадий ҳузуру ҳаловат эшикларининг очилишига имкон яратиши муқаррарлигидан огоҳлантиради.

«*Алламал инсон*»ға чун айлаб мушарраф ер бериб,  
*Тахти тожу ишрат узра равзаи ризвон аро.*

«Алламал инсон»-инсонга ўргатди. Инсон Оллоҳ яратиқлари ичидаги шарифи, мукаррами, Унинг илми ва нури акс этган ягона мўъжизавий хилқатdir. Ҳақ таоло оламни

<sup>1</sup> Жомий А. Осор. Дар 8 жилд. Жилди I. - Душанбе: Адиб, 1986. 90-саҳ.

<sup>2</sup> Навоий Алишер. Муқаммал асарлар тўплами. 20 томлик. 6-том. Фавойид ул-кибар. -Тошкент: Фан, 1990, 7-бет.

<sup>3</sup> Куръони Карим. -Тошкент: Чўлпон, 1992, 107-бет.

унинг учун яратди, бутун мавжудотга уни масъул қилди, мулки борлик сиру синоатини билиш учун унга (инсонга) илму ирфон берди. Мир Алишер инсоннинг пайдо бўлиш тарихи хусусидаги қуръоний башоратга ишора қиларкан, унинг (инсоннинг) «асли бир томчи сувдан яратилгани»ни таъкидлаш мақсадида илоҳий китобга таянади. Бунинг учун Куръони Каримнинг Оллоҳнинг мўъжизавий санъаткорлигидан дарак берувчи илк нозил бўлган «Иқро» сураси 5-ояти каримасига ишора қилмоқда: «Алламал инсона мо лам яълам».

*Гуноҳбахш сен бўлғил-у журм пўши,  
Шафоатгарилик «Хайр ул-бароё»<sup>1</sup>.*

«Хайр ул-бароё»-яралмиш жонзотларнинг энг яххиси. Илоҳий манбалар шаҳодатига биноан, шафоатга ўтиш ҳуқуқи Мұхаммад пайғамбарга берилган. Чунки Ҳақ жаноби расули акрамнинг суюкли пайғамбар-«хайрул барийя» эканлигини тасдиқловчи «Баййина»нинг- («Ишончли ҳужжат»нинг) 7-оятида хабар беради. Унда солиҳ амал қилганлар Оллоҳнинг дўстлари сифатида эътироф этилади: «Иннал лазийна аманува амилус солиҳоти уллика ҳум хайрул барийя». Кўринадики, қуръони мажиднинг ояти карималари бошдан охир эзгулик тарғибиға қаратилгандир. Алишер Навоийнинг инсонпарварлик ғоялари сарчашмаси ўша илоҳий китоб эканлиги эса ўз-ўзидан аёнлашиб қолади.

Шоир қуръоний оятдаги асосий сўз бирикмасини келтириш орқали оятнинг мазмунига ишора қиласи ва айни пайтда ўзи назарда тутган мақсад муддаонинг қисқа талқинига эришади.

### Қуръоний қиссалар воситасида ҳосил қилинган талмехлар

Бундай талмехларда қуръондаги қиссалар қаҳрамонларининг номларини қайд қилиш ё улар ҳаёти билан боғлиқ рўй берган бирор номни келтириш орқали улуғ шоир ўз мақсадини мўъжаз баён қиласи.

Улуғ шоир ҳамд ғазалларида пайғамбарлар ҳаёти билан боғлиқ энг мўъжизавий ажойиботларга тўла воқеаларни тасвирлаш орқали Оллоҳ қудратининг буюклигини, сиру синоатининг чексизлигини, сидку садоқат аҳлига беҳад кўп лутфу марҳамат кўрсатиш фақат Ҳақнинг изму иродасига боғлиқлигини кўрсатмоқчи бўлади.

Пинҳону ниҳондан огоҳ энг адолатли зот фақат Оллоҳдир. Намруд бошчилигидаги мушриклар Иброҳим алайҳиссаломнинг қўл-оёғини боғлаб, оловга отадилар. Жаброил алайҳиссалом ундан «бирор тилагинг борми?»-деб сўраганида «Парвардигорим ўзи аҳволимдан огоҳ», деб фақат Оллоҳдан мадад сўраб, сабр қилган эканлар ва Оллоҳ «Биз айтдик: «Эй олов, сен Иброҳим учун салқин ва омонлик бўл!» («Анбиё», 69-оят)-зикр қилинган фармонни юборган, оловнинг ёруғи қолиб, иссиғийўқолган. қуидаги байт орқали шоир ҳар бир кишининг пинҳону ниҳон сирларидан фақат Оллоҳгина хабардорлигини уқтиromoқчи бўлиб, Иброҳим алайҳиссалом ҳаёти билан боғлиқ юқоридаги воқеаларга ишора қилган:

*Сабур исми билан қилсанг тажсаллий,  
Қилиб Намрудға юз минг мудоро<sup>2</sup>.*

<sup>1</sup> Навоий Алишер. Муқаммал асарлар тўплами. 20 томлик. 6-том. Фавойид ул-кибар. -Тошкент: Фан, 1990, 10-бет.

<sup>2</sup> Навоий Алишер. Муқаммал асарлар тўплами. 20 томлик. 3-том. Хазойин ул-маоний. /аройиб-ус-сигар.-Тошкент: Фан, 1988, 28-бет.

Қорун мол-мулкка ҳирс қўйиб ҳаволанади ва охир-оқибатда беҳад сарватлари билан йўқ бўлади. Бу ҳақда «қасас» сурасининг 84-оятида ўқиймиз: «Ким яхшилик билан келса, бас, унинг учун (қилган яхшилигидан) яхшироқ (мукофот бўлур). Ким ёмонлик билан келса, бас, ёмонликлар қилган кимсалар фақат ўзлари қилган ёмонликлари билангина жазоланадилар»<sup>133</sup>. қуйидаги байтда шу ояти каримага ишора қилиш орқали талмеҳ санъати ҳосил бўлган:

*Мунча ҳашмат топмоғингдин сўнгра бирони қулуңг,  
Жоҳ ила мукнатда қорунга тавонгар бўлди тут<sup>2</sup>.*

Шунингдек, Хизр, Нуҳ, Исо, Сулаймон, қорун номи билан боғлиқ қуръоний қиссаларга мурожаат орқали ҳамд ғазалларда талмеҳ санъати қўлланган. Бундай майлдан кузатилган бош мақсад Оллоҳ таолонинг мислсиз куч-қудратини қабариқ кўрсатишдан иборатdir.

*Захри фироқингдин қаю ошиқки бўлди талхком,  
Нўши висолинг етмаса, Исо анга топмас даво.*

Исо алайҳиссалом даврида табобат илми шундай даражада тараққий қилган эканки, биронта ҳам дард давосиз ҳисобланмаган эмиш. Исо мўъжизавий нафаси билан ўликларга қайта жон бағишлиланган. «Оли Имрон» сурасининг 49-оятида шундай хабар берилади. «Мен (ўзимнинг Ҳақ пайғамбар эканлигим ҳақида) сизларга Парвардигорингиздан оят-далил келтирдим: Мен сизларга лойдан қуш тимсолини ясаб унга туфласам, у Оллоҳнинг изни-иродаси билан ҳақиқий қуш бўлади. Ва яна кўр, пес касалларини тузата оламан ва Оллоҳнинг изни билан ўликни тирилтираман ҳамда сизларга ейдиган ва уйларингизда сақлайдиган нарсаларингизни айтиб беришга қодирман. Агар мўмин бўлсангизлар, албатта, бу ишларда сизлар учун аниқ оят-далиллар бордир»<sup>335</sup>.

Яъни агар Оллоҳ бу кароматни унга ато этмаганида, ҳайратли мўъжизалар сирини очишини хоҳламаганида, Исонинг қўлидан бир кишига ҳам шифо бериш келмасди. Мавжудотдаги барча ажойиботлар Оллоҳнинг амридадир. Алишер Навоий «Лисон ут-тайр» достонининг «Фақру фано водийси васфи» бобида бу масала хусусида янада кенг бадиий мушоҳада юритади.

Хизрнинг «оби ҳайвон»дан баҳраманд бўлиб, абадий тирикликка эришгани, Нуҳнинг хатарлардан ҳалос қолиши, Исонинг тирилтирувчи нафаси-буларнинг барча-барчаси Оллоҳнинг инояти, мўъжизавий санъатидан далолатdir. Улуғ шоирнинг таъкидича, агар Оллоҳ истамаса, унинг амрига мувофиқ келмаган иш ҳечдир, Намруд, қорун, Фиръавн сингари ўзини қудратли санаган худпастлар Унинг қаҳридан омон қололмайди, албатта.

Қуйидаги байтда шу ҳақда ишора кетади:

*Нега олам ўртади, ҳуснунг ўтидин ламъаи,  
Тушмаган белса жамоли Юсуфи Канъон аро<sup>4</sup>.*

Куръон таркибидағи катта суралардан бири-ўн иккинчи, яъни Юсуф қиссасидир. Маълумки, илоҳий китобларда (Таврот, Забур, қуръон)да Юсуф алайҳиссалом гўзаллик

<sup>1</sup> Куръони Карим.-Тошкент: Чўлпон, 1992, 274 -бет.

<sup>2</sup> Навоий Алишер. Муқаммал асарлар тўплами. 20 томлик. 5-том. Бадоев ул-васат. -Тошкент: Фан, 1990, 1-69-бетлар.

<sup>3</sup> Куръони Карим. -Тошкент: Чўлпон, 1992 , 39-бет.

<sup>4</sup> Навоий Алишер. Муқаммал асарлар тўплами. 20 томлик. 5-том. Бадоев ул-васат. -Тошкент: Фан, 1990, 9-бет.

тимсоли сифатида улуғланади. Мазкур мисраларда Оллоҳнинг гўзаллиги Юсуфда акс этганига ишора қилинмоқда. «Девони Фоний»да ҳам худди ўша мазмуннинг қуидаги ифодасини учратамиз:

*Орази Юсуф намуда ламъаи рўят,  
З-ў шуда машъуфу зари ишқ Зулайхо<sup>1</sup>.*

Равшан бўлаётирки, улуғ шоирнинг ҳар иккала тилдаги ғазалларида ғоявий–мазмун, бадиият нуқтаи назаридан уйғунлик устувордир.

Зулайхонинг Канъон шаҳзодасига ишқи тушиши Юсуф сурасининг 30-ояти каримасида ўз ифодасини топган. «Тафсири Жалолайн»да қайд этилишича, Юсуф алайҳиссаломга дунёдаги ҳусннинг ярми берилган»<sup>2</sup>.

### Ҳамд ғазалларда иқтибос келтириш орқали талмеҳнинг ҳосил қилиниши

«Илм ўзлаштиromoқ», устод Садриддин Айний таъбирича, «оташ пораси олмоқ» маъноларидаи бу сўз (иқтибос) қуръон оятлари ва пайғамбар ҳадисларини шеър ичидаги келтириш ёки уларнинг мазмунини шеърда ифодалаш санъатидир. Мусулмон минтақа адабиётида айни санъатга кенг мурожаат қилиш орқали айтилмоқчи бўлинган фикрга қувват бериш ҳодисаси ўзига хос қадимий анъанадир. Унинг нурли изларини ҳадисларга бағишлиб ёзилган «Арбаин»ларда ҳам учратишими мумкин.

Масалан, Алишер Навоий «Арбаин»и ҳадисидаги мана бу қитъада ҳам ҳодиса ёрқин кўзга ташланади.

*Оналарнинг оёғи остидадур  
Равзаи жаннатуру жинон боғи.  
Равза боғин висоли истар эсанг  
Бўл онанинг оёғи туфроғи.*

Кўринадики, кўчирилган қитъа сатрлари мағзига Муҳаммад Расуллуллоҳнинг «Алжаннатур таҳта ақдами умма ҳатинум», яъни «Жаннат калити оналар оёғи остидадир» ҳадиси шарифининг мазмуни сингдирилгандир. Бундай майл қуръон оятлари ва ҳадис ғояларига мурожаат Алишер Навоийнинг ҳамд ғазалларида ҳам кузатилади.

Улуғ шоирнинг баъзи ҳамд ғазалларида зоҳиран қуръон оятларига ишора кўзга ташланмайди. Бироқ ўшандай мисралар теранроқ назардан ўтказилса, улар замирига қуръоний ғоялар сингдирилганилиги аёнлашиб қолади. Жумладан, қуидаги байтда ўшандай майл кузатилади:

*Нақди жон чиққанда имон гавҳарин қўнглумга сол,  
Айлагил жондин жудо, лек этма имондин жудо<sup>3</sup>.*

<sup>1</sup> Навоий Алишер. Муқаммал асарлар тўплами. 20 томлик. 18-том. Девони Фоний.-Тошкент: Фан, 2002, 10-бет.

<sup>2</sup> Тафсири Жалолайн. Караби: «қадимги кутубхона», 1949, 192-бет.

<sup>3</sup> Навоий Алишер. Муқаммал асарлар тўплами. 20 томлик. 5-том. Бадоев ул-васат. -Тошкент: Фан, 1990, 10-бет.

Мазкур байт мағзидаги «Юсуф» сураси 101-ояти каримасининг мазмунин яшириндир. ўша оятда хабар берилади: «(Ё Рабби) Мени мусулмон ҳолимда жонимни олгин ва мени ҳам солиҳ бандаларнинг қаторига қўшгин».

*Сен эттинг шамъу гулда жилваким, парвонаву булбул  
Бири куиди, бирига бўлди юз дарду бало пайдо<sup>1</sup>.*

Мазкур байтнинг «Нур» сураси 41-ояти билан мантиқан алоқадорлигига аҳамият берилса, юқоридаги фикрларга янада яққолроқ ишонч ҳосил қилинади.

қуръоний оят қуидагича акс-садо беради: «(Эй Мұхаммад) Оллоҳга осмонлар ва ердаги бор жонзот ҳам, (самода) саф тортган қушлар ҳам тасбих айтиб-покланишини кўрмадингизми?»<sup>2</sup>.

Алишер Навоий ҳамд ғазалларининг кўпчилигига фақрлик улуғланади, бақони истаган киши аввало фано бўлиши зарурлиги уқтирилади:

*Бирор етти сангаким ўзлуги даشتини тай қилди,  
Бақо истар киши аввал керак қилса фано пайдо<sup>3</sup>42 .*

Мазкур байтда «Кимки ўзининг фонийлигини билса, Раббининг боқийлигини билади» ва «Фарқлик менинг мадори ифтихоримдир ва қиёмат кунида мен унинг-ла фахр этурман» ҳадисларининг мазмуни ўзлаштирилганлигини пайқаш қийин эмас.

*Нафс хор этмиш Навоийни, азиз эт фақр бирла,  
Эй жалолу раҳматингдан гар залилу гар муаззаз.*

Мазкур мисоллардан аёнлашаётирки, улуғ шоирнинг аксарият байтлари илоҳий-исломий ғоялар заминида вужудга келган. Агар ҳар бир ғазалнинг ботиний маънолари илоҳий китоб билан биргалиқда қиёслаб, жиддий тадқиқ этилса, ҳазрат Навоий ижодиёти маҳсули бўлган қатор шеърлар илоҳий китобнинг маърифий-бадиий шарҳи эканлигига ишонч ҳосил қилинади. Интиҳода айтиш жоизки, Алишер Навоий шеърларида очиқ талмеҳ билан бирга мазкур бадиий санъатнинг яширин қўринишига ҳам тез-тез мурожаат қилинган.

### Тафсир ҳамдлар

Маълумки, илоҳий-исломий сарчашмалар-Қуръони Карим, Ҳадиси шарифнинг мазмуни шариат ва тариқат намояндалари ўртасида турлича шарҳланган, тафсир қилинган. Алишер Навоийнинг ҳамд ғазалларида орифона талқин ва шарҳланган оятларга мурожаат қилинади.

*Санга қўнглумдаги ҳожатни не ҳожат үйқу арз этсам,  
Улус қўнглида пинҳонлар эрур чунким санго пайдо.*

<sup>1</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 7-бет.

<sup>2</sup> Қуръони Карим. -Тошкент: Чўлпон, 1992, 240-бет.

<sup>3</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 8-бет.

Исломий манбалар шаҳодатига биноан, Оллоҳ таолонинг назаридан ҳеч нарса соқит қолмайди. Жумладан, «қоф» сураси 16-оятида шундай дейилади: «Аниқки, инсонни Биз яратганимиз, (демак) унинг нафси васваса қиласидиган (яъни кўнглидан ўтган барча) нарсаларни ҳам билурмиз. Биз унга жон томиридан ҳам яқинроқдурмиз»<sup>1</sup>43.

«Аҳзоб» сураси 72-оятида келган «ал-омонат» сўзи исломий манбаларда турлича талқин қилинган. Баъзи тафсирларда уни иймон, айримларида тафаккур деб изоҳлайдилар. Орифлар тасаввурида эса «ишқ» тарзида талқин этилган. Бир тоифа эътиқод қилувчилар ибодатдан мақсад иймон деб тушунгандар. Орифлар наздида эса ирфон ва маърифатнинг манбай ишқдир. қаердаки, инсон Оллоҳ ҳамда «аласт»нинг аҳду мийсоқи ўртасида робита барқарор бўлса, ишқ сабитлик касб этган бўлади:

*Анингки, кўнглида ишқ ахгарини ёшурдинг,  
Ниҳоний ўтин улуғ тинмоғидин эттинг фош<sup>2</sup>.*

Улуғ шоир ҳам қуръоний оятдаги мазкур сўзни «ишқ ахгари» деб талқин этади. Шоирнинг фикрича, инсон мавжудлиги ишқ борлиғи туфайлидир. «Ниҳоний ўт» шуъласи Оллоҳнинг сехру саховатини англатади. Асос учун эса яна Куръони Карим «Ваз-зориёт» сураси 56-оятига ружуъ қилинади: «Мен инсон ва жинларни фақат ўзимга ибодат қилишлари учунгина яратдим»

Куръони Карим ва Ҳадиси шарифнинг бош сўзи Инсондир. Деярли ҳар бир ояти каримада дунё молига кўнгил боғламаслик, умрнинг ўткинчи эканлиги, уни эса савобли ишларга сафарбар этиш лозимлиги даъват этилади. Бунинг учун пайғамбарлар ҳаёти ибрат қилиб кўрсатилади. Улуғ шоир сатрларида ана ўша лавҳаларни умумлаштириб, қисқа, мўъжаз ва тушунарли шарҳини беради:

*Бўлуб сифатингга мазҳар жамиъ маҳлуқот,  
Алар муфассал-у инсонни айладинг мужмал<sup>3</sup>.*

Шоирнинг мазкур байтини оламнинг инсон туфайли яратилганидан гувоҳлик берувчи барча ояллар ва ҳадисларнинг бадиий хуносаси сифатида қабул қилиш мумкин. Бундай ихчам ирфоний таърифни Азизиддин Насафийда ҳам ўқиймиз: «Инсон оламнинг кичрайтирилган нусхасидир»<sup>4</sup>.

*Чун койинот зуддаси ожиз кўруб ўзин,  
Ҳамд айта олмас онча балоғат била санга<sup>5</sup>.*

Коинотнинг хуносаси ва «зубда»си (қаймоғи)-Муҳаммад пайғамбардир. Оллоҳ мўъжизалари сиру синоати олдида унинг ҳабиби ҳам ўзини ожиз сезган. қуръонда бундай балоғатли тасвирлар жуда кўп: Оллоҳдан Жаброил алайҳиссалом орқали ваҳий келиши ва Муҳаммад пайғамбар ҳоллари; Меърож туни ва эллиқдан ортиқ мўъжизалари сиру синоати,

<sup>1</sup> Куръони Карим.-Тошкент: Чўлпон, 1992, 376-бет

<sup>2</sup> Навоий Алишер. Муқаммал асарлар тўплами. 20 томлик. 3-том. Ҳазойин ул-маоний. /аройиб-ус-сиғар. -Тошкент: Фан, 1988, 202-бет

<sup>3</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 266-бет.

<sup>4</sup> Азизиддин Насафий. Зубдат ул-ҳақойиқ. - Тошкент: Камалак, 1996, 56-бет.

<sup>5</sup> Навоий Алишер. Муқаммал асарлар тўплами. 20 томлик. 3-том /аройиб-ус-сиғар. -Тошкент: Фан, 1988, 27-бет.

курайш мушрикларидан «Фа ағшайна хұм ла юбсирун» («Бақара»: 7-8 оят)–Оллоқ огоҳи орқали омон қолганликларининг сир-асори фақат Яратғаннинг ўзигагина аён. Шоир мазкур байтлар орқали куръондаги ана ўшандай белиқ башоратларни назарда тутмоқда.

*Гаҳики фикрати зотингни ақли қулл айлаб,  
Бурунғи жомда ҳайрат ани қилиб бехуш<sup>1</sup>.*

Равшан, Алишер Навоий илоҳий китобга тез-тез мурожаат қилиш билан, бирламчи, куръонни тарғиб этса; иккинчидан, мисраларида талқин этилган инсонпарварлик ғояларига рангу қувват беришга эришади.

### Ҳамд ғазалларда асмои ҳусна талқини

Асмои ҳусна-Оллоқ таолонинг гўзал исмларидир. Бу ҳақда Куръони Каримнинг бир қанча оятларида хабар берилган. «Аъроф» сурасининг 180-оятида шундай дейилади: «Оллоҳнинг гўзал исмлари бордир. Бас, Уни ўша исмлар билан чорланг (ёд этинглар). Оллоқ деб чорлангиз ёки Раҳмон деб чорлангиз, қандай чорласангизда (жоиздир). Зеро, У зотнинг гўзал исмлари бордир»<sup>2</sup>.

Ҳақнинг исм ва сифатлари чексиздир. Алишер Навоий ҳам ҳар бир ҳамд ғазалида Оллоҳнинг исм ва сифатларини тўлиқ санаб тугатиб бўлмаслигига ишора қиласди. Чунки Ҳақни билиб бўлмайди.

Ваҳдат ул-вужуд таълимотининг асосий масаласи зот-сифат ва Аллоҳ-Оlam муносабатидир. Алишер Навоийнинг ҳамд ғазаллари ваҳдат ул-вужуд таълимоти асосида талқин этилган. Ваҳдат ул-вужуд таълимоти орқали эса Инсон Аллоҳнинг буюклигини ва ўзининг ожизлигини идрок этади. Улуғ шоир баъзи ҳамд ғазалларида яширин ширкдан ҳақиқий тавҳидга эришишни, баъзиларида эса маҳлуқотга Ҳақнинг тажаллийлари сифатида раҳму шафқат билан муомала қилиш ва исму сифатларнинг мазҳари бўлган борлиқни, табиатни ўрганиш воситасида Аллоҳнинг мислсиз куч-қудратини ҳис қилиш, руҳий-маънавий риёзат туфайли илоҳий сифатларга эга бўлиш каби ғояларни илгари суради.

Нақшбанд ҳазратлари айтганидек: «Тавҳид сирриға етса бўлур, маърифатнинг сирриға етиб бўлмас»<sup>3</sup>.

Оллоҳнинг бируборлигига, яккаю ёлғизлигига, азалий ва абадийлигига иймон келтириш тавҳиддир. Шунинг учун «Аллоҳнинг 99 исми бор», «Аллоҳнинг 1001 исми бор» деган фикрларни нисбий ҳукм сифатида қабул қилиш керак. Шунинг учун улуғ шоир ҳайрат мақоми ҳамдларида Оллоҳга ҳамд айта олмай, исм ва сифатларининг беҳад кўплигини кўриб, ҳайронликдан тили «гунгу лол» қолганлигидан ҳайратланади.

Демак, асмои ҳуснани ҳар ким ўз маърифий-руҳий даражасига кўра идрок этади. Руҳий-маънавий даражада юксалиб борган сайин, киши Оллоҳнинг янги-янги исм ва сифатларини англайди. Куръони Каримда «асмои ҳусна»нинг мухтасар рўйхати ҳам мавжуд: ар-Раҳмон, ар-Раҳим, ал-Малиқ, ал-Қуддус, ал-Салим, ал-Мўъмин, ал-Азиз, ал-Холиқ, ал-Мусаввир<sup>4</sup>.

<sup>1</sup> Навоий Алишер. Муқаммал асарлар тўплами. 20 томлик. 5-том. Бадоеъ ул-васат.-Тошкент: Фан, 1990, 177-бет.

<sup>2</sup> Куръони Карим.-Тошкент: Чўлпон, 1992 , 107-бет.

<sup>3</sup> Навоий Алишер. Муқаммал асарлар тўплами. 20 томлик. 17-том. -Тошкент: Фан, 2001, 264-бет.

<sup>4</sup> Куръони Карим (таржима ва изоҳлар муаллифи Алоуддин Мансур). -Тошкент: Чўлпон, 1992. 406-бет.

Асмои ҳусна пайғамбарлар томонидан қўйилган. «Исми Жалолни Одам алайҳиссалом, қавий, Азиз ва Маннонни Йдрис алайҳиссалом кашф айлаганмиш», – дейилади «Тасаввуф сабоқлари» китобида<sup>1</sup>.

Аллоҳнинг исм ва сифатларини айтиб, Уни зикр этишнинг хосияти ҳақида шундай қудсий ҳадис бор: «Эй, одам боласи! Сен ғайримни унутган бир қиёфада Мени зикр этки, Мен ҳам сендаги ҳижобни қолдирмоқ сувратила сени зикр этаман. қалбингла зикр этсанг, сени лиқом (Аллоҳга етишиш) ила зикр этаман»<sup>2</sup>. Шунинг учун ҳам Алишер Навоий деярли ҳар бир ҳамд ғазалининг мақтаида Оллоҳ ҳамдини фақат тилда юзаки мақтاشни эмас, балки Уни бевосита таниш иштиёқидан туғилган қўнгил зикрини, сидқидил имонни улуғлайди ва «ҳамд боғи»да «булбулигўё каби нағмасарой» бўлишни орзу қиласди. Шоир мазкур йўналишдаги ғазалларда ҳам қуръони карим ғояларига ишора қиласди. Фикримизнинг далили сифатида шундай ғазаллардан бирини таҳлил қиласиз:

*Не сунъунгдан ажаб юз минг жаҳон бўлмоқ яна пайдо,  
Не мулкунгга халал юз минг жаҳондек бўлса нопайдо.  
Не поёни жалолу кибриёдурким тафовут йўқ,  
Агар юз минг жаҳондек бўлса нопайдо ваё пайдо<sup>3</sup>.*

Шоирнинг фикрича, Оллоҳ яна юз минг жаҳонни яратишга қодир. Унинг хазинаси шу қадар бемислу беҳисобки, юз минг жаҳон йўқолса, пинҳон бўлса ҳам, Унинг мулкига халал бермайди. Мазкур байтда Ҳақнинг мўъжизавий яратувчаник қудрати ва Ал-Ғонийй (жуда бадавлат ва ҳар кимсадан мустафи), Ал-Бадиъ (мислсиз нарсаларни яратувчи), Малик ул-мулк (мулкнинг абадий соҳиби), Ал-Барр (Эҳсон этувчи), Зул жалали вал икром (жалолу кибриё, буюклиқ, фазлу карам соҳиби) каби сифатлари улуғланган.

Иккинчи байтда эса қуръоний ғоя тафсир қилинган («Жосия» сураси 27-ояти): «Ва лахул кибриёу фис самовоти вал арз. Вал ҳувал азизул ҳаким»<sup>4</sup>. Худонинг жалол сифати эса «Раҳмон» сураси 78-оятида берилган: «Ва ябқо важху раббика зулжалоли вал икром».

*Азал ҳам сен, абад ҳам сен, не аввал бирла охирким,  
Анга йўқ ибтидо пайдо, мунга йўқ интиҳо пайдо.*

Парвардигори каримнинг айни сифатлари “Ҳадид” сурасининг 3-оятида келган: “Ҳувал аввалу вал охиру ваз зоҳиру вал ботин. Ва ҳува бикулли шайъин алийм”.

қуръоннинг ўзбек тилидаги мазмунини берган Алоуддин Мансур ўша ояти каримани қўйидагича шарҳлайди: «Ушбу ояти каримада ҳар бир мўмин Оллоҳ таолонинг бор ва бирлигига имон келтириш билан бирга эътиқод қилиши лозим бўлган тўрт илоҳий сифати баён этилди: Оллоҳ аввалдир, яъни У азалий зот бўлиб, Ундан аввал бирон замон ўтган эмас; Оллоҳ охирдир, яъни У абадий-мангу зот бўлиб, барча нарса йўқ бўлур, лекин Унинг интиҳоси йўқдир, Оллоҳ зоҳирдир, яъни коинотдаги ҳар бир нарса Унинг борлигига очиқ-зоҳир далолат қилиб туради; Оллоҳ ботин-махфийдир, яъни Унинг зотини кўз билан идрок этиб бўлмас ва Унинг моҳият-ҳақиқатига ақл билан етиб бўлмас». Алишер Навоий «ғаройиб ус-сигар» девонининг 5, «Наводир уш-шабоб»нинг 3, 4, 364-ғазаллари ҳам Оллоҳнинг ана ўша сифатлари таърифига бағишлилангандир.

<sup>1</sup> Ҳаққул И. Тасаввуф сабоқлари. -Бухоро: Бухоро Давлат университети, 2000. 109-бет.

<sup>2</sup> Асма-и ҳусна. -Тошкент: Камалақ, 1991, 35-бет.

<sup>3</sup> Навоий Алишер. МАТ. 20томлик. 5-том.-Тошкент: Фан, 1990, 8-бет.

<sup>4</sup> Ал-қуронул карим. Мадина Мунаввара: Мужаммаль ал-малий Фаҳд ли тибоати мусҳафи Шариф, 1985, 537-бет.

Бу орқали шоир Оллоҳнинг ҳамиша тирик ва абадийлигини таъкидлаган. Ҳақнинг бу улуғ сифатлари ҳақида эса «Бақара» (255-оят), «Фурқон» (58-оят), «қасас» (88-оят), «Арраҳмон» (27-оят), «Тоҳо» (7-8-оят), «Наҳл» (19, 23-оят), «Ҳашр» (22-24-оят) сураларида ҳам гувоҳлик берилган.

*Фалак ҳам ожиз, ахтар ҳам забун сайру сукун ичра  
Ки сендиндур не бўлса анжуму афлок аро пайдо.*

Бутун «анжуму афлок» Ҳақнинг қонуниятига бўйсунади ва У белгилаган қатъий чегара доирасида ҳаракат қиласи. «Худонинг қудрати олдида фалак ҳам», «ахтар ҳам забун», - дейиш орқали шоир осмон жисмлари сиру синоати ва уларнинг ҳаракат чегараси, яратилиш сабабларига ҳам ишора қилган. «Фуссилат» (53-оят), «Ваз-зориёт» (20-21-оят), «Наҳл» (12, 16-оят), «Раҳмон» (6-оят), «Анъон» (97-оят), «Аъроф» (54-оят), «Ҳаж» (18-оят), «Софбот» (88-оят), Тур (49-оят), Вокеа (75-оят), Мурсалот (8-оят), «Таквир» (2-оят), «Анбиё» (33-оят), «Ёсин» (40-оят) оятларида эса Ҳақнинг сиру синоати ишончли далиллар орқали асосланган. Шоир бу асослар орқали Оллоҳнинг Ан-Нур (оламларни нурлантирувчи), Ал-Мухсий (зарралардан курраларга қадар ҳар нарсанинг ҳисобини билгувчи), Ал-Холиқ (коинотни яратувчи ва бор этувчи) сифатларига ҳам ишора қилган.

*Нечаким баҳр ила кон бўлса сендин тарбият етмай,  
Эмастур мумкин ўлмоқ дурру лаъли бебаҳо пайдо.*

«Баҳр»даги бебаҳо «дурру лаъли»-барча-барчаси Ҳақнинг бекиёс қудрати ва санъаткорлигидан далолат беради.

Дарё, денгиз, унинг бағридаги дафиналар ва улар фақат Оллоҳнинг қудратига бўйсуниши ҳақида Илоҳий китоб ўз ояти карималарида гувоҳлик беради: «Бақара» (20, 106, 109, 148, 259, 284-оят), «Оли имрон» (26, 28, 189-оят), «Нисо» (133, 149-оят), «Моида» (17, 19, 40, 120-оят), «Анъом» (17, 37, 65-оят), «Анфол» (41-оят), «Тавба» (39-оят), «Худ» (4-оят), «Наҳл» (45-оят), «Фурқон» (54-оят), «Анкабут» (20-оят), «Рум» (54-оят), «Фотир» (1, 2-оят), «Ёсин» (81-оят), «Шўро» (9, 19, 50-оят), «Аҳқоғ» (33-оят), «Фатҳ» (21-оят), «Мулк» (1-оят), «Маориж» (40-оят), «қиёмат» (4, 40-оят), «Мурсалот» (23-оят), «Ториқ» (8-оят).

*Чу баҳри раҳматинг мавж урса, пайдо бўлмағай хасча,  
Неча журм аҳлидинким бўлса юз қўҳи хато пайдо.*

Оллоҳнинг қаҳру лутфининг сири фақат ўзигагина аён. Бизнинг наздимиизда гуноҳкор бўлган кишини У ўз раҳматига олиши мумкин ва акчсинча умрини тоат-ибодат билан ўтказганлар Унинг қаҳридан эмин бўлолмаслиги мумкин. Чунки исломий ақидага кўра, Аллоҳ таолонинг илми, қудрати, иродаси, эшитиши, кўриши ва Унинг гапи маҳлуқотларининг сифатларига ўхшамайди ва ҳар бир мусулмон бунга эътиқод қилиши керак. Шоирнинг фикрича ҳам, Оллоҳнинг назаридан ҳеч нарса пинҳон қолмайди, У ҳамма нарсани билгувчидир. Мазкур байт орқали Оллоҳнинг Ал-Алим (барча нарсани билгувчи), Басир (ҳамма нарсани кўрувчи), Сомеъ (ҳамма нарса эши тувчи) каби сифатлари мадҳ этилган. Унинг бу сифатлари эса Қуръони Каримнинг қуйидаги оятларида васф этилган.

Аллоҳ ҳамма нарсани билгувчи: «Бақара» (29, 33, 231, 255, 282-оят), «Оли имрон» (29-оят), «Моида» (7, 99-оят), «Анъом» (3, 73-оят), Худ (5-оят), Раъд (8, 10-оят), Мўъминун (92-оят), қасас (69-оят), Анкабут (45, 52-оят). Оллоҳ ҳамма нарсани кўрувчи (Басир): «Бақара»

(96, 110, 233, 237-оят), Оли имрон (15, 20-оят), Нисо (58, 134-оят), Ал-Исрө (1, 17, 30, 96-оят), Ҳаж (61, 75-оят), Сабаъ (11-оят), Фотир (31, 45-оят), Ғофир (20, 44, 56-оят), Ҳадид (4-оят), «Мужодала» (1-оят), «Мулк» (19-оят), Иншиқоқ (15-оят).

Аллоҳ ҳамма нарса эшитувчи (Сомеъ): «Бақара» (127, 137, 181, 224, 227, 244, 256-оят), Оли имрон (34, 35, 38, 121-оят), Нисо (58, 134, 148-оят), Анъом (13, 115-оят), Аъроф (200-оят), Анфол (61-оят), Фуссилот (36-оят), Мужоқала (1-оят).

*Навоийнинг тилин шукрунгга гўё айлаким, бўлғай  
Анга ҳамдинг гулистонида ҳар дам юз наво пайдо.*

Шоир мақтада сидқидил иймонни, банданинг чин кўнгилдан қилган зикрини улуғлайди ва Унинг «ҳамди гулистонида» «ҳардам юз наво пайдо» белишини истайди, яъни Ҳақнинг исм ва сифатларини қалбан ҳис қилиб, илҳому завқ ила Уни таниш руҳан юксалишнинг асоси эканлигини таъкидлайди.

Кўринадики, бу ғазалда Оллоҳнинг бир нечта исм ва сифатлари улуғланган. Ғазалда ифодаланган ғоянинг асосий илдизи эса Куръони Карим, Ҳадиси шариф ва ақоиди исломиядир.

Алишер Навоий баъзи ҳамд ғазалларида Ҳақнинг сифатларини очиқ-ойдин васф этса, кўпинча эса уларни тафсир йўли билан таърифлаб, асосли ишоралар орқали талқин этади:

*Ҳар тийра рўзгорки, васлингға йўл топиб  
Сендин, етиб чароғи ҳидоят била санга<sup>1</sup>.*

Мазкур байтда Оллоҳнинг Мунир исмига ишора қилинган. «Мунир-нур берувчи, ҳидоятга чорловчи» маъноларини англатади. Бу ном билан Тангрига мурожаат қилиниб, шу орқали нурларнинг асли, мақоми ва манзили Унинг ўзи эканлиги билдирилмоқда.

*Азалдин то абад сатҳи вужудинг зарфи тўлмаским,  
Анга не ибтидо пайдодурур, не интиҳо пайдо<sup>2</sup>.*

Бунда Оллоҳнинг Азал ва Абад исму сифатлари билан бирга қайюм исмига ҳам ишора қилинган. «Сатҳи вужуди зарфи тўлмас»лигига сабаб У (қайюм) ўз-ўзидан қойимдур, ҳар ниманики истаса, ўзи ижро қиласди. Тангрининг бу исми Унинг эҳтиёжсиз эканлигини англатади.

*Зотингга ғайрни кимса нечук эткай ташбих,  
Мосиваллоҳ чу саво келдию ул зот сиво<sup>3</sup>.*

Мосиваллоҳ-Худодан бошқа, саво-ажратмоқ, сиво-ўзга, ажралган. Ҳеч нарсани Оллоҳга ўхшатиб бўлмайди, Унинг ўхشاши йўқ.

Бу эса Фардоният (якка-ёлғиз, ажралган маъноларини англатади) исмига ишорадир.

Аллоҳнинг исм ва сифатларининг ҳар бири Зотинг мартабаларидир. Унинг зоти, зотига нисбатан эътиборли бўлган бу исм ва сифатлар билан турли суратларда тажаллий этади.

<sup>1</sup> Навоий Алишер. Муқаммал асарлар тўплами. 20 томлик. 3-том. /аройиб-ус-сиғар. -Тошкент: Фан, 1988, 27-бет.

<sup>2</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 8-бет.

<sup>3</sup> Навоий Алишер. Муқаммал асарлар тўплами. 20 томлик. 5-том. Бадоеъ ул-васат. -Тошкент: Фан, 1990, 9-бет.

Асмои ҳусна ичидаги Оллоҳнинг саккиз сифати субутий, аслий (Ҳаёт, Илм, қудрат, Басар, Самъ, Ирода, Калом, Тақвина) ҳисобланади.

Буларга Оллоҳ камоли сифатлари дейилади. Сифат зухур этган пайтда исм бўлади. Яъни, сифат исмнинг ботини, исм сифатнинг зоҳиридир. Зот эса сифатнинг ботини, сифат эса зотнинг зоҳиридир. Исм ашёнинг ботини, ашё эса исмнинг зоҳиридир. Шунинг учун шоир «Руҳ ул-қудс» қасидасининг биринчи байтини худди шу талқин тасвири билан бошлайди:

*Зихй ба хомаи қудрат мусаввирий ашъё,  
Ҳазор нақши ҳар замон аз ўпайдо.*

Шунга кўра, Зот ўз навбатида сифат, исм ва ашё шаклида тажаллий этади.

Илоҳий исмларнинг кўпи Зотга, сифатга ва феълларга оид маъноларни ўзида жамъ қилади. Масалан, Раб исми событ, молик ва муслиҳ маъноларини ўз ичига олади. Буларнинг биринчиси Зотга, иккинчиси сифатга, учинчиси эса феълга оиддир. Бу сифатлар тажаллийси махлуқот ва мавжудотнинг даражасига қараб белгиланади. Азизиддин Насафийнинг «Зубдат ул-ҳақойиқ» асарида булар руҳ тараққиёти даражалари сифатида эътироф этилган<sup>1</sup>.

Ҳақнинг субутий сифатларини ажратиш эса нисбий бўлиб, Қуръони Каримда кўп такрорланиб турувчи ва Ҳақдан ўзгаларга нисбат бериб бўлмайдиган исму сифатларига таянилади. Алишер Навоий ҳам ҳар бир ҳамд ғазалида Зотга, сифатга, қуйи даражадаги махлуқотга хос сифатларни, яратиқларда қай даражада исм ва сифатларнинг тажаллий этганлигини ишончли асослар орқали тасвирлайди.

*Вужуди зарранинг мумкин эмас то событ ўлмас меҳр,  
Не ҳожмат зарра хайлидин қуёш зотиға исботе<sup>2</sup>.*

«Лисон ут-тайр»нинг (Фақру фано мақомида) фақат Зотга хос сифатлар яққол аён бўлиши масаласига алоҳида ургу берилган.

*Топмоқ имкон йўқ висолинг комини,  
Ул фанолардин бақо анжомини<sup>3</sup>.*

Мазкур байтдаги «бақо анжоми» орқали шоир фақат Зотга хос субутий сифатларга ишора қилмоқда. Чунки ҳатто пайғамбарлар ҳам фоний, уларнинг юксак руҳий тараққиёти ҳам Зот сифатига кўра нисбийдир. Шунинг учун Алишер Навоий ҳамд ғазалларида Оллоҳнинг қудрат сифати олдида ҳатто пайғамбарлар ҳечdir, дейилади. «ўаройиб ус-сифар»нинг 5-7, 364-6, «Бадоеъ-ул-васат»нинг 1-3, 3-4, 4-3-4-ғазалларида байтларда Оллоҳнинг зотий сифатлари (Ҳаёт, Илм, қудрат, Басар, Ирода, Калом, Тақвина) улуғланган. Ҳазрат Навоий ҳамд ғазалларида мазкур субутий сифатларга барча мақомдаги шеърларида баъзан қайта-қайта (турли мақсадларда) мурожаат қилади. «Бадоеъ ул-васат»нинг иккинчи ғазали Оллоҳ субутий сифатларининг таърифига бағишлиланган:

<sup>1</sup> Азизиддин Насафий. Зубдат ул-ҳақойиқ. - Тошкент: Камалак, 1996, 42-бет.

<sup>2</sup> Навоий Алишер. Мукаммал асарлар тўплами. 20 томлик. З-том. Ҳазойин ул-маоний. /аройиб-ус-сифар. -Тошкент: Фан, 1988, 242-бет.

<sup>3</sup> Навоий Алишер. Лисон ут-тайр. -Тошкент: Адабиёт ва санъат, 1991, 257-бет.

Ироданг бирла тақдирингдан ўлғай иккى кавн ичра,  
Агар бўлса фано зоҳир ва гар бўлса бақо пайдо<sup>1</sup>.

Ислом динида Ҳаққи мутлақ, Аллоҳ моддийликдан тамоман холи шаклда, нафсга мутлақо эга бўлмаган абадий, чексиз қудрат ва ирода сифатида тушунилади. Ҳаққи мутлақнинг исломий ва маърифий сифату исмларини билиш Шарқ мумтоз адабиётида маърифий тимсоллар моҳиятини, сўзни уқиш учун (туб моҳиятига етиш учун) беҳад зарурдир.

Ҳаққи мутлақ маърифатда нафақат мажмуи асмо ва сифат, балки вожиб ул-вужуд, зарурий, абадий борлиқ, моддий борлиқнинг сабабчисидир. Унинг борлигини, борлиқ оламнинг мавжудлик сабаби ва асосини, моддий оламнинг, борлиқнинг мавжудлигининг имкониятидир, яъни имкон ул-вужуд (борлиқнинг имконияти, борлиқнинг мавжудлигига ҳам имконият) ҳамдир.

Файз агар олмас вужудинг гулистони атридин,  
Шаммаи нақши вужуд имкон эмас имкон аро.

Шунинг учун борлиқ, мавжудот олами ва коинот Ҳаққи мутлақдан узилиши асло мумкин эмас. Бу масала-борлиқ ва Ҳақнинг ўзаро муносабати, маърифат ва исломнинг илми ҳайъати-Оламнинг яратилиши ҳақидаги таълимотида ўзининг аксини топади. «Наводир уш-шабоб» нинг иккинчи ғазали Аллоҳ-олам муносабатлари (яратилиш мартабалари «таназзулоти сабъа»-етти руҳий эниш) талқинига бағишлиланган.

Зиҳе камол ила кавнайн нақшиға наққош,  
Муқавванат вужудин вужудинг айлаб фош<sup>2</sup>.

Аллоҳнинг мавжудот ва борлиқлар олами (муқавванот) билан муносабати, Унинг исм ва сифатлари ўн саккиз минг оламга тажаллий этганлиги орқали намоён бўлади. Коинотдаги ҳар қандай воқелик Аллоҳнинг маълум бир жиҳатига алоқадордир. Аммо муайян бир бўлак бутунни ўзида акс эттира олмайди. Бўлак эса бутуннинг бир қисми сифатида бутун (Оллоҳ) га дахлдор. «Лисон ут-тайр» асари мана шу масаланинг кенг маърифий талқинига бағишлиланган. Шунинг учун ҳам қушлар айри-айри ҳолда Ҳақни танимайдилар. Жами махлуқот Ҳақ сифатининг мазҳа Т>0X>8, бу сифатлар борлиТ>35қ.gfe1049лар оламида «м\_ғ1фасал» тажаллийланган, инсон эса Ҳақ сифатларининг мужмал (л\$14164094»Llangfe1049н-де0, қ49ис|'fe1049қ.gfe1049а) мазҳXlang1049аридир,-дейди шоир:

Lsb20\_aЁjustright'5Эй, жамолинг жилvasи миръот инсу жL'een аро,  
Лек ўлуб ул жилва комил мазҳари инсон аро<sup>3</sup>.

Улуғ шоир деярли ҳар бир ҳамд ғазалида ру\$14164094xrsid11959475ий-маънавий риёзат (59854!9585 Ҳақ\_475ни таниш асоси эканлигини ва инсонни Оллоҳ нури энг кўп акс этган мукаммаў хил; қ'Зат сифатида борли-лар оламига масъуллигиа илоҳий-исломий |қарашлар орз!ngfe1049т5 қ!prsid9119585 или асослайди. «Раҳмон» сурасининг 29-ояти («У зот ҳар куни иш-амалдадир») мана шу зухуротга ишорадир<sup>4</sup>.

<sup>1</sup> Навоий Алишер. Муқаммал асарлар тўплами. 20 томлик. 5-том. Бадоев ул-васат. -Тошкент: Фан, 1990, 8-бет.

<sup>2</sup> Навоий Алишер. Муқаммал асарлар тўплами. 20 томлик. 3-том. Ҳазойин ул-маоний. /аройиб-ус-сигар.-Тошкент: Фан, 1988, 202-бет.

<sup>3</sup> Навоий Алишер. Муқаммал асарлар тўплами. 20 томлик. 5-том. Бадоев ул-васат. -Тошкент: Фан, 1990, 9-бет.

<sup>4</sup> Қуръони Карим (таржима ва изоҳлар муаллифи Алоуддин Мансур). -Тошкент: Чўлпон, 1992, 391-бет.

Аллоҳ зоти жиҳатидан борлиқлар оламига нисбатан бир ойна кабидир. Ҳар нарса унда кўринади: исм, феъл ва сифатлари жиҳатидан ҳам борлиқлар олами ўша ойнада кўринган бир мақомдадир. Аллоҳ зоти жиҳатидан ягона борлиқдир ва бутун мавжудотнинг ўзагини ташкил этади:

*қаноатнинг далилин инзиво қилдинг яна бир ҳам  
Далил ушбуки қониъ ҳарфидин халқ айладинг анқо.*

Ҳаққи мутлақнинг бошқа исмлари орасида Аллоҳ исми зотий, моҳиятни ўзида мужассам қилган исмдир.

*Бўлуб зотингда ожиз ҳар сифат ичинда мавсуфе,  
Анингдекким, қила олмай сифотинг шарҳини зоте<sup>1</sup>.*

«Хазойин ул-маоний» таркибидаги девонларнинг 1-4 ғазаллари-ҳамд, 5-ғазаллари эса муножот руҳида ёзилган ҳамдлардир. Муножот мазмунидаги ҳамд ғазалларда лирик қаҳрамон Оллоҳга илтижо қилиб, Ундан билиб-бilmай қилган гуноҳларидан кечишни сўраш, ўз қалб туйғуларини, чексиз муҳаббатини изҳор қилиш орқали ўз Яратувчисини таъриф ва тавсиф қиласди. Бундай руҳдаги ғазалларнинг матлаи зотий исмга мурожаат қилиш («Илоҳо» «Ё Раб») билан бошланади. Тўлиқ ҳамд мавқеидаги ғазалларнинг мақтаи ҳам муножот руҳидаги байт билан якунланади ва бунда ҳам шоир зотий исмларни қўллайди.

Шоир ўз Яратувчисига чексиз муҳаббатини, жунун ҳолатидаги ошиқлигини, самимий туйғуларию инсоний дарду изтиробларини изҳор қилиш руҳида ёзилган ғазалларида ёки байтларида Ҳаққа «Илоҳо» деб мурожаат қиласди.

Ҳазрат Навоий зотий исмни қолган исмлардан алоҳида ажратади. Шунинг учун зотий исм Илоҳ, Худо, Рабб шаклида ҳамд ғазалларнинг фақат матлаъ ёки мақтаида шеър қаҳрамони муножоти, ёлвориши ҳолатида ифодаланади. Бу муносабат «ўаройиб ус-сиғар»нинг 3 ва «Бадоеъ ул-васат»нинг 3,5-ғазаллари мақтаида «ё Раб», «Наводир уш-шабоб»нинг 2-ғазали мақтаида «Илоҳо», «Фавойид ул-кибар»нинг 4-ғазали мақтаида «Худоё» тарзида ифодаланган:

*Навоий аҳли жунун зумрасига кирди, Илоҳо  
Чу айладинг ани Мажнун, ўзингни қил ани Лайло.*

«ўаройиб ус-сиғар»нинг 5-ғазалида ҳам айни шу ҳолатни қузатамиз:

*Илоҳо, подшоҳо, кирдгоро,  
Санга очуғ ниҳону ошкоро.  
Зиҳи эл ниҳони санга ошкоро,  
Ниҳон дардима ошкор эт мудоро.*

«Хазойин ул-маоний» таркибидаги ҳамд ғазалларнинг фақат иккитаси («Наводир уш-шабоб» ва «Бадоеъ ул-васат» нинг бешинчи ғазали) нинг матлаи «Ё, Раб»-зотий исмга илтижо билан бошланади. Иброҳим Ал-Бурсавийнинг «Аҳли суннат вал-жамоат ақоиди» китобида «Ё Раб! Ё Раб! Ё Раб!» деган кишига Ҳақ таоло дарҳол: «Лаббайка, бандам!» дейди

<sup>1</sup>Навоий Алишер. Муқаммал асарлар тўплами. 20 томлик. З-том. Хазойин ул-маоний. /аройиб-ус-сиғар.-Тошкент: Фан, 1988, 442-бет.

ва тилаган нарсаларини ё дарҳол, ё кечроқ ато этади ва ёки охиратга қолдиради ёхуд ундан бир ёмонликни даф этади», -деб ёзилади<sup>1</sup>.

Куръони Каримда Худонинг «Раббил оламин», яъни оламларни тарбия қилувчи сифатида борлиги айтилган. «Девони Фоний» да ҳам Унинг дуоларни мустажоб қилувчи бу хислати (Ё, Раб) хусусида шундай ғазал мавжуд:

*Зи ҳажр ё Рабу афғонам аз фалак бигузашт,  
Туам ҳалос намои аз ин фиғон, Ё Раб.  
Расид «ё Раб» и ман шоми ғам ба мажмай дайр,  
Чи бошад ар бути ман бишнавада аз он, ё Раб<sup>2</sup>.*

Шунинг учун шоир ўз Яратувчисига шахсий туйғуларини изҳор қилиш билан бирга олам аҳли манфаати билан боғлиқ-ҳар бир мусулмон бандага раҳму шафқат, мустаҳкам иймон, «нокасу ножинс авлодига» инсоғ сўраш руҳидаги туйғулари баёнида Ҳақнинг «Ё, Раб» зотий исмига мурожаат қиласи. Чунки Унинг бу сифати юқорида таъкидлаганимиздек, «оламларни тарбияловчи» деган маънени англатади:

*Ё Rab, ўлғон чоғда жоним жисму вайрондин жудо,  
Ул бўлуб мундин, сен бўлмағин андин жудо.  
Элга маҳлас истасанг, етти тамуғни айла қул,  
Айлабон бир шуъла бу оҳи дураҳшондин жудо.  
Жаннат истаб айлаганларни ибодат қилмағил  
Кавсару тебию қасру ҳуру ризвондин жудо<sup>3</sup>69.*

Бу ғазалда шоир Оллоҳдан мустаҳкам иймон, «элнинг тамуғдин маҳлас» бўлиши учун дўзахни «кул айлаши»ни, риёкор сохта мусулмонларни эса «кавсару тўбию қасру ҳуру ризвондин жудо» қилишини сўраб, дуо қиласи.

*Ё Rab, ул соатки тушкай ҳажр жисму жон аро,  
Солғунг ойини фироқ ул ганжсу бу вайрон аро.  
Эй Навоий, жонни туфроқ айлагил фақр аҳлиға,  
Истасанг маншурлуқ ул ҳайли олийшон аро.*

«Наводир уш-шабоб»нинг 5-ғазалидан келтирилган мазкур байтлар орқали ҳам «Ё Раб»нинг қўлланилиши билан боғлиқ юқорида зикр этилган фикрларнинг асосли эканлигини кузатамиз.

Ушбу бетакрор бадиий обидаларда Оллоҳ ва инсон муносабатлари чуқур фалсафий мушоҳадалар тарзида тасвиrlанган. Ҳамд ғазаллар бадиияти жиҳатидан ҳам ғоят гўзал, баркамол асарлар саналади. Мавзунинг муҳимлигини эътиборга олган шоир уларга жо қилинмиш фалсафий ғояларни бадиий жиҳатдан юксак тимсоллар воситасида таъсирчан ифодалашга алоҳида диққат қилган. Ҳамд ғазаллардаги бир-биридан ёрқин бадиий лавҳалар, муаммо ва муболаға, ташбиҳ ва ташхис, истиора ва талмех, хусни таълил ва тажнис каби ранг-баранг шеърий санъатлар, ёқимли вазн ва оҳангдор қофия ҳамда радифлар ана шундан далолат беради.

<sup>1</sup> Мухаммад Зоҳид қўтқу ибн Иброҳи Ал-Бурсавий. Аҳли суннат вал-жамоат ақоиди. Иккинчи китоб. -Тошкент: Мовароуннаҳр, 1999, 170-бет.

<sup>2</sup> Навоий Алишер. Муқаммал асарлар тўплами. 20 томлик. 18-том. Девони Фоний. -Тошкент: Фан, 2002, 93-бет.

<sup>3</sup> Навоий Алишер. Муқаммал асарлар тўплами. 20 томлик. 3-том. Бадоевъул-васат. -Тошкент: Фан, 1990, 10-бет.

## Ҳамд ғазалларнинг ғоялар олами, бадиияти

Алишер Навоий Ҳаллоқ қудрату салоҳияти, сифату сийратини Қуръони Карим оятлари асосида ифодалаган бўлса, олам гўзаллигини Шарқ фалсафасида кенг ўрин тутган тасаввуф ақидалари, ғоялари заминида талқин этади. Шунинг учун ҳамд ғазалларда Оллоҳни васф қилиш билан бир қаторда унинг яратувчилик хусусияти улуғланади. Мутафаккир шоирнинг яратиш ва яралиш тўғрисидаги фалсафий қарашлари мазкур ғазалларда юксак бадиий талқинини топган. Бу мавзуга дахлдор ғазалларда Оллоҳ мўъжизавий сиймоси марказий ўринда туради. Жамики мавжудотнинг гўзаллигию баркамоллиги Ҳақ жамоли латофатининг инъикоси туфайлидир:

*Ибодатингга янги ой бўлиб ҳам ўлди мусалли,  
Сипеҳр атласидин солибон ҳавоға мусалло.  
Чу сандин ўлди қуёш панжаси аро олтун,  
Сочарға доғи сен эттинг анга карам яди туло.*

Қуръони Каримнинг «Ҳаж» сураси 18-оятида: «(Эй Мұҳаммад), Сиз осмонлардаги ва ердаги бор жонзот, қуёш, ой, юлдузлар, тоғлар, дов-дараҳтлар ва (барча) жониворлар ҳамда кўпдан кўп инсонлар (ёлғиз) Оллоҳга сажда қилишини кўрмадингизми?»-дейилади<sup>1</sup>70.

Юқоридаги парчада ҳам Оллоҳ ибодатига ҳам бўлиб, намоз ўқиётган янги Ой тасвири ўз ифодасини топган. Шоир бунда инсонга хос хусусиятни Ойга кўчириб, ташхис санъатининг ажойиб намунасини вужудга келтирган. Ой гўё рукуъга кетган кишидек намоз ўқимоқда, кўк атласи эса унга ҳавода жойнамоз вазифасини ўтамоқда. Ушбу байт шоир тафаккур оламининг ниҳоятда кенглигидан далолат берувчи сўз санъати намунасиdir. Навоий янги ой шаклида оҳори тўкилмаган ташбих намунасини яратган. Мумтоз шеъриятда кўпинча ҳилол маъшуқанинг камон қошига қиёсланган бўлса, улуғ шоир унга янгича ёндошиш асосида илоҳий китобга таяниб, Тангрининг буюклигини юксак нафосат билан тасвирлашга муваффақ бўлган. Кейинги байтда иштирок этган қуёш тимсоли орқали яна шундай гўзал манзара чизилган. Гўё Сенинг (Оллоҳ назарда тутилмоқда), марҳаматинг туфайли қуёш панжаси олтин бўлди, яъни Сен нур сочиш учун унга узун қўлларни эҳсон қилдинг. Шоир қуёш нурларини узун қўлларга ўхшатиб, уларда мавжуд бўлган олтин рангни Оллоҳнинг инояти эканлигини таъкидлаш билан бундай яратишга фақатгина қудратли, буюк зот қодир эканлигини жонли мисоллар орқали бадиий тасвирлаган:

*Зихи мазоҳир аро меҳри оразинdur нур,  
қуёшдин ўйлаки зарроти хайли ичра зухур.  
Вужудинг айлади кавну макон вужудин фош,  
Ҳамул сифатки қуёш қилди заррани машхур.  
Хирад гар аъмо эса гуноҳ зотинг ичра не тонг,  
қуёшни кўрмаса хуффош бордуур маъзур<sup>2</sup>.*

Гўзал кўриниш аро маъшуқанинг қуёшваш юзидан нур тараладики, бу қуёш зарралари ичидаги нурлар гуруҳини англатади. Кўринадики, байтда икки манбанинг мувозий қўлланилиши орқали бадиийлик оширилган. Биринчи бадиий ишорани «меҳри орази»дан

<sup>1</sup> Қуръони Карим. -Тошкент: Чўлпон, 1992. 299-бет.

<sup>2</sup> Навоий Алишер. Муқаммал асарлар тўплами. 20 томлик. З-том. Наводир уш-шабоб.-Тошкент: Фан, 1989, 99-бет.

нур тарататётган маъшуқа маъносида талқин қилиш мумкин. Унинг юзидан таралаётган нур қуёшдан пайдо бўлаётган заррачалардай сержилодир. Иккинчи байтдаги «Вужудинг айлади кавну макон вужудин фош» мисраси буюк яратувчанлик хусусиятига эга Зот ҳақидадир. «Кавну макон» деганда борлиқ, бутун олам, коинот назарда тутилади. Мисрада Ҳақ таоло вужуди коинот вужудининг ошкор этгани, яъни бунёд қилгани ҳақидаги исломий таълимот ўз инъикосини топган. Навоий илк байтда қўллаган услубини давом эттириб, қуёшнинг худди ўша сифат билан заррани машхур қилганлигини Ҳақ таолонинг оламни вужудга келтирганига ёндош қўллайди. Бу эса Оллоҳни васф этиш билан бирга қуёш сайёраси воситасида коинотнинг яратилиши тўғрисидаги илоҳий-фалсафий қарашни тасаввурга келтириш учун замин ҳозирлайди. Газалнинг дастлабки байтидаги образни назарда тутиб, шоир илоҳий ишқни тараннум этмоқдами ёки мажозий ишқни, шаклида савол қўйиш у қадар мувофиқ эмас. Чунки байтлардаги ботиний маънолар, илк байтда қўлланган маъшуқа жамоли васфига доир ишоралар инсон ва Худо ишқи қоришиқ келаётганлиги ҳақида муайян қўнимга келиш имконини беради. Ўринли эътироф этилганидек: «Навоий ишқ номи билан инсонни улуғловчи илоҳий сирларни тадқиқ этади, буюк шоир тасвиридаги ҳақиқий ишқ кечинмалари Инсон ва Худо орасидаги руҳий яқинлик, бирлик туйғуларини ифодалайди»<sup>1</sup>. Ана шу руҳий яқинлик Навоий ғазалларида бадиий ифодасини топган Оллоҳга дахлдор лавҳалар заминида вужудга келган. Шеърий сатрлардаги тафаккур эса бекаму қўст яратилган олам ва унинг Бунёдкори хусусидадир. Шоирнинг борлиққа меҳри баландлиги боис унинг яратувчисига ҳам севгиси чексиздир. Шу сабаб Навоий «Ҳақ субҳоно таоло ҳамди ё расул алайҳис-салом наъти» ёки ҳар иккаласи «далолат қилурдек бир амрдин ҳар бир амрда бир лаҳза» мұяссар бўлмоқликни саодат деб билади. Шоир қўзлаган мақсадига Оллоҳ мадҳ этилган юқоридаги байтлар воситасида эришган, дейиш мумкин. Чунки учинчи байтдаги Инсон ва Худо орасидаги муносабат тасвири мутафаккир шоирнинг теран мұлоҳазалари маҳсулидир. Унда қўлланилган қуёш тимсоли байтда илгари сурилган ғояни шеърхонга аниқ етказиш ва мисралар бадииятини ошириш нуқтаи назаридан юксак аҳамиятга молик. Навоий: «Агар хирад (билим аҳли), ақлнинг кўзи ожиз бўлса, гуноҳ зотнинг ичида бўлиши ажабланарлимас, чунки кўршапалак қуёшни кўрмаса ҳам маъзур бордир, яъни кечиравларидир», - дейди. Бунда шоир хирад деганда инсонни назарда тутиб, унинг кўзи ожизлигини Ҳақнинг сир-асрорларидан воқиғ әмасликда деб билади ва буни гуноҳ санамайди. Бундай хуолосага келишда Алишер Навоий табиий ҳодисаларга тегишли Ҳақ қониятига таянади.

Иккинчи байтда ифодаланган кўршапалак ва қуёшга доир лавҳалар ўшандай майлдан дарак беради. Ҳақиқатдан ҳам, хуффош қуёшни кўришдан маҳрум. Шундай экан, инсон ҳам Ҳақ таолонинг бутун яратиқлари ва зотини англашдан аъмодир.

Ҳамд ғазалларда Оллоҳ ва банда муносабатлари ҳам чуқур фалсафий мушоҳадалар тарзида баён қилинган. Шоир ёзишича, Оллоҳ ўз бандасининг ҳар қандай гуноҳини кечира оловучи бекиёс шафқат соҳиби, айни вақтда ҳеч бир инсон Унинг қаҳру ғазабидан эминг бўла олмайди. Бутун умрини майхонада ўтказган гуноҳкор банда ҳам Яратганинг лутфу марҳаматидан умидвор бўлиши мумкин, аммо бор ҳаётини тақвою ибодатга бахшида айлаган зот бўлсин, Унинг қаҳру ғазабига дуч келиши ҳам қийин эмас:

*Чу баҳре раҳматинг мавж урса пайдо бўлмағай хасча,  
Неча журм аҳлидинки, бўлса юз қўйху хато пайдо<sup>2</sup>, –*

<sup>1</sup> Ҳаққулов И. Тасаввуф ва шеърият. -Тошкент: Адабиёт ва санъат нашриёти, 1991, 86-бет.

<sup>2</sup> Навоий Алишер. Мукаммал асарлар тўплами. 20 томлик. 5-том. Бадоев ул-васат. -Тошкент: Фан, 1990, 9-бет.

байтида шундай фикрлар ўз аксини топган. Бинобарин, одамларнинг яхши инсонлар ҳақидаги маломатларию, ёмонлар тўғрисидаги мадҳу санолари Оллоҳ олдида ҳечдир. Адолатли Халлоқ ҳар кимга ўзига муносиб баҳо беради. Шундай экан, ҳар қайси инсон Яратганинг ҳақиқат қилишига умид қилиб яшashi мумкин. Мехрибон Оллоҳ бор экан, яхши инсон ҳеч қачон хор бўлмайди, деган муҳим фикр ифодаланади юқоридаги байтлар замирида.

Мазкур байтларда Оллоҳнинг Аш-шоҳид (ҳар нарсани нозиклиги билан кўриб турувчи), Ал-Фоғур (гуноҳкорлардан истаганини зиёдаси билан авф этувчи), Ал-Адлу (чин адолат соҳиби), Ал-Хоғиду (кулларидан баъзиларининг даражасини туширувчи), Ар-Роғиу (кулларидан баъзиларини юксалтирувчи), Ал-Музидлу (истаганини начор ва ҳақир қилувчи) каби исм ва сифатлари улуғланган.

Алишер Навоий турли дунёқарашдаги кишиларни кузатиш, улар феъл атворидаги жиҳатларни умумлаштириш орқали қандай одамларнинг ибодату дуолари Оллоҳга етиб боришини яширин ички бир туйғу билан (яшаш тажрибаси орқали) ҳис қилган ва тасвиrlаган. Чунки бу улуғ ижодий дард шоир қалбига болалигидан – «Мантиқ ут-тайр»га ишқи тушганидан бошланган эди.

«Ҳақ-инсон» муносабатларини турлича талқин этиш оқибатида жамиятнинг ҳар хил табақалари ўртасида низолар келиб чиққан. Инсоният тарихидан муълумки, барча буюк даҳоларнинг маслак ва ҳақиқатларини зоҳирбин, калтабин авом тушуна олмаганлиги ёки англашга қодир эмаслигидан тафаккур аҳли бошига кўп қулфат тушган. Шунинг учун Исо алайҳиссалом чормихга тортилган, Будда тошбўрон қилинган. Суқроти ҳакимга заҳар ичирилган. Алишер Навоий ҳам турли мазҳаблар, тариқатнинг турли оқимлари ўртасида ўшандай хурофий курашлар айни кучайган даврда яшаб ижод этди. Табиийки, улар буюк мутафаккир ижодиёти учун изсиз кетмаган, албатта.

Шоир асарларининг кириш ҳамдларида Оллоҳнинг буюк қудратини, Унинг яратиқлари мўъжизавий мукаммаллиги васф этилган белса, ҳамд ғазалларида эса Ҳақ маърифатини турлича талқин этиш жараёнида келиб чиққан низоларнинг бош сабаблари тазод санъати орқали қиёсланади: нафс-руҳ, хонақоҳ-дайр, зоҳид-ошиқ, тақво -ишқ (жуунун), мўъмин-маҳмур, хирад-ҳайрат (юрак), аҳли тақво-аҳли исён, хуру ризвон-васли Ҳақ. Бу қиёслар замирида шоир яшаган даврнинг турли ижтимоий қатламларга хос кишилар руҳияти акс этган ва улар Оллоҳни ўз маърифий даражаларидан келиб чиқиб таърифлаган. Турли оқимлар, тариқатлар ва динларга мансуб кишилар эса Ҳақ зоти денгизининг мавжиидир. Уларнинг барчаси эса вақтинчалик ҳолат-ҳодисалар бўлиб, оқибати фанодир. Шунинг учун ҳам ҳаётда содир бўладиган турфа ҳодисалар остидаги туб моҳиятга эътибор бермаган авом Шайх Санъоннинг тарсо қизига ишқи тушишини «куфр» деб билишган. «Бадоєъ-ул-васат»нинг бешинчи ғазалида эса ўша манзарани эслатувчи лавҳалар қуидагича талқин этилган:

*Гарчи ўлдум кофири ишқ аҳли ислом ичра қот,  
Ул замонким бўлғуси кофир мусулмондин жудо.*

Бу сирнинг маъно-моҳияти фақат Яратганинг ўзига аён эди. Моҳият ҳодисалар орқали зухурланади. Шайх Санъон эса ҳодисалар (тарсо қизнинг қайтиши, фоний муриднинг дуоси) орқали моҳиятни англайди:

*Ошнолиқ тобқач имондин нуҳон,*

Оҳ уруб Шайх олдида тобшурди жон.  
Солди дин аҳли ароғавғо яна,  
Чектилар фарёду вовайло яна.  
Қуфр ила дин ичра фаҳм бўлди сабаб,  
Булъажаб иш зоҳир бўлди, булъажаб...  
Каъбадин андоқки қилди азми дайр,  
Дайрдин ҳам Каъбаға кўргузди сайр.

Ҳодисаларнинг асл моҳиятини тушунмаслик, худпарамстлик оқибатида шариат ва тариқат ўртасида аянчли фожиалар илдиз отган. Шундан бўлса керак, улуғ шоир Оллоҳнинг адолатли ҳукмини мисраларида қуидагича муҳрлаб қолдирган:

Лутфунг оллида кириб равзаға аҳли исён,  
Қаҳринг ўлғандга тушуб вайлға аҳли тақво<sup>1</sup>.

Шоир тазод бадиий санъати воситасида Ҳаққа етиш йўлларини рангин ифодалашга интилади. Навоийнинг фикрича, Оллоҳ даргоҳининг сиру асрорини билиб бўлмайди. қаҳру лутфининг сабаби эса фақат унинг ўзигагина аёндир:

Эй ҳамд ўлуб маҳол фасоҳат била Санга,  
Андоқки, қурб тақвову тоат била Санга.  
Топмоқ ажисб фикрү тахайюл била Сени,  
Етмак маҳол ақлу фаросат била Санга.  
Чун койинот зубдаси ожиз кўруб ўзин,  
Ҳамд айта олмас онча балоғат била Санга<sup>2</sup>.

Хатто «койинот зубдаси»–Мухаммад алайҳиссалом ҳам Унинг даргоҳи сирларидан бехабар, Унга балоғат билан ҳамд айтишда ўзини ожиз сезади,-дейди улуғ шоир. Шунинг учун Ҳақ маърифати ҳақида айтилган турли фикрларни тафтиш қилмай, Унинг даргоҳига энг мақбул–«ўзунг бирла ниёзу дард элт»; тоату тақво билан жаннатга дохил бўлолмайсан, чунки инсон малоикалардан ўтказиб тақво қилиш имкониятига эга эмас, сенинг «гуфтугў»нг «покравларнинг шариф анфоси» билан қиёсланганда қуруқ маддоҳлик; неча-неча анбиё-ю авлиёларнинг риёзату ибодати олдида сенинг ибодатинг ҳеч қандай қимматга эга эмас, дея қайта-қайта уқтиради шоир.

Элга маҳлас истасанг, етти тамуғни айла қул,  
Айлабон бир шуъла бу оҳи дураҳшондин жудо.  
Жаннат истаб айлаганларни ибодат қилмағил,  
Кавсару тўбию қасру ризвондин жудо.  
Барчадин айру Навоийға қилиб васлинг насиб,  
Қилмағил, Ё раб, ани мундин, муни ондин жудо<sup>3</sup>.

Фақат Ҳақ васли учун ўзлиқдан, дунёнинг моддий ҳирсларидан кечиш Ҳақ муҳаббатига сазовор бўлишнинг асоси эканлигини буюк мутафаккир деярли ҳар бир ҳамд ғазалида

<sup>1</sup> Навоий Алишер. Лисон ут-тайр. -Тошкент: Адабиёт ва санъат, 1991, 120-бет.

<sup>2</sup> Навоий Алишер. Муқаммал асарлар тўплами. 20-томлик. З-том. Хазойин ул-маоний. /аройиб -ус-сиғар.- Тошкент: Фан, 1988, 27-бет

<sup>3</sup> Навоий Алишер. Муқаммал асарлар тўплами. 20 томлик. 4-том. Бадоев ул-васат. -Тошкент: Фан, 1990, 10-бет.

таъкидлайди:

*Бирор етти Сангаким ўзлуги даштини тай қилди,  
Бақо истар киши аввал керак қилса фано пайдо.*

Фано-ўзликни йўқотиб, руҳан илоҳиётга сингишdir. Алишер Навоийнинг Абдураҳмон Жомий орқали расмий равишда нақшбандийлик тариқатига кирганлиги маълум. Нақшбандийликнинг бош шартларидан бири эса фақру фано мақомини эгаллашdir. Шунинг учун улуғ шоир деярли ҳар бир ҳамд ғазалининг мақтаъсида тилда айтилган ҳамду мадҳни зоҳирий, юзаки эканлигини, у қўнгилда етилиши («Дил ба ёру даст ба кор») кераклигини таъкидлайди:

*Навоий ўлмади тавҳид гўфтугў била фахм,  
Магарки айлагасен тилни қатъу жонни фидо<sup>1</sup>.*

Юқоридаги ғоя қуйида кўчирадиганимиз мисраларда ҳам мантиқан давом эттирилади. Комил инсонлар кўпайса, жамият ҳам комиллик сари юз буради. Бунинг учун инсондаги «мен»лик барҳам топмоғи лозим.

*Навоий зикри отингдур, умиди улки қутқарсанг,  
Ани от истамакдин, балки андинким бўлур оте<sup>2</sup>*

Нақшбандийлик тариқатининг муҳим шартларидан бири-зикри хуфия. Масаланинг айни жиҳати жуда муҳим ва бу тариқатнинг ижтимоий моҳиятини юксакка кўтаради. Улуғ шоир ҳамд ғазалларида нақшбандийлик таълимотининг ана ўша теран моҳияти талқинига алоҳида урғу берилади:

*Боқиб сужуд аро қошингға габр, агар мўъмин,  
Тилаб қадаҳ аро аксингни маст, агар маҳмур.  
Май ичра аксинг аро соғчашға айшу нашот,  
Қадаҳда нашъанг ила дурдкашға завқу сурур.  
Чу сенсиз ўлди ҳарам ичра порсо, не осиғ,  
Навоий ўлса сенинг бирла дайр аро не қусур<sup>3</sup>.*

Ринди дурднўш (майнинг қадаҳ остида қолган қуйқаси билан ҳам қаноат қилувчи)- Навоийнинг севимли қаҳрамони. Бунинг эса муҳим асослари бор. Шайх Санъон бошига тушган ишқ оғати сиру саноатини, ечимини тўрт юзта тақводор мурид (аслида етук шайхлар) топа олмай, «расвои олам» бўлишдан қўрқиб, «торқошиб» кетганларида, «яқжиҳатлиқ бобида мардона с о л и к мурид» - ринди покбознинг сидқу садоқати, қалбан муножотлари мустажобга ўтади. ўша илтижолар Шайх Санъон ва унинг қуршовидаги муридларини (расман, зоҳиран) яна бирлаштиради, Каъбаю хонақоҳга қайта файз киритади: «Девони Фоний» ҳамдларида ҳам айни лавҳаларни кўриш мумкин:

*Зоҳид андар сажда дур аз Ҳақ фитоду риндро,  
Даст бурдан сўйи соғар жуз бу бисмиллоҳ нест<sup>4</sup>.*

<sup>1</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 8-бет.

<sup>2</sup> Навоий Алишер. Муқаммал асарлар тўплами. 20 томлик. 3-том. Ҳазойин ул-маоний. /аройиб-ус-сифар.-Тошкент: Фан, 1988, 442-бет.

<sup>3</sup> Навоий Алишер. Муқаммал асарлар тўплами. 20 томлик. 18-том. Девони Фоний. -Тошкент: Фан, 1989, 99-бет.

<sup>4</sup> Навоий Алишер. Муқаммал асарлар тўплами. 20 томлик. 18-том. Девони Фоний.-Тошкент: Фан, 2002, 114-бет.

Шоирнинг нозик ишораларида шариат ва тариқат ўртасидаги буюк курашнинг сулҳи ифодаланган. Аммо Шайх Санъон энди ботинан ринди покбознинг юксак эътиқодига тан берди. Чунки у «ишқни маҳфий тутиш сири»ни билмай ошкор этиб, дайру Каъба ичра «уят»га қолади:

*Ишқни маҳфий тутарлар аҳли роз,  
Фош этардин кўп қулурлар эҳтиroz<sup>1</sup>.*

Нақшбандийлиқда ишқдан тилда лоғ урувчилар тан олинмайди. Шайх Санъон табиатида ҳам ўша аломатлар мавжуд. Шунинг учун ҳам у «дафъ бўлган гумроҳлик» дан (ишқни кўнгилда маҳфий тутиш камолотнинг асоси эканлигига гувоҳ бўлгач) шариату тариқатда муроса қилиб яшаётган солик руҳиятидаги комилликни чуқур ҳис қиласди:

*Эй фарҳунда фарзандим менинг,  
Риштаи жонимға пайвандим менинг.  
Сидқ аро ҳолингни тағиyr этмадинг,  
Ёрлиқ бобида тақсир этмадинг.*

Сидқ-бу аҳли дил шиори. Розни (ҳол сирларини) маҳфий тутиш уни «даҳри бемаъни эл» зоҳирбинларга ошкор этмаслик-бу огоҳликдир. «Девони Фоний»да шоир бу масалага қўйидагича талқин беради:

*Шайх ронад бар забон тавҳиду жонаш бехабар,  
Оре аз маънест қуръоне, ки нодон карда ҳифз.*

Каъбатуллоҳнинг шайхул-машойихи мартабасига кўтарилган Шайх Санъондай улуғ бир рутба соҳибига ҳам ана шу «огоҳлик» етишмади, шунинг учун унинг ҳоли «хонақоҳда ҳой или хуй, «дайр» ичинда нолаювой»га сабаб бўлди:

*Сенинг хаёлинг ила хонақоҳда ҳой ила ҳуй,  
Сенинг висолинг учун дайр ичинда нолаювой<sup>2</sup>.*

«Солик мурид эса сидқу садоқатда событ, яъни «тағиyr» эмас, ёрлиқ (амр, фармон, қонун-қоида-ш а р и а т) бобида эса бирор камчиликка, хатога йўл қўймаган, «тақсир» (қусур, камчилик) этмаган, аммо «ишқ жомидин уруб ҳал мин мазид»дир. Шунинг учун унинг дуоси ижобат бўлди ва ўша ижобат туфайли аҳли шариат ўртасидаги тарқоқликка барҳам берилди, муридларнинг иймони қайтарилди.

*Не қаҳринг ўтидин эмин фақиҳи сойими даҳр,  
Не раҳматингдин новмид ринди дурднўш<sup>3</sup>.*

Мазкур байтни шарҳлашда ҳам, албатта, «Лисон ут-тайр» достонидаги ишоралар ёрдамга келади. «Ринди дурднўш» нинг Оллоҳ раҳматидан «новмид» эмаслиги

<sup>1</sup> Навоий Алишер. Лисон ут-тайр. -Тошкент: Адабиёт ва санъат, 1991, 104-бет.

<sup>2</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 417-бет.

<sup>3</sup> Навоий Алишер. Муқаммал асарлар тўплами. 20 томлик. 5-том. Бадоеъ ул-васат. -Тошкент: Фан, 1990, 177-бет.

сабаблари юқоридаги фикрлардан аёнлашди.

«Фақиҳи сойими дахр»—Шайх Санъон. Унинг бошига тушган кулфатнинг (Оллоҳ қаҳрига қолиши) сабаби Шайх Санъоннинг устози ғавсул Аъзамга бир пайтлар шаккоклик қилиб, қарғиши олганлигини ринди покбознинг тушида Мұхаммад Пайғамбар изохлаб берадилар. Улуғ Навоий Оллоҳнинг пинҳону ниҳон, очиқу ошкорлик сифатларини мана шундай кенг тасаввурлар асосида тушуниш, ҳис қилиш зарурлигини уқтиради:

*Санга құнглумдаги ҳожатни не ҳожат үйқу арз этсам,  
Улус құнглида пинҳонлар әрур чунким санго пайдо.*

Ана шу нүктада шариат-мусулмонлик, тариқат-руҳий-маънавий камолотта асос әканлигига алоҳида урғу берилади. Руҳий-маънавий камолотгина Оллоҳ сирларидан (илми ғайб) огоҳ бўлишга асос бўлади. Тариқатнинг асоси эса риёзат-руҳий маънавий покланишдир.

Шоирнинг фикрича, комил инсон бўлиш иштиёқи мўъминда ўз-ўзидан ҳосил бўлмайди. Унда Ҳақни шариат асосида эмас, балки бевосита таниш иштиёқи туғилади.

*Бу ёруғлик шавқ ўтин тез айлагай,  
Ким талаб рахшин сабукхез айлагай.*

«Лисон ут-тайр»да тасвиrlанишича, бу «ёруғлик» Ҳақдан нишона, хабардир. Худди шу муддаони шоир «Фавойид ул-кибар»нинг иккинчи ғазалида муаммо санъати асосида гўзал тасвирини беради:

*Ломеки, васл аёғиға топмишдур имтисол,  
Ул ломдурки, ўртаға олмиш ани бало.*

Ломеъ-нур, ёруғлик. Толибдан ўз тилагига алоқадор бўлган барча нарсалардан воз кечиш, фақат шу мақсад сари интилиш талаб этилади. Бунда у ҳеч нарсадан қайтмаслиги, ҳеч қандай хавфу хатардан ҳайиқмаслиги шарт ва зарурдир. Бу хусусда улуғ мутафаккир бошқа бир ҳамд ғазалида шундай дейди:

*Бу марқабу бу сафар кимсага мұяссар эмас,  
Ки ҳосил айламагай олам аҳлидин тафрид.  
Бу ҳам киши ўзини бору ўйқдин эткай фард,  
Эмастур ўзлукидин мумкин ўлмайин таъийид<sup>1</sup>.*

Талаб мақомининг муҳим шартларидан бири соликнинг Ҳақдан маълум хабар олиши ва унинг шавқини қўнглига жо қилинишидир.

Мана шу нишона—«ломеъ» (нур). Толиб шу нур ишқида Илоҳ васлига талпинади, васл «оёғига» осилади. Ҳарф санъатига таянган улуғ шоир «васл» сўзидағи «лом»га урғу бериш билан бош муддаосини ёрқин кўрсатишга эришади. Лом ҳарфи илм учун, яъни камол мартабасидаги илм учун татбиқ қилинади. Демак, соликда илоҳий муҳаббат ва ботиний илм бўлса, у ваҳдатга эришиши мумкинки, бунинг сири «Ло» бирикмасида мужассам. У (лом) ни эса «бало» ўртага олган. Ана шу тариқа санъаткорона яратилган

<sup>1</sup> Навоий Алишер. Муқаммал асарлар тўплами. 20-томлик. 6-том. Фавойид ул-кибар. 1990, 114-бет.

сатрларда теран илоҳий-ирфоний ғоялар акс эта боради.

Бало-илоҳий имтиҳон. Толиб эса нафс ва руҳ кураши ичида яшайди, у «бало» синовидан ўтиши керак. Руҳоният ғолиблиги Ҳақ васлига етишнинг асосидир.

Ҳамд ғазаллардаги дайр, майкада, буткада, муғ, бутхона, харобот, вайронга каби сўзлар ботиний поклик масканлари сифатида намоён бўлса, зоҳид, шайх, тақвою тоат каби исломий тушунчалар ғафлат рамзлари ёки Ҳақни таниш бобида улар “аҳли исён”дан анча руҳий-маънавий жиҳатдан орқада қолган зоҳирбин авом сифатида тасвирланади.

“ўаройиб ус-сиғар”нинг 364, “Наводир уш-шабоб”нинг 3, 5, 114, “Бадоеъ ул-васат”нинг 1, 3, 4, 5 – ғазаллари худди шу мазмунда битилган ҳамдлардир.

Шоирнинг кўпгина ҳамд ғазллари орифона руҳда ёзилган. Ориф фақат ўзи танлаган йўлни ёки маъқуллаган фикрни тўғри деб, умумий йўлни ўз хусусий йўли билан чеклаб қўйганлардан анча баланд туради. У ҳодисалар остидаги моҳиятни умумлаштириб, тўғри баҳолай олади:

*Эй сулук аҳли, қачон мақсуд топқумдур десанг,  
Мосиваллоҳни фано қўрган қунин мийъод бил.  
Эйки дебсенким, билай тавҳид сирридин хабар,  
Шаръдин неким тажсовуз айлади илҳод бил<sup>1</sup>.*

Ориф тилидан ёзилган ғазалларда борлиқ, унинг фоний моҳияти, Ҳақни таниш масалалари очиб берилади.

Баъзи ҳамд ғазаллар марказида Ҳақдан ўзга ҳеч нарсага қизиқмайдиган, фақат Ҳақ билан бирга бўлиш умиди билан яшаётган ға ни й туради. Ярим девоналиқ, ярим мажнунилк (жуунун, мажзублик) ғаний ҳолатининг ўзига хос сифатларидир:

*Эй, кўнгул ичра васлинг учун ком таманно,  
Мени лабташнайи маҳмурға бер жом таманно<sup>2</sup>.*

ўаний ўз дарди, ўз мақсади билан биргадир, чунки унда ўз мақсадидан бошқа ҳеч нарсага эҳтиёж сезмайди, “гармрўларға ҳамқадам ўлмоққа ҳадди йўқ». Дарҳақиқат, муайян мақомга кўтарилган соликни ҳеч қандай ташвиш-тараддуд безовта қилолмайди.

*Онда менг кўр гумраху огоҳни,  
Дайр кўйи бирла байтуллоҳни<sup>3</sup>.*

Бу ҳолатда ға ни й нинг таянч мақсади нафсонияти, ўзлиги билан бирлашган, улар гўё бир-бирига сингиб кетган. “Фавойид ул-кибар”нинг 5-ғазалигина худди шу кайфиятда ёзилган ҳамддир.

Илоҳий эҳтиёжгина ошиқни иккилиқ ўртадан кўтарилган ваҳдат мақомига эриштиради. Худди шу мазмун «Фавойид ул-кибар»нинг охирги ҳамд ғазалида қуйидагича ифодаланган:

*Чу солик айлар эса азм водийи тавҳид,*

<sup>1</sup> Навоий Алишер. Муқаммал асарлар тўплами. 20 томлик. 3-том. Хазойин ул-маоний. /аройиб-ус-сиғар.-Тошкент: Фан, 1988, 364-бет.

<sup>2</sup> Навоий Алишер. Муқаммал асарлар тўплами. 20 томлик. 6-том. Фавойид ул-кибар. -Тошкент: Фан, 1990, 5-бет.

<sup>3</sup> Навоий Алишер. Лисон ут-тайр. -Тошкент: Адабиёт ва санъат, 1991, 203-бет.

*Керакки, минса бу сайд ичра маркаби тажрид.  
Бу маркабу бу сафар кимсага муюссар эмас,  
Ки ҳосил айламагай олам аҳлидин тафрид.*

Тавҳид йўлида соликдан тафриду тажрид бўлиш талаб қилинади. Чунки иккилиқ бу йўлда ортиқчалик қиласи ва бирлик сирларини билишдан четга чиқиши англатади. Тавҳид-солик ва Ҳақ ўртасида тафовутнинг йўқолиши, уларнинг бирлашиши, соликнинг Ҳақ тажаллийсини ўзида кўра олишидир.

Бу ғазалда бошқа ҳамд ғазалларда учрамайдиган янги қаҳрамон-муғ образи берилган:

*Чу дўст лутфиға бу барча бўлди вобаста,  
Недин керак кишига васл нақдидин тардид.  
Кетур қадаҳки, даме ўзни хуш тутай, эй муғ,  
Тўла қуярга эмас ҳожат айламак таъкид<sup>1</sup>.*

Улуғ шоирнинг таъкидича, Ҳақ васлига етишга ишонмаслик бу иймонсизлиқдир. Муаллиф тасвиридаги қаҳрамон ўзини васл боғида ҳис қиласи ва муғдан қадаҳ (май) сўрайди.

Муғ мазкур ғазалда Жаброил алайҳиссалом тимсоли сифатида келган. Чунки у – Оллоҳ амрлари сиру синоатидан, илми ғайбдан дарак берувчи, воситачи, ваҳий келтирувчи фаришта. ўазалдаги «вобаста» «тардид», «васл нақди» каби сўзлар унинг Жаброил алайҳиссаломга тегишли эканлигини асослайди. Айтганларимизни «Девони Фоний»да келган ҳамднинг қуидаги сатрлари тўлдиради:

*Тойири қудс, ки бар арш нишеман дорад,  
Пайки пайғом диҳи ҳазрати дарвешон аст<sup>2</sup>.*

Маърифатдан кейинги босқичларнинг барчаси ҳаётдан узилиб, «девона»лик билан яқинлашиб бораверади. Шунинг учун ғазалнинг мақтаси ҳам ғайри табиий якунланади:

*Навоий истамас ўзни даме бу дайрда соғ,  
Ҳамиша кайфиятиға аниң беринг таждид.*

«Таждид»-янгиланиш, янгидан пайдо бўлиш. ўз-ўзидан аёнки, руҳий тараққиёт йўлидаги солик яна илгарилашни хоҳлади. Ҳамиша дард билан ҳамдамлик, ишқ изтироблари ошиқнинг руҳий ҳолатига қувват беради, унга янада янги-янги кайфият бағишлиайди.

Алишер Навоий Ҳақнинг сирини “ақлу фаросат била” англаб бўлмаслигини, “ҳар неча ақл тафаккур” қилганда ҳам Ҳақ зотини “ташбеҳ этгали” ҳайронлиқдан “ғайри самар”дан ўзга бир ҳолатга эриша олмаслигини деярли ҳар бир ҳамд ғазалида таъкидлайди:

*Ангаки, бўлди жунун ишқ ичинда ёғдурдинг,  
Хирад қушини учурмоқға тифллардин тош<sup>3</sup>.*

<sup>1</sup> Навоий Алишер. Муқаммал асарлар тўплами. 20 томлик. 6-том. Фавойид ул-кибар. -Тошкент: Фан, 1990, 114-бет.

<sup>2</sup> Навоий Алишер. Муқаммал асарлар тўплами. 20 томлик. 18-том. Девони Фоний. -Тошкент: Фан, 2002, 146-бет.

<sup>3</sup> Навоий Алишер. Муқаммал асарлар тўплами. 20 томлик. 3-том. Хазойин ул-маоний. /аройиб-ус-сигар. -Тошкент: Фан, 1988, 242-бет.

Шоир Оллоҳнинг «камоли қудрати» ҳайратидан ақл «исбаъни мисвок» қилмоқдан нарига ўта олмаслиги ва «хуффош-аъмо хирад» нинг «кунҳи зот»ни кўра олмаслиги «маъзур», деб хулоса чиқаради. «Девони Фоний»даги қатор ҳамдларда ҳам («ақл фалак сирларини билишдан ожиз») «ақл пири ишқ асрори олдида мактаб боласи» («пири ақл аст бари ишқ чу тифли мактаб») дея тасвирланади. Мұхими, бундай маъно ташувчи ғазаллар «Девони Фоний»да яна талайгина кўзга ташланади.

Улуғ шоирнинг бадиий-маърифий ғазалларида ҳам бу масалага кенг ўрин ажратилган.

Таъкидлаш жоизки, фақру фано бу тасаввуфда бош мақсад бўлганлиги сабабли деярли ҳар бир ҳамд ғазалда бунга ишора қилинади.

*ўлса деб эрдинг Навоий, тиргузай васлим била,  
Билтур ўлганлар била ани баробар бўлди тут<sup>1</sup>.*

Навоий «билтур ўлганлар» қаторида ўзини санайди. Шоир бунда нафс, тан эҳтиёжлари хавфидан қутулганлигига «Муту қабла анта муту»нинг ҳаётий исботига ишора қилган.

Соликтурли нақшлар, шакллар, мавжлар, ҳодисалар – ўн саккиз минголам ичиди нимаики ажойибот бўлса, улар шакл жиҳатидангина мавжуд бўлиб, зоҳирда кўринувчанлик, ранго-ранг товланишларга ва коинотдаги барча нарсалар ичиди энг улуғи, мукаммали И н с о н эканлигини англайди:

*Эй, жамолинг жилvasи миръот инсу жсон аро,  
Лек ўлуб ул жилва комил мазҳари инсон аро.*

Фақир барча нарса фоний, фақат Оллоҳ боқийлигини, яъни «қудрат соҳиби бўлган сultonлар, олимлар, диний қоидаларни ўзгартириб, янги мазҳаблар тузувчи кишилар ҳам, ҳалқ орасида етук саналган валилар, пайғамбарлар ҳам Ҳақ зоти денгизининг мавжи эканлигини англаб етади:

*Кавнайн адам бўлса, вужудингға не тағайир,  
Гар мавж суқун тонса, тенгизга не тағайор<sup>2</sup>.*

Денгиз-мавж тизими асосида мантиқ-маъно умумлаштирилган.

*Дам-бадам бу нақшлар топиб фано,  
Фош ўлур минг мавжи гуногун яно.  
Яҳши боқсанг: мавжда йўқтур вужсуд,  
Баҳрдин ўзга эрур бори набуд<sup>3</sup>.*

Мазкур руҳдаги ҳамд ғазалларда талмех ва л и т о т а (кичрайтириш) санъати етакчилик қиласиди. Чунки Оллоҳнинг қудрату азимати олдида мулки борлиқдаги барча мўъжизалар забун, қави, ожиздир:

*Жинси башар йўқ огаҳинг, хуршид хоки даргаҳинг,*

<sup>1</sup> Навоий Алишер. Мукаммал асарлар тўплами. 20 томлик. 5-том. Бадоевъ ул-васат. -Тошкент: Фан, 1990, 69-бет.

<sup>2</sup> Навоий Алишер. Мукаммал асарлар тўплами. 20 томлик. 3-том. Хазойин ул-маоний. /аройиб-ус-сигар. -Тошкент: Фан, 1988, 132-бет.

<sup>3</sup> Навоий Алишер. Лисон ут-тайр. -Тошкент: Адабиёт ва санъат, 1991, 220-бет.

*Кўк маҳд аро тифли раҳинг етти атоу тўрт ано<sup>1</sup>.*

Ҳатто улуғларнинг улуғи сифатида эҳтийорга лойиқ кўрилган етти ато-Ҳазрат Одам, Нух, Иброҳим, Мусо, Довуд, Исо, Муҳаммад Мустафолар ва тўрт ано-Момо Ҳаво, Биби Осиё, Биби Марям, Ҳадичаи Кубролар ҳам ўша Буюк қудрат олдида нотавондирлар. Мазкур ғазал Ҳақ зоти тўғрисида фикрлаш мумкин эмаслиги ҳақидаги Имом ўazzолий таълимотининг маърифий-бадиий талқинидир. Улуғ шоир Ҳақ зотини суриштириш мумкин эмаслигини, Уни билиб бўлмаслигини таъкидлар экан, «Оллоҳнинг зоти ҳақида гапирмоқчи бўлсалар, етти отамизу тўрт онамиз ҳам бешиқдаги гўдакка ўхшаб қоладилар», - дея рамзий ифода қиласи.

Барча нақшлар, мавжлар Ҳақдан ажралган ва Ҳаққи Мутлақнинг бўлакларида. Аммо уларни Ҳаққа ташбиҳ этиб бўлмайди. «Лисон ут-тайр»да ҳам худди шу ғоя илгари сурлади. «Бадоев ул-васат» нинг учинчи ғазалида «Лисон ут-тайр» даги воқеалар айрим ихчам лавҳалар шаклида талқин этилган:

*Гулшани власлингга ҳар қушки ҳаво кўргузди,  
Еттади лек агар етти қилиб эрди ҳаво.  
Зотинга ғайрни кимса нечук этгай ташбиҳ,  
Мосиваллоҳ чу саво келдию ул зот сиво<sup>2</sup>.*

кушлар етти водий (руҳий-маънавий риёзат босқичлари) дан ўтган бўлса-да, барибир Ҳаққа ета олмади. Чунки Оллоҳ яратган нарсалар Оллоҳнинг ўзи бўла олмайди. Оллоҳ яратиқлари ҳар қанча мўъжизаларга бой, мукаммал бўлса-да, барибир фоний, ўткинчи, фақат Ҳақгина боқийдир. Фонийни Боқийга ўхшатиш эса мантиққа зид. Чунки ақоиди исломияга кўра, Оллоҳнинг қудрати олдида ҳамма нарсалар, ҳатто пайғамбарлар ҳам ожизу нотавон.

Инсон Ҳақ маърифатини тобора чуқурроқ англағани сайин, Оллоҳнинг исм ва сифатларининг чек-чегараси йўқлигини, уларни ҳеч қачон тўла-тўқис билиб бўлмаслигини, англаш жараёни ниҳоясизлигини тушуниб етади.

Солик ўз руҳий-маънавий тараққиёти доирасида Ҳақни уқади. Руҳий-маънавий тараққиёт қанча юксалса, Ҳақни уқиши, англаш жараёни шунча тез чуқурлашади.

Алишер Навоий Оллоҳнинг исм ва сифатлари чексизлигига қанчалик ишонса, инсоннинг Оллоҳни таниш йўлидаги имкониятларига ҳам худди шундай сатҳи кенг чексиз руҳий ҳурлик сифатида қарайди, яъни «Оллоҳни билиб бўлмайди» деган ақидани шаръий аҳком орқали эмас, руҳий-маънавий риёзат орқали англаш асосида амалга оширилишининг тарафдоридир:

*Навоий қайси тил бирла Сенинг ҳамдинг баён қилсун,  
Тикан жаннат гулин васф қилурда гунг эрур гўё.*

Шунинг учун ҳам Алишер Навоий ҳар бир ғазалида тилда айтилган «ҳамду сано»ни, юзаки тоат-ибодатни, сохта мусулмонликни қоралайди. Шоир шариатдаги расмий интизомни ҳурмат қилгани ҳолда, жамиятда мана шу қонун-қоидалар – ҳукмлар ижроси сидқидил иймон, садоқат, руҳий-маънавий англаш асосида амалга оширилишининг тарафдоридир:

*Нақди жон чиққанда имон гавҳарин кўнглумга сол,  
Айлагил жондин жудо, лек этма имондин жудо<sup>3</sup>.*

<sup>1</sup> Навоий Алишер. Муқаммал асарлар тўплами. 20 томлик. 6-том. Фавойид ул-кибар.-Тошкент: Фан, 1990, 7-бет.

<sup>2</sup> Навоий Алишер. Муқаммал асарлар тўплами. 20 томлик. 5-том. Бадоев ул-васат. -Тошкент: Фан, 1990, 7-бет.

<sup>3</sup> Навоий Алишер. Муқаммал асарлар тўплами. 20 томлик. 3-том. Ҳазойин ул-маоний. /аройиб-ус-сигар. -

Шоир «**Ситтаи зарурия**» таркибидаги тўртинчи қасида – «**қут ул-қулуб**»да бу хусусда кенг тўхталиб, сидқидил иймон, тақво, намоз қаби шаръий ҳукмларни руҳий камолотнинг дастлабки босқич шартлари сифатида эътироф этади.

«Лисон ут-тайр» достонида соликнинг сидқу садоқати орқали шаръий муридлар ўртасида тарқоқликнинг барҳам топиши, Шайх Санъоннинг Каъбага қайтиши, тарсо қизнинг (Каъбада) «дину имон аҳли гўристони»да дафн этилиши қаби воқеалар воситасида комил жамият учун руҳий-маънавий илдизлари бақувват расмий қонун-қоидалар зарурлигига ишора қилинади. «ўаройиб ус-сиғар»нинг 364-(ҳамд) ғазали айни ана ўша фикрларнинг маърифий талқинига бағишланган:

*Эйки дебсенким, билай тавҳид сирридин хабар,  
Шаръдин неким тажовуз айлади илҳод бил.*

Алишер Навоийнинг комиллик тариқига бўлган муносабати ана шу нуқтада аён бўлади. Чунки «Мантиқ ут-тайр» билан айни шу воқеалар тасвирида фарқлар яққол кўзга ташланади. Фаридуддин Атторда Шайх Санъон Каъбага етиб келмай, тарсо қизнинг мусулмон бўлганини эшитиб, йўлдан қайтади ва иккаласи ҳам (тарсо қиз-тонгда, Шайх Санъон-тушда) ишқ йўлида (дашту-саҳрода) вафот этади, улар дафн этилган жой «дил аҳли зиёратгоҳи бўлди», -дейилади. Дарҳақиқат, «Мантиқ ут-тайр»да Шайхнинг сидқу садоқати ва ишқ йўли улуғланган<sup>197</sup>.

Алишер Навоийнинг маърифий-бадиий ҳамдлари руҳий-маънавий риёзат босқичлари Ҳақни таниш усулининг асоси эканлигини бадиий ифодалашга ҳам қаратилган. Ҳамд ғазалларда ҳар бир маънавий-камолот босқичида соликнинг Ҳақ сифатларини тобора кўпроқ ва чуқурроқ англаш бориши, Илоҳ маърифатини айнан қайси нуқтагача илғаши яққол тасвиrlанган.

Солик ва Ҳақ орасидаги муносабатларни босқичма-босқич тасвиrlаб бориш, ҳар босқич (Ҳақ маърифатини англаш жараёни)да сулук аҳлиниңг руҳий-маънавий жиҳатдан юксалиб, Ҳаққа яқинлашиб бориши ва худди шу жараёнда Ҳақнинг унга муносабатини маърифий асослаш, гавдалантириш Алишер Навоий ҳамд ғазаллари мавзу ва ғоялар оламининг мундарижасидир.

Камолотга риёзат йўли орқали борилади. Руҳий-маънавий камолот босқичидан ўтиш жараёнида жисмнинг имкониятлари қисқариб, руҳнинг юксалиши учун тўсиқ-ўзлик (жисм, нафс), «менлиқдан нишон» маҳв бўлади. Натижада инсон Илоҳ ва Ҳаётнинг, яъни ўзининг асл моҳиятини англайди. Бу эса комиллик мезонидир. Худди шундай холис дунёқараш жамият ва одамларда устувор бўлса, худпаратслик, зуҳдфурӯшлик, ноҳақ қон тўкиш, турли қарама-қарши гуруҳлар, мазҳаблар ўртасидаги келишмовчилик ўз-ўзидан йўқолади.

Шунинг учун улуғ Навоий ҳамд ғазалларининг қаҳрамонлари оддий мўъминлик даражаси билан чекланиб қолмай, Ҳақ сиру синоатига этишишга бел боғлаган к о м и л

и с о н бўлиш иштиёқида «ўзни мақсад манзилига бошлаган» т о л и б, Ҳақнинг улуғ қудрати олдида ўзини хору ҳас қаби ҳис қилиб, «иксири аъзам»-ишқ оловида покланган о ш и қ, илми илоҳийда барчадан билимдон ориф, фақр, Ҳақдан ўзга нарсага қизиқмайдиган мажзублик ҳолатидаги ғ а н и й дир. Шариат ҳукмларидан, Қуръони Карим ва Ҳадиси шариф асосида Оллоҳ ва унинг чексиз сифатларидан хабардорлик, ўзининг моҳиятан шу қудрат соҳиби билан бирлигини пайқаш натижасида оддий ҳукмлар ижочиси бўлиш

Тошкент: Фан, 1988, 23-бет.

<sup>1</sup> Аттор Фаридуддин. Мантиқ ут-тайр. - Тошкент, 1900, 26 июнь, 45-бет.

билин қаноатланмай, ички руҳий хурликка, илми ғайбга эҳтиёж сезган солик Алишер Навоий ҳамд ғазалларининг умумий қаҳрамонидир.

Айни мулоҳазаларнинг ўзиёқ айрим хулосаларга келиш имконини беради:

1.Девонда маърифий-бадиий ҳамд ғазалларни ҳар ҳарф туркумига кўра биринчи жойлаштириш Шарқ мумтоз адабиётида Алишер Навоий номи билан боғлиқ анъанадир.

2.Шоир асарларининг кириш ҳамдларида Оллоҳнинг буюк қудрати, Унинг яратиқлари мўъжизавий мукаммаллиги васф этилган бўлса, ҳамд ғазалларида эса Ҳақ маърифатини турлича талқин этиш жараёнида келиб чиқсан низоларнинг бош сабаблари тазод санъати орқали ифодаланган.

3.Алишер Навоий ҳамд ғазалларининг умумий қаҳрамони соликдир.

4.Солик ва Ҳақ орасидаги муносабатларни босқичма-босқич тасвирлаб бериш, ҳар босқичда (Ҳақ маърифатини англаш жараёнида) сулук аҳлининг руҳий-маънавий жиҳатдан юксалиб, Ҳаққа яқинлашиб бориши ва худди шу жараёнда Ҳақнинг унга муносабатини маърифий асослаш Алишер Навоий ҳамд ғазаллари мавзу ва гоялар оламининг мундарижасидир.

5.Алишер Навоий ҳар бир ҳамд ғазалида Зотга, сифатга, қуйи даражадаги маҳлуқотга хос сифатларни, яратиқларда қай даражада асмои ҳуснанинг тажаллий этганлигини ишончли асослар орқали тасвирлайди.

6.Закий шоир зотий исмни қолган қисмлардан алоҳида ажратади, шунинг учун зотий исм Илоҳ, Раб, Худо шаклида ҳамд ғазалларнинг фақат матлаъ ёки мақтаъида лирик қаҳрамон муножоти, ёлвориши ҳолатида ифодаланади.

Ҳазрат Навоий ҳамд ғазалларида Ҳақнинг субутий сифатларига барча мақомдаги шеърларида баъзан қайта-қайта (турли мақсадларда) мурожаат қиласиди.

## ШАРҚ ҚАСИДАЧИЛИК ТАМОЙИЛЛАРИ ВА «СИТТАИ ЗАРУРИЯ»

### «Рұх үл-құдс»нинг жанрий хусусиятлари ва бадиияти

Маълумки, қасида шарқ мұмтоз поэзиясида асосий ўринни әгаллайды. қасида дастлаб араб адабиётида вужудға келған ва ўз ривожланиш босқичида турли мактабларга, мазмунга әга бўлган. Мусулмон минтақа адабиётида Рўдакий, Носир Хусрав, Масъуд Саъд Салмон., Муҳиридин Байлақоний, Абу Низом Фалакий Шервоний, Собир Термизий, Дақиқий, Носир Хусрав, Анварий, Хоқоний, Саноий, Туфайлий, Унсурий, Фарруҳий, Шайх Саъдий, Амир Хусрав, Дехлавий, Саккокий, Лутфий, Сайфи Саройи, Гадоий кабилар қасида жанрларини ривожлантириш ва такомиллаштиришга муносиб ҳисса қўшдилар. Бу жанрнинг пайдо бўлиши, такомиллашуви, ғоявий-бадиий хусусиятлари, формал поэтик томонлари ҳақида бир қанча олимларнинг мақола ва тадқиқотлари мавжуд.<sup>1</sup>.

Қасида ва қасиданавислар ҳақидаги маълумотларни атрофлича мушоҳада қилиш қўйидаги фикр-мулоҳазаларга келиш имконини беради. Бизнингча, қасидачиликни фақатгина мадҳиябозликдан иборат дейиш масалага бир ёқлама қарашдай қўринади. Негаки, қасида муаллифнинг оддийгина ҳаяжони, ички кечинмалари, ҳис-туйғуси ифодаланган шеър бўлибгина қолмай, балки унда муайян истеъдод соҳиби, улкан алломанинг зиддиятлардан холи бўлмаган тафаккури, дунёқараши, ҳаёт, инсон, яшашдан мақсад сингари кўламдор мавзулар атрофидаги мулоҳаза муносабати, фалсафий-илоҳий, ирфоний, ахлоқий, маънавий-таълимий қарашлари у ёки бу даражада акс этади Масалага янгидан ёндашган ҳар бир тадқиқотчининг юқорида келтирганимиз таснифотга ўз таҳририни киритиши муқаррар.

Бизнингча, қасидаларни мавзусига кўра қўйидагича тасниф қилиш мумкин:

1. Мадҳ мазмунидаги қасидалар қўйидагилар: мадҳия (улуғ кишилар ёки уларнинг ишларини мадҳ қилувчи бағищловлар), фахрия (шоирнинг ижтимоий ҳаётда тутган ўрнидан фахрланиб, ўзини мадҳ этиши), ҳамд (диний-фалсафий мушоҳада йўналишидаги илоҳиёт мадҳи), наът (Муҳаммад пайғамбарга бағищланган диний мазмундаги анъанавий мадҳиялар).
2. Муножот (Оллоҳ ва пайғамбарга бағищлаб ёзилган диний мазмундаги илтижо оҳангидаги қасидалар).
3. Фалсафий қасидалар (сиёсий-ижтимоий ва фалсафий-тарбиявий йўналишдаги сўфиёна мазмунга әга бўлган қасидалар).
4. Тавсифий қасидалар мазмунига кўра қўйидагича турларга бўлинади: баҳория (баҳор мавсуми, табиат манзарасининг тавсифи); ҳолия (шоир ўз аҳволининг баёни), ишқия (муҳаббат мазмунида), ҳамрия (май ҳақида).
5. Марсия (бирор шахснинг вафоти муносабати билан ёзилган мотам мазмунидаги қасидалар).

<sup>1</sup> Адабий турлар ва жанрлар. Уч жилдлик. 2-жилд. Лирика.- Тошкент: Фан, 1992, 155-бет. Анистий А. Шарқ адабиётида қасида жанри ва Бадри Чочий || Ўзбек тили ва адабиёти, - 1970, 4-сон, 22-27-бетлар.

Бахоуддинов А.М. Очерк истории таджикской философии. Сталинабад, 1961, 193-стр.

Бертельс Е.Э. Избранные труды. История персидско-таджикской литературы. -Москва: ИВЛ, 1960, 38-стр.  
қошғарий Маҳмуд. Девону лӯғотит-турк. Уч томлик. III том. -Тошкент: ЎзРФА, 1963, 214-бет.

Крачковский И.Ю. Избранные сочинения. Том II. -Москва: Наука, 1958. 232-стр.

Муҳаммад /иёсiddин. /иёс үл-лӯғат. Жилди 2. -Душанбе: Адиб, 1988, 136-саҳ.

Муминов И. Философские взгляды Мирзи Бедиля. -Ташкент, 1957, 12-стр.

6. Маснуъ қасидалар (Е.Э.Бертельснинг таснифига кўра “искусстие”-“санъатланган” қасидалар)<sup>1</sup>.

### 7. Ҳажвия (танқидий мазмундаги қасидалар).

қасидага хос бўлган анъанавий унсурларга ҳар бир сўз санъаткорининг ижодий ёндашгани, унга ўзича сайқал бергани шак-шубҳадан холидир. Мазкур фикр “Ситтаи зарурия” ва унинг муаллифиға ҳам тегишилидир. Алишер Навоийнинг шеърий асарлари улуғ шоирнинг ўз эътирофиға кўра, чинакам маънолар хазинасиdir. Шоир дурданаларида мажозий ва илоҳий ишқ, фалсафий ва ижтимоий мазмун, мадҳ ва ўзини Оллоҳнинг мислсиз қудрати олдида фақр, нотавон деб билиш каби хилма-хил жилолар доимо қоришиқ ҳолда келади. Шунинг учун шоир асарларига ҳеч қачон бир томонлама қарамаслигимиз, уларни бир нуқтада туриб баҳоламаслигимиз жоиз.

“Ситтаи зарурия” таркибидаги ҳар бир шеър мустақил, айни пайтда яхлит маъно занжирига эга қасидалар туркумидир. “Ситтаи зарурия”да мусулмон минтақа халқлари адабиётида шаклланган қасидачилик анъанасининг барча талаблари ўзининг ижодий тажассумини топган. Щуни назарда тутиб, туркум таркибидаги ҳар бир қасида алоҳида алоҳида илмий тадқиқот манбаи сифатида ўрганилмоқда.

«қасидаи «Рух ул-қудси» тавҳиди Бори таоло» асарида илоҳий тавҳид моҳияти тасаввуфнинг ваҳдат ул-вужуд таълимоти асосида талқин этилган. Ҳазрат Навоийнинг ўзи ҳам буни «Муҳокамат ул-луғатайн» асарида қайд этган: «Бу олти қасида ҳамд ва наът ва сано мавъизатдур ва аҳли тасаввуф ва ҳақиқат тили била маърифат»<sup>2</sup>.

“Рухул-қудс”-“Ситтаи зарурия” туркумидаги биринчи қасида бўлиб, 132 байтдан иборат. қасиданинг тўлиқ номи “қасидаи “Рух ул-қудс” и тавҳиди Бори таоло” (“Бори таоло тавҳиди ҳақида “Рух ул-қудс” қасидаси”)дир ва Оллоҳ таоло тавҳидининг маърифий- бадиий тасвирига бағишлиланган. Бунда Навоийнинг олам ва одам ҳақидаги тушунчалари муайян бир тизим асосида ифодаланган.

Алишер Навоий қасидалар туркуми таркибидаги ҳар бир қасида ҳақида ихчам, аниқ маълумот бериб, «Рух ул-қудс»ни шундай таърифлайди: «Яна «Рух ул-қудс» қасидасини баланд овоза қилибменки, қудсийлар руҳин андин тоза қилибмен ва матлаи бу дуурким, байт:

*Зихъ ба хомаи қудрат мусаввири ашъё,  
Ҳазор нақши ажаб ҳар замон аз ў пайдо».*

Бу дунё уста наққоши бўлган Оллоҳ қалами остида пайдо бўлган ажойиб манзара каби ифодаланар экан, ўзига хос шеърий иборада шоир моддий оламни муҳаббат манбаига айлантиришга ҳаракат қиласи. Бу тасвир бир-бирига ўхшамайдиган минг хил ранг билан товланиб туради. Зукко муаллиф ана шундай ранг (нақш)ларнинг бири инсон, табиат, фазо, осмон тузилиши эканлигини қасиданинг асосий қисмида очиб, такомиллаштириб боради. Бу нақшлар касрат олами-Ваҳдат оламининг беҳисоб суратларидир.

Қасиданинг тузилишини шартли равишда қуйидагича тасниф қилиш мумкин:

1-9-байтлар- қасиданинг насиб қисми;

10-116-байтлар-қасиданинг мадҳ қисми;

Мазкур қисмнинг ўзини яна бўлакчаларга бўлиб ўрганиш мумкин.

**116-132-байтлар-матлабни ўз ичига олувчи хулоса қисми.**

<sup>1</sup> Бертельс Е.Э. Избранные труды. История персидско-таджикской литературы. -Москва: ИВЛ, 1960, 38-стр.

<sup>2</sup> Навоий Алишер. Муқаммал асарлар тўплами. 20 томлик. 16-том. -Тошкент: Фан, 2000, 31-бет.

Қасиданинг насиб қисмида Илоҳий қудратга умумий таъриф берилиб, заррадан коинотгача жами олам ишлари муайян қонуният асосида Мутлақ Руҳ томонидан бошқарилиши мадҳ этилган. қасиданинг бу қисмидаги тантанали мадҳ, юксак даражадаги кўтаринкилик, оҳангдаги товушларнинг қайтариғи шоирнинг ифодаламоқчи бўлган фикрини янада кучайтиради, шеър сатрларининг ўткирлик ва таъсирчанлигини оширади. Масалан: “бе рақами ў”, “бе сабаби ў” каби дастлабки оҳангдош товушларнинг тез-тез қайтарилиб туриши илоҳий ишқ дарди ҳолати ва ҳис-туйғуларининг түғёнини орттиради ва хитобга айланиб кетади. Илоҳ ва унинг қудратини тасвирлаш учун шоир талай бадиий санъатларга, биринчи галда муболаға ва ташбех қўринишларига тез-тез мурожаат қиласди.

*Чи хомаест, ки дар коргоҳи “қунфая кун”,  
Нагашта бе рақами ў зи қатра то дарьё.  
Чи қудратест, ки дар боргоҳи чархи баланд,  
Нагашта бе сабаби ў зи зарра то байзо.*

Ажаб қаламдирки, бутун борлиқ дўконида қатрадан дарёгача Унинг ҳукми билан пайдо бўлгандир. Ажаб қудратдирки, юксак чарх қасрида қуёшдан энг кичик заррагача ўша мўъжизатуфайли пайдо бўлгандир. Равшан, мулки борлиқнинг бунёдкори ва бошқарувчиси Мутлақ Руҳдир.

Бу албатта, Навоий табиатига хос бўлган жўшқинлик, ҳассослик хусусиятига жуда мос тушади. Бундай ҳайрат-ҳаяжон ҳолати фақат тўққиз байти насиб қисмидан нарига ўтмайди ва улуғ шоир қасидачиликка умумий талабларига бўйсунишга интилади. қасиданинг кейинги қисми эса ҳиссиётли тасвирга беҳад эрк беришни кўтартмайди. Улуғ Навоий ижодиётига хос бетакрор хусусиятлар худди ана шу ўринда ҳам яққол қўринади. Кўпгина мутасавифлар Ҳақ ва Инсон муносабатини ёритиш жараёнида Инсон (махлук)ни Холиқ даражасида мадҳ этиб, ҳатто “Инсон-Ҳақ” деган холосани жўшқин ҳиссиёт оғушида айтганлиги учун даҳшатли фожиаларга дучор бўлишган. Алишер Навоий эса инсоннинг яратилиши ҳақидаги қисмда (асосий) тафаккур чиғириғи орқали аста-секинлик билан қуръоний оятларга таяниб, ҳаётин кузатишлари жараёнидаги Инсон хилқатини улуғлаш билан боғлиқ ҳиссиётларини сингдириб юборади.

қасиданинг асосий қисмида Навоийнинг дунёқараси маълум бир фалсафий тизим сифатида аксини топади. Шеърнинг сатрлари асосий қисми аввалги (кириш) билан чамбарчас боғлангандир. Киришда ихчам холоса сифатида берилган фикр бу қисмда кенгайтирилади.

«Руҳ ул-қудс»нинг асосий қисмини яна қуидаги бўлакчаларга бўлиб ўрганиш мумкин.  
10-25-байтлар-Оlam, Одам ва унинг яратилиши, мўъжизавий мукаммаллиги ҳақида;  
26-76-байтлар- тўрт фасл таърифи;  
77-93-байтлар-тўққиз фалак, событу сайёralар хусусида;  
94-106-байтлар-ўн икки бурж таърифи;  
107-108-байтлар-Арш, Курси, малоикалар ҳақида;  
109-116-байтлар-Меъроҳ воқеаси талқини.

10-25-байтларда Одамнинг яратилиши ва инсон ҳилқати ҳақида сўз боради. Инсон баданининг тузилиши, унинг ички ва ташқи аъзолари вазифаси, мўъжизавий мукаммаллиги, ҳар бир аъзо-асаб, қон айланиши, юрак, ҳиссий аъзоларнинг барчаси Оллоҳ қудрати мўъжизаси сифатида тараннум этилади. Инсоннинг энг улуғ зот қилиб яратилгани, танасининг таркиби, оламнинг тўрт фаслдан (баҳор, ёз, куз, қиш) иборатлиги, бу фаслларнинг олтин занжир каби бир-бирига уланиб кетавериши жуда жонли бадиий

лавҳаларда ифодаланган. Булардан кейин тўққиз қават осмон, ўн икки бурж, етти сайёра ва улар ҳақидаги қадимий тасаввурлар хусусида фикр баён этилади. «Алишер Навоий инсонни ҳам алоҳида оламга ажратиб» унинг тузилишини бирма-бир тасвиirlайди. қирқ бешдан ортиқ байтда одам жисми (тўрт унсур, тўрт хилт) ва олам тузилиши (тўрт фасл) орасидаги яқинлик, инсоннинг яратилиши, ички ва ташқи аъзолари вазифаси ва мўъжизавий мукаммаллиги, уни олий мавжудот даражасига қўтарган («маърифат илмидан баҳраманд»-«ажуба») ақл ва кўнгил ҳақида сўз боради.

Шарқ мумтоз адабиётида йил фаслларини инсон умрига қиёслаб тасвиirlаш анъанавий ижодий услубдир. Алишер Навоий айнан шу анъана ичида инсон руҳиятининг нозик қирраларини (ботиний ҳоллар орқали) йил фаслларидағи ўхшаш жиҳатлар билан муқояса қилган ҳолда, янада теранроқ тасвиirlаш йўлидан боради. Беҳисоб суратлар, дараҳтлар, гуллар ва жамики мавжудотнинг боқий эмаслигини таъкидлар экан, инсондаги ҳол тараққиётини фаслларнинг алмашиниб туриши орқали қиёсий тасвиirlашни маъқул кўради. Баҳор Ҳақдан (солик) толиб қалбида мужда етиши; Ёз ошиқнинг ўтли оҳи; куз “дунё боғининг ҳар бир мевалари таъмини фарқлайдиган” ориф; қиши Ҳақдан ўзга барча нарсаларга “совуқ”лик билан қараб, нафс эҳтиёжларидан батамом қутулган фақрга хос ҳол тараққиёти билан боғлиқ ўхшаш жиҳатлар ўзининг нафис бадиий тасвирини топади. Аслини олганда, улуғ шоирнинг бундай ҳаракати диққатга сазовордир. Чунки олам бепоён кўрингани билан унда беҳисоб ҳеч нарса йўқ. Иккинчидан, одам ҳам мавжудотнинг кичик бир заррачасидир. У ҳайвонот, наботот, умуман, мулки борлиқ билан алоқадорликда яшашга эҳтиёжманд ҳисобланади. Ана шундай ноёб ҳаётбахш ғоя улуғ шоирнинг барча асарларини, жумладан, “Рух ул-қудс” қасидасини ҳам безаб туради.

*Фиканд оташи айёми сайф дар олам,  
 Чу барқи оҳ зи анфоси ошиқи шайдо.  
 Расондй аз ақибаш тоҳту този сарсари дай,  
 Ки рафт як-як аз ин ҳуллаҳо ба боди фано.  
 Шито, чунон, ки дар у мирад оташ аз шиддат,  
 Чи мумкин аҳли жаҳонро бувад нишони бақо.  
 Чунончи силсила бастай ба ҳалқу гардани давр  
 Ҳаме ба давру тасалсул кашид ин ажзо (12-13-бет).*

Ёз мавсумининг оташи оловга шундай тушдики, у шайдо ошиқларнинг чақин мисол нафасини эслатарди. Ҳазон ортидан қишининг шиддатли талон-тарожини етказдингки, гулли матони эслатувчи ўша япроқларни бирин-кетин фано шамоли олиб кетди.

Очлик ҳолати шу даражага етдики, унинг шиддатидан (қишининг суронли совуқ ва шамолидан) олов ҳам сўнади. Бундай манзаралар олдида жаҳон аҳлида бақога умид бўлиши мумкин-ми?

Даврнинг бўғизу бўйнига шундай занжир боғладингки, бўлак-бўлак барча нарсаларни давр ипига ўша узлуксиз ҳалқалардай (маҳкам) боғлаб қўйди. Кўринадики, табиат тасвири билан инсон руҳий олами ўртасида мустаҳкам уйғунлик мавжуддир. Бу бўлак-бўлак ажзо бир-бирига уланиб кетаверади. Табиатдаги ҳар бир ўзгариш инсон руҳиятига таъсир қиласи. Чунки инсон табиат бағрида яшайди. Шоирнинг бундай теран фалсафий мулоҳазалари фасллар тасвиридан тўққиз фалак таърифи қисмига ўтиш жараёнида янада яққолроқ кўзга ташланади.

Маълумки, руҳий-маънавий камолот босқичидаги ҳар бир фақирнинг руҳий тараққиёти ўз навбатида яна тоза даражаларга бўлинади.

Шоир бунда пайғамбарларнинг самодаги мақомларига ишора қилади ва ҳар бир фалакнинг жойлашувини, сайёрасини қадимги нужумий тасаввурлар орқали гўзал бадиий талқин этади:

*Ба хужраи дуюм андар қаламзани чобук,  
Нишодӣ омада бар сар ба имлою ишо.  
Мулоиме, ки барояд ба ранг ҳар ки расад,  
Ба сони об, ки зоҳир шавад ба лавни ино (18-бет).*

Иккинчи ҳужра ичидаги қалам урувчи (котиб)ни ўтқиздингки, у келиб имлою иншонинг бошида турмоқда. Муносиб ҳар кимки ранг учун чиқса (иккинчи осмонга), мақсадига етади ва унинг учун сув ўрнида хумча тўла бўёқ зоҳир бўлади. Иккинчи фалак сайёраси Уторуд матнда “қаламзани чобук” (“чаққон қалам урувчи”) деб аталган. Бунда Уторуд мифологик қарашларга кўра, ёзувчи ва шоирлар ҳомийси, фалак котиби, шоирлар пири эканлиги назарда тутилади.

Маълумки, қўпгина илоҳий-ирфоний адабиётларда иккинчи фалак Исо ва Яхё алайҳиссаломнинг макони сифатида эътироф этилади. Улуғ шоир сатрдаги “лавни ино” (“ранг тўла хумча”) ибораси орқали Исо алайҳиссалом ҳаётига дахлдор мўъжизага—“Исо хуми”га ишора қилган. Илоҳий манбалар шаҳодатига биноан, Исо алайҳиссаломнинг бир мўъжизаси бор эди: агар у рангли либосни хумга солса, оқ-қора кўринишда бўлиб чиқарди. Иборанинг мажозий маъноси теран моҳиятга асосланган. “Исонинг хуми”—Комил инсон қалби. Комил инсон қалбига кирган ҳар бир нарса эса пок ва беғубор бўлиб чиқади. Исонинг ҳар хил рангдаги хуми касрат-хилма-хиллик оламига ишорадир. Буюк шоир фақат Комил инсонгина касрат ваҳдатнинг зухури эканлигини англаб, унинг ҳикмати, сиру синоати тубига ета олишини таъкидлаган.

Алишер Навоий тўққиз фалак тасвиридан сўнг ўн икки буржни ҳам худди юқоридаги сингари Ҳақ илми акс этган Мутлақ Вужуднинг бир қисми сифатида тилга олади. қуёшнинг осмон қуббасидаги йўлида жойлашган юлдузлар туркуми буржлардир. Улар ўн иккита юлдуз туркумидан ташкил топиб, қуидагича номланади: Ҳамал, Савр, Жавзо, Саратон, Асад, Сунбула, Мезон, Ақраб, қавс, Жадӣ, Даљ, Хут-яъни булар ҳижрий-шамсий тақвимининг ой номлариdir. Шоир уларнинг шакллари, самодаги жойлашуви, йил фаслларининг алмашинувидаги иштироки, мифологик хусусиятлари ҳамда улар билан боғлиқ табиий ҳодисаларни қаламга олади.

Буржлар ҳақида Қуръони Каримда: “Албатта Парвардигорингиз осмонлар ва Ерни олти кунда яратиб, сўнгра ўз аршини эгаллаган Оллоҳдир. У (Оллоҳ) қуёшни зиё сочувчи, ойни ёруғлик қилган ва сизлар йилларнинг саноғини ҳамда (вақтларнинг) ҳисобини билишларингиз учун уни (яъни ойни бир қанча) манзил-буржларга бўлиб қўйган зотдир. Ҳеч шак-шубҳасиз, Оллоҳ бу (борлиқни) Ҳақ (қонун ва мақсад) билан яратди”,-дейилади Юнус сурасининг 5-оятида<sup>14</sup>. Шоир ҳам уларнинг ҳар бирида Оллоҳнинг бир ҳикмати акс этганлигини буржлар шаклини изоҳлаш орқали бадиий гавдалантириб беради.

<sup>1</sup> Қуръони Карим.-Тошкент: Чўлпон, 1992, 133-бет.

*Зи баҳри он ки ҳаме қаҳравист шеваи чарх,  
Чу чарх рутбаи ҳарчанг соҳти воло (14-бет).*

Чархнинг ҳамма қилмишлари кажравликдан иборат бўлгани учун фалакда қисқичбақа (буржлардан тўртинчиси) мақомини баланд ясадинг. Ҳаётда, инсон тақдирида ҳам шундай ҳодиса кузатилади, турмушда кажрав инсонлар қўлининг баланд келиши мумкин..

Мазкур қисмда ташхис санъати воситасида ажойиб лавҳалар чизилади ва буржларнинг ўзига хос ноёб хусусиятларини тасвирлаш билан қасиданинг бадиий қиммати янада ошади.

Агар дунёдаги ҳар бир нарсанинг моҳиятини ташкил этувчи Оллоҳнинг ягоналигини назарда тутсақ, илоҳий моҳиятдан иборат бўлган бутун оламнинг туб мазмуни унинг бирлигида ва бутунлигида экан. Бундай ўзаро боғлиқлик ва уйғунликни қуидаги мисраларда кўриш мумкин.

*Либоси барг чу ашхори боғро пўшид,  
Шуд аз намоиши ҳар як чу гунбади мино.  
Шамол чун ба таҳарруқ фикандашон омад,  
Ва ҷашми ақл намудор сайру даври само.  
Таюр ҳар як аз он ҷарҳро чу анхум шуд,  
Зи шоҳ бар шоҳ оянда бурч-буржосо (20-бет).*

Барглар либоси боғ дараҳтлари устини ёпди, ҳар бирининг товланишида феруза осмон (қубба) шакли намоён бўлди. Шамол шундай кучли ҳаракатга тушиб келдики, Еру осмонда вужудга келган манзарани ақл кўзи билан тасаввур қилиш қийин эди. Бундай ўзгаришлар ҳар бир дараҳтдан юлдузга қадар юз бердики, дараҳт шоҳларининг силкиниши юлдузларнинг бурждан-буржга кўчишини эслатарди. Кўринадики, мисраларда кўм-кўк япроқ билан қопланган илгариги яланғоч дараҳтларнинг ҳар бири бир осмон кенглигига, унинг шоҳлари эса буржаларга, бу шоҳ-буржалардаги мевалар “собит”-яъни турғун юлдузларга, шоҳдан-шоҳга сакраб юрувчи қушлар эса “суҳо”-ҳаракатидаги юлдузларга ўҳшатилади.

Шоир табиат билан осмон жисмлари ҳақидаги тушунчани шу тарзда боғлаб кўрсатган. Осмон ва ундаги жисмлар бутун оламнинг ўзаро боғланишидаги яна бир занжирни ташкил этишини, бу занжирларнинг ҳар бир ҳалқаси ўзига хос, маълум ўринга эга экани ва катта аҳамияти борлигини кўрсатишга ҳаракат қиласи.

Борлиқдаги барча нарсалар бир-бири билан чамбарчас алоқадорликда ҳаракат қиласи. Демак, олам маълум қонуният асосида вужудга келган ва ўша низом асосида “Биз осмонлар ва ерни ҳамда уларнинг ўртасидаги нарсаларни фақат Ҳақ қонун-қоида билан яратдик”<sup>15</sup>. Оламнинг “ҳақ қонун билан” бунёд этилиши ундаги мукаммалликка сабаб бўлган. Самода улкан уммонлару даштлар, тоғларни бағрига олган Еримиздан бир неча баробар катта бўлган сайёralар муаллақ туради ва Яратувчининг амри билан доимо ҳаракатда бўлади. Мазкур фикримизни “Ёсин” сурасининг 40-ояти билан тасдиқлай оламиз: «Лаш-шамсу янбағий лаҳа ан тудрикал-қамара ва лал-лайлу сабиқул наҳар. Ва куллун фи фалакин ясбаҳун»<sup>2</sup>. («На қуёш учун Ойга етиш мумкин бўлур ва на кеча-кундуздан ўзгувчидир, барчалари фалакда сузиб юрур»).

<sup>1</sup> Куръони Карим (таржима ва изоҳлар муаллифи Алоуддин Мансур). -Тошкент: Чўлпон, 1992, 229-бет.

<sup>2</sup> Ал – куръонул Карим. Мадинаи Мунаввара: Мужаммаъ ал-малий Фаҳд ли тибоати мусҳиф шариф, 1985, 442-бет.

Алишер Навоий қуёш, самодаги барча сайёralар ва бошқа осмон жисмларининг маълум йўналиш асосида фазода муаллақ ҳолда доимий ҳаракатдалигини тасвиrlаш орқали Ҳақнинг мўъжизавий қудратининг мислсиз, беқиёс эканлигини мадҳ этади. қасида сатрларида Оллоҳнинг барча яратиқлари, ҳатто Арш, Курси, малоикалар ҳам унинг хизматида, буржларнинг кўпчилиги ҳам ўзига тезроқ Оллоҳнинг расули яқинлашишини исташи маҳорат билан улуғланади. Шундан сўнг улуғ шоир Меъроj воқеаси тасвирига ўтади ва ислом динининг инсонпарварлик моҳияти тасвирига алоҳида урғу беради, Муҳаммад пайғамбарга “шариати ғарро” (“ёрқин исломий шариат”)ни “равшан қилган” Оллоҳга беҳад ҳамду сано айтилади.

Шоир ўз даврининг сидқидил мусулмони сифатида Оллоҳдан қиёмат кунида гуноҳларини маҳфират қилишини сўраб, қасиданинг сўнгги хотима қисмини (худди насиб қисмидаги сингари) диний мазмундаги анъанавий ҳамд, муножот билан тугатади. Маълумки, XV аср ижтимоий сиёсий шароитида яшаган Навоийнинг тасаввуфий қарашлари диний тушунчалар (аслида дин ирфон учун бегона эмас) билан боғлиқdir. У ўз даврининг энг пешқадам илоҳий-ирфоний арбоби сифатида илғор тасаввуфий қарашларни қанчалик қадрласа, комил мусулмон бўлгани учун шариат қонун-қоидаларини ҳам сўзсиз адо этарди. Шунинг учун ҳам «Ситтаи зарурия»нинг биринчи қасидаси илғор исломий-ирфоний гоялар талқинидан иборатдир.

## АЛИШЕР НАВОЙИНИНГ «СИТТАИ ЗАРУРИЯ» ҚАСИДАЛАР ТУРКУМИДА

### Комил инсон мадҳи

Инсонни ўрганиш ва поклаш, нуқсонлардан холи ҳолда тасаввур этиш, унинг маънавий камолотини ўйлаш улуғ мутафаккир Алишер Навоийнинг олий орзуси эди. Улуғ шоир чинакам инсонийликни айнан илоҳийликда, илоҳий файздан баҳрамандликда кўради. Куръони Каримда бир неча ўринда инсон Худонинг ердаги халифаси, у энг мукаррам зот, маҳлуқотнинг гултожи, дея таърифланади. Шоир инсоннинг ана шу улуғ шарафга чинакамига муносиб бўлишини истайди.

Ҳазрат Навоий ижодининг оламшумул аҳамиятини таъминловчи асосий омиллардан бири ҳам унинг ислом маънавий хазинасидан, тасаввуф илмидан баҳраманд бўлиб Комил инсон ҳақидаги ширин орзуларни улуғлашидадир.

Улуғ Навоий ҳар бир асарида (достондан фардгача) Комил инсонни улуғлади. Шоир иирик ҳажмли асарлари таркибидаги ҳамдларида инсонни бошқа мавжудотлардан улуғ қилиб яратгани учун Ҳаққа беҳад мадҳ айтади. Ҳамд ғазалларида эса («Ҳақ-Инсон» муносабатлари) Ҳаққа етишнинг маънавий-руҳий изтироблари хусусида теран мушоҳада юритади.

Илоҳшунослик ва инсоншуносликка оид асл ҳикматлар силсиласи акс этган «қасидаи «Руҳ ул-қудс»и тавҳиди Бори таоло» асарида ҳам инсон Руҳи Мутлақ нишоналари энг кўп акс этган хилқат сифатида таърифланади. Тавҳиднинг моҳияти инсон ва унинг ҳақиқати билан изоҳланади. Чунки инсон бўлмагандан илоҳиёт ҳақида гапиришга ҳожат ҳам қолмасди. Инсон руҳини ва унинг хусусиятларини ўрганиш улуғ шоир тасаввурида, бу аслида илоҳиётни ўрганишdir.

Буюк маънавий арбоб инсоннинг биологик тузилиши устида батафсил тўхталар экан, унинг тўрт унсур (аносири арбаа) дан (тупроқ-куруқлик, олов-иссиқлик, сув-совуқлик,

ҳаво-намлик) иборат эканлигини бирма-бир бадий тасвирини беради.

*Чу аз заминаш бардошти ба сад эъзоз,  
Ба мартаба гузарондй зи торуми хазро (7-бет).*

Юз эъзоз эҳтиром ила уни (тупроқни) ердан қўттардинг ва мартабасини кўк гумбазидан ҳам юқори қилдинг.

Байтдаги ихчам талқиндан кўриниб турибдики, Ҳақ бутун борлиқдан Инсонни алоҳида эъзоз ила ажратади. Бу ажратиш эса бир неча асосни ўзида бирлаштиради. Улуғ шоир қасида сатрларида мазкур асосларнинг ҳар бирига алоҳида-алоҳида тўхталади. Борлиқдаги нарсаларнинг ҳар бири у ёки бу унсур (тупроқ, сув, ҳаво, ўт) дан яралган бўлса, инсонда турли, бир-бирига қарама-қарши унсурлар муттаҳиддир ва улар инсон табиатининг мураккаблигини белгилайди. Алишер Навоий «Наводир ушшабоб» девонидаги 5-ғазалида ўша ҳақиқатни қуидагича тасвирлайди:

*Сарсаройи ҳар қуюн қилғай бадан туфроғининг  
Жузв-жузвин бир-бир ушбу гунбади гардон аро<sup>1</sup>.*

Инсон танаси ва табиатининг тўрт унсурдан иборат эканлиги-тананинг қизил (қон), сариқ (ўт), ҳўл (сув) ва қуруқ (тупроқ)дан, табиатининг оташий (флегматик), хокий (сангвиник), обий (меланхолик), бодий (холерик) каби таркибий қисмлардан яралганлиги Шарқ мумтоз адабиётида ҳам, қадимги Юнону Ҳинд фалсафасида ҳам кенг тарқалган ҳақиқатдир. Шунинг учун инсонга ҳам моддий, ҳам ички ва ташқи жиҳатдан зиддиятлар бирлиги сифатида қаралади. Инсон борлиқдаги бошқа мавжудотлардан ўзининг зиддиятлилиги билан ажralиб туради:

*Чаҳор зидро карди ба яқдигар таркиб,  
Ки хоку оташ буд, онгаҳ об буду ҳаво (8-бет).*

Исломий-ирфоний тасаввурга кўра, инсон икки асос – жисми ва руҳдан, инсон жисми эса тўрт унсур - сув, олов, ҳаво, тупроқдан иборат. Инсон ўз руҳи билан фаришталарга, жисми билан эса табиатга, яъни ҳайвонларга бориб тақалади. Булар ҳақида қуръони Каримнинг бир қанча оятларида хабар берилган. «Ва-ссафат» сураси 11-ояти («Биз инсонларнинг асли-аввали бўлмиш Одам алайҳиссаломни ёпишқоқ бир лойдан яратгандирмиз»).

Инсон ҳайвон билан фаришта ўртасидаги маҳлуқ. Табиат билан ана ўшандай боғлиқлик унинг қаттиқлигини, дағаллигини келтириб чиқаради. Руҳ эса инсонни маънавий камолотга етаклайди. Чунки руҳ ғайб оламининг «мулки», у инсонга латиф бир қувват бағишлийди.

*Ба хоки жисмаш борони раҳмат афшондй,  
К-аз он мулоимат овард тинаташ пайдо (7-бет).*

Тупроқдан яралган жисми устига раҳмат ёмғирини ёғдирдинг, ўшандан унинг феъл-авторида мулойимлик пайдо бўлди. Бироқ, инсон табиати тўла покланмади..

қуръони Каримнинг «Ал-Иср» сураси 85-оятида ўқиймиз: «Ва ясьалунака анирруҳ

<sup>1</sup> Навоий Алишер. Мукаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 5-бет.

қулир руҳ мин амри роб» (Эй Мұхаммад, Сиздан руҳ-жон ҳақида сўрайдилар. Айтинг, «Руҳ ёлғиз Парвардигорим биладиган ишлардандин». Руҳ илоҳий маърифат, ҳикмату дониш билан озиқланади. Шунинг учун руҳоний ҳаёт завқидан баҳраманд бўлган улуғ инсонлар холис, беғараз, некбин, мулойим, меҳрибон, шафқатли, ҳимматли бўлади. Демак, инсоннинг моҳияти ҳам шу Руҳдадир. Зайниддин Мұхаммад ўazzолий «Кимиёи саодат» асарида руҳни шундай таърифлайди: «Руҳ одам вужудининг аслидурким, ҳама қолип ва бадан аниңг тобеъидур. Вақтики руҳ бўлмаса тан мурдордурки, аниңг ҳеч эътибори йўқдир. Бадан маркаб ва сувор руҳдир»<sup>1</sup>.

Инсонни бошқа мавжудотлардан ажратиб турувчи яна бир ноёб фазилат Ҳақнинг унга илму ирфонни тақдир қилганлигидир. Оллоҳ инсон қалбини илму ирфон хазинаси қилиб, шу ирфонда ўзини яширган: қасидада инсонни мумтоз этадиган энг юксак мўъжиза-ақли кулл ва кўнгил алоҳида таъкидлаб таърифланади. Шоир ташбеҳ-тамсил санъати воситасида гўзал манзара яратади:

*Дар ў нишониди дилро ба тахти султони,  
Ки шуд ба расми салотин хидеви мулкоро.  
Хирад вазорати он шоҳро муайян шуд,  
Гадои шоҳону вазирон, камина бандা туро (9-бет).*

Унда (бадан шаҳрида) подшоҳлик таҳтида юракни ўтқиздинг. Шундану (юрак) султонлик расмида мулку мамлакатнинг соҳиби бўлди. У шоҳнинг вазирлигига донишмандлик (ақл) муайян бўлди. Аслидагадо-юшоҳу вазирларнинг барчаси Сенинг камтарин бандаларингдир. Шоир мазкур фикрларини қуръоний оятлар мазмуни билан асослайди.

*Зи илми маърифаташ чунки баҳравар карди,  
Малоикаш ба сужуд омаданд абдосо (10-бет).*

Малоикалар Оллоҳ азза ва жалланинг фармони қошида ожиз қолгач, Одам алайҳиссалом уларга мавжудот ҳақиқатини баён этади. Тупроқдан яралган ҳазрати Одам алайҳиссаломнинг илму маърифати файзидан етти қават осмон ҳам мунаввар бўлади. Ана шу илму маърифат туфайли ҳазрати Одамга малоикалар қуллардай саждага келадилар. Чунки Инсонда завқ-руҳий камолот каби нури ҳикмат акс этган нодир хислат мавжуд. У Илоҳ маърифатини завқу шавқ билан ҳис этиш жараёнида руҳий юксакликда фариштадан ҳам ўзиб, маънан Ҳақнинг ўзига этиши мумкин.

*Эй, нечукким, дурни маҳфий асрабон уммон аро,  
Гавҳари ишқини пинҳон асраған инсон аро?!  
Чунки инсонни бу гавҳар бирла айлаб баҳраманд,  
Сарфароз айлаб малойик хайли бирла жон аро<sup>2</sup>.*

Холиқи Аъзам ўз ҳуснини томоша қилиш учун ўзига кўзгу-моддий оламни яратди. Олам эса инсон туфайли бунёд қилинган. Бу ҳақда: «Лав лака лимо халақту л-афлок» (Агар сен бўлмасанг, осмон-фалакларни яратмаган бўлар эдим), деган ҳадис ҳам бор.

<sup>1</sup>Фаззолий Зайниддин Мұхаммад. Кимиёи саодат. -Тошкент: «Камалак», 1995, 9-бет.

<sup>2</sup>Навоий Алишер. Муқаммал асарлар тўплами. 20 томлик. 6-том. Фавойидул-кибар. -Тошкент: Фан, 1990, 9-бет.

Моддий оламнинг жавҳари – Инсон қалби, унинг кўнгил. Инсонни яратишдан мақсад ҳам кўнгилнинг қудратини намойиш этиш эди. Чунки кўнгил – Ҳақ назаргоҳи. Инсон учун, унинг бахту истиқболи, фаровонлиги учун қайғурган улуғ шоир ҳам кўнгил сўзини такрор-такрор зикр этишни севади.

*ўарқи муҳити ишқинг эди жон ила кўнгил,  
Ул дамки, руҳ эмас эди тан бирла ошно<sup>1</sup>.*

Улуғ шоир нуқтаи назарича, кўнгил–Оллоҳнинг ҳикмати, нури акс этган энг қутлуғ, юксак, покдомон манзилдир.

Имом ўаззолий дил ҳақиқатини «Подшоҳ дилни ва анинг сифатларини танимоқ ҳазрати Ҳақ субҳонаҳу ва таолони танимоқнинг калидидур... Саодат ва шақоват асли анинг (дилнинг) сифатидур ва бадан ҳамма аҳволда анинг тобеъидур», -дея таърифлайди. Шунинг учун моҳиятни англашга фақат қалб қодир. Теран тасаввур, ҳиссий-важдий тафаккур орқали кўнгилнинг сирли ажойиботлари қудратидан баҳраманд бўлиш, руҳ кучи ёрдамида юракка аталган сultonлик–хурлик таҳтини эгаллаш мумкин. Хурликка эришган кўнгил Оллоҳнинг чин ошиғидир. Ошиқ юрак эса Илоҳ ва инсон сиру синоатидан хабардор, кучли ва нурли ҳисларга бой белади.

Кўнгил–Оллоҳ яширган тилсимот. Тилсимот қонунияти сирларини–буюк Тангри маърифатини улуғ мутафаккир ез ҳаётий кузатишлари асосида навоиёна хассослик билан бадиий талқин этади.

Кўнгил–Оллоҳ илми ва ишқининг хазинаси, унинг эгаси инсон шунинг учун ҳам олам меҳвари, олий мавжудотдир. Шул боис ҳазрат Навоий Каъба деб кенгилни тан олган ва унга сифинган:

*Қаъбаки оламнинг ўлиб қибласи,  
Қадри йўқ андоқки, кўнгил Каъбаси.*

Ийҳом санъатининг гўзал намунаси ифодаланган қуйидаги байтда эса улуғ шоир Ақли кулл қудратига ишора қиласи:

*Ҳавоси зоҳирияш низ чун, ки карди рост,  
Зи нури ақл ба коҳи димоғ тофт зиё (8-бет).*

Тасаввуфий қарашларга кўра, Тангри таоло илоҳий нурдан илк марта Ақли аввални яратган ва унинг шаклу шамойилини Комил Инсон қиёфасида зухур этган. Улуғ шоир ҳамд ғазалларида ҳам бир неча ўринда Ақли кулл масаласига дахл қиласи:

*Гаҳики фикрати зотингни ақли қулл айлаб,  
Бурунғи жомда ҳайрат ани қилиб бехуш<sup>2</sup>.*

Илоҳий-ирфоний манбаларга биноан, икки навъ ақл мавжуд. Бири Ақли кулл. Бу – Раббоний нур. Унинг таъсири билан бутун мавжудот ва жисмлар олами бошқарилади.

<sup>3</sup> Навоий Алишер. Муқаммал асарлар тўплами. 20 томлик. 6-том. Фавойид ул-кибар. -Тошкент: Фан, 1990, 8-бет.

<sup>1</sup> Навоий Алишер. Муқаммал асарлар тўплами. 20 томлик. 5-том. Бадоеъ ул-васат. -Тошкент: Фан, 1990, 242-бет.

Иккинчиси – (инсоний ақл) ақли жузъ. У Ақли куллнинг бир заррасидан ҳосил бўлади. Ақл Ҳақ таоло томонидан фақат инсонга берилган буюк бир неъматдир. Ақли кулл ҳам руҳоний, ҳам жисмоний оламга хизмат қиласди. Руҳоният шоири Жалолиддин Румий ақли куллнинг салоҳиятини шундай таърифлайди:

*Ақл пинҳонасту зоҳир оламе  
Суврати мо мавж ё аз вай наме<sup>1</sup>.*

Инсоннинг зоҳиру ботинида Илоҳ ва олам, азалийлик ва фонийлик каби ҳодисалар акс этган, унинг суврату сийратида борлиқ ва йўқлик мужассамдир.

Ақли жузъ ғайб олами сиру синоатини англашга қодир эмас. Шунинг учун у улуғ шоир сатрарида «амо», «хуффош» каби сифатлашлар билан тасвирланади:

*Зи Аршу Курсию лавҳу қалам ажуба басе,  
Падид кардию бар ақл ан он назора амо (28-бет).*

Аршу Курсию лавҳу қаламдан кўп ажойиботлар равшан қилдингки, ундан баҳра олишда ақлнинг кўзи кўрдир.

«Руҳ ул-кудс» ва ҳамд ғазалларнинг ифода тасвирига кўра ўхшаш байтлари муқояса қилинганда аён бўлдики, «ўаройиб ус-сиғар»нинг 41, 132, 242, 575; «Наводир ушшабоб»нинг 5, 114, 132, 322, 393; «Бадоеъ ул-васат»нинг 3, 242-ғазалларида ақли жузъ илоҳий моҳиятдан бехабар тимсол сифатида тасвирланган:

*Хирад гар аъмо эса қунҳи зотинг ичра не тонг,  
Күёшни қўрмаса хуффош бордурур маъзур<sup>2</sup>.*

Ибн Арабий инсонни «борлиқнинг йигиндиси», –дейди. Алишер Навоий ҳам одамда олами суғрова олами Кубродаги барча хусусиятлар мавжудлиги, у оламларни ўз ичига сиғдирувчи буюк бир хилқат эканлигини эътироф этади:

*ўариб кишиваре орости зи шаҳри бадан,  
Ки мулк то малакут он чи ҳаст ҳаст он жо (8-бет).*

Худди шундай тасвирни «Наводир уш-шабоб»нинг 364-ғазалида ўқиймиз:

*Бўлуб сифатингга мазҳар жамиъ маҳлуқот,  
Алар муфассалу инсонни айладинг мужмал<sup>3</sup>.*

Оллоҳ таоло аввал жабарут, кейин малакут, кейин мулк оламини, кейин инсон бадани оламини яратган<sup>4</sup>. Кўнгил (руҳ) шу оламларни сайр этиб, инсонга нузул этади ва яна шу оламлар бўйлаб кўтарилади. Бу руҳ тараққиёти даражалари билан белгиланади. Бу доира олами Куброни Суғро олами-инсон билан боғлайди. Олами Суғро-инсонда олами Кубродаги

<sup>2</sup> Румий Жалолиддин. Маънавий маснавий. Куллиёт. Биринчи жилд (I китоб). -Тошкент: Шарқ, 1999, 338-бет.

<sup>1</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 132-бет.

<sup>2</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 364-бет.

<sup>3</sup> Азизиддин Насафий. Зубдат ул-ҳақойиқ. - Тошкент: Камалак, 1996, 9-бет.

жами хусусиятлар мавжуд.

*Эй жамолинг жилваси миръот инсу жон аро,  
Лек ўлуб ул жилва комил мазҳари инсон аро<sup>1</sup>.*

Инсон-Худонинг ердаги халифаси, унинг илму каромати, сир-асорори, қудрати ва ҳикмати акс этган мўъжиза. Фалаклар унинг нафаси билан айланади, жамики мулку малакут ундан таълим олади.

«Етти торами аъло», «тўққиз сипехри муалло», Арш, Курси, жамики мавжудот унинг учун, у туфайли яратилган:

*Сабаб муҳаббати ўю зуҳури сунъат буд,  
Ки ҳалқи моҳалақуллоҳ соҳти ифшо (24-бет).*

Сабаби-унга(Муҳаммадпайғамбарга) бўлган(Сенингюксакмуҳаббатингяратилишининг зуҳури эдики, ҳалқ этилган нарсаларни у туфайли ошкор қилдинг.

Оlam-ишиқ маҳсули. Мазкур байтларда ваҳдат ул-вужуд таълимотининг асосий масаласи Илоҳнинг инсонга, инсоннинг Илоҳга муҳаббати тасвир этилган:

*Зуҳури ҳуснунг учун айлабон мазоҳирни,  
Бу кўзгуларда ани жилвагар қилиб амдо.  
Чу жилва айлади ул ҳусн истабон ошиқ,  
Салойи ишқин этиб офариниши ичра нидо<sup>2</sup>.*

Ҳайрат, ҳиссий тасаввур ва руҳ кучи билан яратилган Алишер Навоийнинг «Руҳул-қудс» қасидаси ва ҳамд ғазаларида Инсон ва Коинот, инсон ва мавжудот, Инсон ва Илоҳнинг ўзаро боғлиқлиги ва алоқадорлиги, Инсон руҳининг улуғ оламлар бўйлаб сайр этиб, Илоҳ томон кўтарилиши (уруж), инсонийлик даражалари, руҳ тараққиёти даражалари-пок руҳ (руҳ ул-қудс) билан белгиланиши, мавжудотнинг хulosаси ва қаймоғи Комил Инсон инсониятни бошқарадиган Буюк руҳ эканлиги каби исломий-ирфоний, фалсафий ғоялар талқин этилган.

### «Руҳ ул-қудс»да қофия, вазн, ташхис

Мумтоз шеъриятда қофия бадииятнинг асосий белгиларидан бири ҳисобланади. қофия шеърдаги сўзларнинг тартиб-тизимини бир меъёрга солиб турувчи воситадир. Адабиётшунос Анвар Ҳожиаҳмедов таъкидлаганидек, ижодкорнинг салоҳияти шеърларда кўлланган қофияларнинг ғоялар моҳиятини, тимсоллар қиёфасини очишдаги аҳамияти, қофия учун танланган сўзларнинг маънавий теранлиги, оҳангдорлиги, жило ва жозибаси билан ҳам белгиланган<sup>3</sup>.

Қасида ёзишнинг қийинчилиги бу жанрнинг қатъий қофиялаш талаби ҳамdir. «Руҳ ул-қудс» қасидаси ана шу юксак талабга тўлиқ жавоб бера олади. Яъни ундаги 133 қофиядош сўзлар (чунки қасида 132 байтдан иборат) байт маънолари ва умуман асар мазмунига

<sup>4</sup> Навоий Алишер. Муқаммал асарлар тўплами. 20 томлик. 5-том. Бадоев ул-васат. -Тошкент: Фан, 1990, 4-бет.

<sup>1</sup> Навоий Алишер. Муқаммал асарлар тўплами. 20 томлик. 4-том. Наводир уш-шабоб. -Тошкент: Фан, 1989, 7-бет.

<sup>2</sup> Ҳожиаҳмедов А. Мумтоз бадиият малоҳати. -Тошкент: Шарқ, 1998, 195-бет.

мувофиқ бўлиб келган. Улардан иккитаси такрорланган. Чунончи, «сафо» – 2 марта (44– ва 78– байтларда), «саҳо» – 2 марта (39– ва 77– байтларда) қайтарилади. Бироқ бу сўзлар ҳар гал янги маъноларда қўлланилганки, бу такрорлар деярли сезилмайди.

44-байтда «сафо» сўзи поклик, бокиралик маъносини ифодалаб келган:

*Рабеъи навбати хубии боғ чун гузаронд,  
Чу барнахўрда арусе зи хусну лутфу Сафо (12-бет).*

Баҳор боғдаги кўркамлик навбатини шундай ўтказдики, унда ҳусну лутфу сафосини (поклигини) йўқотмаган келинчакдай манзара сақланди.

Қасиданинг 78-байтда эса «сафо» сўзи ёруғлик маъносида ишлатилган:

*Муқими манзили аввал нигоре симтане,  
К-аз ўрасад ба шабистони даҳр нуру сафо (17-бет).*

Аввалги манзилнинг муқими (қилиб) бир кумуш танли нигорни қўйдинг, ки ундан даҳр тунилинг зулматига нуру сафо етади.

«Рух ул-қудс» қасидаси алиф билан тугалланувчи-о қофиясида ёзилган. Масалан:

1. Насиб қисми: пайдо, даръё, байзо, обо, ақво, Узро, ўро, адо, истиғно.

2. Мадҳ қисми (инсон тасвири): баҳо, ҳазро, аҳоибҳо, ҳаво, амъо, ҳукамо, кало, савдо, мабдо, зиё, хо, мулкоро, туро, асмо, абдосо, само, хифо, кубаро ва ҳ.к.

қасидада Алишер Навоий қофия воситасида ўз ўқувчиси диққатини байтлардаги энг муҳим фикрларга жалб қиласди. Масалан, шоир баҳор манзараларининг гўзал тасвирини беришда сўзларнинг маънавий теранлиги ва оҳангдорлигига катта эътибор берган. Баҳорги боғ жилосини, ундаги табиий ҳолатларни ифодалашда улуғ шоир эҳъё, ғубро, намо, физо, дунё, боло, зебо, шайдо, сахбо, саҳо, раъно, маъво, дебо каби қофиядош сўзларни келтирса; Меърож воқеасини тасвирлашда эса асрор, авъадно, баҳо, хо, ғарро, Мусо, худо, ифшо, ҳаққо каби сўзларни қўллайди.

«Рух ул-қудс» қасидасида қофия шоир асарда ифодалаётган илоҳий-ирфоний ғоялар, теран фалсафий мушоҳадаларни бадиий сўз орқали жозибали ва таъсирчан акс этттиришнинг муҳим воситаси сифатида юзага чиқади. қасида жанри учун а-а, б-а, в-а, г-а тарзида қофияланиш хосдир. Ҳар қайси мисра, байтдаги қофиядош сўзларда шоирнинг ғоявий-бадиий нияти ўз тажассумини топган.

Ҳар қандай шеърий асар-ҳоҳ катта, хоҳ кичик бўлсин, маълум бир вазнга солинган. Мумтоз адабиётдаги дурданаларнинг кўпчилиги аruz вазнида яратилган. Аруз тизими ҳижоларнинг талаффузидаги узун-қисқалигига асосланган бўлиб, мусиқа билан чамбарчас боғлиқдир. Унда вазнлар жуда кўп ва улар табиатан ранг-барангдир.

«Рух ул-қудс» қасидаси ҳам аruz тизимида ёзилганлиги билан аҳамиятли. Бундай шеърий ўлчов қасида сатрлари мутолаасида уларнинг мусиқийлигини, жарангдорлигини таъминлайди.

«Рух ул-қудс» қасидаси арузнинг ҳазажи мусаммани маҳфуз баҳрида ёзилган.

Ҳазаж баҳри ниҳоятда хушоҳанг ва ўйноқи вазнлардан бири ҳисобланади. Мафойилун асл рукни бу баҳр вазнларининг асосини ташкил этади.

«Рух ул-қудс» қасидасининг вазнини аниқлашда ундаги барча байтларга эътибор қаратилди, аммо таҳлил учун қуйидаги байтларнигина намуна сифатида кўрсатиш лозим топилди (чунки маълум бир вазнда яратилган қасиданинг бошидан охиригача ўша вазн ҳукмронлик қилган):

Зи-хи ба хо-	ма и қуд-рат	му-сав-ви-ри	а-шыи-ё
V - - -	V - - -	V - - -	V - -
Ҳа-зор нақ-ши	а жиб ҳар-за	мон на зи ў	па-йи-до

«Рұх ул-қудс» таркибида бир қанча лафзий ва маънавий санъатлар құлланған. Лекин улар орасида шоир әңг күп мурожаат қылған санъат ташхисдир. Ташхис («жонлантириш») ҳайвонлар, күшлар, жонсиз нарсаларга инсонга хос хусусиятларни күчириш санъатидир. Ташхиснинг қисқа ва ихчам таърифи Фитратнинг «Адабиёт қоидалари» асарида шундай келтирилади: «Инсондаги даражада тириглиги бүлмаған нарсаларга, жониворларга инсондағи тирикликтің ҳолларини, сифатларини тақмоқдир»<sup>1</sup>.

Ташхис воситасида яратылған тасвирда бадий тимсол ёхуд манзара, воқеа-ходиса хусусиятлари яққолроқ намоён бўлади. Жонсиз ва мавхумий нарсаларни ташхисда тасвирлаш воситасида шеърий асар муаллифи илгари сураётган муайян ғоялар аниқроқ ифодаланади, тасвирланаётган шеърий тимсоллар ёрқинлик, жонлилик, жозибадорлик касб этади.

«Рұх ул-қудс» қасидасида олам ва одам сирлари ташхис санъати асосида ёнма-ён талқин этилган:

*Макони панжўм ба тег занн, карди,  
Ки аз маҳобати ўбаст хун дили хоро (13-бет).*

Бешинчи маконнитиғ тортувчига бердингки, унинг қўрқинчли қўриниши ва даҳшатидан, ҳатто тошнинг қалбидаги қон ҳам қотиб қолди.

Табиатда қизил тош ҳам учрайди. Шоир баъзи тошлардаги қон юқини эслатувчи доғларга ишора қилиб, тошга нисбатан «қон», «қалб» каби сўзларни ишлатган.

«Рұх ул-қудс»да кўпинча табиатдаги гўзаллик инсондаги гўзалликка муқояса қилинади. Инсондаги фазилатлар гулга кўчирилған ва аксинча. Алишер Навоий ижодида Гул бадий тимсол сифатида кўп ўринларда учрайди. Шоир қасидада лола, ёсмин, наргис, суман, сунбул каби кўплаб гул турларига мурожаат қылған. Гул Шарқ мумтоз шеъриятида маъшуқа жамоли, Оллоҳ ёди, Ҳақ тажаллийси тимсоли сифатида ишлатилади.

*Бунафша бар гиреҳи турра баст марғула,  
Суман ба жилва даровард орази зебо.*

Бунафша ёқаси (гирибони) атрофида қўнғироқчалар боғлади (гуллади). Суман гўзал оразини жилвага солди.

Жилва-тасаввуфий истилоҳ бўлиб, ноз, истиғно, гўзалларнинг қўнглини фатҳ этувчи ҳол ёхуд чиройли ҳаракатлардир. Ёхуд сулук аҳлининг қўнглида порлаган илоҳий нур. Бу нур эса ошиқни телба қиласи.

Суман-саман. Ёсмин сўзининг қисқаргани Райхон, сунбул, наргис каби гуллар ҳам ташхис санъати воситасида маҳорат билан тасвирланған. Ташхис санъати ташбиҳ ва ҳусни таълил санъатлари учун асос вазифасини ўтайди:

*Зи нисфи пўстни норанж баҳри наргиси шўх,*

<sup>1</sup>Фитрат А. Адабиёт қоидалари. – Тошкент: Ўқитувчи, 1995, 68-бет.

Пиёла кардию ў маст гашт бе саҳбо (11-бет).

Шўх нарғис учун яримта норанж (апельсин)нинг пўстидан пиёла қилдинг-ки, у қадаҳсиз ҳам маст бўлди.

Нарғис-бўтакўз, кўзнинг рамзи, яъни кўз «мушаббиҳ», нарғис-мушаббиҳун биҳ. «Нарғиси шўх» ибораси шўх нарғис кўзли гўзалларга нисбат берилади.

*Икки ўтлуғ нарғисингким қилдилар бағрим кабоб,  
Биридир айни хумор ичинда бири масти хоб<sup>1</sup>.*

Ҳазрат Навоий қаламига мансуб бу байтда Оллоҳ, олам ва одам гўзаллиги ифодаланган, яъни маъшуқанинг нарғис кўзларидан ошиқнинг бағри дили кабоб бўлган, чунки маъшуқанинг кўзларида Яратганинг тажаллийси бор. Кўз-басират даражаси, қалб кўзининг ўткирлиги ва ҳам айни пайтда, у ошиқни имтиҳон этувчи, синовдан ўтказувчи кучдир. Илоҳий жамол турли кўринишларда жилоланиб, қалбга йўл излайди. ўайбнинг манбаи, сиру синоат чашмаси кўз-жило, мавж, товланиш, сехру жоду, мафтункорлик тимсоли. Шунинг учун ҳар икки байтда ҳам (яъни қасидада ва ғазалдан олинган байтда) «хумор», «маст» каби сўзлар ишлатилган.

Мазкур рамз тузилиш асоси жиҳатидан тўла-тўқис мушаббиҳнинг таркибий қисмларига тўғри келади ва бу ўхшашлик асосида кучли мантиқ бор. қасидада райҳон бошқа гул тимсолларидан алоҳида ажратилади:

*Чу чанд рўз бар ин рафт, доди ороиш,  
Зи шоҳидони раёҳин ба гулшани дунё (11-бет).*

Бир неча кун шу тариқа (Сен) оройиш бердинг, райҳонлар шоҳидлигида дунё гулшанига.

Мазкур байтда райҳон инсонга хос «шоҳидлик» хусусиятини касб этган. Чунки тасаввуфий қарашларга кўра, райҳон тасфия ва риёзат натижасида қалбда порлаган нур тимсолидир. «Шоҳид» сўзини ҳам шоир бежиз ишлатмаган, яъни шоҳид – қалб билан тенглашган мавжудот. Байтдаги «гулшан» сўзи эса қалбнинг фатҳи ва очилиши, солик кўнглининг маърифат ва ирфонга тўлиши тимсоли бўлиб келган.

*Рухи чаманро аз хомаи қазо карди,  
Зи лавн-лавн раёҳин чу гунагун дебо (13-бет).*

Тақдир қалами билан чаман руҳини (Сен) ранг-баранг бўёқлар билан зийнатланган райҳонзорга айлантиридинг.

Шоирнинг мақсади фақатгина ташхис санъати воситасида мазкур гулларни жонли, жозибали тасвирлашдангина иборат бўлмай, балки бу санъат орқали ботиний-маърифий маъноларга ҳам ишора қилишдир.

қасидада мазкур (ташхис) маънавий санъатни кенг қўллаш орқали Илоҳ ва инсон, Холиқ ва маҳлуқ, табиат ва шахс бирлигига алоҳида аҳамият берилган:

*Намуд дил зи раёҳин сўи фавокеҳ майл,  
Чу аз сароби сувар сўи лужжаси маъно...  
Либоси барг чу ашжори боғро пўшид,  
Шуд аз намоши ҳар як чу гунбади мино...*

<sup>1</sup> Навоий Алишер. Мукаммал асарлар тўплами. 20 томлик. 5-том. Бадоев ул-васат.-Тошкент: Фан, 1990, 58-бет.

*Ва лек анжуми событ шуда фавоқеҳи ў,  
Ба бурж шохи савобит мисоли побархо.*

Кўнгил райҳонлардан мевали боғ томон майл кўрсатди, беҳисоб суратлардан зебо шакллар эса саробга айланибди. Барглар либоси боғ дараҳтлари устини ёпди. Ҳар бирининг товланишидан феруза осмон шакли намоён бўлди. Ва лекин юлдузлар событлашганидек, ҳолат мевали боғда кўрина бошлади. Юлдузлар бурҷда қўним топганидек, шоҳлар ҳам оёғида тургандай бўлди.

«Баргларнинг боғ дараҳтлари устини ёпиши», «шоҳларнинг оёғида туриши» инсонга хос ҳаракат бўлиб ташхис санъати туфайли улар гулу дараҳтларга кўчирилган.

Қасидалар ва бадиий-маърифий ҳамдлар кенг омма учун эмас, балки сўз санъатини юксак англаган, сўфиёна- орифона истилоҳлар маъносини яхши тушунадиган, маҳсус маърифий билим эгаларига мўлжаллаб ёзилади. «Рух ул-қудс» қасидаси ана шу жиҳатдан ҳам қасидачиликнинг юксак талабларига жавоб берадиган мукаммал бадиий асардир.

Юқоридаги мулоҳазалар қуйидаги хулосаларга келиш имконини беради:

1.«Ситтаи зарурия» асари Шарқ қасидачилиги тамойилларининг юксак талабларига жавоб берадиган мукаммал бадиий асардир.

2.«Рух ул-қудс» қасидасида Оллоҳга муножот воситасида Унинг онгли халифаси Инсон улуғланган.

3.Алишер Навоий Шарқ мумтоз адабиётининг йил фаслларини инсон умрига қиёслаб тасвирлаш анъанаси ичida инсон руҳиятининг нозик қирраларини (ботиний ҳоллар орқали) йил фаслларидағи ўхшаш жиҳатлар билан муқояса қилган ҳолда, янада теранроқ тасвирлаш йўлидан борган.

4.қасидада Оллоҳ, олам ва одам сирлари ташхис санъати асосида ёнма-ён талқин этилган.

5.«Рух ул-қудс» қасидаси ва ҳамд ғазалларда бутун олам Буюк Рух қудрати ҳосиласи эканлиги илоҳий-ирфоний асослар орқали ифодаланган.

## ХУЛОСА

Истиқлолгача собиқ мафкура талабига кўра, етарли даражада ўрганилмаган Алишер Навоийнинг «Рух ул-қудс» қасидаси ва ҳамд ғазаллари шоир ижодининг бош мезонини белгилайди. Адибнинг бу асарларида ўзининг маърифий-бадиий инъикосини топган ўша бош мезон қайси дин, мазҳабга мансуб бўлишдан қатъий назар, Ер юзида Инсон деган комил хилқат масъуллигини ҳис қилиш каби умумбашарий ғоялар, юксак ахлоқий-фалсафий панду ҳикматлар бугун учун ҳам аҳамиятлидир. Республикализ Президенти И.А.Каримов Марказий Осиё тарихида сиёсий ақл-идрок билан маънавий жасоратни, диний дунёқараш билан қомусий билимдонликни ўзида мужассам этган буюк арбоблар қаторида Алишер Навоийнинг номини алоҳида урғу билан таъкидлаши ҳам бежиз эмас. қолаверса, Навоий шаҳрида улуғ шоирга ўрнатилган меъморий ёдгорлик мажмуининг очилиш маросимида мамлакатимизда мантиқий тафаккур қила оладиган баркамол шахснинг шаклланишини, тарбиясини мумтоз маънавий сарчашмаларсиз, айниқса, улуғ Навоий адабий меросига таянмай, бундай улкан вазифани уddeлаш қийин эканлиги юрт сарвари томонидан эътироф этилди.

Шунинг учун шоир меросига интилиш доираси кенгаймоқда. Асарларини янгича талқинда ўрганиш миллий мафкурани бойитиш, таълим-тарбия жараёнида муҳим аҳамият касб этмоқда.

Асрлар оша янги маъно қирраларининг кашф этилиши билан Шарқ мумтоз адабиёти ихлосмандларининг диққат марказидан ўрин олган Алишер Навоий шеъриятининг кўлами кенглиги ва даврлар ўтиши билан яна янгича талқинларга асос бўла олиши бу улуғ маънолар хазинасининг беҳад сиру синоатли ва хосиятли эканлигидан далолат беради. Ана шу эзгу мақсадда шоирнинг илм оламида кам ўрганилган «Рух ул-қудс» қасидаси ҳамда ҳамд ғазаллари тадқиқини амалга оширишга жазм қилинди ва қуйидаги хулосаларга келинди:

Алишер Навоийнинг туркий ва форсийда битилган ҳамд ғазаллари ва «Рух ул-қудс» қасидасининг таянч ғоявий манбаи қуръони Карим ва Ҳадиси шарифдир. Ана шу нуқтаи назардан ҳамд ғазаллар ва «Рух ул-қудс» қасидасининг бадиий тасвир усули бир-бирига яқинdir.

Алишер Навоий Шарқ девончилиги равнақини мавзу-маъно нуқтаи назаридан муайян тизимга солган ва ҳар бир асарини Оллоҳ ҳамди билан бошлаган.

Шарқ мумтоз адабиётида девонни ҳар ҳарф туркумига кўра ҳамд ғазал билан бошлаш Алишер Навоий номи билан боғлиқ анъанадир.

Шаръий ҳамд тушунчасини илғор ирфоний қарашлар орқали тўлдириб (соликнинг руҳий-маънавий даражасига кўра Ҳақ сифатларини улуғлаш ва Ҳаққа етиш усулини асослаш) талқин этиш Алишер Навоий ижодининг ўзига хос хусусиятидир.

Шоир асарларининг кириш ҳамдларида Оллоҳнинг буюк қудрати, унинг яратиқлари мўъжизавий мукаммаллиги васф этилган бўлса, ҳамд ғазалларида эса Ҳақ маърифатини турличаталқин этишжараёнида келиб чиққан низоларнинг сабаблари орқали ифодаланган.

Шоир ҳамд ғазалларида қуръон оятларидан фақат 10-11 ўринда айнан фойдаланган. Талмех, иқтибос, тафсир каби илоҳий-ирфоний ифода шакли Алишер Навоий ҳамд ғазаллари учун фаол ҳодисадир. Абдураҳмон Жомий ҳамд ғазаллари учун етакчи ҳисобланган тазмин санъати Навоий ижодида жуда кам учрайди.

«Рух ул-қудс» ва ҳамд ғазалларда Ҳақнинг субутий ва зотий сифатлари тасвирига алоҳида аҳамият берилган. Алишер Навоий Яратувчига чексиз муҳаббатини, жунун

холатидаги күнглиниң дарду изтиробларини изхор қилиш руҳида ёзилган ғазаларида Ҳаққа «Илоҳо» деб мурожаат қиласа, олам аҳли манфаати билан боғлиқ туйғулари баёнида эса Оллоҳнинг «Раб» («Оламларни тарбияловчи») зотий исмини қўллади.

Оллоҳга ҳамд айтиш орқали унинг энг юксак яратувчилик санъати намунаси-Инсон улуғланган.

«Рұх үл-құдс» қасидаси ва ҳамд ғазалларда бутун олам ягона Рұх қудрати ҳосиласи эканлиги, бу қудрат әнг кичик заррадан чексиз коинотга қадар ҳар бир Ашё ва ҳаракатда намоён баён этилган. Мазкур асарлар Оллоҳ-Оlam, Оллоҳ-Инсон муносабатларини илоҳий-ирфоний нуқтаи назардан ўрганишда ҳам муҳим манба сифатида аҳамиятлиdir.

Инсон ва коинот, Инсон ва мавжудот, Инсон ва Илоҳнинг ўзаро боғлиқлиги ва алоқадорлиги, оламнинг би илоҳий күн маҳсули, би «нодир жиҳоти коинот», намоз (фароизи) нинг би хориж ва дохил фарзлари, би имон аркони, жисмда рұх соғлом тараққий этишининг би тиббий асоси бир-бирига боғлиқ равишда бир умумий, яъни Рұх қувваси таркибидаги би лик тизимиға қарашли ягона илоҳий моҳиятга бориб тақалиши ва шу тариқа олтилик тизимининг («Ситтай зарурия»-«Олти зарурат») шаклланиши-Инсон руҳининг Мутлақ Рұх томон тараққий этиб боришини таъминловчи узлуксиз, (узвий) тадрижий жараён сифатида тасвиrlанғанлигини илоҳий-исломий ва адабий манбалар ҳамда шоирнинг ўз асарлари далиллайди.

Одам ва олам тузилиши орасидаги яқинлик эса 4 фасл, 4 табъ, 4 аносирни тасвиrlаш орқали ўзининг қўламдор бадиий талқинини топган.

Ҳамд ғазаллар ва «Рұх үл-құдс» қасидаси Алишер Навоий ижодининг яхлит, кенг қўламли дастуридир. Мазкур асарларда қатра, зарра, қуёш, етти сайёра, тўрт фасл, тўққиз қават осмон, ўн икки бурж ва малаклар Ҳақнинг муайян бир қонунияти асосида ҳар бири ўзи учун тақдир этилган қатъий чегара йўриғида ҳаракат қилишини тасвиrlаш орқали руҳи Мутлақ энг кўп акс этган мukarram ва мушарраф Инсоннинг руҳий ҳаракат чегараси барча яратиқлардан беҳад кенглиги, Ердан Аршгача ва барча событиу сайёра, Арш, Курси, малаклар Инсон учун халқ этилганига алоҳида урғу берилади. Шоирнинг таъкидига кўра, руҳнинг камолотини ҳилм, фақрлик белгилайди. ўн саккиз минг оламни улуғлаш эса бу аслида Оллоҳ азза ва жаллани мадҳ этишдир. Зоро, ҳазрат Навоийнинг ўзлари «Лисон ут тайр»да ихчам ва салмоқли хулосани айтиб қўйган эдилар:

*Мундин ортуғроқ ҳад эмастур манга,  
Жудини васф айласам басдур манга.*

## ФОЙДАЛАНИЛГАН АДАБИЁТЛАР

1. Каримов И.А. Оллоҳ қалбимизда, юрагимизда.-Тошкент, ўзбекистон,-1997, 32 б.
2. Каримов И.А. ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари.-Тошкент: ўзбекистон, 1997, 326 б.
- 2 А.Каримов И.А. Улуғлари эъзозланган юрт завод кўрмагай || Халқ сўзи, 2001, 25 август.
3. Абу Хамид ал-Газали Воскрешение наук о вере. Перевод с арабского и комментарий В.В.Наумкина. – Москва, 1980, 416 б.
4. Абдуғафуров.«Хазойин ул-маоний» жумбоқлари (4-мақола) || ўзбек тили ва адабиёти. 1998, № 6, 3-10-бетлар.
5. Алишер Навоийнинг адабий маҳорати масалалари (мақолалар тўплами)-Тошкент: Фан; 1993. 208 б.
6. Адабий мерос. Ҳужжат ва тадқиқотлар. Тошкент: Фан, 1968, 300 б.
7. Асма-и ҳусна. –Тошкент: Камалак, 1991, 40 б.
8. Авесто. Тарихий-адабий ёдгорлик. –Тошкент: Шарқ, 2001, 383 б.
9. Адабий турлар ва жанрлар. Уч жилдлик. 2-жилд. Лирика. - Тошкент: Фан, 1992, 247 б.
10. Азизиддин Насафий. Зубдат ул-ҳақойиқ.-Тошкент: Камалак, 1996, 47 б.
11. Abdurahmon Guzel. Dini-tasavvufi turk edebiyati (санасиз). Анқара.
12. Абдуқодиров А. Тасаввух ва Алишер Навоий ижоди (ваҳдат ул-вужуд проблемаси бўйича) Филология фанлари доктори... дис.-Тошкент, 1998.
13. Анисий А. Шарқ адабиётида қасида жанри ва Бадри Чочий || ўзбек тили ва адабиёти,-1970, 4-сон, 22-27-бетлар.
14. Алишер Навоий. Газаллар, шарҳлар.-Тошкент: Камалак, 1991, 176 б.
15. Абу Бакр Ар-Рази, Духовная медицина.-Душанбе, Ирфон, 1990, 88 стр.
16. Аттор Фариуддин Илоҳийнома.-Тошкент: Ёзувчи, 1994, 96 б.
17. Аттор Фариуддин. Мантиқ ут-тайр. - Тошкент,-лит. 1900, 26 июнь
18. Аҳмад Яссавий. Ҳикматлар. - Тошкент: Адабиёт ва санъат, 1991, 225б.
19. Атоулло Ҳусайн. Бадоеъ-ус-саноеъ.-Душанбе: Ирфон, 1973, 398 с.
20. Бертельс Е.Э. Избранные труды. Навои и Джами.-Москва: Наука, 1965.
21. Бертельс Е.Э. Избранные труды. История персидско-таджикской литературы. -Москва: ИВЛ, 1960, 556 стр.
22. Баҳоуддинов А.М. Очерк истории таджикской философии. Сталинабад, 1961, 200 с.
23. Бобоев Т. Шеър илми таълими.-Тошкент: «ўқитувчи», 1996, 334 б.
24. Беляев В.А. Араби, ислам и арабский халифат в раннем средневековье. -Москва: Наука, 1966, 126 стр.
25. Болтаев М.Н. Имом ўаззолийнинг ирфоний таълимоти || Бухоро университети илмий ахборотлари. - Бухоро давлат университети, 2002, №2, 2-7-бетлар.
26. Ботирхон Акрам. Фасоҳат илмининг соҳибқирони. -Тошкент: ўзбекистон, 1991, 224 б.
27. Брагинский И.С. Из истории таджикской и персидской литературы. -Москва: Наука, 1972, 524 с.
28. Бухорий С.С. Дилда ёр.-Тошкент: Ёзувчи, 1991, 80 б.
29. Валихўжаев Б. Арбаин ҳадис ва унинг таржималари. ||Алишер Навоийнинг адабий маҳорати масалалари (мақолалар тўплами).-Тошкент: Фан, 1993, 126-135-бетлар.
30. Валихўжаев Б. ўзбек адабиётшунослиги тарихи.  
Х-IX асрлар.-Тошкент: ўзбекистон, 1993, 192 б.

31. Воҳидов Р. Алишер Навоийнинг ижод мактаби.-Бухоро: Бухоро, 1994, 187 б.
32. Воҳидов Р. Алишер Навоий ва илоҳиёт.-Бухоро: Бухоро нашриёти, 1994, 208 б.
33. Воҳидов Р., Маҳмудов М. Маънавият-комиллик саодати.-Тошкент: Маънавият, 1997, 192 б.
34. Воҳидов Р.Ж. Взаимосвязь узбекской и персидско-таджикской литературы во второй половине XV начале XVI в. Дис. д-ра филол. наук. -Ташкент, 1988, 280 стр.
35. Воҳидов Р., Маҳмудов М. Иймон-қалб гавҳари. Адабий фалсафий ўйлар. -Тошкент: Маънавият, 1999, 200 б.
36. Воҳидов Р. «Ситтаи зарурияда татаббуъ». || Бухоро университети илмий ахборотлари. 2001, №1, 10-18-бетлар.
37. Воҳидов Р., Эшонқулов Ҳ. Мумтоз адабиёт-ҳикмат хазинаси.-Бухоро: Бухоро, 2001, 154 б.
38. Воҳидов Р., Неъматов Ҳ., Маҳмудов М. Сўз бағридаги маърифат.-Тошкент: Ёзувчи, 2001, 144 б.
39. Дехлави Амир Хусрав. Осори мунтаҳаб. Дар чаҳор хилд. Хилди чаҳорум. -Душанбе: Ирфон, 1975, 896 с.
40. Жалолов Т. Гўзаллик оламида. -Тошкент: Адабиёт ва санъат нашриёти, 1979, 326-б.
41. Жумаев Н. Поэтик тасвирда пейзажнинг роли.-Тошкент: ўзбекистон, 1982, 24 б.
42. Жумаев Н. ўазалда ғоя ва бадиий маҳорат мутаносиблиги.||Алишер Навоийнинг адабий маҳорати масалалари (мақолалар тўплами).-Тошкент: Фан, 1993, 51-67-б.
43. Жирмунский В. Теория литературы. Поэтика. Стилистика.-Ленинград: Наука, 1972, 407 с.
44. Жомай А. Осор. Дар 8 жилд. Жилди I.-Душанбе: Адиб, 1986, 559 с.
45. Жомай А., Осор. Дар 8 жилд. Жилди II.-Душанбе: Адиб, 1987, 288 с.
46. Девони Шайхзода Атойи. -Тошкент, 1991.
47. Islam ansiklopedisi. Anadolu universitysi. 1997, 378- sah.
48. Ислом ақоидига доир жавоҳир сўзлар.-Тошкент: Мовароуннаҳр, 2002, 118 б.
49. Исламов Б. Пантеистическая философская традиция в персидско-таджикской поэзии. IX-XV вв.-Душанбе, 1986, 285 стр.
50. История узбекской литературы. В 2-х томах. Том I. С древнейших времен XVI в.-Ташкент: Фан, 1987, 485 стр.
51. Исмоил Ёқут. Аҳмад Яссавий тасаввуфий қарашларининг бош асослари||Хожа Аҳмад Яссавий (мақолалар тўплами).-Тошкент, 2001. 37-49-б.
52. Исҳоқов Ё. Навоий поэтикаси.-Тошкент: Фан, 1983, 167 с.
53. Исҳоқов Ё. Навоий лирикасида руҳий тасвир ва таҳлил. ||»ўзбек тили ва адабиёти», 1991, 4-сон, 15-20-б.
54. Кески Усмон ўғли. Ҳазрати пайғамбар ҳаёти.-Тошкент: қомуслар бош таҳририяти, 1996, 12 б.
55. Кароматов Ҳ. қуръон ва ўзбек адабиёти. -Тошкент: Фан, 1993, 95 б.
56. Кароматов Ҳ. ўзбек адабиётида қуръон мавзулари (адабий-тарихий таҳлил): филол. фан.д-ри дис. автореф.-Тошкент, 1993, 50 б.
57. Камол Айний. қасида дар осор Рудакӣ|| Сб. Рудаки и его эпоха.-Сталинабад, 1958, 98-105 с.
58. Комилов Н. Тасаввуф. I китоб.-Тошкент: Ёзувчи, 1996, 272б.
59. Комилов Н. Тасаввуф. II китоб.-Тошкент: «Адабиёт ва санъат» ҳамда «ўзбекистон», 1999. 204 б.

60. Комилов Н. Фақр нури порлаган қалб.-Тошкент: Маънавият, 2001. 94 б.
61. Комилов Н. Ҳар байти ҳикматли бир китоб|| ўзбекистон адабиёти ва санъати, 2001, 9 февраль.
62. Кошифий Ҳусайн Воиз. Футувватномаи султоний ёхуд жавонмардлик тариқати. Форс-тожик тилидан Н.Комилов таржимаси. -Тошкент: Халқ мероси, 1994, 112 б.
63. қошғарий Маҳмуд. Девону луғотит-турк. Уч томлик. III том. -Тошкент: ўзР ФА, 1963, 463 б.
64. Крачковский И.Ю. Избранные сочинения. Том II.-Москва: Наука, 1958. 706 стр.
65. Kabakli Ahmad. Turk edebivati. Istanbul, 1994, 585 sah.
66. Маллаев Н. ўзбек адабиёти тарихи. Олий ўқув юртлари учун дарслик. Биринчи китоб.-Тошкент: ўқитувчи, 1976, 663 б.
67. Маллаев Н. Асрлар эътирофи ва таъзими. -Тошкент: Фан, 1978, 64 б.
68. Мирзозода Х. Таърихи адабиёти тожик (асрҳои XIII-XV). Китоби 2. -Душанбе: Маориф, 1977, 453 саҳ.
69. Мирзозода Х. Таърихи адабиёти тожик. Китоб 1 (II). -Душанбе: Маориф, 1989, 469 с.
70. Мирзоев А. Сездаҳ мақола (Аз таърихи адабиёти асрҳои X-XV тожики форс). -Душанбе: Ирфон, 1977, 187 с.
71. Мирзоев А. Девони Фонийнинг ғоявий хусусиятлари|| IX конференция. -Тошкент, 1965.
72. Мусульманкулов Р. Персидско-таджикская классическая поэтика. -Москва: Наука, 1989, 240 стр.
73. Муҳаммад ўиёсиiddин. ўиёс ул-луғат. Жилди 2. -Душанбе: Адиб, 1988, 261 с.
74. Муҳаммад Зоҳид қўтқу ибн Иброҳим Ал-Бурсавий. Аҳли суннат вал-жамоат ақоиди. Иккинчи китоб.-Тошкент: Мовароуннаҳр, 1999, 223 б.
75. Меърожнома. Нашрга тайёрловчи, сўз боши ва изоҳ муаллифи Ҳаққул И., Рафъиддин С.-Тошкент: Ёзувчи, 1995, 96 б.
76. Муҳаммад Аваз ибн Садриддин қоратоший. Мажмуат ул-аҳком.-Тошкент: «Шарқ машъали» журналига илова. «Шарқ баёзи», 1993, 64 б.
77. Муминов И. Философские взгляди Мирзи Бедиля.-Ташкент, 1957, 157 стр.
78. Навоий Алишер. Лисон ут-тайр.-Тошкент: Адабиёт ва санъат, 1991, 464 б.
79. Навоий Алишер. Муқаммал асарлар тўплами. 20 томлик.1-том.Бадоеъ ул-бидоя.-Тошкент: Фан, 1987, 620 б.
80. Навоий Алишер. Муқаммал асарлар тўплами. 20 томлик. 13-том. Мажолис ун-нафоис.-Тошкент: Фан, 1997, 283 б.
81. Навоий Алишер. Муқаммал асарлар тўплами. 20 томлик. 3-том. Хазойин ул-маоний. ўаройиб-ус-сигар. -Тошкент: Фан, 1988, 616 б.
82. Навоий Алишер. Муқаммал асарлар тўплами. 20 томлик. 4-том. Наводир уш-шабоб.-Тошкент: Фан, 1989, 560 б.
83. Навоий Алишер. Муқаммал асарлар тўплами. 20 томлик. 5-том. Бадоеъ ул-vasat.-Тошкент: Фан, 1990, 544 б.
84. Навоий Алишер. Муқаммал асарлар тўплами. 20 томлик. 6-том. Фавойид ул-кибар.-Тошкент: Фан, 1990, 568 б.
85. Навоий Алишер. Муқаммал асарлар тўплами. 20 томлик. 7-том. Ҳамса. Ҳайрат ул-аброр-Тошкент: Фан, 1991, 392 б.
86. Навоий Алишер. Муқаммал асарлар тўплами. 20 томлик. 8-том. Фарҳод ва Ширин.-Тошкент: Фан, 1991, 544 б.

87. Навоий Алишер. Муқаммал асарлар тўплами. 20 томлик. 9-том. Лайли ва Мажнун.-Тошкент: Фан, 1992, 356 б.
88. Навоий Алишер. Муқаммал асарлар тўплами. 20 томлик. 10-том. Сабъаи сайёр.-Тошкент: Фан, 1992, 447 б.
89. Навоий Алишер. Муқаммал асарлар тўплами. 20 томлик. 11-том. Садди Искандарий.-Тошкент: Фан, 1993, 640 б.
90. Навоий Алишер. Муқаммал асарлар тўплами. 20 томлик. 15-том. Хамсат ул-мутаҳайирин.-Тошкент: Фан, 1999, 7-85 б.
91. Навоий Алишер. Муқаммал асарлар тўплами. 20 томлик. 16-том. -Тошкент: Фан, 2000, 544 б.
92. Навоий Алишер. Муқаммал асарлар тўплами. 20 томлик. 18-том. Девони Фоний.-Тошкент: Фан, 2002, 550 б.
93. Навоий Алишер. Муқаммал асарлар тўплами. 20 томлик. 17-том.-Тошкент: Фан, 2001,
94. Навоий Алишер. Рух ул-қудс. Сўзбоши, насрй баён, изоҳ ва луғат билан нашрга тайёрловчилар проф. Р.Воҳидов, тадқиқотчи Н.Бекова.-Тошкент: ўзбекистон, 2002, 35 б.
95. Навоий асарлари луғати. Тузувчилар: П.Шамсиев, С.Иброҳимов.-Тошкент: Адабиёт ва санъат, 1972, 784 б.
96. Нақшбанд Баҳоуддин. Авроди баҳоия. Нашрга тайёрловчи Г.Наврӯзова.-Бухоро: Бухоро, 2000, 40 б.
97. Низомий Ганжавӣ. Куллиёт. Дар панҷ жилд. Жилди I. -Душанбе: Ирфон, 1983, 464 сах.
98. Памятники мирового искусства. Искусство древнего востока. -Москва: Наука, 1968, 280 стр.
99. Пугаченкова Г.А., Ремпель Л.И. История искусств Узбекистана. -Москва: Искусство, 1965, 245 стр.
100. Рабғузий Носируддин Бурҳонуддин. қисаси Рабғузий. Биринчи китоб. -Тошкент: Ёзучи, 1990, 240 б.
101. Румий Жалолиддин. Маънавий маснавий. Куллиёт. Биринчи жилд (I китоб). -Тошкент: Шарқ, 1999, 368 б.
102. Рафиддинов С. Мажоз ва ҳақиқат (Атойининг поэтик маҳорати).-Тошкент: Фан, 1995, 154 б.
103. Рустамов А. Шоирнинг биринчи ғазали. ||Шарқ юлдузи, 1987, № 3, 175-179-б.
104. Рустамов Э.Р. Узбекская поэзия в первой половине XV века. -Москва: ИВЛ, 1963, 423 стр.
105. Стеблева И.В. Развитие тюрских поэтических форм в XI в. -Москва: Наука, 1971, 142 стр.
106. Сагдуллаев А. қадимги ўзбекистон илк ёзма манбаларда. -Тошкент: ўқитувчи, 1996, 111 б.
107. Сўфи Оллоёр. Сабот ул-ожизин. -Тошкент: Чўлпон, 1991, 128 б.
108. Соғуний Алихонтўра. Тарихи Муҳаммадий. -Тошкент, 1991, 222 б.
109. Салоҳий Д. Алишер Навоий поэтик услубининг тажрижий такомили || Филол. фан. док. дис. -Тошкент, 2001.
110. Tasavvuf terminleri so'zlug'u. Prob: Dk: Suleyman Uludag'. Istanbul, 1995, 478 sah.
111. Сироҗиддинов Ш. Навоий ғазалларида Оллоҳ мадҳи. || Имом ал-Бухорий сабоқлари. 2001. № 1. 51-55-б.
112. Тарозий Шайх Аҳмад Ибн Худойдод. Фунун ул-балоға. Нашрга тайёрловчи А.Ҳайитметов. -Тошкент: Хазина, 1996,

113. Тафсири Жалолайн. Караби: «қадимги кутубхона», 1949, 192 б.
114. Турар Усмон. Тасаввух тарихи.-Тошкент: Истиқлол, 1999, 180 б.
115. Фарҳанги форсӣ. Жилди II. -Техрон, 1996.
116. Фарҳанги забони тоҷикӣ. Жилди I.-Москва: Советская энциклопедия, 1969, 862 саҳ.
117. Фарҳанги забони тоҷикӣ. Жилди II.-Москва: Советская энциклопедия, 1968, 867 саҳ.
118. Фитрат А. Адабиёт қоидалари. -Тошкент: ўқитувчи, 1995, 110 б.
119. Фонӣ Амир Алишер. Девони Форси (мунтажаб). -Душанбе: Ирфон, 1993, 320 саҳ.
120. Чаҳор китоб. -Душанбе: Адиг, 1990, 79 саҳ.
121. Ҳожа Аҳмад Яссавий ҳаёти, ижоди ва анъаналари || мақолалар тӯплами.-Тошкент: ўзбекистон Ёзувчилар уюшмаси ва Адабиёт жамғармаси, 2001, 335 б.
122. Ҳожа Бектоши Валий. Мақолат. Таржимон ва сўзбоши муаллифи Иброҳим Ҳаққул. -Тошкент: Халқ мероси, 2000, 55 б.
123. Хоразмий Ҳофиз. Девон. -Тошкент: ўзбекистон, 1981, 303 б.
124. Шайхзода М. Асарлар. 6 томлик. IV том. -Тошкент: Адабиёт ва санъат, 1972, 372 б.
125. Шодиев Э. Алишер Навоий ва форс-тоҷик адиблари. -Тошкент: ўқитувчи, 1989, 112 б.
126. Шамс қайс Розий. Ал-мўъжам. -Душанбе: Адиг, 1991, 464 с.
127. Шиддар Б.Я. Образная система арабской классической литературы (VI-XII вв). -Москва: Наука, 1974, 255 стр.
128. Шомуҳаммаедов Ш. Форс-тоҷик адабиёти классиклари ижодида гуманизм. -Тошкент: Фан, 1968, 431 б.
129. Шомуҳаммедов А. Ҳамкорлик самаралари. -Тошкент: Фан, 1982, 56 б.
130. Шукуров Ш. Навоийнинг «Тұхфат ул-афкор» қасидаси ва унинг адабий традиция билан боғлиқлиги түғрисида|| Навоий ва адабий таъсир масалалари (мақолалар тӯплами). -Тошкент, 1968, 191-210-б.
131. Эркинов С. «Тұхфат ул-афкор» қасидаси матни, нашрлари || ўзбек тили ва адабиёти, 2001, 4-сон, 21-27-б.
132. Эшонқулов Ҳ. Алишер Навоий шеъриятида самовий тимсоллар || Филол.фан.ном. дис... автореф. Самарқанд, 1999, 25 б.
133. Юсуф Ҳос Ҳожиб. қутадғу билиг.-Тошкент:Фан, 1971, 964 б
134. Якубовский Л. Черты общественной и культурной жизни эпохи Навои. -Москва: ИВЛ, 1946.
135. ўзбек адабиёти. 4 томлик. II том. -Тошкент: ўзР Давлат бадиий адабиёт, 1959, 651 б.
136. ўзбек адабиёти тарихи. 5 томлик. II том. -Тошкент: Фан, 1977, 460 б.
137. қаюмов А. Алишер Навоий. -Тошкент: Камалак, 1991, 176 б.
138. қодиров А. Ажойиб астрономик ҳодисалар. -Тошкент: Фан, 1981, 38 б.
139. қодирова М. Алишер Фоний қасидалари ўзбек тили ва адабиёти. -Тошкент, 1969, 240 б.
140. қосимов М. Илоҳий саналар|| Тафаккур, 1998, 1-сон, 84-87-б.
141. Ал-қуръонул Карим. Мадина Мунаввара: Мужаммаъ ал-малий Фаҳд ли тибоати мусҳифи шариф, 1985, 604 б.
142. Куръони Карим (таржима ва изоҳлар муаллифи Алоуддин Мансур). -Тошкент: Чўлпон, 1992. 672 б.
143. Куръони Карим сўзларининг арабча-ўзбекча қўрсаткичли луғати. -Тошкент: Адабиёт ва санъат, 1971. 277 б.
144. ўаззолий Зайниддин Муҳаммад. Кимиёи саодат. -Тошкент: «Камалак», 1995, 80 б.

145. ўаниева С., Неъматов Ҳ. «Ҳилолия» қасидаси|| Санъат, 1991, 11-сон. 8-б.
146. ўаниева С., Неъматов Ҳ. Навоий ғазалиётида тасаввуф оҳанглари || Алишер Навоийнинг адабий маҳорати масалалари. -Тошкент, 1981, 176-179-б.
147. ўаффорова Зиёда. Навоийнинг ҳамд ва наът ғазаллари. -Тошкент: Маънавият, 2001, 62 б.
148. Ҳайитметов А. Навоий даҳоси. -Тошкент: Адабиёт ва санъат, 1970, 173 б.
149. Ҳайитметов А. Шарқ адабиётининг ижодий методи тарихидан. -Тошкент: Фан, 1970. 330 б.
150. Ҳайитметов А. Адабий меросимиз уфқлари, -Тошкент: ўқитувчи, 1997, 238 б.
151. Ҳайитметов А. Навоийхонлик сұхбатлари. -Тошкент: Ёзувчи, 1993, 215 б.
152. Ҳайитметов А. Исломий эътиқод ва буюк ижод маҳсули || Имом ал-Бухорий, № 1, 2001, 41-43-б.
153. Ҳайитметов А. Алишер Навоий ижодининг манбалари ҳақида|| Алишер Навоийнинг адабий маҳорати масалалари (мақолалар тўплами).-Тошкент: Фан, 1993, 3-13-б.
154. Ҳайитов Ш. «Маҳбуб ул-қулуб»да тасаввуфий жилолар. -Тошкент: Фан, 1996, 48 б.
155. Ҳасанов С. Навоийнинг етти тұхфаси. -Тошкент: Адабиёт ва санъат, 1989, 240 б.
156. Ҳаққул И. Шеърият - руҳий муносабат. -Тошкент: Адабиёт ва санъат, 1989, 240 б.
157. Ҳаққұлов И. Тасаввуф ва шеърият. -Тошкент: Адабиёт ва санъат нашриёти, 1991, 184 б.
158. Ҳаққұл И. ўзбек тасаввуф шеъриятининг шаклланиши ва тараққиёти || Филол.фан. док...дис. -Тошкент, 1995.
159. Ҳаққұл И. Аҳмад Яссавий. -Тошкент: Адабиёт ва санъат, 2001, 62 б.
160. Ҳаққұл И. Тасаввуф сабоқлари. -Бухоро: Бухоро Давлат университети, 2000. 143 б.
161. Ҳаққұл И. Ғазал гулшани (адабий сұхбаттар). -Тошкент: Фан, 1991, 70 б.
162. Ҳожиаҳмедов А. Мумтоз бадиият малоҳати.-Тошкент: Шарқ, 1998, 230 б.
163. Ҳожиаҳмедов А. ўзбек арузи луғати.-Тошкент: Шарқ, 1998, 222 б.
164. Ҳожиаҳмедов А. Шеърий санъатлар ва мумтоз қофия. -Тошкент: Шарқ, 1998, 193 б.
165. Ҳомидий Ҳ., Абдуллаева Ш., Иброҳимова С. Адабиётшунослик терминлари луғати. -Тошкент: ўқитувчи, 1970, 300 б.
166. Ҳасаний М., Каримова С. Навоий даври табобати. -Тошкент: Ибн Сино, 1991, 125 б.
167. Ҳакимлар ҳикояти. -Тошкент: Медицина, 1985,125б.
- 168.Ҳеравий Юсуфий. Рисолаи Ситтай зарурия|| Шарқшунослик (тўплам I). -Тошкент: Фан, 1990, 51-59-б.

Мундарижа

Н. Н. РАМАЗОНОВ

**АЛИШЕР НАВОЙЙ ИЖОДИДА ФАҚР: ТАЛҚИН ВА ОБРАЗ**

Кириш .....	7
-------------	---

**1-БОБ. XI-XV АСРЛАРГА ОИД ТАСАВВУФИЙ МАНБАЛАР, НАВОЙЙ САЛАФЛАРИ ИЖОДИ  
ХАМДА ЗАМОНАВИЙ АДАБИЁТШУНОСЛИКДА ФАҚР ТАЛҚИНИ**

**1.1. XI-XV асрларга оид тасаввуфий манбалар ва замонавий адабиётшуносликда  
фақр талқини ҳамда унга муносабат масаласи**

1.1.1. XI-XV асрларга оид тасаввуфий манбаларда фақр талқинлари.....	11
1.1.2. Замонавий адабиётшуносликда фақр талқини .....	20
1.2. Навоийгача форсий ва туркий тилларда ижод қилган шоирлар ижодида фақир образи .....	24
2-Боб. Навоий лирикасида фақир образи: талқин ва таҳлил	
2.1. Фақир образининг навоий лирикасидаги бадиий-эстетик вазифаси .....	47
2.2. Фақир образининг навоий лирикасидаги бошқа образлар билан ўзаро боғлиқлиги ...	64

**3-БОБ. АЛИШЕР НАВОЙЙ ДОСТОНЛАРИДА ФАҚРНИНГ  
БАДИЙ-ЭСТЕТИК ИДЕАЛ СИФАТИДАГИ ЎРНИ**

3.1. “Хамса” қаҳрамонлари ва фақр .....	79
Хулоса.....	94
Фойдаланилган адабиётлар рўйхати .....	101

М. РАЖАБОВА

**АЛИШЕР НАВОЙЙНИНГ ШЕЪРИЙ ДУРДОНАСИ**

Жавоҳирот – машаққатлар меваси.....	110
Муқаддима .....	112

**1 - ФАСЛ**

Насрдаги жавоҳиротнинг назмдаги жилоси .....	115
1.1 Тарихийлавҳалар – шеърий дурдоналар манбай .....	115
1.2 Қалбларни уйғотган насррий гавҳарлар .....	124

## II - ФАСЛ

Лек боридин ғараз инсон эди.....	130
2.1. Илоҳиётданранг олган мисралар .....	130
2.2. Нурли ҳикматлар – теран маъно асоси .....	136
2.3. Гўзал хулқ – комиллик нишони .....	141

## 3 -ФАСЛ

Сеҳргайўғрилгансатрлар .....	146
3.1. Наср ва назм бағридагиёғду .....	146
3.2. Бу бўстон саҳнида гул кўп... .....	149
3.3. Сўз санъати ғоя билан жозиб .....	160
Хулоса.....	169

## НАЗОРА БЕКОВА

### *АЛИШЕР НАВОИЙ ШЕЪРИЯТИДА ҲАМД ПОЭТИКАСИ*

Кириш.....	172
Ҳамд ғазаллар ва «руҳ ул-қудс» қасидасининг ғоявий адабий манбалари ҳамд йўналишидаги асарларнинг тарихий асослари ва уларнинг бадиий тафаккурга таъсири .....	175
Илоҳий тавҳид илмининг бадиий адабиётдаги инъикоси .....	179
Илоҳий-исломий сарчашмалар .....	183
Адабий манбалар ва “ситтай зарурия”.....	189
Ҳамд ғазаллар манбалари, поэтикаси ва тимсоллари анъана ва ижодийлик, адабий таъсир.....	194
Алишер навоийнинг ҳамд ғазаларида қуръоний ғояларнинг бадиий талқини.....	208
Талмеҳли ҳамдлар.....	209
Ҳамд ғазалларда асмои ҳусна талқини.....	215
Ҳамд ғазалларнинг ғоялар олами, бадиияти.....	223
Шарқ қасидачилик тамойиллари ва «ситтай зарурия» «Руҳ ул-қудс»нинг жанрий хусусиятлари ва бадиияти .....	236
Алишер Навоийнинг «ситтай зарурия» қасидалар туркумида комил инсон мадҳи.....	242
«Руҳ ул-қудс»да қофия, вазн, ташхис .....	247
Хулоса.....	252
Фойдаланилган адабиётлар.....	254

УЎК 821.512.133.06(091)

КБК 83.3(5Ў)

И 28

**Истиқлол даври навоийшунослиги:** 30 жилдлик / Алишер Навоий; Муҳаммаджон И момназаров; нашрга тайёровчилар О. Давлатов, Д. Юсупова; Алишер Навоий номидаги халқаро жамоат фонди. – Т.: TAMADDUN, 2021. – 336 бет.

**Ж.8:** XXI аср. Навоийшуносликка кириш. – 336 бет.

*Алишер Навоий номидаги Тошкент давлат  
ўзбек тили ва адабиёти университети  
Илмий кенгаши томонидан нашрга тавсия этилган.*

**ISBN 978 9943 5123-5**

Илмий нашр  
ИСТИҚЛОЛ ДАВРИ НАВОЙШУНОСЛИГИ

ЎТТИЗ ЖИЛДЛИК  
Йигирма олтинчи жилд

*Н. Н. РАМАЗОНОВ*

АЛИШЕР НАВОЙ ИЖОДИДА ФАҚР: ТАЛҚИН ВА ОБРАЗ

*М. РАЖАБОВА*

АЛИШЕР НАВОЙНИНГ ШЕЪРИЙ ДУРДОНАСИ

Назора БЕКОВА

АЛИШЕР НАВОЙ ШЕЪРИЯТИДА ҲАМД ПОЭТИКАСИ

*Б ЗАРИПОВ*

АЛИШЕР НАВОЙ ШЕЪРИЯТИДА ҲАМД  
ПОЭТИКАСИ

Нашр учун масъуллар: *О. Давлатов, Д. Юсупова*

Муҳаррир: *Одил Икром*

Мусаҳҳиҳ: *Шоҳрӯз Мўминзода*

Техник муҳаррир: *Диёра Абдужалирова*

Дизайнер: *Баҳридин Бозоров*

Саҳифаловчи: *Ақмал Фармонов*

“TAMADDUN” нашриёти, 100029, Тошкент шаҳри,  
Навоий кўчаси 30-уй.

Нашриёт лицензияси рақами AI №247.

02.10.2013 йилда берилган.

Босишига рухсат этилди 15.07.2021 й. Бичими 84\*108<sup>1</sup>/<sub>16</sub>.  
Cambrria гарнитураси. Шартли босма табоги 21.  
Нашриёт табоги 23 Адади 1 000 нусха.